

ЎЗБЕКИСТОН РЕСПУБЛИКАСИ ИЧКИ ИШЛАР ВАЗИРЛИГИ  
АКАДЕМИЯ

М. Н. РИЗАЕВ, И. Р. МАВЛЯНОВ, О. Р. МИРТУРСУНОВ

## БИРИНЧИ ТИББИЙ ЁРДАМ

*Ўзбекистон Республикаси Ички ишлар вазирлиги  
томонидан ИИВ олий ўқув юртлари учун дарслик  
сифатида тавсия этилган*

Иккинчи нашр

Тошкент – 2014

*Ўзбекистон Республикаси ИИВ Академиясининг  
Таҳририят-ноширлик ҳайъатида маъқулланган*

**Тақризчилар:**

Тошкент тиббиёт Академияси умумий жарроҳлик кафедраси профессори, тиббиёт фанлари доктори **Т.Х. Қаюмов**

Тошкент тиббиёт Академияси ички касалликлар пропедевтикаси ҳамда гематология ва профилактика курслари кафедраси мудири, тиббиёт фанлари доктори, профессор **М. Ш. Каримов**

Ўзбекистон Республикаси ИИВ госпитали бошлиғи, тиббиёт фанлари номзоди **Х. Х. Усмонов**

**Ризаев М.Н., Мавлянов И.Р., Миртурсунов О.Р.**  
P-9      **Биринчи тиббий ёрдам:** Дарслик (Иккинчи нашр). – Т.:  
Ўзбекистон Республикаси ИИВ Академияси, 2014 – 291 б.

Дарсликда тури шароитларда шошилинч тиббий ёрдам кўрсатишни ташкил этиш асослари ёритиб берилган, одам анатомияси ва физиологияси, касалликнинг юқиши ва юқумли касалликлар ҳақида маълумотлар келтирилган, асептика ва антисептика, десмургия масалалари, суяклар синганда, қон кетганда, куйганда ва совуқ олганда кечикириб бўлмайдиган тиббий ёрдам бериш ва шикастланганларни транспортировка қилиш усуслари, шок ва бошқа экстремал ҳолатларда энг содда реанимация комплексини ўтказиш кўриб чиқилган.

Ўзбекистон Республикаси ИИВ олий ўқув юртларининг тингловчилари ва ҳуқуқни муҳофаза қилувчи органлар ходимларига мўлжалланган.

**ББК 53.5**

---

## СЎЗ БОШИ

Бугунги кунда Ўзбекистон Республикасида инсон саломатлигини сақлаш ва мустаҳкамлаш масалаларига катта эътибор берилмоқда. Бунга. 1996 йилнинг 29 августида қабул қилинган Ўзбекистон Республикаси «Фуқаролар соғлигини сақлаш тўғрисида»ги<sup>1</sup> қонуни яққол далил бўлади. Ушбу қонуннинг 30-бандида баҳтсиз ҳодисалар юз берган жойда кечиктириб бўлмайдиган биринчи тиббий ёрдамни милиция ходимлари, ёнғиндан сақлаш хизмати, авария хизмати, транспорт ташкилотлари ходимлари, қолаверса, бошқа касб вакиллари ҳам кўрсатишлари уларнинг вазифалари сифатида қонунлаштирилган. Қонуннинг ушбу талабини бажариш мақсадида Ўзбекистон Республикаси ИИВ Академияси тиббий тайёргарлик кафедрасининг профессор-ўқитувчилари томонидан мана шу дарслик қайта ишлаб чиқилди.

Муаллифлар асосий эътиборни шаҳар ва қишлоқ шароитида шошилинч тиббий ёрдам кўрсатишни ташкил этиш масалаларини ҳамда одам анатомияси ва физиологияси ҳақидаги маълумотларни ёритишдан ташқари, экстремал ҳолатларда оммабоп замонавий реанимация усулларини қўллашга, қон кетишини тўғри тўхтатиш усулларига, қўл остидаги воситалар ёрдамида суюк синиқларини иммобилизация қилишга, шикастланганларни транспортда ташиш қоидаларига қаратганлар. Дарсликка қўшимча сифатида ички ишлар органлари ходимлари учун кафедра ходимлари томонидан тайёрланган «Биринчи тиббий ёрдам»<sup>2</sup> кўргазмали қўлланмасидан фойдаланиш тавсия этилади. Ушбу қўлланмадаги турли хил расмлар ва чизмалар дарсликда келтирилган назарий билимларни мустаҳкамлашга ёрдам беради.

---

<sup>1</sup> «Фуқаролар соғлигини сақлаш тўғрисида»ги Ўзбекистон Республикасининг 29.08.1996 й. №265-И Қонуни // Ўзбекистон Республикаси Олий Мажлисининг Ахборотномаси, 1996, №9, 128-модда.

<sup>2</sup> Аширметов А.Х., Мавлянов И.Р., Равшанов Р.М., Ризаев Р.М. Биринчи тиббий ёрдам: Ички ишлар органлири ходимлари учун кўргазмали қўлланма/ А.С. Якубов таҳрири остида. – Т.: Ўзбекистон Республикаси ИИВ Академияси, 1998.

Дарсликни ёзишда муаллифлар замонавий адабиётларга, тиббиёт олий ўқув юртларида кўп йиллик педагогик ва даволаш амалиётидан ҳамда Ўзбекистон Республикасининг соғлиқни сақлаш тизимидаги институтларда амалга оширилган илмий изланишлардан орттирилган тажрибаларга суюнганлар. Бундан ташқари, дарслик Ўзбекистон Республикаси Олий ва Ўрта маҳсус таълим вазирлигининг 2012 йил 21 августидаги 341-сонли буйруғи билан тасдиқланган таълим мутахассисликлари бўйича Давлат таълим стандартларига мувофиқ қайта тайёрланган бўлиб, ҳукуқни мухофаза қилиш соҳасидаги мутахассисларни тайёрлашда катта аҳамиятга эга. Назарий билимларни мустаҳкамлаш мақсадида дарсликда турли хил расмлар ва чизмалар келтирилган.

Ушбу дарслик тиббиёт масалалари бўйича нисбатан кам маълумотга эга бўлган ички ишлар органлари ходимлари учун тайёрланган. Муаллифлар Сиз кўрсатган барча камчиликларни, таклиф ҳамда тилакларингизни миннатдорлик билан қабул қиласидилар. Келажакда бу фикр ва мулоҳазаларингиз дарсликнинг янги нашрларини яратишда, албатта, эътиборга олинади.

---

---

## **БИРИНЧИ ТИББИЙ ЁРДАМ КЎРСАТИШНИНГ АСОСИЙ ПРИНЦИПЛАРИ. ИЧКИ ИШЛАР ОРГАНЛАРИ ФАОЛИЯТИДА ТИББИЙ ДЕОНТОЛОГИЯНИ ҚЎЛЛАШ**

Ҳар бир инсон умрини узайтириш, соғлиғини сақлаш ва мустаҳкамлаш муаммоларини ҳал этиш соғлиқни сақлаш соҳасининг муҳим вазифасидир. Мамлакатимизда бу масалалар даволаш-профилактика ёрдамининг, шу жумладан, аҳолига тез тиббий ёрдам кўрсатишнинг ташкилий шаклларини доимий такомиллаштириш орқали амалга оширилади. Соғлиқни сақлаш масалаларини тўғри ташкил қилиш назария ва амалиётнинг узвий боғлиқлигидан келиб чиқади, яъни ҳозирги замон тиббиёт фани эришган ютуқларни амалиётга татбиқ қилиш билан чамбарчас боғлиқдир.

Ўз вақтида кўрсатилган биринчи тиббий ёрдам, кўпинча, баҳтсиз ҳодисалар ва тўсатдан касалланиш ҳолларида шикастланганлар ва беморлар ҳаётини сақлаб қолишида ҳал қилувчи омилга айланади. Ҳеч бўлмагандан касалликнинг давомийлиги, вақтинча ишга лаёқатсизлик ва ногиронликнинг олдини олишда сезиларли ижобий таъсир кўрсатади. Шу билан бир қаторда тиббиёт ривожининг ҳозирги даражасида биринчи ва малакали тиббий ёрдамнинг ўз вақтида кўрсатилиши ўзига хос ижтимоий ва иқтисодий аҳамият касб этади. 1996 йилнинг 29 августида қабул қилинган «Фуқаролар соғлиғини сақлаш тўғрисида»ги қонуннинг 30-бандида ички ишлар органлари ходимлари жароҳат олинган жойда, «Тез тиббий ёрдам» хизматини кутмасдан, биринчи тиббий ёрдам кўрсатишлари кераклиги белгилаб қўйилган.

### **«Тез тиббий ёрдам» хизматини ташкил қилиш**

Биринчи тиббий ёрдам кўрсатиш чора-тадбирлари ва хизмати тизимида «Тез тиббий ёрдам» хизмати алоҳида ўрин тутади. Аҳолининг ўткир юрак-томир тизими касалликлари, жароҳат ва шикастланишлар, болаларнинг, айниқса, бир ёшгача бўлган болаларнинг тўсатдан касалланиши бўйича мурожаат этишлари сонининг ошиши умумий соғлиқни сақлаш тизимида «Тез тиббий ёрдам» хизматининг аҳамиятини янада оширди. Маълумки, баҳтсиз ҳодиса, шикастланиш ва тўсатдан оғриб қолиш ҳоллари, кўпинча, кутил-

маган шароит ва жойларда, масалан, кўчада, ишлаб чиқаришда, транспортда, жамоат ва туар жойларда юз бериши мумкин. Бу эса ташхис қўйиш ҳамда шикастланган шахс аҳволининг оғирлиги, жароҳат ва касалликнинг хусусиятига қараб шошилинч ёрдам кўрсатиш масалаларини қисқа вақт ичида ҳал қилишни тақозо этади. Зеро, bemorning ҳаёти ва оғир касалликдан ёки олинган шикастланишлардан даволанишнинг натижаси кўп жиҳатдан зарур шошилинч ёрдамнинг ўз вақтида кўрсатилишига боғлиқ. Шу билан бир қаторда шошилинч тиббий ёрдамнинг аниқ ва сифатли кўрсатилиши касалланган ва шикастланган bemorlarning стационар шароитдаги тақдирига ҳам таъсир кўрсатади.

Катта шаҳар шароитида ҳам, қишлоқ шароитида ҳам шошилинч госпитализация маълум вақтни талаб этади. Критик (хаёт учун хавфли) бўлган ҳолат эса анча аввал келиб чиқиши ва ўлимга олиб келиши мумкин. Демак, bemor ёки жароҳатланган шахс ҳаётини сақлаб қолишнинг муҳим ва энг оқилона шарти шошилинч ташхис қўйишнинг самарали усулларини қўллаш ва (минимал ҳажмда бўлса ҳам) даволашни имкон қадар амалга оширишдан иборатdir.

Ҳозирги кунгача тез ва шошилинч ёрдам кўрсатишнинг энг муҳим вазифаси bemor ва шикастланганларга шошилинч тиббий ёрдамнинг энг оддий турларини кўрсатиб, тезлик билан уларни касалхонага олиб боришдан иборат эди. Ҳозирги вақтда касалхонагача бўлган даврда ташхис ва даволаш тадбирларининг ҳажми миқдор ва сифат жиҳатдан кенгайди. Албатта, бунга ҳозирги замон тиббиёт фанининг ривожланиши, аҳолига тез ва шошилинч тиббий ёрдам кўрсатишни яхшилашга қаратилган бир қатор тадбирларни ҳаётга жорий қилиш ёрдам берди.

Ҳозирги вақтда республикамиздаги тез ва шошилинч ёрдам хизмати кўп сонли врачлар ва ўрта тиббиёт ходимлари фаолият кўрсатадиган ихтисослашган муассасаларнинг ривожланган тармоғини ташкил қиласди. Бу муассасалар касалхонагача бўлган босқичда ҳамма турдаги тиббий ёрдамни кўрсата оладиган тажрибали мутахассислар билан таъминлангандир. «Тез ёрдам» хизмати таркибида ихтисослашган бригадаларнинг ташкил қилиниши ва ўткир оғир касалликларга учраган bemorlarга уй шароитида хизмат кўрсатишнинг кенгайиши ҳисобига тиббий ёрдам ҳажми ошди. Сурункали касаллик билан оғриган bemorlar сонининг ўсиши ва кишиларнинг ўртacha умр қўриш давомийлигининг ошиши аҳоли

ўртасидаги касаллик таркибининг ўзгаришига олиб келди. Касалхонагача бўлган босқичда bemor ва шикастланганлар ҳаётини сақлаб қолишга қаратилган ташхис ва даволаш чора-тадбирларининг тўлақонли комплексини кўллаш имконияти яратилди. Бу эса, ўз навбатида, тез ва шошилинч ёрдам хизмати ходимларига нисбатан талабни кучайтириди.

Шаҳар ва қишлоқ шароитларида тез ёрдам кўрсатиш принциплари бир хил бўлишига қарамай, уни ташкил қилиш ва амалга ошириш ўзига хос хусусиятларга эгадир.

Катта шаҳарларда унинг узок туманлари аҳолисига шошилинч тиббий ёрдамни қисқа вақт ичida кўрсатиш ҳамда бу хизматга оператив раҳбарлик сифатини ошириш учун «Тез ва шошилинч ёрдам станциялари» ташкил қилинди. Улар маъмурий ва оператив жиҳатдан шаҳар тез ёрдам станциясига бўйсунадилар (Тошкент, Андижон ва бошқа йирик шаҳарларда).

Қишлоқ жойларида тез ва шошилинч тиббий ёрдам хизмати кўрсатиш марказий туман касалхоналари (МТК) қошида ташкил қилинган «Тез ёрдам» бўлимларига ёки мустақил станцияларга юклатилган. Бундай бўлимлар қишлоқ туманларининг бошқа касалхоналарида – участка, туманлараро, корхоналарнинг тиббий санитария бўлимлари касалхоналари каби жойларда ҳам жорий этилган бўлиши мумкин. Барча туман тез тиббий ёрдам бригадалари навбатчилик пайтида марказий туман касалхонасининг масъул навбатчи врачига бўйсунади ҳамда шароитга қараб, туман миқёсида ишлаши мумкин. Бундай ёндашув қишлоқ жойларида бу бригадалар фаолиятининг оператив имкониятларини анча кенгайтиради.

Мамлакатимизда «Тез тиббий ёрдам» хизматини қишлоқ жойларида ривожлантириш ва мустаҳкамлашга катта эътибор берилмоқда. Бу ўринда қишлоқ аҳолисига кўрсатиладиган тиббий хизмат даражасини шаҳар шароитидаги тиббий ёрдам кўрсатиш даражасига яқинлаштириш, қишлоқ жойларида даволаш ва профилактика усуллари, уларнинг шаклларини такомиллаштириш катта аҳамиятга эга. Айни шароитда соғлиқни сақлаш соҳасидаги асосий муаммо нафақат қишлоқ аҳолисига стационар ёрдамни ташкил қилиш, шу билан бир қаторда, амбулатор-поликлиника хизматини, айниқса, катта ёшдагилар ва қарияларга, болаларга тез ва шошилинч ёрдам кўрсатишини янада такомиллаштиришдан иборатdir.

Соғлиқни сақлаш муассасаларининг жойлашуви, бу хизматни ташкил қилиш шакллари ва қишлоқ аҳолисига тиббий ёрдам

күрсатиши усуллари улар тарқоқ жойлашган шароитда шаҳардагидан фарқлироқ бўлади.

Марказий туман касалхоналарида тез ва шошилинч биринчи ёрдам бўйича ҳамма чақириқларга марказлашган тарзда хизмат кўрсатиши ташкил қилиш катта роль ўйнайди. Бу маълум даражада чекка қишлоқлар аҳолисига керак бўлган амбулатор-поликлиник биринчи ёрдам кўрсатиши енгиллаштиради.

Тез тиббий биринчи ёрдам бўлимлари ва станциялари асосан, туман маркази ва ён-атрофдаги аҳолига хизмат қиласди. Бошқа турар жой пунктлари чақириқларига хизмат қилиш учун эса участка касалхоналари таркибида тез ёрдам подстанциялари ташкил қилинган. Одатда бундай подстанциялар хизмат қилиш радиуси 25–30 км дан ортиқ бўлганда ташкил қилинади.

Тез ва шошилинч биринчи ёрдам станциялари бир йилда бўладиган чақириқлар сонига қараб категорияларга бўлинади. Қишлоқ жойларида 25 мингдан 50 минггача чақириқларга хизмат қиладиган учинчи ва 10 мингдан 25 минггача чақириқларга хизмат қиладиган тўртинчи категорияли станциялар бўлади. 100–200 минг аҳолиси бўлган йирик туман марказларида йилига 75 мингдан 100 минггача ва 50 мингдан 75 минггача чақириқларга хизмат қиладиган биринчи ва иккинчи категорияли станциялар фаолият кўрсатади.

Тез ёрдам машиналари ҳам, худди шаҳардагидек, нормативга асосан, ҳар 10 минг аҳолига 1 машина ҳисобида тақсимланади.

Тез ва шошилинч ёрдам бўлимлари ва станциялари мунтазам равишда рўй берган баҳтсиз ҳодисалар сабабини таҳлил қиласди, ҳисобини олиб боради, ҳисбот тайёрлайди ва бу ҳақда туман бош врачиға ахборот беради.

Кейинги йилларда қишлоқ жойларида олиб борилган самарали ишлар туфайли аҳолига тез ёрдам кўрсатиши соҳасида бирмунча ютуқларга эришилди, тиббий хизмат сифати ошиб, шаҳар шароитига янада яқинлашди. Қишлоқ аҳолисига тез ва шошилинч ёрдам кўрсатиши сифатини ошириш, уни такомиллаштириш мақсадида тез ёрдам бўлимлари ва станцияларини аҳоли эҳтиёжига қараб қўшимча фельдшер ва врачлар бригадалари билан кучайтириши масаласи деярли ҳал қилинди.

Хозирги вактда тез ва шошилинч тиббий ёрдам хизмати ҳамма турдаги махсус тиббий ёрдамни кўрсата оладиган, юксак даражада ташкил қилинган тиббий муассасалар мажмуини ташкил қиласди.

## **«Биринчи тиббий ёрдам асослари» предметини ўқитишининг зарурияти**

Бахтсиз ҳодиса юз берганда ва тўсатдан касал бўлиб қолганда тез тиббий ёрдам кўрсатиш катта аҳамиятга эга. Аммо жуда яхши ташкил қилинган шифоркорлик давоси ҳам, агар шикастланган кишига ўз вақтида керакли бўлган биринчи тиббий ёрдам кўрсатилмаса, самарасиз ва кечиккан бўлиши мумкин. Чунки ҳамма бахтсиз ҳодисаларда шикастланиш тўсатдан ва ҳаёт учун хавфли бўлиши билан характерлидир. Шикастланиш натижаси, айниқса, оғир ва хавфли бўлган шикастланишларда, илк дақиқалардаёқ ҳал бўлади. Шунинг учун ҳам бахтсиз ҳодиса содир бўлган жойдаги кишининг тез ва самарали биринчи ёрдам кўрсатиш қобилияти жуда муҳим ва ҳаётий аҳамият касб этади.

Шу билан бир қаторда биринчи ёрдам кўрсатишида жуда эҳтиёт бўлиш керак. Чунки сиз ёрдам бермоқчи бўлган кишига қўшимча шикаст етказишингиз мумкин. Шуни эсда тутиш керакки, сиз томондан берилаётган ёрдам фақат даволашнинг бошланишидир. У қанчалик зарур бўлмасин, ҳеч қачон врач мутахассиснинг малакали ёндашуви ўрнини боса олмайди. Сизнинг вазифангиз шикастланганни даволаш эмас, фақат биринчи ёрдам кўрсатиш. Биринчи тиббий ёрдамни тез ва сифатли кўрсатиш учун эса маҳсус билимга эга бўлишингиз лозим.

### **Биринчи тиббий ёрдамнинг аҳамияти ва қоидалари**

Тинчлик вақтида энг кўп учрайдиган бахтсиз ҳодисаларга: механик жароҳат, куйиш, иссиқ ва офтоб уриш, совук уриш ва умумий музлаш, чўкиш ва ер босиб қолиши туфайли бўғилиш, ис газидан заҳарланиш, электрдан жароҳатланиш ва чақмоқдан шикастланиш кабилар киради. Бу ҳолатларда биринчи тиббий ёрдамнинг асосий вазифалари шикастланганлар ҳаётини энг зарур чора-тадбирлар билан саклаб қолиш, уларнинг азобланишини камайтириш, келиб чиқиши мумкин бўлган асоратларнинг олдини олиш ҳамда касаллик ва жароҳат кечувини енгиллаштиришдан иборат бўлади.

Биринчи тиббий ёрдам воқеа содир бўлган жойда шикастланганнинг ўзи (ўз-ўзига ёрдам) ёки бошқа киши томонидан (ўзаро ёрдам) ҳамда маҳсус ўргатилган шахслар томонидан кўрсатилади.

Биринчи тиббий ёрдам кўрсатишда тезлик билан шикастловчи манба (фактор)ни аниқлаш, уни йўқотиш, ҳар бир жароҳатда тавсия қилинадиган тиббий ёрдам чораларини қўллаш, врачни чақириш ёки жароҳатланганни яқин тиббиёт муассасасига олиб бориш керак. Баъзи ҳоллар (кучли қон кетиш, оғир суяқ синишлари, эс-хушни йўқотиш, нафас олиш ва юрак фаолиятининг тўхташи ва бошқалар)да шикастланганларга шу жойнинг ўзида тезлик билан шошилинч тиббий ёрдам кўрсатмай туриб, уларни ташиш (транспортировка қилиш) мутлақо мумкин эмас.

Бундай ҳолларда реанимация чора-тадбирлари керак бўлади. Реанимация (жонлантириш) ўлаётган кишини ҳаётга қайтаришга, унинг орган ва тўқималарида қайтмас ўзгаришларнинг олдини олишга қаратилган, зудлик билан амалга ошириладиган чора-тадбирлар мажмуидир. Бунда биринчи навбатда, шикастланганларнинг нафас олиши ва қон айланишини тиклашга ва ушлаб туришга эришилади. Реанимациянинг мураккаб бўлмаган чоралари (сунъий нафас олдириш, билвосита юрак массажи) ҳар бир кишига маълум. Шу билан бир қаторда, кўпгина ҳолларда ши-кастланганлар қон тўхтатиш, оғриқ азобидан қутилиш, суяги синган қўл-оёқни ҳаракатсизлантириш, яра, куйган ва совук урган юзаларни инфекциядан ҳимоялаш каби ҳар бир киши амалга ошириши мумкин бўлган ёрдамларга муҳтож бўладилар.

Биринчи тиббий ёрдам кўрсатиш воқеа содир бўлгандан сўнг, иложи борича, қисқа фурсат ичида амалга оширилиши керак. Кучли қон кетиш, электрдан шикастланиш, чўкиш, бўғилиш, юрак фаолиятининг тўхташи ва бошқа қатор ҳолатларда биринчи тиббий ёрдам зудлик билан, кечиктирмай кўрсатилиши лозим. Агар бир пайтда бир неча киши жароҳат олса, кўрсатиладиган ёрдам муддати ва кетма-кетлиги аниқланади. Болаларга ва шошилинч ёрдамга муҳтож кишиларга керакли ёрдам биринчи навбатда кўрсатилади. Кўп сонли ва қўшимча жароҳат олган кишиларга биринчи тиббий ёрдам кўрсатишда амалга ошириладиган чора-тадбирларнинг кетма-кетлиги аниқланиши керак.

Аввал шикастланган одам ҳаётини сақлаб қолишга имкон берадиган ёки биринчи тиббий ёрдамнинг кейинги чора-тадбирларини қўллаш учун шарт бўлган усул-амаллар бажарилади. Чунончи, сон суяги очиқ синиб, артериядан қон кетиб турганда биринчи навбатда, ҳаёт учун хавфли бўлган қон кетишини тўхтатиш, сўнгра

жароҳатга стерил боғлам қўйиш ва ундан кейингина оёқни қимирлатмайдиган қилиб боғлашга киришиш керак. Синган жойни ҳеч қимирламайдиган қилиб қўйиш учун эса маҳсус шина боғлаш ёки қўл остидаги воситалардан фойдаланиш керак.

Биринчи тиббий ёрдамнинг хамма усул-амалларини эҳтиёт бўлиб ва авайлаб бажариш лозим. Қўпол харакатлар қилинадиган бўлса, бу шикастланган кишига зарар қилиши ва унинг аҳволини ёмонлаштириши мумкин. Биринчи тиббий ёрдамни бир эмас, балки икки ёки бир неча киши кўрсатадиган бўлса, у ҳолда келишиб иш кўриш керак. Бунда ёрдам кўрсатаётгандарнинг бири бошлиқ бўлиб, биринчи тиббий ёрдамнинг барча усул-амаллари бажарилишига раҳбарлик қилиб туриши лозим.

Биринчи тиббий ёрдам кўрсатиш шароитида ташхис масаласи муҳим аҳамият касб этади. Чунки ўз вақтида ва тўғри қўйилган ташхис касаллик ёки шикастланиш турини аниқлашга ва шу асосда зарур ёрдам кўрсатиш тадбирлари кетма-кетлиги режасини тузишга имкон яратади. Ташхис касаллик ёки жароҳатнинг субъектив ва объектив белгиларини аниқлаш асосида қўйилади. Субъектив белгиларга bemor ёки жароҳатланганнинг шикоятлари (агар унинг эс-хуши жойида бўлса) киради. Объектив белгиларга эса касаллик ва жароҳатнинг ташқи белгилари ёки маълум услубий ёндашув орқали аниқланадиган, масалан, пульсни (томир уришни) ўлчаш, нафас олиш ва чиқаришнинг миқдори, рефлекслар ва бошқа белгилар киради.

Касаллик ёки шикастланишнинг объектив ва субъектив белгилари умумий ва шу ҳолат учун хос бўлиши мумкин. Шу туфайли бу белгиларни аниқлаш ва тахминлаш йўли билан дастлабки ташхисни қўйиш мумкин. Ташхис асосида эса зарур бўлган ёрдам тури ҳам аниқланади.

## **Биринчи ёрдам воситалари**

Тез тиббий ёрдам кўрсатишида *биринчи ёрдам воситалари* қўлланилади. Улар табель ва қўл остидаги воситаларга бўлинади. Биринчи ёрдам табель воситаларига боғлов материаллари, бинтлар, тиббий боғлов пакети, стерил боғлов материаллари, салфеткалар, пахта ва бошқалар киради. Қон кетишини тўхтатишида қон тўхтатувчи жгутлар, иммобилизация учун фанерли, нарвонсимон, тўрсимон шиналар каби табель воситалари қўлланилади. Биринчи

тиббий ёрдам кўрсатишда баъзи дори-дармонлар ҳам қўлланилади: йоднинг 5 % спиртли эритмаси, бриллиант кўки (зелёнка)нинг 1–2 % спиртли эритмаси, валидол таблеткаси, валериана тиндирмаси, навшадил спирти, натрий гидрокарбонат таблеткаси ёки порошоги, вазелин ва бошқалар. Одатда, биринчи тиббий ёрдам табель воситалари жамоат транспорти ёки шахсий транспорт ҳайдовчилари аптечкаси таркибиға киради ҳамда оммавий дам олиш жойларида ҳам бўлади.

Биринчи ёрдам кўрсатиш вақтида табель воситалари бўлмаса, қўл остидаги воситалардан фойдаланилади. Биринчи тиббий ёрдам кўрсатишда бундай воситалар сифатида тоза чойшаб, кўйлак, мато (оқ мато), картон, фанер, тахта, ёғоч ва бошқаларни қўллаш мумкин.

### **Жароҳатланганларни транспортда ташиш**

Жароҳатланган ва касалларни транспортда ташишда, асосан, (автомобиль, темир-йўл транспорти), ҳаво (самолёт, вертолётлар), сув (дарё ва денгиз транспорти), шунингдек, санитар ва мослаштирилган транспорт воситалари қўлланилади. Жароҳатланган шахс ёки касалларни ташиш замбилда, қўлда, орқада, елкада ҳамда қўл остидаги воситалардан фойдаланиб амалга оширилади. Жароҳатланганлар бир киши ёки бир неча киши ёрдамида ташилади. Энг мақбул, оғриқ чақирмайдиган ва авайлаб ташиш усули замбил ёрдамида ташишdir. Бемор ёки жароҳатланганларни ташишда, иложи борича, эҳтиёт қиласидиган шароит яратиш керак. Уларни қулай ва тўғри ҳолда ётқизиш керак.

Ташиш ва транспортда ташиш жараёнида нотўғри ҳаракат қилиш жароҳатланган ёки bemor аҳволининг ёмонлашувига, қўшимча жароҳатларнинг келиб чиқишига, қон кетишининг қучайишига, сувяк бўлакларининг жойидан силжишига ва бошқаларга олиб келиши мумкин.

Оёқлар ва бош сувянинг шикастланишида жароҳатланганларни чалқанча, умуртқа поғонаси сувяклари синганда эса, аксинча, қоринга ётқизиш лозим. Агар умуртқа поғонаси сувяклари жароҳатланган кишини замбилга чалқанча ётқизилса, унда, албатта, замбилга ёғоч шит ёки кенг тахта қўйилиши керак.

Қорин ва тос сувяклари шикастланганда жароҳатланган чалқанча ётқизилиб, оёқлар бир оз ташқарига кенгайтирилади, тизза ва сон бўғимлари букилади. Бунда тизза бўғимлари тагига кийимдан ёстиқча қўйилади.

Шикастланганларни замбилда ва транспортда ташишда уларнинг умумий ҳолатини, боғлам ёки иммобилизация шинасининг тўғри қўйилганлигини кўздан кечириш лозим. Агар жароҳатланганларни ташиш узок давом этса, уларнинг ҳолатини ўзгартириш, бошлари тагидаги ёстиқчаларни тўғрилаб туриш керак.

Горизонтал текис ерда ташишда жароҳатланганларни оёқ соҳаси олдинда бўлади. Агар жароҳатланган эс-хушини йўқотган бўлса, бош томони олдинда бўлади. Чунки бунда уни қузатиб бориш имкони бўлади. Юқорига ёки пастга туширишда эса уни горизонтал ҳолда ушлаш керак. Юқоридан пастга туширилаётганда шикастланганинг оёқ соҳаси олдинда, кўтарилаётганда эса, аксинча, бош соҳаси олдинда бўлади.

Жароҳатланган ёки касалларни транспорт воситасига жойлаштиришда аввал замбил юқори қаторларга қўйилади, кейин эса пастки қаторларга жойланади, туширилаётганда эса, аксинча, аввал пастки қаторлардан, сўнгра эса юқориги қаторлардан замбил олинади.

Бош суюги, умуртқа поғонаси, қорни жароҳатланганлар ҳамда оғир яралангандар пастки қаторларга жойлаштирилади, чунки юқорига нисбатан пастки қаторларда камроқ чайқалиш қузатилади.

## **Кўп сонли жароҳатланиш ва касалланишларда шошилинч тиббий ёрдам кўрсатиш**

Маълумки, баҳтсиз ҳодисалар, фалокат, табиий оғат ва бошқалар вақтида воқеа содир бўлган жойда кўп сонли жароҳатланганлар бўлади. Бундай ҳолатларда тез ёрдам қандай ташкил қилинади? Қандай ёрдам амалга оширилади қандай кетма-кетликда? Бундай ҳолларда воқеа содир бўлган жойда тиббиёт ходими ёки биринчи тиббий ёрдам кўрсатиш қўнималарига эга бўлган шахс воқеа оқибатларини бартараф қилиш учун қўлланиладиган чора-тадбирларни ўтказиш бўйича жавобгар бўлади. У ҳамма жароҳатланганларга ёрдам берилмагунча ёки тез ёрдам бригадаси етиб келмагунча ўша жойда қолиши керак.

Бу ҳолатда ҳал қилиниши лозим бўлган асосий масалалар қуйидагилардан иборат: шикастланиш тури бўйича жароҳатланганлар гуруҳларини ташкил қилиш, ҳаётий кўрсатмалар бўйича тез тиббий ёрдам кўрсатиш, жароҳатланганларни тезкорлик билан, уларнинг ҳолати ва жароҳати даражасига қараб, навбат билан даволаш муассасасига эвакуация қилиш.

Жароҳатланганларга ёрдам кўрсатиши ташкил қилиш бўйича умумий бошқарув маҳаллий соғлиқни сақлаш органларига юклатилади.

Амалий бошқарув оператив бўлим орқали, ўчоқдаги (табиий ёки баҳтсиз ҳодиса юз берган жойдаги) масъул тиббий ходим ва тез тиббий ёрдам станциясининг масъул навбатчи врачи томонидан амалга оширилади. Ўчоқда барча ишларга масъул фельдшер тез тиббий ёрдам станциясининг масъул врачига бўйсунади. У воқеа содир бўлган жойга етиб келиши билан шароитни баҳолаб, барча тиббий ходимларни биринчи тиббий ёрдам кўрсатишга йўналтириши, сўнгра ўз ўрнини белгилаши керак.

У жароҳатланганлар сонини аниқлайди ва шунга мос равища радио ёки телефон орқали қўшимча тез ёрдам машиналарини чақириш масаласини ҳал қиласди. Фельдшер муассаса раҳбарияти, ички ишлар идоралари ходимлари ва фавқулотда вазиятлар вазирлигига тегишли қутқарув хизмати билан алоқа боғлайди ва жароҳатланганлар эвакуацияси йўналишини аниқлайди.

Жароҳат турига қараб, тиббий саралаш ва биринчи тиббий ёрдам кўрсатиш учун фельдшер ва ҳамширалар ажратилади.

Янги келган бригадаларни ўз бошқарувига олиб, бош врач билан биргаликда жароҳатланганларни госпитализация қилиш ва кўрсатмалар бўйича профилли касалхоналарга эвакуация қилиш тартибини аниқлайди.

Ўчоқда ишлар тугаганидан сўнг воқеа содир бўлган жойни шахсан текширади ва обьект раҳбарига ҳамда тез тиббий ёрдам станцияси масъул навбатчи врачига ахборот беради, уларнинг рухсати билан воқеа содир бўлган жойдан ҳаммадан кейин жўнаб кетади.

### **Криминал ҳолатларда чақирилган тиббий ходимнинг ҳаракати ва вазифалари**

Тиббиёт ходимлари, агар ички ишлар идоралари ёки прокуратура ходимлари бўлмаса, воқеа содир бўлган жойда ҳамма бегона кишиларни чиқариб юборадилар. У ердаги нарсалар жойидан ўзгармаслигини назорат қиласдилар (мебелларни жойидан қўзғатиш, қофозларни бир-бирига қўшиш ёки ташлаб юбориш, полни супуриш ёки йиғишириш ва бошқаларга йўл қўйилмайди).

Воқеа содир бўлган жойдаги жиҳозларнинг жойлашувини иложи борича ўзгартирмасликка ҳаракат қилиб, жароҳатланганга зарур тез ёрдам кўрсатилади. Воқеа содир бўлган жойда қурол ёки бошқа воситалар топилганда, уларни ички ишлар идоралари ёки прокуратура ходимлари етиб келгунча қайси жойда ва қандай ҳолда топилган бўлса, шундайлигича сақлаш чоралари кўрилади. Бу воқеа содир бўлган жойдаги масъул шахслар ёки шу мақсадда чақирилган маҳсус шахсларга уларни қўриқлаш вазифасини юклаш орқали амалга оширилади. Фельдшер шуни эсда тутиши керакки, жиноят содир қилинган воситаларда, жароҳатланган атрофидаги предметларда қон излари, бармоқ излари ва бошқалар бўлиши мумкин. Улар тергов олиб бориш учун сақланиб қолиши керак.

Тез ёрдам ходимлари етиб келган вақтда жароҳатланган қўлида сиқилиб қолган қурол воқеа содир бўлган жойда қолдирилади. Осиш ёки бўғиши учун ишлатилган сиртмоқ ечилмайди, балки кесиб олинади ва воқеа содир бўлган жойда қолдирилади.

Захарланиш ҳолатларида заҳарли модда бор бўлган ёки теккан ҳамда бор бўлиши мумкин бўлган барча предметларга эҳтиёткорлик билан ёндашиш керак. Озиқ-овқатдан заҳарланиш ёки интоксикация белгилари бор бўлган бемор сўроқ қилинганда, унинг ёки атрофдагиларнинг фикрича, қайси маҳсулотлар касалликка сабаб бўлганлигини, улар қаердан сотиб олинганлигини аниқлаш лозим. Воқеа содир бўлган жойда аниқ ўлим белгилари (мурда доғлари, мурда қотиши) бўлган мурда топилганда уни қандай ҳолатда ва кўринишида топилган бўлса, шу кўринишида ички ишлар идоралари ёки прокуратура ходимлари етиб келгунча сақлаб туришга тўғри келади. Ўлим содир бўлганини аниқлаш учун тиббий ходимлар, ҳатто мурда ҳолати ва кўринишини ўзгартириш зарур бўлса ҳам, барча керакли тиббий чораларни қўллашлари лозим. Қон доғлари ва ифлосланган соҳаларни ювиб ташлаш мутлақо ман қилинади. Мурда қўлида сиқилиб қолган жиҳозларга (қурол, қофоз ва бошқалар) тегиши, ўлим сабаби ҳақида хулоса бериш фельдшернинг вазифасига кирмайди. У фақатгина юзаки кўрик асосида ўлим сабаби ҳақида хулоса қилиш ҳукуқига эга эмас. Воқеа содир бўлган жойдаги тезкор ўлим ҳақида фельдшер ички ишлар идоралари ходимларига хабар бериши керак.

Криминал ҳолат туфайли ва ёки зўраки ўлимга шубҳа туғилган ҳолларда мурда фақат ички ишлар идоралари ёки прокуратура

органлари рухсатидан сўнг воқеа содир бўлган жойдан олиб кетилади. Мурда воқеа содир бўлган жойда қолдирилганда, унга тегилмайдиган шароитда саклаш учун, ички ишлар идоралари ёки прокуратура органлари ходимлари етиб келгунча, мурдани ва у турган жойни қўриқлаш масъул шахсларга топширилади ва бу шахс фамилияси чақириқ қофозига ёзиб қўйилади.

Криминал ҳолат ҳақидаги барча маълумотлар оператив ёки воқеа содир бўлган жойга етиб келган ходим томонидан фақат тергов органлари вакилларига ва тез ёрдам хизмати маъмуриятига хабар қилинади. Агар содир бўлган воқеа криминал характерда эканлиги чақирилган ходим етиб келганда аниқланса, у ҳолда ходим станция катта навбатчи врачини бу ҳақда хабардор қилиши керак. Жароҳатланган госпитализация қилинса, фельдшер уни қайси касалхонага ётқизилганлигини тез ёрдам станциясига хабар қилиши лозим.

### **«Тез тиббий ёрдам» хизмати ходимлари фаолиятида тиббий этика ва деонтология**

Тиббий деонтология тиббиёт ходимларининг шахсий манфатинигина эмас, балки уларнинг bemорга нисбатан бурчи ва меҳрибонлигини ҳам ифода этади.

Тиббий деонтологиянинг асосий вазифалари машҳур жарроҳ Н. Петровнинг 1944 йилда чоп этилган «Жарроҳлик деонтологияси масалалари» китобида белгилаб берилган.

Улар қўйидагилардан иборат:

- 1) тиббий муассаса ходимларининг ҳуқуқ ва вазифаларини тўғри тақсимлашга асосланган ишни йўлга қўйиш;
- 2) ўтказилаётган даволаш натижаси яхши бўлишида bemор руҳиятини доим ҳисобга олиб бориш ва уни авайлаш;
- 3) турли касалликлар тўғрисидаги илмий билимларни ҳар бир bemор касаллигини аниқлаш ва даволашга қаратиш;
- 4) «bemор жарроҳлик учун эмас, балки жарроҳлик bemор учун» деган шиорга амал қилиш;
- 5) ўз иш фаолиятида йўл қўйилган хато ва камчиликларни аниқлаш ва муҳокама қилиш йўли билан тажриба тўплаш.

Жарроҳликда арзимас нарсанинг ўзи йўқ. Бу машаққатли ва хатарли ишдир. Шу сабабдан ҳам бу принципларга амал қиласли, деонтология қоидаларини кўпол бузиш демакдир.

Врачнинг нотўғри хатти-ҳаракати натижасида беморнинг умумий аҳволи оғирлашиши ва ҳатто «янги ятроген» касалликлар келиб чиқиши мумкин.

И. А. Кассирский ятроген касалликларнинг сабаб ва шакллари ни қуидагича таърифлаб беради:

- тиббий ходимларнинг эҳтиётсизлиги туфайли беморни шикастлантириш;
- тиббий адабиётларни ўқишга алоқадор бўлган билвосита шикастлантириш;
- психопатик, психоастеник реакцияга мойил бўлган беморлар рухиятини шикастлантириш;
- тиббий асбоб-ускуналар ёрдамида ўтказиладиган нотўғри текширишлар, дори-дармонларнинг янглиш берилиши ва бошқалар.

Бемор рухиятини асраш, ятроген касалликларнинг олдини олишда ўзини тўғри тутиш, эътиборли бўлиш ва зийраклик сифатларини алоҳида таъкидлаб ўтиш зарурдир.

Ҳар бир тиббий ходим юқори даражада маданиятли бўлиши керак. Унда тиббиётга зид, заарарли одатлар (чекиш, спиртли ичимликлар истеъмол қилиш ва бошқалар) бўлмаслиги даркор, ундан шахсий гигиена ва эстетика қоидаларига қатъий амал қилиш талаб қилинади, кийимлари ораста, юриш-туришига мос, бежирим бўлиши керак. Чунки ўта ранг-баранг ва қўпол кийимлар беморга салбий таъсир кўрсатиши мумкин. Ҳар хил атир-упа ва бўёқларни меъёрида ишлатиш зарур. Беморлар соғлиғини ўйлайдиган тиббий ходим, табиийки, улар ёнида ўзининг шахсий ишлари тўғрисида гапирмаслиги лозим.

Тиббий деонтология қоидаларига амал қилиш фармацевтика ходимларига ҳам тааллуқлидир.

Тиббий ходим ва провизор врачлик сир-асорини ошкор қилмаслиги керак, чунончи:

- а) bemornining ўзидан ёки даволаш жараёни давомида олинган маълумотларни жамоатчиликка ошкор қилмаслик;
- б) bemorlar tўғrisidagi баъзи маълумотларни уларнинг ўзларига ҳам билдиримаслик даркор.

Тиббий ходим ва провизорлар жароҳатланган bemorlarغا то малакали врач келгунга қадар тиббий ёрдам кўрсатишлари шартдир. Чунки ўз вақтида ва тўғри кўрсатилган биринчи ёрдам bemor takdirini ҳал қиласdi. Buning учун улар тиббий ёрдам кўрсатиш қоидаларини мукаммал эгаллаган бўлишлари керак.

Провизор беморни даволамаса ҳам, унга дори-дармонлар ёзиб буюрмаса ҳам, bemor ёки унинг қариндош-уруғлари билан мулоқотда бўлади, керакли дори-дармонларни аниқ ва ўз вақтида тайёрлаб бериши билан bemor руҳиятига ижобий таъсир кўрсатади, соғайиб кетишига ишонч туғдиради.

Врач кўрсатмасиз bemorga у ёки бу дорини ёзиб берувчи провизор мутлақо ноҳақдир. Чунки врач bemordan бўлган объектив ўзгаришларни, организмнинг шахсий хусусиятларини, қўшимча касалликларни эътиборга олиб иш тутадики, бу нарсалар фармацевтларга маълум эмас.

Тиббий ходимлар ҳамда провизорларнинг муҳим фазилатларидан энг асосийси касб поклигидир, унинг иш мезони эса йўл қўйилган хато ва камчиликларни ўз вақтида пайқаш ҳисобланади. Йўл қўйилган хато ва камчилик билан ўз обрўсининг пасайиши ёки жазоланишдан қўрқмасдан инсон ҳаётини сақлаш, bemor соғлигини тиклаш тиббиёт ходимлари, провизорларнинг бурчи ҳамда вазифасидир.

Даволаш сифати кўпгина ҳолларда врач буюрган муолажани ўз вақтида аниқ ва пухта бажаришга ва bemorларни парвариш қилишга боғлиқ бўлади, бу масъулият тиббий ҳамширалар ва энагаларга ҳам юкланади. Тиббиёт ҳамширалари ўз ишларининг сир-асрорини яхши биладиган, пок, ақл-заковатли, ўз касбларини мукаммал эгаллаган кишилар бўлмоғи керак.

Bemorning тезда соғайиб кетишини яхши парваришиз ҳамда энага (санитарка)ларсиз тасаввур қилиш қийин. Энага тиббий ҳамширанинг биринчи ёрдамчисидир. Фақат уларгина бошқа тиббиёт ходимларига қараганда bemor ёнида кўпроқ бўладилар.

Bemorning тезроқ тузалиб кетишида унга айтилган ҳар бир ширин сўз катта аҳамиятга эга. Шу борада Сервантеснинг ажойиб сўзларини келтириш ўринлидир: «Хушмуомалали бўлишнинг ҳеч бир қийинчилиги ҳам йўқ ва ҳеч бир нарса у каби юқори баҳоланмайди». Bemorларда касаллик туфайли пайдо бўладиган инжиқлик, аччиқланиш ҳолларида хушмуомалалик касалнинг тузалиши учун муҳим омилдир.

## **ИИО ходимларига биринчи тиббий ёрдам кўрсатиш асосларини ўргатишнинг зарурати**

Хар бир кишининг баҳтсиз ҳодисаларда биринчи ёрдам кўрсатиш усуслари ва қоидаларини билиши муҳимдир. Айниқса, бу масала ИИО ходимлари учун алоҳида аҳамиятга эга, чунки улар воқеа содир бўлган жойга биринчилар қаторида етиб келадилар. Шунинг учун ҳам ИИО ходимлари жароҳатланганга биринчи тиббий ёрдам кўрсатиш ҳамда ҳар қандай экстремал ҳолатларда, жумладан, жанговар ҳаракатларда ҳам бир-бирига ва ўз-ўзига ёрдам кўрсатиш усусларини тўла ҳажмда билишлари керак. Бу эса, ўз навбатида, ИИО ходимларига биринчи тиббий ёрдам кўрсатиш маҳсус курсини ўрганишлари зарурлигини тақозо этади.

Бундай курснинг асосий мақсад ва вазифаси тингловчиларга биринчи тиббий ёрдам кўрсатишнинг аҳамияти ва имкониятлари ҳақидаги назарий билимларни сингдиришдан иборатdir. Бу билимларнинг ўзлаштирилиши ИИО ходимларига қуйидаги имкониятларни беради:

- жароҳатланган шахснинг аҳволини объектив баҳолаш ҳамда унинг ҳаёти ва саломатлигига нисбатан хавф даражасини аниқлаш;
- етказилган жароҳат даражасини белгилаб, кўрсатиладиган биринчи тиббий ёрдам бўйича асосий ва иккиламчи чора-тадбирларни тўғри аниқлаш, терминал ҳолатдаги жароҳатланганларга ва касалларга, керак бўлганда қўлдан келадиган биринчи реанимацион усусларни қўллаш;
- жароҳатланган ва касалларни имкони бўлган воситалар билан иммобилизация қилиш ва воқеа содир бўлган жойдан касалхонага олиб бориш;
- мутахассис шифокорга жароҳат олинган ҳолатни ҳамда жароҳатланганларга навбатдаги кўрсатиладиган тиббий ёрдамни енгиллаштириш учун қўлланган биринчи тез ёрдамни малакали қилиб айтиб бериш.

## **ОДАМ АНАТОМИЯСИ ВА ФИЗИОЛОГИЯСИ**

Одам организмининг тузилишини, унинг ривожланиш жараёнини ўрганадиган фан *анатомия*, одам организми аъзоларининг якка ҳолдаги ва уларнинг бир бутун тизим кўринишидаги фаолиятларини ўрганадиган фан *физиология* дейилади.

Одам организми бир неча хил турли функцияларни бажарадиган аъзолар тизимидан ташкил топган. Буларга ҳаракат аъзолари, мускуллар, қон, қон ва лимфа томирлари, ҳазм қилиш, нафас олиш, сийдик чиқариш, жинсий, нерв тизими аъзолари ва ички секреция безлари киради.

## ТАЯНЧ-ҲАРАКАТ ТИЗИМИ

Ҳаракат аъзолари тизимининг асосини суяклар, бўғимлар ва пайлар ташкил қиласди.

Одам организмидаги 200 дан ортиқ суяк бўлиб, уларнинг жами одам вазнининг 8,5% ни ташкил қиласди (1 - расм). Суяклар эгилувчан органик модда – оссеиндан ҳамда қаттиқ ва мўрт анорганик модда – оҳакдан ташкил топган.

Суякларнинг енгил ва мустаҳкамлиги фақат уларнинг таркибига қараб эмас, балки суяк танасининг қурилиш структураси билан ҳам белгиланади. Суякларнинг ташқи қавати зич қаттиқ моддадан, ички қавати эса ғовак кўринишидаги бир-бiri билан тўр шаклида кесишган пластинкалардан иборат.

Суяклар ичида суяк кўмиги деб аталадиган тўқима жойлашган бўлиб, унда қизил қон (эритроцитлар) ва оқ қон танаҷалари (лейкоцитлар) ишлаб чиқарилади. Суякнинг сиртқи юзаси *суяк устки пардаси* билан қопланган. Суяк устки пардасидан суякларга нерв ва қон томирлари ўтади, яъни бу суяк устки пардасининг ички қаватини ташкил қиласди, ташқи қаватини эса фиброз толали тўқима ҳосил қиласди. Суяк устки пардасининг ички қавати суяк ҳосил бўлишида, ўсиш ва ривожланишида, синган суяклар битишида иштирок этади.

Суяклар ўзаро узлуксиз (ҳаракатсиз) ва бўғимлар (ҳаракатчан) кўринишида бирикиши мумкин. Узлуксиз бирлашган суякларга мисол қилиб бош суганини бириктирувчи тўқималар ва умуртқаларнинг тоғайлар орқали бирикишини олиш мумкин. Узлуксиз равища қўшилган суяклар қимирламайди ёки ҳаракати жуда чегараланган бўлади. Бинобарин, бу бирикмаларни бўғим деб атаб бўлмайди. *Ҳаракатчан бирикмалар (бўғимлар)* эса бутунлай бошқача тузилган ва ўзгача хусусиятга эга. Уларга тос ва думгаза бўғими каби кам

ҳаракатланадиган ҳамда елка, тирсак, тизза сингари ҳаракатчан бўғимлар киради.

Суякларнинг бўғим юзалари тоғай билан қопланган бўлиб, бўғим ҳосил қилувчи учлари ва улар ўртасидаги бўшлиқнинг атрофи бўғим халтаси билан ўралган. Ҳар қайси бўғим сиртидан (баъзилари ичидан) зич бириктирувчи тўқима толаларидан тузилган бойламлар билан мустаҳкамланган. Бўғим халтасининг ички қавати ёғловчи суюқлик ишлаб чиқарадиган маҳсус қобиқдан ташкил топган ва бу суюқлик бўғимлардаги ҳаракатни енгиллаштириб беради.

## **Бош суяклари**

Бош саяги мия ва юз суякларига бўлинади. Бошнинг мия суякларига: пешона, 2 та чакка, 2 та тепа, энса, понасимон ёки асос, ғалвир суяклари киради. Энса саягига катта тешик бўлиб, бу тешик орқали бош мия умуртқа поғонаси канали билан боғланиб туради. Чакка саяги ташқи ёнбошида жойлашган чакка чуқури орқали пастки жағ билан бирлашиб туради, яъни бу бирлашма бошнинг бирдан-бир ҳаракатдаги бўғими ҳисобланади.

Бошнинг юз суякларига: 2 та юқори жағ, 2 та танглай, 2 та ёнок, 2 та бурун, 2 та ёш, 2 та бурун чиғаноғи, димоқ, пастки жағ ва тил ости суяклари киради.

Бош суяклари, пастки жағдан ташқари, барчаси чоклар орқали бириккан. Чакка суякларида эшитиш ва мувозанатни бошқарувчи аъзолар жойлашган. Бош саягининг юз қисмидан бошланадиган мимик мускуларнинг бир учи сукка, иккинчи учи эса терига ёпишган бўлиб, шу мускуллар ёрдамида инсон юзида қувонч, ғам, жаҳл, қўрқув ифодалари акс этади.

Ғалвирсимон, пешона, асос ва чакка суяклари ичida сукковаклари (бўшлиқлар) бўлиб, бу бўшлиқлар ичida ҳаво бўлади. Пешона, асос ва ғалвирсимон суяклар ичидаги бўшлиқлар бурун ҳаво йўлига, чакка саягидаги бўшлиқ эса ўрта қулоқ билан туташган бўлади.

## **Умуртқа поғонаси**

Умуртқа поғонаси одам скелетининг асосий ўқи ҳисобланади. Умуртқа поғонасининг тепа қисми бош суяклари билан, ён томони

кўкрак қовурғалари билан, пастки қисми эса тос суюклари орқали оёқ суюклари билан туташган бўлади.

Умуртқа погонаси 33 ёки 34 та умуртқа суюкларидан тузилган бўлиб, шундан 7 таси бўйин, 12 таси кўкрак, 5 таси бел, 5 таси думғаза ва 4–5 таси дум умуртқаларидан ташкил топган.

Хар бир умуртқа – тана, ёй ва ўткир орқа ўсимталардан иборат. Умуртқа танаси қисқа ёйлар ёрдамида айланга тешик ҳосил қиласди ва умуртқалар устма-уст жипсласиб, биргаликда орқа мия жойлашган канални ҳосил қиласди.

Умуртқа суюклари бир-бири билан толали тоғай орқали бириккан бўлиб, юргурганда, йиқилганда, сакрагандан зарбалар кучининг пасайишига ёрдам беради. Бундан ташқари, умуртқа погонаси олдинга, орқага, ён томонга эгилишда ва тананинг ўз ўқи атрофида айланишида ёрдам беради.


Бешта думғаза умуртқалари бир-бири билан жипс бирикиб, яхлит думғаза суюгини ташкил қиласди. Думғаза суюги тос суюги билан бирикиб, тоснинг орқа қисмини ҳосил қиласди. Думғаза суюгининг пастки қисмига 4–5 та дум умуртқалари бириккан бўлади.

## Кўкрак қафаси

Кўкрак қафаси 12 та кўкрак умуртқаси, 12 жуфт қовурға ва тўш суюкларининг ўзаро бирикишидан ҳосил бўлади.

Қовурғалар суюк ва тоғай қисмлардан ташкил топган. Улар суюк қисми билан кўкрак умуртқаларига бўғим ҳосил қилиб, тоғай қисми эса тўш суюги билан (7 таси) бевосита бириккан бўлади. Пастки 8, 9, 10-жуфт қовурғаларнинг тоғай қисмлари ўзаро бирлашиб 7-қовурғага бирикади. 11, 12-жуфт қовурғаларга *етим қовурғалар* дейилади. Уларнинг эркин учи қорин девори мускуллари орасида бўлади.

Кўкрак қафаси бўшлиғида ўпка ва юрак жойлашади. Кўкрак қафасини қорин бўшлиғидан *диафрагма* ажратиб туради. Диафрагмада пай ва мускул қисмлар фарқланади. Унинг пай қисмидаги дарча орқали қизилўнгач, қон ва лимфа томирлари ҳамда нервлар ўтади. Диафрагма нафас олишда иштирок этадиган асосий аъзо ҳисобланади.



1-расм.

### Тос суяклари

Тос иккита чаноқ, думғаза, дум суяклари ва уларни боғловчи тогайлардан ташкил топган. Чаноқ суяги ўз навбатида уч қисмдан – қов, ёнбош, қуймич суякларидан иборат. Икки қов суякларидаги

тогай қисмларнинг бирикиши ҳисобига *симфиз*, яъни қов бирикмаси ҳосил бўлади.

Ёнбош суяги билан қов суяги ўртасидан боғлам тортилган бўлиб, унга чов ёки «*пупарт*» боғлами дейилади.

Тос суякларининг икки ёнида ярим ойсимон чуқурчаси бўлиб, уларга сон суягининг бошчаси кириб турари ва тос-сон бўғимини ҳосил қиласди. Эркакларнинг тос суяклари баланд ва тор бўлади. Аёлларники эса паст ва кенг бўлиб, асосан, туғиш жараёнида ҳомила бошининг қийинчиликсиз ҳаракатини таъминлайди.

## Қўл ва оёқ суяклари

Қўл суяклари елка камари ва қўлнинг эркин суякларидан ташкил топган бўлиб, елка камари таркибига қурак ва ўмров суяклари киради. Ўмров суяги бир учи билан тўш суягига бирикади, иккинчи учи билан эса қурак суяги ва елка суягининг бошчаси билан биргаликда елка бўғимини ҳосил қиласди. Елка суяги билак суяклари билан бирга тирсак бўғимини ташкил қиласди. Билак – билак ва тирсак суякларидан ташкил топган.

Билак суяклари кафт панжа суяклари билан биришиб билак кафт бўғимини ҳосил қиласди. Қўл панжаси: 8 та кафт олди, 5 та кафт ва 14 та бармоқ суякларидан иборат. Ҳар бир бармоқ суяги 3 та суяқдан иборат бўлиб, фақат бош бармоқда 2 та суяқ мавжуддир.

Оёқ суяклари танага тос суяклари орқали биришиб, сон, болдир, тизза қопқоғи, оёқ тўпиғи ва оёқ панжаси суякларидан ташкил топган.

Сон суяги инсон танасидаги энг узун суяклардан бири бўлиб, найсимон суяклар қаторига киради. Унинг юқори учидаги ички томонга қараган шарсимон бошчаси, пастроғида эса суяқ узун ўқига нисбатан ўтмас бурчак остида жойлашган бўйни бор. Катта ва кичик болдир суяклари ҳам найсимон суяклар қаторига киради. Катта болдир суяги болдирилган ички томонида, кичик болдир суяги эса ташқи томонида жойлашган бўлади. Сон суягининг пастки, яъни дистал қисми ва болдирилган юқори, яъни проксимал қисми ҳамда тизза қопқоғи суяклари билан биргаликда тизза бўғимини ҳосил қиласди.

Болдир суяклари оёқ панжа суяклари билан ўзаро биришиб, болдир панжа бўғимини ташкил қиласди. Оёқ панжаси: 7 та панжа олди, 5 та панжа ва 14 та бармоқ суякларидан иборат. Ҳар бир

бармоқ кафт бармоқларига ўхшаб З та суюқдан иборат, фақат бош бармоқ 2 та суюқдан ташкил топган.

## МУСКУЛЛАР ТИЗИМИ

Одам организмининг фаол ҳаракатлантирувчи қисми – мускуллар, пассив ҳаракатлантирувчи қисмлари – суюклар, боғламлар ва фасциялар билан биргаликда тананинг ҳаракатланишига ёрдам беради. Скелет мускуллари одам вазнининг 40 % ни ташкил этади. Одам танасида 600 га яқин мускуллар бор. Мускуллар бириктирувчи тўқимали парда – *фасциялар* билан ўралган бўлади. Мускуллар пайлар ёрдамида скелет суюкларига ёпишади. Мимика мускуллари бир учи билан терига иккинчи учи билан калла ва юз суюклариغا ёпишади. Мускуллар қисқариши натижасида бўғимлар ҳаракатга келиб, инсон юриши, югуриши, ёзиши, чайнаши ва бошқа ҳаракатларни бажариши мумкин. Мускуллар – қисқарувчи, ёювчи, узоқлаштирувчи, яқинлаштирувчи, айланма ҳаракатларни бажарувчи мускул гурухларига бўлинади.

Мускуллар – узун ва қисқа, кенг бўлиши мумкин. Узун мускуллар, асосан, қўл ва оёқларда, қисқа мускуллар эса гавда орқаси чуқур мускуллари остида, қовурғалар орасида бўлади. Кенг мускуллар гавданинг кўкрак ва қорин қисмida хамда тананинг орқасида жойлашган бўлади. Тана орқасидаги мускуллар юза ва чуқур мускул гурухларига бўлинади. Тана орқасидаги чуқур мускуллар латерал ва медиал мускул гурухларига бўлиниб, умуртқа поғонасининг икки томони бўйлаб энсадан думғазагача чўзилган. Бу мускул гурухлари умуртқа поғонасининг тикловчи мускул гурухларига киради.

Кўкрак мускуллари – елка камари ва елка мускулларига тааллуқлидир. Катта кўкрак мускули юза жойлашган бўлиб, шакли учбурчак – қўлни танага яқинлаштиради ва ичкарига буради. Кичик кўкрак мускули – 2, 4-қовурғалардан бошланиб, курак суюгига ёпишади. Бу мускул курак қимирламай турганда қовурғаларни кўтаради, кўкрак қафаси қимирламай турганда эса куракнинг ташқи бурчагини олдинга ва бирмунча пастга тортади.

Ўмров ости мускули 1-қовурға ва ўмров суюги орасида жойлашган бўлади. Бу мускул ўмров суюгини пастга ва марказга тортади. Кўкрак қафасининг олд ва ён томонида олдинги тишсимон мускуллар жойлашади. Бу мускул қисқарганда куракни олдинга

тортади ва уни ташқарига буради. Бу эса ўз навбатида қўлни горизонтал ҳолатдан ҳам юқорироқ тутиш имконини беради.

Ички қовурғалараро мускуллар нафас олишда иштирок этса, ташки қовурғалараро мускуллар нафас чиқаришда иштирок этади.

Корин девори мускуллари ташки ва ички қийшиқ, кўндаланг, тўғри ва квадрат мускуллардан ташкил топган.

Ташки қийшиқ мускул кенг бўлиб, йўналиши юқоридан пастга ва ташқаридан ичкарига бўлади. Ички қийшиқ мускул ҳам ташки қийшиқ мускул остида шу йўналишда жойлашган. Ташки ва ички қийшиқ мускуллар орқасида қориннинг кўндаланг мускули жойлашган. Қорин тўғри мускули ўрта чизикдан ташқарида жойлашган бўлиб, мускул тутамлари (пресс) ҳосил қиласди, ушбу мускулнинг йўналиши юқоридан пастга қараб боради. Орқанинг квадрат мускули ёнбош суюкларининг юқориги қирраларидан бошланади ва 12-қовурға ва бел умуртқаларининг ён ўスマларига ёпишади.

Қориннинг ташки ва ички қийшиқ мускуллари тананинг ён томонга эгилишида иштирок этса, қориннинг тўғри мускули гавданинг олдинга эгилишга ёрдам беради. Қорин девори мускуллари қорин бўшлиғини ҳосил қилишда иштирок этади.

Бош мускуллари – юз-мимик ва чайнов мускулларига бўлинади. Мимик мускуллар – калла суюги юз қисмидан бошланиб терига ёпишган бўлади. Мимик мускуллар кўпроқ кўз олмаси, оғиз, қулоқ атрофида жойлашган ва шу аъзолар фаолиятида иштирок этади.

Чайнаш мускуллари – 4 жуфт мускулдан иборат ва қолган икки жуфти (медиал ва латерал қанотсимон) чукур жойлашган бўлади. Чайнаш мускуллари овқатни майдалаш, узиб олиш, чайнашга хизмат қиласди.

Бўйин мускуллари юза ва чукур гурухларга бўлинади. Юза мускуллар ички ва ташки бўлади.

Ташки гурух мускулларига бўйин тери ости ва тўш-ўмров-сўрғичсимон ўсимта мускуллари (ўмров мускули) киради. Бўйин тери ости мускули оғиз пастки бурчагини пастга тортади ва бўйин терисини таранглаштиради.

Тўш-ўмров-сўрғичсимон ўсимта мускули бўшашибганда бошни олдинга (бир томонлама қисқарганда) ўнг ёки чапга ўгириш, икки томонлама қисқарганда эса бошни қаттиқ тик ҳолда ушлаб туриш мумкин бўлади.

Бўйин чукур мускулларига қўйидаги мускуллар киради:

- а) нарвонсимон – олд, ўрта, орқа;
- б) умуртқа олди мускуллари – бош ва бўйиннинг узун мускуллари, бошнинг тўғри мускуллари.

Булардан ташқари бўйинда – тил ости суягидан юқорида ва пастда жойлашган мускуллар бўлиб, бу мускуллар пастки жағни пастга туширишга, овқатни ютишга ва қалқонсимон тоғайни ҳаракатлантиришга мослашган.

Қўл мускуллари икки гурухга – елка камари ва қўл эркин қисмининг мускулларига бўлинади.

Елка камари мускуллари елка бўғими атрофида жойлашган бўлиб, кўкрак ва орқа мускуллар иштироқида елка бўғимини ҳаракатлантиради, елка камари ҳаммаси бўлиб б та (дельтасимон, курак қирра усти ва ости, кичик ва катта юмалоқ, курак ости) мускулдан иборат.

Қўл эркин қисмининг мускуллари узун бўлиб, олд ва орқа гурух мускулларига бўлинади. Бу гурух мускулларга елканинг олд ва орқаси, билак ва панжанинг олд ва орқа гурух мускуллари кириб, асосан, қўл ва панжани букиш ва ёзишга мослашган мускуллардан ташкил топган. Букувчи мускулларга икки бошли ва тумшуқсимон елка мускуллари киради. Букувчи мускуллар елканинг олд қисмидан жой олган.

Елканинг ёювчи мускулларига уч бошли ва тирсак мускули кириб, елкани ёзишга мослашган ва унинг орқа томонидан жой олган. Билакнинг орқа томонида панжани ёзувчи мускуллар, олд томонида эса панжани букувчи мускуллар жой олган. Қўл панжа мускуллари учта гурухга бўлинади:

- 1) бош бармоқ дўмбоғи мускуллари;
- 2) жимжилоқ мускуллари;
- 3) кафт ўртасидаги кафт суяклараро мускуллар.

Оёқ мускуллари – чаноқ, сон, болдири, оёқ панжа мускулларидан ташкил топган. Чаноқ мускуллари – чаноқ тана билан деярли ҳаракатсиз бирлашганлиги сабабли, мускуллар фақат чаноқ-сон бўғимиға алоқадор бўлиб, икки (олд ва орқа) гурухга бўлинади. Чаноқ мускуллари чаноқдан бошланиб, сон суягига тугайди. Олд гурух ёнбош-бел мускули сонни букади ва ташқарига буради. Оёқ қимирламай турганда гавдани букишда қатнашади. Ноксимон ва ички ёпқич мускул – сонни ташқарига буради.

Орқа гурух мускулларига қуйидагилар киради: а) катта думба мускули (сонни ташқарига буради, одам гавдасини тик тутиш ва

гавдани тўғрилашда иштирок этади); б) думбанинг ўрта мускули; в) думбанинг кичик мускули (устма-уст жойлашган бўлиб, сонни узоклаштиради); г) ташқи ёпқич; д) квадратсимон мускул (сонни ташқарига буради).

Сон мускуллари уч гурухга (олд, ўрта, орқа) бўлинади. Олд гурух мускулларига тўрт бошли ва «тикувчилар» мускули киради. Бу мускуллар тизза ва соннинг чаноқ-сон бўғинини букишга ёрдам беради. Ўрта гурух мускуллари – тароқсимон, сонни яқинлаштирувчи, узун, калта, катта ва нозик мускуллардан иборат бўлиб, сонни бир-бирига яқинлаштиришга ёрдам беради. Орқа гурух мускулларига икки бошли сон мускули, яrim пай мускул, яrim парда мускуллар кириб, сонни ёзади, болдирни букади ва болдирни ташқарига буради.

Болдир мускуллари уч гурухга бўлинади: 1) олдинги; 2) латерал; 3) орқа.

Олдинги гурух мускуллари: а) олдинги катта болдир мускулиоёқ панжасини ёзади, панжанинг медиал томонини кўтаради; б) бармоқларни ёювчи узун мускул панжа ва бармоқларни ёзади; в) бош бармоқни ёювчи узун мускул панжани ёзади ва оёқ кафтининг ички юзасини кўтаради.

Латерал гурух мушаклари: а) кичик болдирнинг узун мускули оёқ гумбазини мустаҳкамлайди, оёқ панжасини ва бош бармоқни букади; б) кичик болдир калта мускули бармоқларни ёзади.

Орқа гурух мускуллари: а) болдирилган уч бошли мускули; б) болдир мускули; в) камбаласимон мускул; г) товон мускули. Бу мускуллар тизза бўғимини букади, одамнинг тик туришини таъминлайди.

## ОВҚАТ ҲАЗМ ҚИЛИШ ТИЗИМИ

Инсон ҳазм қилиш тизимининг умумий узунлиги 8–10 м бўлиб, қуйидаги қисмларга бўлинади: а) оғиз; б) ҳалқум; в) қизилўнгач; г) ошқозон (меъда); д) ингичка ичак; е) йўғон ичак.

Овқат ҳазм қилиш тизимида овқат моддаси тишлар ёрдамида майдаланиб, механик ишланади. Сўнгра у сўлак безлари ва ичак безларидан чиқсан ширалар таъсирида химик ишланиб, парчалана бошлайди. Ҳазм йўлида овқат моддаларининг парчаланиб шимилиши учун одам организмида бир суткада 8,5 л шира ажралади. Шундан 1,5 л сўлак, 2,5 л ошқозон шираси, 1 л ошқозон ости бези

шираси, 2,5 л ичаклар ишлаб чиқарган ширалар, 1,2 л сафро (ўт) ташкил этади.

Оғиз бўшлиғидаги овқат луқмаси тишлар билан майдаланиб, сўлак билан аралашгандан сўнг луқма ютилади ва овқат моддаси қизилўнгач орқали ошқозонга тушади. Оғиз бўшлиғида овқат моддасининг мазаси, ширин ёки аччиқлиги, юмшоқ ёки қаттиқлиги, иссиқ-совуқлиги аниқланади. Бу сезгилар тил юзасида жойлашган рецепторлар таъсирида сезилади. Оғиз бўшлиғига 3 жуфт сўлак безидан сўлак қўйилиб, булар 1 жуфт қулоқ ости, 1 жуфт тил ости, яна 1 жуфт жағ ости сўлак безларидир. Сўлак безларидан ишланиб чиқкан сўлак бези йўли орқали (юқоридаги 3 жуфт) ёки сўлак найлари орқали тўғридан-тўғри оғиз бўшлиғига тушади. Сўлак билан ишланган овқатнинг ютилиши осонлашиб, оғиз бўшлиғида шакар ва айрим минерал тузлар парчалана бошлайди. Сўлак таркибида птиалин моддаси бўлиб, шу модда таъсирида крахмал шакарга айланади.

Томоқ оғиз бўшлиғининг юмшоқ танглайидан бошланувчи қисмидир, унинг икки томонида олд ва орқа танглай равоқлари бўлиб, улар ўртасида бодомча безлари жойлашган. Томоқ ўртаси-нинг юқориги қисмида юмшоқ танглай давоми сифатида тилча осилиб туради. Бодомча безлари муҳим ҳимоя органи ҳисобланиб, лимфоид безлар жумласига киради.

Ҳалқумнинг бурун, оғиз ва қизилўнгач қисмлари бўлиб, у нафас олиш ва овқат ҳазм қилиш аъзоларининг кесишган чорраҳасини ўзаро боғлаб туради. Бурундан кирган ҳаво трахея орқали ўпкага, оғиздан кирган овқат моддаси эса қизилўнгач орқали ошқозонга тушади.

Қизилўнгачга тушган овқат ва суюқликлар ошқозонга ўткази-лади. Қизилўнгач диафрагманинг чап томонидан маҳсус тешик орқали қорин бўшлиғига ўтади.

Ошқозон девори 3 қаватдан – ташқи, ўрта, ички шиллиқ қаватлардан ташкил топган. Ташқи қаватни қорин пардасининг ички девори ҳосил қилиб, у юпқа ва нозик бўлади. Ўрта қаватни ошқозон мускуллари ташкил этади. Бу мускуллар қисқариши овқат моддасининг ичакларга ўтишини таъминлайди. Ички шиллиқ қават кўплаб сўрғичлар билан қопланган бўлиб, бу ерда 5 млн дан ортиқ безлар ҳам жойлашган бўлади. Бу безлар шираси таркибида овқат моддасини парчалайдиган пепсин моддаси мавжуд.

Ошқозон шираси шиллиқ қаватда жойлашган безлар маҳсулоти бўлиб, бир суткада одамда 2–2,5 л гача шира ажралади. Бу шира ошқозон ички муҳитининг нордонлиги (кислоталилигини)ни таъминлаб, унинг асосий таркиби хлорид кислота ( $HCl$ ), пепсин ва шиллиқдан иборат. Ошқозон шираси ўз таркиби билан оқсилларни парчалашда иштирок этади. Бундан ташқари, ошқозон шираси овқат билан бирга кирган микробларни ўлдириб, бактерицид таъсир этади. Ошқозон шираси ишланиб чиқиши нонуштадан сўнг 5–10 минутдан кейин бошланади ва овқат бўлаклари тўлиқ ичакларга ўтгандан сўнг шира ажралиши тўхтайди.

Ошқозонга тушган овқат 1–6 соат сақланиб туради ва ошқозон шираси таъсирида химиявий ишланиб, майда-майда порция ҳолида ошқозоннинг перистальтик ҳаракатлари билан ўн икки бармоқли ичакка, ингичка ичакнинг бошланғич қисмига ўтказилади. Ўн икки бармоқли ичакда ошқозон ости ва ўт (сафро) ичак ширалари таъсирида овқат парчаланади. Бу ерда овқат таркибидаги ёғлар ҳам ўт ва ошқозон ости бези шираси таркибидаги моддалар таъсирида парчаланиб, ингичка ичак бўйлаб сўрилган ёғлар лимфатик тизим орқали ўтиб қонга тушади.

Ингичка ичак девори ҳам ошқозонники каби уч қаватдан иборат – қорин парда ҳосил қилган ташқи, ўрта мускул ва шиллиқ қаватларга бўлинади. Ичак деворидаги мускуллар қисқаришидан ичакнинг перистальтик қисқариши юзага келиб, овқат массаси ичак бўйлаб сўрилиб боради. Ичак шираси таъсирида ингичка ичакларда оқсил ва углеводлар тўлиқ парчаланиб сўрилади.

Йўғон ичак ингичка ичак охиридан ўнг ёнбош соҳасида бошланиб, йўғон ичакнинг бу қисми кўричак деб аталади. Шу ерда кўричакнингчувалчангсимон ўсимтаси ҳам жойлашган бўлади. Йўғон ичакнинг кўтариувчи, кўндаланг, пастга тушувчи, сигмасимон ва тўғри ичак қисмлари фарқланади. Йўғон ичак девори ҳам ингичка ичак девори каби З қаватдан иборат ва йўғонлиги ингичка ичак кўндаланг ўлчамидан З марта катта бўлади.

Йўғон ичакда овқат ҳазм бўлмайди, бу ерда овқат массасининг қолдиқлари, сув сўрилади ва ахлат (нажас) тўпланади. Жигар қорин бўшлиғининг ўнг томонида, диафрагма тагида жойлашиб, қовурға равоқларидан чиқмайди. Жигар остки қисмида ўт пуфаги жойлашган. Ўт пуфаги жигарда ишланган ўтнинг йиғилишига хизмат қиласи. Ўт суюқлиги кўкимтир-сарик бўлиб, аччиқ таъмли

бўлади, бир суткада 1 л га яқин ўт суюқлиги ишланиб, ўн икки бармоқли ичакка қўйилади. Ўт ва ошқозон ости безидан ажралган шира ёғлар ва овқат ҳазм бўлишида иштирок этади. Шунинг учун ҳам ўт-тош касаллиги билан оғриган bemorларга ёғли овқатлар истеъмол қилиш ман этилади.

Жигар фаолияти организмда турли-туман бўлиб, овқат ҳазм бўлишида, моддалар алмашинувида, заҳарли моддаларни зарарсизлантиришда иштирок этади.

Тўғри ичакнинг охирги қисмида ҳалқасимон мускуллар бўлиб, улар доим қисқарган ҳолда бўлади. Улар фақат дефекация актида (ҳожат) бўшашиб, очилади. Тўғри ичакда ахлат 12 соатгача сақланиб туриши мумкин.

## НАФАС ОЛИШ ТИЗИМИ

Одам ҳамда қуруқликда яшовчи ҳайвонлар нафас олишда ҳаво таркибидаги кислородни ўзлаштириб, ҳавога CO<sub>2</sub> газини чиқарадилар. Нафас билан олинган ҳаво таркибида 21% кислород, 79% азот, кам миқдорда CO<sub>2</sub> ва сув буғлари бўлади. Нафас билан чиқаётган ҳаво таркиби 16% кислород, 79% азот, 5% CO<sub>2</sub> ва сув буғларидан иборатdir.

Ҳар бир нафас олиш жараёнида 5% кислород қонга ўтади ва тўқималарга етказилади. Ҳар бир нафас чиқариш жараёнида эса 5% CO<sub>2</sub> ташқи муҳитга чиқариб юборилади.

Нафас олиш аъзоларига – бурун бўшлиғи, ҳиқилдоқ, трахея (кекирдак) бронхлар ва ўпкалар киради.

Бурун бўшлиғи орқали ўтган ҳаво бурун бўшлиқларида исийди, намланади, бурун туклари орқали чанглардан тозаланади. Бурун бўшлиғидаги ҳидни аниқловчи нерв учлари у ҳақда маълумот беради.

## Ҳиқилдоқ

Ҳиқилдоқ нафас йўлининг (бурун бўшлиғидан сўнг) иккинчи қисми бўлиб, ўзидан ҳаво ўтказишдан ташқари овоз пайдо қилувчи орган ва нафас йўлининг пастки қисмини муҳофаза қилиш каби функцияларни ҳам бажаради. Ҳиқилдоқда бир қанча мускуллар ва тоғайлар бор. Ҳиқилдоқ олдининг энг катта тоғайини қалқонсимон тоғай ташкил этади. Уни бўйин териси тагидан пайпаслаб кўрганда

ҳам билиш мумкин. Ҳиқилдоқда ҳиқилдоқ усти тоғайи жойлашган бўлиб, ютиш вақтида овқат ва суюқликларнинг нафас йўлига ўтиб кетишига тўсқинлик қиласи ҳамда қизилўнгач бўйлаб ўтишига шароит яратиб беради.

Ҳиқилдоқда овоз ҳосил бўлишида иштирок этувчи овоз бойламлари жойлашган. Овоз бойламлари ўртасида ҳосил бўлган ёриққа овоз ёриғи дейилади. Ҳиқилдоқ мускуллари овоз ёригининг кенгайиши, сиқилиши ва бўшашишини таъминлайди, натижада овоз бойламлари тебранади ва овоз пайдо бўлади.

## Ўпка

Ўпка бир жуфт орган бўлиб, кўкрак қафасининг икки томонида жойлашган. Ҳиқилдоқ ўз навбатида кекирдакка (трахея) ўтади. Унинг узунлиги 9–11 см, диаметри эса 15–18 мм бўлиб, тоғай ҳалқалардан иборатdir. Кекирдак орқа девори қизилўнгач олд деворига тегиб туради. Кекирдак 4–5 кўкрак умуртқалари сатҳида ўнг ва чап бронхларга бўлинади ва ўпкаларга ўз тармоқларини беради. Ўнг бронх ўнг ўпканинг уч бўлагига, чап бронх чап ўпканинг икки бўлагига тармоқланади. Ўпка ичидаги бронхлар майдамайда бронхларга бўлинниб кетади. Энг майдаги бронхлар – бронхиолалар деб юритилади. Бронхиолалар ўпка тўқимасида узум шингилини эслатувчи ўпка пуфаклари (альвеолалар) билан тугайди. Ўпка альвеолалари ва бронхиолалари жуда майдамайдаги томирлари тўри билан ўралган бўлади. Альвеолаларда карбонат ангидрид билан кислород алмашинуви кузатилади, яъни қонга кислород ўтса, карбонат ангидриди нафас орқали ҳавога чиқарилади.

Майдамайдаги бронхлар, альвеолалар, қон томирлари ва атрофдаги тўқималар биргаликда нафас тизимини ташкил қиласи.

Ўпкалар кўкрак қафасининг катта қисмини эгаллаб, уларни плевра вараклари ўраб туради. Плевра икки варакдан иборат. Унинг ташқи (париетал) вараги кўкрак қафасининг ички деворига ёпишса, ички (висцерал) вараги бевосита ўпкалар юзасига ёпишган бўлади. Натижада ички ва ташқи плевра ўзаро бир-бирига ёпишмай эркин сирпанади. Бу эса нафас олиш ва чиқариш ҳаракатларини осонлаштиради. Ўпканинг кенгайиши (нафас олиш) ва торайиши (нафас чиқариш) диафрагма ва қовурғалараро мускуллар иши билан чамбарчас боғлиқдир.

Нафас олганда диафрагма пастга тушади, қовурғалараро мускуллар бўшашиб, кўкрак қафаси бўшлигининг ҳажми ортади. Нафас чиқарганда эса диафрагма тепага гумбазсимон бўртиб, қовурғалараро мускуллар қисқариб, ўпка ичидаги ҳаво ташқарига сиқиб чиқарилади. Натижада карбонат ангидрид ташки мұхитга чиқарилади.

Одам тинч турганда бир минут давомида 16–20 марта нафас олиб, нафас чиқаради. Нафас олиш ва чиқарышни узунчоқ мияда жойлашган нафас олиш маркази бошқариб туради.

## ҚОН ТОМИРЛАР ТИЗИМИ

Қон – қон томирлар ичидаги суюқлик бўлиб, ҳужайра ва тўқималарга барча ҳаётий зарур моддаларни, шу билан бирга, тўқималардан ажралиб чиқадиган кераксиз (чиқинди) моддаларни айирув органларига етказиб беради. Қон одам танаси умумий оғирлигининг 1/13 қисмини ташкил қиласи, яъни 70 кг оғирлиқдаги одамда 5 л га яқин қон бўлади.

Қон таркибидаги қизил қон таначалари – эритроцитлар қизил суюк кўмигида ишлаб чиқарилади. Қон таркибининг яна бир мұхим элементи лейкоцитлар бўлиб, улар организмга тушган касал чақирувчи микробларни заарсизлантирувчи, ҳимоя воситаси саналади. Лейкоцитлар организм иммунитети шаклланишида ҳам мұхим роль ўйнайди. Эритроцитлар таркибида гемоглобин оксили бўлиб, қонга қизил ранг бериб туради. Гемоглобиннинг асосий вазифаси тўқималарга кислород етказиб бериш ва тўқималардаги карбонат ангидридни ўпкага олиб келишdir. Нормада 1  $\text{мм}^3$  қонда 4,5 – 5 млн эритроцит бўлади.

Оқ қон таначалари ёки лейкоцитлар суюк кўмигида, лимфа тугунларида ва талоқда ҳосил бўлади. Лейкоцитлар организмга тушган микробларни ҳазм қилиб, парчалаш йўли билан ҳимояни таъминлайди.

## Юрак

Юрак – мускулдан тузилган аъзо бўлиб, кўкрак қафасининг чап томонидаги 2–5-қовурғалар орасида, юрак халтаси (перикард) ичидаги жойлашган (2 - расм). Юрак уч қаватдан ташкил топган:

- 1) ички қават – эндокард;
- 2) ўрта қават – мускуллардан иборат бўлган миокард;

3) ташқи қават – эпикард.

Юрак ўнг ва чап қисмга бўлинади ва тўртта камерадан иборат. Юракнинг ўнг қисми юкорисида ўнг бўлмача, пастда эса ўнг қоринча, чап қисми юкорисида чап бўлмача, пастда эса чап қоринча жойлашган. Ўнг бўлмача ва ўнг қоринчалар орасида уч табақали, чап бўлмача ва чап қоринча орасида эса икки табақали клапан жойлашган.

Чап қоринчадан бошланадиган томир аорта деб аталади. Ўнг қоринчадан бошланадиган томир ўпка артерияси деб аталади. Чап бўлмачага ўпка веналари, ўнг бўлмачага эса ковак веналар қон олиб келади.


Юрак қисқариши натижасида йирик артерияларда ҳаракатла-наётган қон томир деворларига кучли зарб билан урилиб, уни тўлқинсимон тебратиб, томир уриши, яъни пульсни юзага келтиради. Йирик артериялар бармоқ билан ушлаб кўрилганда пульс зарбларини сезиш мумкин. Пульс зарблари юрак қисқариши сонига тўғри келади.

Вена томирлари ичида клапанлар жойлашган бўлиб, улар қоннинг орқага қараб оқишига тўскенилик қилади. Веналар бутун организмдаги қонни йифиб, юракнинг ўнг бўлмачасига олиб келади.

Одам организмида иккита – катта ва кичик қон айланиш доираси бўлади.

**Катта қон айланши доираси.** Кислородга тўйинган қон юракнинг чап қоринчасидан бошланиб, артерия ва артериолаларга бўлинади. Артериолалар, ўз навбатида, тўқималарда капилляр тўрларни ҳосил қилади ва улар учун керакли бўлган кислород ва бошқа озиқ моддаларни бериб, тўқималарда моддалар алмашинуви маҳсулоти бўлган карбонат ангдридни ( $\text{CO}_2$ ) йифиб веноз қонга айланади ва вена томирлари орқали ўтиб, юракнинг ўнг бўлмасига қуйилади.

**Кичик қон айланши доираси.** Карбонат ангдридга тўйинган веноз қон юракнинг ўнг қоринчасидан ўпка артерияси кўринишида бошланиб, ўпка орқали ўтади. Ўпкада веноз қон таркибидаги карбонат ангдридни чиқариб, кислород билан тўйинади. Натижада веноз қон артериал қонга айланади ва ўпка веналарига йифилиб, юракнинг чап бўлмасига қуйилади. Демак, ўпка артерияларида оқаётган қон веноз қон бўлса, ўпка веналарида оқаётган қон эса артериал қондир.



**2 - расм.**

Одам организмидаги йирик қон томирларини билиш ҳар бир инсон учун зарур, чунки бу қон кетиши вақтида биринчи тиббий ёрдам күрсатиш учун жуда муҳимдир.

Аорта чап қоринчадан бошланади. Сўнг юқорига кўтарилади. Кейин эса пастга қайрилиб аорта равофини ҳосил қиласди. Аорта равоғидан тананинг юқори қисмларини бош, тана, қўлларни қон билан таъминлайдиган артериялар бошланади.

Аорта равоғининг ўнг томонидан ўнг елка – бош (номсиз) тармоғи чиқади ва ундан, ўз навбатида, ўнг умумий уйку ва ўнг ўмров ости артериялари ажралади. Ўнг умумий уйку артерияси бош соҳасига қон олиб боради. Ўнг ўмров ости артерияси – ўмров суяги ва биринчи қовурға орасидан ўтиб (шу ерда уни босиб қон тўхтатиш мумкин) ўнг қўлга боради.

Ўмров ости артерияси қўлтиқ ости чуқурчасига ўтганда қўлтиқ ости артерияси номи билан юритилади. Қўлтиқ ости артериясини елка суяги бошчасига босиб қон оқишини тўхтатиш мумкин. Қўлтиқ ости артериясининг давоми елка артерияси бўлиб, уни елка ички соҳасида пайпаслаб билса бўлади. Елка артерияси тирсак бўғими соҳасида тирсак ва билак артерияларига бўлинади. Билак артериясидан пульсни аниқлашда фойдаланилади.

Аорта қон томирининг пастга қайрилган жойидан қорин бўшлиғигача қисми кўкрак аортаси дейилади, у диафрагмани тешиб ўтгандан сўнг қорин аортаси номи билан юритилади. Қорин аортасини киндик соҳасида пайпаслаб аниқлаш мумкин. Қорин бўшлиғига қон кетишини камайтириш мумкин. Қорин аортасидан қорин бўшлиғи аъзоларига қон олиб борувчи асосий тармоқ – қорин артериал ўзани бошлади. У учга бўлинади. Улардан бири жигар умумий артерияси, иккинчиси талоқ артерияси, учинчиси эса ошқозон чап артериясидир.

Вена қон томирлари ҳар бир артерия ёнида бўлиб, шу артерия билан параллел йўналган бўлади. Бош, қўл ва тананинг юқори соҳаларидан йигилган қон юқори ковак венага келиб қуйилади. Тананинг пастки соҳаларидан: оёқлардан, қорин бўшлиғи аъзоларидан йигилган қон пастки ковак венага қуйилади. Юқори ва пастки ковак веналар ўзидағи веноз қонни юракнинг ўнг бўлмачасига қуяди.

## ЛИМФА ТИЗИМИ

Лимфа тизими лимфа томирлари ва лимфа тугунларидан иборат. Лимфа тугунлари лимфа томирлари бўйлаб жойлашган. Лимфа

томирларида лимфа суюқлиги оқади. У ўзида кўплаб лимфоцит ва моноцитлар сақлайди. Энг йирик лимфа тугуллари қўлтиқ остида, чов (қов) соҳасида, пастки жағ остида, бўйинда жойлашган. Лимфа тизими элементлари организмнинг муҳим ҳимоя омили бўлиб хизмат қиласди.

## Талоқ

Талоқ чап биқинда, қорин бўшлиғида жойлашган бўлиб, 9–11-қовурғалар соҳасига тўғри келади. Талоқ бажарадиган вазифасига кўра, кўпроқ лимфа безлари ва кўмикка ўхшайди. Талоқ лимфоцит ва моноцитлар (қон элементлари)ни ишлаб чиқаради. Талоқ ўзи орқали ўтаётган қон таркибидаги зарарли микробларни ушлаб қолади, яъни ўзига хос фильтр ролини ҳам бажаради ва шу йўл билан организмни ҳимоя қилишда қатнашади. Талоқда умри тугаган қон элементлари (эритроцитлар) парчаланади. Айрим юқумли касалликлар (қорин тифи, безгак ва бошқалар)да талоқ катталашади. Бу унинг фаолияти кучайганлиги, яъни лимфоцитлар кўп ҳосил бўлаётганлигидан далолат беради. Жарроҳлик йўли билан талоқ олиб ташланса, унинг вазифасини суяқ кўмиги, жигар, лимфа безлари бажаради.

## СИЙДИК АЖРАТИШ ТИЗИМИ

Одам организми фаолияти натижасида тўқималарда кўплаб кераксиз ва заҳарли моддалар ҳосил бўлади. Бу моддаларнинг организмдан чиқиб кетиши учун буйраклар, яъни сийдик ажратиш аъзолари тизими хизмат қиласди.

Буйраклар жуфт аъзо бўлиб, қорин бўшлиғи ортида, умуртқа поғонасининг икки ёнида, 12-кўкрак умуртқаси ва 1–2-бел умуртқалари сатҳида жойлашган. Буйрак, шаклига кўра, ловиясимон тузилишга эга бўлиб, унинг эгилган (ботик) қисми буйрак дарвозаси деб юритилади. Буйрак дарвозаси кенгайиб, сийдик жомига ўтади. Ундан пастга қараб сийдик йўли бошланади. Буйраклар осон ажраладиган фиброз парда билан ўралган бўлади. Буйрак ёғ тўқимаси буйрак орқа томонида яхши ривожланган бўлади. Буйрак устида буйрак усти бези жойлашган.

Буйрак бесимон тузилишга эга аъзо бўлиб, у кесиб кўрилганда икки, яъни пўстлоқ ва мағиз модда қаватларидан иборат эканлигини

кўриш мумкин. Пўстлоқ модда жигаррангли бўлиб, қалинлиги 4–5 мм келадиган пўст моддадан иборатdir. Буйрак ички қисмida алоҳида, тўдалашиб, пирамида шаклида жойлашган мағиз моддани кўриш мумкин. Пирамидалар кенг томони буйрак пўстига, сўрғич шаклидаги учи эса буйрак бўшлиғига қараб жойлашган. Пирамидалар, тахминан, 1 млн майда каналчалардан (нефрон) тузилган.

Буйрак каналчаларининг бир учи берк бўлиб, девори икки қаватли капсула билан тугайди. Улар, ўз навбатида, қон томирли коптокчани ўраб туради. Қон томирли коптокча ва капсула биргаликда буйрак таначасини ҳосил қиласди. Буйрак таначаси ва каналчалари биргаликда буйрак структура ва функционал бирлигини ташкил қиласди. Нефронларда йифилган сийдик йиғувчи найчалар орқали буйрак сўрғичларига, улардан буйрак косачаларига ўтиб, буйрак жомчалари орқали сийдик йўлига тушади. Сийдик йўллари орқали буйракдан ажралган сийдик қовуққа келиб йифилади.

Сийдик ҳосил бўлиш жараёни икки босқичдан иборат. Биринчи босқичда буйрак таначаларида ҳосил бўлган бирламчи сийдик (бир суткада 150 л) буйрак каналчаларида қайта сўрилиб, унинг таркибидаги сув ва ҳаётий зарур бўлган моддалар ушлаб қолинади. Сийдик таркибидаги креатинин, аммиак ва водород ионларидан иккиламчи сийдик (бир суткада 1,5 л) ҳосил бўлади. Иккиламчи сийдик ҳосил бўлиши сийдик ҳосил бўлиш жараёнининг иккинчи босқичини ташкил этади. Умуман олганда, сийдик ҳосил бўлиш 3 та босқич, яъни фильтрация, реабсорбция ва секреция жараёни натижасидир.

Қовуқда йифилган сийдик ташқи сийдик чиқарув йўли орқали ташқарига чиқарилади. Қовуқ эзилувчан аъзо бўлиб, унда 1 л ҳажмдаги сийдик йифилиши ва сақланиши (маълум вақт) мумкин.

## КЎПАЙИШ АЎЗОЛАРИ

Инсон организмида кўпайиш аЎзолари икки қисмга, яъни ички ва ташқи жинсий аЎзоларга бўлинади. Эркакларда жинсий безлар сперматозоидлар ишлаб чиқаради. Аёллар тухумдонида тухум хужайралари ишлаб чиқарилади.

### Эркак жинсий аЎзолари

Эркак ички жинсий органларига қуидагилар: эркак жинсий безлари – мояклар, уруғ чиқариш йўллари, уруғ пуфакчалари,

простата бези, бульбоуретрал безлари киради. Эркак ташқи жинсий аъзолари эрлик олати ва ёрғоқдан иборат.

Сперматозоид эркак уруғ ҳужайраси бўлиб, у моякнинг эгри - бугри каналчаларида ишланади ҳамда уруғ пуфакчалари ва простата безида ишлаб чиқарилган суюқлик билан аралашиб ташқарига чиқарилади. Балоғатга етган одамда, унинг жинсий фаол бўлган даврида, уруғ ҳужайралари – сперматозоидлар моякда доимий ишланиб туради.

## **Аёл жинсий аъзолари**

Аёл ички жинсий аъзоларига тухумдон, бачадон найлари, бачадон ва қин киради. Ташқи жинсий аъзоларга эса катта ва кичик жинсий (уятли) лаблар, клитор ва қизлик пардаси киради.

Бачадон – кичик чаноқ бўшлиғида, қовуқ билан тўғри ичак ўртасида жойлашган, нокка ўхшаш аъзо бўлиб, унда ҳомила ривожланади. Бачадон уч қисмга: бачадон туби (энг баланд қисми), бачадон танаси, бачадон бўйнига бўлиб ўрганилади. Бачадон тубининг икки ён қисмига бачадон найлари очилади. Бу найдан бачадон ичига тухумдонда етилиб чиқсан тухум ҳужайраси келиб тушади.

Тухум ҳужайра бачадон ичига келиб тушган пайтда уруғланиш содир бўлмаса, аёллар ва вояга етган қизларда ҳайз (менструация) кузатилади, яъни уруғланмаган тухум ҳужайра билан бирга бачадон ички шиллик қавати кўчиб тушади. Агар бачадон бўшлиғида етук тухум ҳужайра билан эркак уруғ ҳужайраси (сперматозоид) қўшилса, уруғланиш ҳодисаси рўй беради. Уруғланган тухум ҳужайра бачадон шиллик қаватига жипс ёпишиб, ҳомиладорлик бошланади. Аёлларда ҳомиладорлик вақтида ҳайз кузатилмайди.

## **АСАБ ТИЗИМИ**

Асаб тизими иккига, яъни марказий ва периферик қисмларга бўлинади. Марказий асаб тизимига бош мия ва орқа мия киради. Периферик асаб тизимига эса бош ва орқа миядан чиқадиган нерв толалари киради. Нерв толалари бутун организм бўйлаб тарқалган.

Асаб тизими ташқи таъсирларни қабул қиласида иштирок этади. Нерв толалари марказга интилувчи (таъсирни қабул қилувчи) ва марказдан қочувчи (таъсирга жавоб берувчи) қисмдан иборат.

Орқа мия умуртқа канали ичида жойлашган бўлиб, унинг узунлиги 45 см. Узунчоқ мия билан туташган орқа миянинг пастки қисми конуссимон шаклда тугайди. У ҳам бош мия каби учта парда билан ўралган.

Орқа миядан 31 жуфт орқа мия периферик нерв толалари чиқади. Булар қуидагилар: 8 жуфт бўйин, 12 жуфт кўкрак, 5 жуфт бел, 5 жуфт думғаза ва 1 жуфт дум нервларири.

Умуртқаларо тешикдан чиқкан орқа мия нерв толаларининг олдинги ва орқа шохчалари бир-бирига қўшилиб, нерв тугунлари (ён шохлар)ни ҳосил қиласди.

Орқа мия нерв толалари бир-бири билан қўшилиб, қуидаги нерв тутамларини ҳосил қиласди: бўйин, елка, бел, думғаза тутамлари.

Орқа мия кўндаланг кесимида унинг «Н» ҳарфини эслатувчи кулранг ва оқ моддадан иборат эканлигини кўриш мумкин. Унинг олдинги шохларидан ҳаракатлантирувчи, орқа шохларидан эса сезувчи нервлар чиқади.

Асаб тизими инсон организми билан уни ўраб турган ташқи муҳит ўртасидаги алоқани таъминлайди. Марказий асаб тизими ташқи таъсиrlар, хаётий кўникмаларни ўзида қайта ишлайди, уларни таҳлил қилиб, жавоб реакциясини ишлаб чиқади. Жавоб реакцияси рефлекслар мажмуасидан иборат бўлиб, рефлекслар рефлектор ёйи орқали ўтади. Рефлектор ёйи сезувчи (марказга интилевчи) ва жавоб қайтарувчи (марказдан қочувчи) асаб толалари элементидан иборат бўлади.

Узунчоқ мияда одам фаолияти учун муҳим бўлган марказлар жойлашган. Булар нафас олиш, юрак-томир марказларидир. Бу марказлар бошқалари билан алоқада бўлади ва фаолият изчиллигини таъминлайди.

## **Вегетатив асаб тизими**

Вегетатив асаб тизими марказий асаб тизимининг ажралмас бир қисмидир. Вегетатив нерв толалари барча ички аъзоларнинг шиллиқ мускулларига тарқалиб, улар ишини қисман ихтиёrsиз (автоматик, маҳаллий) равишда бажариб туради. Аммо вегетатив нервлар ҳам мия пўстлоғи бошқаруви остида ишлайди. Вегетатив асаб тизими юрак-қон ва лимфа томирлари, ички аъзоларни, яъни таркибида силлиқ мускулларга эга бўлган аъзо ва безларни иннервация қиласди.

Вегетатив асаб тизими икки, яъни симпатик ва парасимпатик асаб тизимларидан иборатдир.

*Симпатик асаб тизими.* Симпатик асаб тизимининг маркази орқа мияда жойлашган. Умуртқа поғонасининг икки ёнида жойлашган симпатик нерв тугунлари бир-бири билан туташган ҳолда 20–25 та нерв тугунларини ҳосил қиласи. Бу симпатик тугунлардан бош, юрак, ўпка, ошқозон, ичаклар, жигар ва буйракларга борувчи симпатик нерв толалари бошланади.

*Вегетатив асаб тизимининг парасимпатик қисми.* Парасимпатик нервлар бош миянинг ўрта ва узунчоқ мия бўлагидан ва орқа миянинг думфаза қисмидан бошланади. Симпатик ва парасимпатик нерв толалари иш фаолиятлари бўйича бир-бирига қарама-қаршидир, яъни симпатик нервлар бирон орган ишини тезлаштиrsa, парасимпатик нервлар шу орган ишини секинлаштиради. Натижада уларнинг нормал ишлаши учун шароит яратилади.

Масалан, симпатик нервлар кўз қорачигини кенгайтириб, сўлак ажралишини пасайтиради, юрак қисқаришлари сонини ошириб, ошқозон ва ичаклар ҳаракатини пасайтиради. Ошқозоннинг шира чиқариш қобилиягини пасайтириб, ўпка бронхларини кенгайтиради. Парасимпатик нервлар, аксинча, кўз қорачигини торайтиради, юрак қисқаришлари сонини камайтиради, ичак перистальтикаси (ҳаракат)ни оширади, ўпка бронхларини торайтиради. Организмнинг нормал фаолияти ана шу иккала, яъни симпатик ва парасимпатик асаб тизимларининг ҳамжиҳатлиги орқали бош мия пўстлоғи билан идора қилинади.

## СЕЗГИ АЪЗОЛАРИ

Сезги органлари орқали инсон ташқи олам таъсирларини қабул қиласи. Сезги органлари ёрдамида инсон эшитади, кўради, ҳид билади, таъмни сезади.

### Кўриш органлари

Кўриш органи кўз соққаси, қовоқлар, кўз соққасини ҳаракатга келтирувчи мускуллар ва кўз ёши аппаратидан ташкил топган.

Кўз соққаси (олмаси) уч қаватдан: 1) кўзнинг фиброз қавати, яъни ташқи қавати; 2) кўзнинг ўрта томирли пардаси; 3) рангдор пардалардан иборат.

Кўзнинг фиброз пардаси ташқи энг қаттиқ парда бўлиб, кўзнинг олдинги қисмида тиниқ шох пардага айланади, у кўзнинг нур синдирувчи қисмини ташкил этиб, ёруғлик нурлари тўсиқсиз қабул қилинади.

Кўзнинг ўрта томирли пардаси қон томирларга бой бўлиб, у киприкли тана билан бирлашади. Киприкли тана эса ўз навбатида, ёй (камалак) парда билан туташиб, унинг ўртасида қорачиғи бўлади. Мускул толаларидан иборат ёй парда қисқарганда, кўз қорачиғи тораяди, бўшашибганда эса қорачиқлар катталашади. Қорачиқларнинг катталashiши ва торайиши кўзга тушаётган ёруғлик нурининг кучига боғлиқ. Яъни қанчалик ёруғ бўлса, қорачик шунча торайган бўлади ва аксинча.

Шох парда ва камалак парда ўртасидаги бўшлиқ кўзнинг олдинги камераси деб юритилади. Камалак парда орқасида кўз гавҳари бўлиб, унинг ортида ичи сариқ шилимшиқ модда билан тўлган кўзнинг орқа камераси мавжуддир. Шунинг учун у шишасимон тана деб аталади.

Кўзнинг энг муҳим пардаси тўр парда ҳисобланади, унга ташқи томондан қон томирлар ёпишиб турса, ички томондан шишасимон танага тегиб туради. Тўр парда ўз навбатида, ўнта қаватдан ташкил топган. Тўр пардадаги бош миядан келувчи кўрув нервининг охири «колбача» ва «таёқча»симон ҳужайралардан иборат. «Таёқчалар» оқ ва қора нурларни, «колбачалар» эса ёруғликда рангли нурларни қабул қиласи.

Турли хил жисмлардан қайтиб, кўзга тушаётган ёруғлик шох парда ва кўзнинг олдинги камерасидан, қорачик, кўз гавҳари, шишасимон танадан ўтиб синади ва тўр пардада ўша жисмнинг тасвири пайдо бўлади. Бу тасвир кўрув нерви орқали бош мияга узатилади. Бош мияда жисмнинг ранги, катта-кичиклиги, шакли, узок-яқинлиги таҳлил қилинади ва миямизда шу тасвир ҳакида тасаввур ҳосил бўлади.

## Эшитиш аъзолари

Эшитиш аъзолари уч қисмдан: ташқи қулоқ, ўрта қулоқ, ички қулоқдан иборат.

Қулоқ супрасидан иборат ташқи қулоққа ташқи эшитиш йўли хам киради.

Ўрта қулоқ эса ногора бўшлиғи ва эшитув (Евстахий) найидан иборат.

Ташқи ва ўрта қулоқ ўртасида чегара ноғора парда мавжуд.

Ўрта қулоқдаги ноғора бўшлиғида 3 та эшитув сұяқчалари занжир каби туташган бўлади. Болғача ноғора пардага тегиб туради. Болғачанинг иккинчи боши иккинчи эшитув сұяқчаси сандончасига тегиб туради. Сандонча ҳам ўз навбатида учинчи эшитиш сұяқчасига – узангичага тегиб туради, Узангича эса ички қулоқнинг лабиринти тешигини ёпиб туради.

Шундай қилиб, товуш тўлқини қулоқ ноғора пардасига тегиб уни тебратади, натижада эшитув сұяқчалари орқали тебраниш ички қулоқ лабиринтига келади. Ички қулоқ лабиринтида эшитиш нерви бошланади, эшитув нерви охирлари таъсирни эшитиш йўли орқали мия пўстлоғидаги эшитиш марказига олиб боради.

Ички қулоқда эшитув нервларидан ташқари, мувозанатни таъминлайдиган нервлар ҳам жойлашган.

**Хид билиш аъзолари** – атроф-муҳит ва предметларнинг хидини аниқлайди.

**Таъм билиш аъзолари** – оғиз бўшлиғи ва тил ёрдамида овқат конистенцияси ва мазасини аниқлайди.

**Сезиш аъзолари** – терида жойлашган рецепторлар орқали предметлар ва бошқа нарсаларни сезишини амалга оширади.

## АНТИСЕПТИКА ВА АСЕПТИКА

Кўхна дунё ҳакимларининг қўллёзмаларидан маълумки, жароҳатлар йиринглашининг олдини олиш мақсадида қиздирилган темирлар, қиздирилган ёғлар, оҳак ва малҳамлар қўлланилган (Гиппократ, Цельс, Ибн Сино ва бошқалар). Олмониялик акушер Земельвейс 1847 йилда хлор оҳагини қўллаб туғаётган аёл ҳаётини қутқариб қолган. Кейинчалик хлор оҳагини акушерлар қўлига ишлов бериш мақсадида қўллашган. Бу эса ўз вақтида оналар ўлимининг қисқаришига олиб келган. Рус жарроҳи Н. И. Пирогов жароҳатни тозалашда йод эритмасидан фойдаланган.

Француз микробиологи Луи Пастер 1863 йилда жароҳатларда юзага келадиган бижгиш ва йиринглашга уларга тушган ва яшаш қобилиятига эга бўлган микроорганизмлар сабаб бўлишини тажрибалар ёрдамида кўрсатиб берган. Л. Пастер ташаббусини жарроҳлик соҳасига ёйган инглиз жарроҳи Жозеф Листер жароҳатлар йиринглашининг олдини олиш ҳамда уларга қарши курашиш мажмуасини ишлаб чиқиб, жарроҳлик оламида инқилоб қилди ва

1867 йилда «Антисептика асри» номли асарини ёзди. Бунда Ж. Листер операциядан олдин ва операция вақтида хонани заарсизлантириш учун пуркагичлар ёрдамида карбол эритмаси пуркашни тавсия қилган. Шу билан бирга, операция майдони, жарроҳ кўли ва кийимлари, операция жиҳозларига ҳам 2 – 5 % карбол эритмаси билан ишлов берилган. Шундай қилиб, Ж. Листер усуллари ҳозирги замон тушунчасидаги асептика ва антисептика тамойилларини бирлаштиради.

*Антисептика* – жарроҳатга инфекция тушмаслигига қаратилган маҳсус чора-тадбирлар йифиндиси. Антисептика юон тилидан олинган бўлиб, *anti* – қарши, *septicos* – йиринг чақиравчи тушунчасини билдиради.

*Асептика* – жарроҳлик муолажаларида, яраларни боғлашда ва бошқа муолажаларда яраларга, тўқималарга, аъзоларга ҳамда тана бўшлиқларига микроорганизмларнинг тушиш хавфига қарши қаратилган чора-тадбирлар тизими мажмуаси. Атама *a* – инкор, инкор этувчи, *septicos* – йиринг чақиравчи каби юон сўзлардан олинган.

Шундай қилиб, ҳар қандай жарроҳат каби жарроҳлик муолажалари туфайли, тўқималар бутунлигининг бузилиши ҳисобига пайдо бўлган жарроҳатлар ҳам инфекция тушишидан ва йиринглашдан холи эмас.

Йирингли ҳолатларни чақиравчи бактериялар иккига бўлинади:

- аэроблар – атмосфера ҳавоси ҳисобига хаёт кечиравчи микроблар;
- анаэроблар – атмосфера ҳавоси иштирокисиз хаёт кечиравчи микроблар.

Аэроб бактерияларга киравчи стафилококклар (*staphylococcus piogenes*) табиатда жуда кенг тарқалган бўлиб, ҳар қандай жиҳозлар, кийимлар, инсон ва жонзот таналарида, тери ва шиллик пардаларда, соchlарда учрайди. Унинг оқ ва олтинсимон турлари мавжуд.

Улар фурункул, карбункул, абцесс ва бошқа йирингли касалликларни келтириб чиқаради; стрептококк (*streptococcus piogenes*) кенг тарқалган аэробдир. Табиатга жуда яхши мослашган. Сарамас, йирингли артрит ва бошқа йирингли касалликларни келтириб чиқаради; менингококк бош ва орқа миянинг пўстлоқ (парда) қаватига жуда юқори мойиллик намоён қилиб, уларда йирингли яллиғланиш касалликларини чақиради; гонококк кўпроқ сийдик ва жинсий аъзолар йўлларининг шиллик пардаларини

(сўзак, гонорея), кўз ва бўғимларнинг йирингли касалликларини чақиради; пневмококк нафас олиш аъзоларининг яллиғланишини келтириб чиқаради; ичак таёқчалари овқат ҳазм қилиш аъзолари касаллигини; кўк йиринг таёқчалари иккиламчи инфекцияларни келтириб чиқаради; ҳаволи қорасон таёқчалари қорасон касаллигини; қоқшол таёқчалари қоқшол (столбняк) касаллигини келтириб чиқаради.

## **Микролар билан заҳарланиш йўллари**

Микролар билан заҳарланиш гетероген ва аутоген йўллар билан бўлиши мумкин. Гетероген ёки экзоген юқиш деганда, жароҳатга микроорганизмларнинг ташқи муҳитдан тушиши тушунилади. Бунда икки хил йўл билан заҳарланиш кузатилади:

1) бир-бирига тегиши орқали (контакт), яъни стерилланмаган асбоблар, боғлам матолари, жарроҳ қўли орқали ўтадиган ва энг кўп учрайдиган юқиш;

2) ҳаво орқали, яъни чанглар орқали, томчи ва тупроклар орқали, мулоқот ва йўтал вақтида юқадиган тури.

Аутоген ёки эндоген юқиш инсон танасида ва аъзоларида бор микролар орқали вужудга келади.

## **Микроларнинг организмда тарқалиш йўллари**

Йирингли жараёнларнинг ривожланишида микроларнинг организмга кириш жойи ва тарқалиш йўллари катта аҳамиятга эга. Шикастланмаган тери ва шиллиқ пардалар ишончли тўсиқ ҳисобланади, улар орқали микролар ўта олмайди. Терининг эпидермис ёки шиллиқ пардаларнинг эпителий қаватларининг шилиниши кўп ҳолларда механик шикаст, гоҳида кимёвий бирикмалар ва заҳарли моддалар таъсирида вужудга келади. Бундай ҳолларда шикастланган аъзонинг катта ё кичиклиги микроларнинг киришида ҳеч қандай ўрин тутмайди, чунки бактериялар макро ва микро тешикчалардан ҳам ўтиш қобилиятига эгадир. Тешикчалардан ўтган бактериялар тўқималараро суюқликларга, кейин эса лимфа суюқликлари орқали қон айланиш доирасига тушиб, сўнгра қон орқали аъзоларга (тери, тери ости қатламлари, мускул, лимфа тугунлари, сувак ва бошқаларга) тарқалади. Баъзи ҳолларда бактериялар бевосита қўшни аъзоларга, яъни тўғридан-тўғри

контакт (*per continuitatem*) йўли билан ўтади. Масалан, ўпкадаги йирингли жараён плеврага ўтиши ёки шу холатнинг акси бўлиши мумкин.

## **Мудроқ инфекциялар ҳақида тушунчалар**

Мудроқ инфекциялар инсон организмидаги иштирок этувчи микроорганизмлар бўлиб, улар маълум вақт мобайнида ҳеч қандай касаллик чақирмаслиги мумкин. Асосан, улар соғлом одамларда фаолият кўрсатадиган, инсон учун фойдали бўлган кучсиз бактериялар ёки сапрофит (нормада учрайдиган) микроорганизмлардир. Маълум бир шароитда (организм қаттиқ совқотганда, шикастланиш, жарроҳлик муолажаларидан кейин) бу микроорганизмларнинг фаоллашиши туфайли йирингли жараёнлар келиб чиқиши мумкин. Бундай холатлар эски чандик ва аъзоларнинг бир-бирига ёпишган жойларида ҳосил бўлади. Мудроқ инфекцияларнинг манбаи лимфа тугунлари ва чириган (кариес) тишларнинг коваклари бўлиши мумкин.

Шундай қилиб, антисептика деганда, дезинфекция (зараарсизлантирувчи) воситалари ёрдамида жароҳат йирингли заарланишининг олдини олиш тушунилади.

Антисептиканинг ривожланишида факат жарроҳлик соҳасидаги билимларнинг тўпланишига асосланишдан ташқари, микробиология, фармакология, физика, кимё ва бошқа бир қатор соҳаларнинг ўзига яраша аҳамияти бор.

Амалиётда антисептиканинг бир нечта турлари мавжуд:

- *механик*;
- *физиковий*;
- *кимёвий*;
- *биологик*;
- *аралаш*.

## **Механик антисептика**

Инфекция тушган ва ҳаётга яроқсиз тўқималарни механик йўл билан кесиб олиб ташлаш ва шу йўл билан жароҳатларга инфекция тушишининг олдини олиш ҳамда уларни даволашнинг асосий турларидан биридир. Механик антисептика амалиётда энг кўп қўлланиладиган, жароҳатга бирламчи жарроҳлик ишлов бериш усули ҳисобланади. Бирламчи жарроҳлик ишлови тўғри ва ўз

вақтида бажарилғандагина жароҳатларнинг инфекциядан тозаланғанлигига ва жароҳатнинг бирламчи битишига кафолат берилади. Ифлосланған жароҳатларни инфекциялардан тозалаш, ёт жисмларни олиб ташлаш, ҳаёт фаолиятига эга бўлмаган тўқималарни кесиб ташлаш муолажалари механик антисептиканинг жарроҳлик амалиётида кенг қўлланиладиган жароҳатга бирламчи ишлов бериш даво тадбирларидан бири ҳисобланиб, микробларнинг ҳаёт кечиришига қарши олиб бориладиган чоралардир. Бу усулни биринчи бўлиб рус жарроҳи К.К. Рейер 1877-1878 йилларда рустуркия урушида қўллаган.

### **Физикавий антисептика**

Бу усул ҳам яраларга инфекция тушишининг олдини олиш ва даволашга қаратилган энг муҳим антисептиканинг тури бўлиб, физикавий омилларни қўллаш орқали микробларнинг миқдорини камайтириш, уларни парчалаб юбориш ҳамда ҳаёт фаолияти давомида ажратган заҳарли моддаларни (токсин) йўқотишдан иборат. Физикавий антисептикамага қуидагиларни киритиш мумкин:

– боғламларнинг гигроскопиклиги (суюқликни шимиб олиши) фойдаланиш, капиллярлик хоссаси туфайли яра юзасидаги (таркибida микроб ва унинг заҳарини тутган) суюқликнинг шимиб олиниши;

– гипертоник эритмадан фойдаланиш, ярадаги онкотик босимдан юқори бўлган осмотик босим (жароҳатни қуритади) ҳосил қилиниши капиллярлик хоссасини келтириб чиқаради ва юқори самара беради.

Ёруғлик, қуруқ иссиқ, ультратовуш, ультрабинафша нурлар ва бошқа омилларни ҳам физикавий антисептикамага киритиш мумкин.

### **Кимёвий антисептика**

Бактерияларнинг ривожланишини тўхтатувчи (бактеиостатик) ва бактерияларни ўлдирувчи (бактериоцид) хусусиятга эга бўлган моддаларни қўллаш кимёвий антисептика ҳисобланади. Микробларга таъсиридан ташқари, кимёвий моддалар тўқима, жароҳат ва организмга ҳам биологик таъсир қўрсатади. Шунинг учун ҳам, антисептиканинг мазкур тури қўлланилаётган даво муолажалари вақтида ишлатилаётган моддаларнинг дозалари (миқдорлари)ни қатъиян меъёrlаш шарт.

## **Биологик антисептика**

Биологик антисептикада микробларнинг ўсиши ва ривожланшини тўхтатувчи биологик воситалар ёрдамидаги таъсирлар кўзда тутилади, булар:

- 1) антибиотиклар;
- 2) бактериофаглар;
- 3) антитоксинлар (қоқшолга қарши, дифтерия (бўгма)га қарши зардоблар).

## **Аралаш антисептика**

Антисептика турларининг, микроблар ҳужайралари ва макроорганизмларга таъсир доираларини ўрганаётганда уларнинг ўрнини алмаштириш мумкин эмас. Чунки уларнинг таъсир кучлари ҳамжихатликда ортиб боради.

Микробларга қарши таъсирини ошириш учун кенг миқёсда антисептиканинг бир нечта турларини биргаликда қўллаш мақсадга мувофиқдир. Масалан, бугунги кунда жароҳатларни даволаш мақсадида бирламчи жарроҳлик йўли билан ишлов берилаётганда (механик ва кимёвий антисептика), у биологик (антибиотиклар ва қоқшолга қарши зардобларни юбориш) антисептика билан тўлдирилади ва қўшимча равишда физиотерапевтик муолажалар тавсия этилади.

Антисептика қўлланилишига қараб, маҳаллий ва умумий антисептика муолажаларига бўлинади. Ўз вақтида маҳаллий антисептика иккига, юзаки ва чуқур турларга бўлинади. Маҳаллий юзаки тури, асосан, жароҳат юзасига ҳар хил сепмалар, малҳамлар қўйиш ҳамда жароҳат юзаси ва бўшлиқларини ювиш муолажаларидан иборат.

Маҳаллий чуқур антисептика турига яллиғланиш ўчофи ва жароҳат атрофидаги тўқималарга инъекция йўли билан моддаларни юбориш (санчиб қўйиш ва ҳар хил блокадалар) киради.

«Катта заарсизлантирувчи даволаш» ёки умумий антисептика тадбирларига организмни (антибиотик, сульфаниламид) антисептик моддалар билан тўйинтириш ёрдамида шу юборилган моддаларни қон айланиш доираси орқали жароҳатга етиб келиб, микробларга таъсир этиши тушунилади.

Амалиётда кенг қўлланиладиган антисептик моддаларни 10 та асосий гурухга бўлиб ўрганиш мумкин.

### *1. Таркибида галоид моддалар бўлган гуруҳ.*

Хлорамин «Б» – жарроҳлар қўлига ишлов беришда, резина қўлқопларни стериллашда, тери ва шиллик пардаларни ювиш ва ифлосланган жароҳатларни даволашда 2% эритмаси қўлланилади.

Йоднинг 5–10% спиртли эритмаси жароҳатларга ишлов беришда, жароҳатлар, тирналган ва ёрилган терилар атрофлариға суртишда ишлатилади.

Йодоформ – ифлосланган ва секин битаётган жароҳатларга сепма ва малҳамлар кўринишида қўлланилади.

Люголь эритмаси – йод ва калий йоднинг спирт, глицерин ёки сувдаги эритмаси ҳисобланади. Шиллик пардаларга суртиш ва йирингли жароҳатларга тампон кўринишида ишлатилади.

Йодофорлар – йоднинг фаол спиртли бирикмалар (йодопирон, йоданал, йоданат) билан ҳосил қилинган комплекси ҳисобланади. Асосан, терига ишлов бериш, жароҳатларни, куйишни даволашда ва жарроҳлик асбобларини стериллашда қўлланилади.

### *2. Оксидловчи гуруҳ (кислород тутувчи моддалар).*

3% водород пероксида эритмаси йирингли жароҳатларни ювишда ишлатилади. Мочевина билан бирлашган таркиби таблеткалар кўринишидаги гидроперит шаклида ҳам ишлатилиши мумкин. Қайнатилган 200 мл сувда 4 та таблеткаси эритилганда 2% водород пероксида эритмаси ҳосил бўлади.

Калий перманганат, кучли оксидловчи: 0,1–0,5 % эритмалари йирингли жароҳатларни ювишда, 0,02 % эритмаси бўшлиқларни ювиш ва чайқашда, 2–5 % эритмалари куйишларни даволашда ишлатилади.

Борат кислотасининг 2 % эритмаси жароҳатларни ювишда, чайқашда, шунингдек, сийдик пуфаги ва бошқа ковак аъзоларни ювишда ишлатилади.

### *3. Оғир металлар тузларининг гуруҳи.*

Симоб дихлорид (сулема) – фақат сиртга ишлатилади: 1:1000 нисбатдаги эритмаси қўллар ишлови учун, ипакларни стериллашда, bemорлар ва жароҳатларга ишлатиладиган жиҳозларни дезинфекциялашда қўлланилади. Сулема – жуда кучли заҳарли модда ҳисобланади ва бу эритмалар билан ишлов мобайнида жуда эҳтиёткорлик талаб қилинади.

Диоцид – кучли антисептик хусусиятга эга, сепки ёки таблеткалар кўринишида чиқарилади. 1 та таблеткасининг 5,0 литр

қайнатилган сувдаги эритмаси қўллар ишлови учун, 1 литрда эритилган 1 та таблетка эритмаси асбобларни стериллашда қўлланилади.

Кумуш нитрат – ляпис сийдик пуфаги ва йирингли жароҳатларни ювишда ишлатилади. Ҳаддан ташқари тез ўсаётган ёш хужайра тўқималарини куйдириш мақсадида 10% эритмаси қўлланилади. Аммо шуни ҳам ёддан чиқармаслик керакки, тери ёки шиллиқ пардаларга теккан 10 % эритмаси тўқималар некрозига олиб келади.

Протаргол – сийдик пуфаги яллиғланишларида 1–3 % эритмаси юборилади.

Колларгол – йирингли жароҳатларни ювишда 0,2–1 % эритмалари ишлатилади.

#### *4. Спиртлар.*

Ҳар кунлик тиббиёт амалиётида мунтазам равишда этил (узумники) спирти кенг қўлланилади. Чунки метил спирти жуда заҳарли бўлиб, кучли заҳарланиш ҳолатларини чақириши мумкин.

Этил спирти нафакат дезинфекциялаш, балки қуритиш ва қотириш хусусиятларига ҳам эга. Жарроҳлар қўлларини ювиши учун ва операцион майдонларга ишлов беришда кенг қўлланилади. Бундай ҳолларда спиртнинг 70 % эритмасидан фойдаланиш мақсадга мувофиқдир. Чунки кучли спирт бирикмаси териларни қотириб, улар тешикларини ёпиб қўйиши, чукурда ётган микробларнинг сақланиб қолишига сабабчи бўлиши мумкин.

90–95 % ли спиртлар, асосан, кесувчи жарроҳлик асбоблари ва жиҳозларни стериллашда қўлланилади.

#### *5. Формальдегид гуруҳи.*

Асосан, бу гуруҳдан формалин қўлланилади.

Формалин – формальдегиднинг 40 % сувли эритмасидир, қотиравчи антисептик восита сифатида 0,5–1 % эритмалари қўлларга ишлов беришда қўлланилади.

#### *6. Фенол гуруҳи.*

Кўп ҳолларда фенол ва қатрон кўринишларида ишлатилади. Фенол (карбол кислотаси) – резина қўлқоплар, асбоб ва жиҳозларни стериллашда 3–5 % эритмалари ишлатилади.

Қатрон (дёготь) – оқ қайин дарахти пўстлогининг қуруқ ишлови натижасида олинади. Антисептик ва яллиғланишларнинг олдини олиш хусусиятларига эга. У Вишневский малҳами таркибиға киради.

#### *7. Анилин бўёқлари гуруҳи.*

Антисептиклар сифатида қуидаги бўёқлар:

- этакридин (риванол) – йирингли жароҳат ва бўшлиқларни ювишда;
- бриллиант яшилининг 0,1–2 % спиртли эритмалари йирингли яраларга суртиш мақсадида;
- метилен қўки қуийшларда, пиодермия ва сийдик пуфагини ювишда (0,02 % сувли эритмаси) 1–3 % спиртли эритмалари ишлатилади.

*8. Нитрофуранлар ҳосилалари гуруҳи.*

Кам заҳарли ва кучли антисептиклардан саналади. Клиник амалиётда кўлланиладиганлари:

- фурациллин – йирингли жароҳат ва бўшлиқларни ювиш ва чайқашда 0,2 % эритма ва малҳамлар кўринишида кўлланилади;
- фурагин – жароҳат инфекциялари ва қуийшларда эритмалари, ичишга таблеткалари ишлатилади;
- фурадонин – сийдик йўллари инфекцияларида таблеткалар кўринишида кўлланилади.

*9. Сульфаниламид препаратлари гуруҳи.*

Микроблар ўсиши ва ривожланишига бактериостатик (стрептококк, стафилококк, пневмоококк ва х. к.) таъсирларини яққол намоён қилиши билан қуидагилар алоҳида ажралиб туради.

- стрептоцид – яллиғланишига қарши, жароҳатлар инфекцияланишининг олдини олиш ва даволашда;
- норсульфазол – ичиш учун таблетка кўринишида;
- сульфацил – эритилгани йирингли жароҳатларни даволашда ишлатилади.

*10. Антибиотиклар (биологик антисептиклар).*

Антибиотиклар бактериялар ҳаёт фаолиятини тўхтатган ҳайвонлар, ўсимликлар ва микроблар маҳсулотидир.

Бу маҳсулотлар амалиётда ҳар хил дори шаклида, яъни ичиш учун таблеткалар, маҳаллий эритмалар ва малҳамлар кўринишида, мускул ва томирлар оралиғига юбориш учун кенг кўламда қўлланилади.

Антибиотиклар бир неча турларга бўлинади:

- пенициллин;
- стрептомицин;
- тетрациклин;
- эритромицин;
- синтомицин ва ҳоказолар.

Антибиотиклар, ўзларининг таъсир кучлариға қараб, маълум микроорганизмларга нисбатан юқори таъсир этиши билан харakterланади. Шунинг учун ҳам касалликнинг ривожланиш босқичи ва уни чақиравчи микроорганизмларнинг танланган антибиотикларга сезувчанлиги инобатга олинганда даволаш самараси юқори бўлади. Айрим ҳолларда антибиотиклар организмларда турли хил аллергик реакциялар чақириши мумкин, яъни антибиотик юборилганда организм қаршилик кўрсатиб, бир неча дақиқа ичидаги анафилактик шок чақириши, натижада ўлим билан якунланиши мумкин.

Баъзан бу аллергик қаршиликлар кечиккан ҳолда, яъни антибиотиклар юборилгандан бир неча соат ёки кундан кейин ҳам юз бериши мумкин. Шунинг учун ҳам ҳар бир антибиотикни юборишдан олдин бемордан мазкур дармонларни олганлиги ҳақида маълумотлар йиғиши, олган бўлса, тери қичиши, қизариши, шиллиқ пардаларнинг шишлари каби аломатлар бўлганлиги ҳақидаги маълумотларга асосланган ҳолда иш олиб бориш зарур. Бундан ташқари, юқоридаги асоратларнинг олдини олиш учун олдиндан терининг антибиотикка сезувчанлигини аниқлаш мақсадида синамалар қўйилади. Бунинг учун 500 000 бирликдаги пеницилинни 5 мл сувда эритиб, ундан 0,1 мл га яқин эритмаси билак олдинги қисми териси ичига «лимон пўсти» ҳосил қилиб юборилади, 30–60 дақиқа ичидаги эса терида содир бўлаётган ўзгаришларни мунтазам равища кузатиб бориш шарт. Агарда тери атрофида қизариш, қизил доначалар, шиш ва тери қичишлари пайдо бўлса, организмнинг мазкур антибиотикка нисбатан қаршилиги борлигини ифода этади. Бундай ҳолларда қолган антибиотик эритмасини юбориш қатъиян ман этилади.

Мақсадга мувофиқ самара олиш ва микроорганизмларнинг антибиотикларга нисбатан мосланишини пасайтириш мақсадида, бир вақтда бир неча антибиотикларни бирга қўллаш тавсия қилинади. Масалан, тетрациклинни эритромицин ва олеандомецин билан, аммо шу билан биргалиқда, баъзи бир, яъни пенициллинни эритромицин билан, стрептомицинни тетрациклин билан ва ҳоказо антибиотикларнинг бир-бирига мос келмаслигини ҳам ёддан чиқармаслик керак.

## **Асептика услублари**

У антисептика услубарининг давоми ҳисобланиб, бир-бири билан чамбарчас боғлиқ.

*Асептика услублари қуийдагилардан иборат:*

- 1) асбоб-ускуна ва жиҳозларни стериллаш;
- 2) жарроҳ қўлини маҳсус йўл билан заарсизлантириш;
- 3) текширишлар ва операция жараёнларида ишлар вақтида маҳсус қонун-қоидаларга қатъий риоя қилиш;
- 4) даволаш масканларида маҳсус ташкилий ва санитария-гигиена ишларини ташкиллаштириш.

Жарроҳлик инфекцияларининг манбаи икки хилда бўлади: экзоген (ташқаридан) ва эндоген (ички манбалардан).

Эндоген инфекциялар манбаи bemorlar организмида, экзоген инфекциялар манбаи эса атроф муҳитдадир. Эндоген инфекциянинг олдини олишда антисептика, экзоген инфекцияда эса асептика асосий ўрин эгаллайди.

## **Ташқи муҳит (экзоген) инфекциялари**

Ташқи муҳит (экзоген) инфекциялари ҳаво, томчи кўринишидаги, контактли, кўчиб ўтувчи (имплантацион) турларга бўлинади. Ҳаво инфекциялари манбаи бўлган микроблар эркин ҳолда ҳавода учиб юради. Ҳавонинг микроблар билан булғаниш даражаси асосан, ёпиқ хоналарда ва шаҳарларда юқоридир. Ҳаво инфекциялари билан курашиш, бу, асосан, ҳаводаги чанглар билан курашишdir. Ҳаво инфекцияларини камайтиришга қаратилган чора-тадбирлар қуидагилардир:

- 1) ёпиқ хонадонларда ҳаво айланишини маҳсус (кондиционерлар) ускуналар ёрдамида алмаштириш;
- 2) нам матолар билан хоналарни артиш;
- 3) мунтазам равишда ҳавони алмаштириш;
- 4) очик жароҳатларнинг ҳаво билан контакт вақтини қисқартириш.

## **Томчи инфекциялари**

Томчи инфекциялари ҳаво инфекцияларининг бир кўриниши бўлиб, унинг манбаи bemor оғиз бўшлиғидан ажралиб чиқаётган сўлак томчилари ҳисобланади. Бу ҳолатлар тибиёт ходимлари

томонидан инфекцияга чалинган ҳар қандай суюқлик томчиси орқали ҳам ўтиши мумкин. Беморлар учун томчи инфекциялари ўта хавфли саналади.

Томчи инфекциясига қарши кураш тадбирлари – операция хоналарида сўзлашишга йўл қўймаслик, пахтали методан оғиз ва бурунни ёпиб турувчи ғилофлар тақиши, операция ва боғлам қўйиш хоналарини замонавий талабларга риоя қилган тарзда жиҳозлаш ва кварц нурларидан фойдаланишдан иборат.

### **Контактли инфекциялар**

Контактли инфекциялар деб стерилланмаган асбоблар, ифлос қўллар, матолар ва ҳ. к. орқали юқсан инфекцияларга айтилади. Жароҳатларни контакти инфекциялардан сақлаш жароҳат билан ишлаш мобайнида унга тегиши мумкин бўлган асбоб-ускуналарни, матоларни стериллаш, жарроҳ қўлини заарсизлантиришда асосий қонун ва қоидаларга риоя қилинишига боғлиқдир. Бундан ташқари, операция вақтида жарроҳнинг стерилланган қўлқоплар орқали тўқималарга ишлов беришда кўпроқ асбоблар билан ишлаши тақозо этилади.

### **Кўчма (имплантацион) инфекциялар**

Кўчма (имплантацион) инфекциялар дейилганда, жароҳатларга тикиш матолари, тампонлар, дренаж найлари ва протезлардан тўғридан-тўғри кўчирилган инфекциялар тушунилади. Бундай инфекцияларнинг олдини олиш чораларига тикиш матоларини, дренаж найларини меъёрига етказиб стериллаш тадбирлари киради. Кўчма инфекциялар кўп ҳолларда, мудроқ (латент) кўринишда ҳам бўлиши мумкин, аммо вақти келиб организм қаршилигининг баъзи бир сабабларга кўра заифлашиб кетиши сабабли, ўз кучини кўрсатиши мумкин.

Асептика услуби микроорганизмлар ва уларнинг спораларини ўлдириш мақсадида физикавий ва кимёвий омилларни биргаликда қўллашни тавсия қиласди. Кўп ҳолларда, микроб хужайралари оқсилларини денатурация (ивиб қолиши) ҳолатига чақириш мақсадида физикавий омиллар қўлланилади. Аксарият қисм микробларнинг споралари юқори ҳарорат таъсирига чидамлидир.

Микробларнинг юқори ҳароратларга чидамлилиги уларнинг турлари, ҳолатларига (бўлинаётган ва ёш хужайралари жуда

чиdamсиз) ҳам боғлиқдир. Бактерияларнинг сезгирилиги қайси мұхитда жойлашгани (оқсилли ва қандлы (ширин) мұхит сусайтиради, асосли ва ишқорий мұхит эса оширади) ҳам катта ўрин тутади. Совуқ мұхит микроб хужайраларининг күпайишини тұхтатади, холос, аммо бактериоцид таъсирини ўтказа олмайди. Бактериоцид хусусиятни ультрабинафша нурлари таъсири намоён этади, бундан ҳаводаги, тұқымалар, тери, девор ва уй юзаларидаги микробларнинг барчаси ўлади. Ультратовуш усулида стериллашни ташкиллаштириш учун катта ультратовуш керак бўлади, шу сабабли амалиётда унча кенг тарқалган эмас. Суюқ мұхитларни микробларни тутиб қолувчи маҳсус тўрлар орқали тозалаш мумкин, аммо бу тўрлардан вируслар ўтиб кетганлиги сабабли, кенг миқёсда фильтрлаш усули жорий этилмаган.

Стериллаш мақсадида кўпроқ юқори ҳароратдан фойдаланилади:

- 1) қайнатиш;
- 2) куйдириш;
- 3) қуруқ иссиқлик таъсирида;
- 4) буз босими остида.

Жароҳатларнинг инфекцияга чалиниши олдини олиш чоралари қуидагилардан иборат:

- жароҳатлар атрофини стерилланган матолар билан ўраш;
- асбоблар ва чойшабларни мунтазам алмаштириш;
- операция вақтида жарроҳлар қўлларини такрор ювиши;
- операция зарурат юзасидан кечикирилган ёки тўхтатилган вактларда унинг юзасига зудлик билан стерилланган мато ёпиб қўйилиши;
- операциядан кейин ишончли ва мустаҳкам боғламлар қўйиш.

Охирги вактларда операциядан кейин қўйиладиган боғлам матолари ўрнига парда ҳосил қиласидиган моддалар ишлатиляпти.

Босим остидаги тури (автоклавлар) нисбатан ишончли стериллаш усулларидан ҳисобланади. Бу усул операцияда ишлатиладиган чойшабларни, боғлам матолари, резина қўлқоплар ва қон қуийиш учун ишлатиладиган системаларни стериллашда кенг қўлланилади.

Асептиканинг асосий усулларидан бири жарроҳ қўлларини зарарсизлантириш ҳисобланади, қўлларда ёриқлар, териларнинг қалинлашиши (қадоқ) бўлмаслиги керак, тирноқлар калта қилиб олиниши шарт. Шуни таъкидлаб ўтиш керакки, микроор-ганизм-

ларнинг 90 % тирноқлар остида яшириниб ётар экан. Шунинг учун ҳам тез-тез қўлларни ювиб туриш, ифлос ишларни бажараётганда қўлқоплар кийиб ишлаш тавсия қилинади.

Қўллар ишловининг бир неча турлари мавжуд, аммо ҳар қайси тури ҳам уч босқичдан иборат:

- *терини механик йўл билан тозалаши;*
- *тери дезинфекцияси;*
- *терини қотириши.*

Амалиётда кенг тарқалган тури Спасокукоцкий – Кочергин усули ишқорларнинг ёғларни эритувчи ва микробларни ўлдирувчи таъсирига ҳамда спирт таъсирида терини қотириш ва дезинфекция қилинишига асосланган бўлиб, у 4 босқичдан иборатdir.

*Биринчи босқич* – илиқ 0,5 % нашатир спирти эритмасида стерилланган салфеткалар ёрдамида қўлларни яхшилаб 3–4 дақиқа давомида стерилланган тоғорада ва 3–4 дақиқа иккинчи тоғорада ювади, қўллар ювилаётганда ҳамма вақт эритмаларга ботиб турган бўлиши ва қўллар қисмларининг ювилишдаги кетма-кетлигига риоя қилиш шарт.

*Иккинчи босқич* – стерилланган сочиқларда қўлларни қуритиш.

*Учинчи босқич* – 5 дақиқа мобайнида 96 % спиртга тўйинтирилган салфетка ёрдамида қўлга ишлов берилади.

Тўртинчи босқич – бармоқлар учлари, тирноқ ўриндиқлари ва тери бурмаларига 5 % йоднинг спиртли эритмаси суртилади.

Фавқулодда ва жанговар ҳолатларда қўллар ишловининг тезкор усуллари қўлланилиши мумкин. У қуйида келтирилаётган эритмаларнинг бири билан тўйинтирилган салфеткалар ёрдамида 3 дақиқа мобайнида қўлларни яхшилаб артиш орқали бажарилади:

- 0,5 % формалиннинг спиртли эритмаси;
- 2 % йоднинг спиртли эритмаси (йоднинг спирт билан аралашган турғун эритмаси);
- 0,5 % бриллиант яшилиниң спиртли эритмаси.

Навбатдаги операция муолажалари қўлқоплар ёрдамида бажарилади.

Кейинги йилларда тиббиёт амалиётида кўплаб бир марта ишлатишга мўлжалланган шприцлар, томир ичига юбориш системалари, жарроҳлик асбоб-ускуналари қўлланилмоқда. Бундай бир марта ишлатилишга мўлжалланган ускуналарнинг тиббиёт амалиётида қўлланилиши натижасида бир вақтнинг ўзида контактли инфекцияларнинг, ифлос ишлар, асбоблар, системалар орқали

қонга тарқаладиган касалликни келтириб чиқарувчи омилларнинг олди олиниб, «В» ва «С» вирусли гепатити ҳамда ОИТС касалликларини кескин камайтиришга эришилди.

Шундай қилиб, асептика ва антисептика қоидаларини билган ва унга риоя қилган ҳолдагина жароҳатлар йиринглашининг олдини олган, қон, ҳаво-томчи орқали, контактли ва кўчма инфекциялар тарқалишини бартараф этган бўламиз.

## ҚОН КЕТИШИ

Қон айланиш доираси томирларидан тўқималарга, ташқи мухитга ёки бирор бўшлиққа қоннинг чиқишига қон кетиши дейилади. Оғир шикастланишларда кўп қон йўқотилиши туфайли ўлим юз бериши мумкин. Беморлар ҳаётига катта хавф туғдирувчи ҳолатлар, асосан, кўп микдорда қон йўқотилганда пайдо бўлади, яъни бу ҳол қон айланиш доирасида умумий қон ҳажмининг кескин камайиб кетиши ва тўқималарнинг кислород билан таъминланиши бузилиши туфайли келиб чиқади. Артериал қон томирларида систолик босим 70 мм симоб устунидан пастга тушганда ҳаёт учун хавфли ҳолат юзага келади.

Катталарда тана вазнига қараб 4–5 литрга яқин қон бўлади. Шундан 60 % га яқини қон томирларида ва 40 % эса депо аъзоларда (жигар, талок, суяк илиги соҳасида) бўлади.

Баъзан катта босимда ва юқори тезликда қон кетганда (400–600 мл), йўқотилган қон ҳажми унчалик кўп бўлмаса-да, ўлим ҳолати юз бериши мумкин. Чунки бундай қон кетиши вақтида юракка бораётган қон ҳажмининг кескин камайиб кетиши сабабли томирларда айланаётган қон ҳажми, шу қон айланиш доираси ҳажмига тўғри келмайди. Қон кетишининг ҳажми ва тезлиги жароҳатланган томирнинг катта-кичиклигига, жароҳатнинг юза ёки чукур кесилганлигига ҳамда эзилиб кетганлигига ҳам боғлиқ бўлади. Чунки кесилган жароҳатлардан эзилган жароҳатларга нисбатан кўпроқ қон кетиши мумкин.

Қон йўқотишда эркаклар аёлларга нисбатан бир оз чидамсиз бўлади, бу эса аёлларда ҳайз кўриш билан боғлиқ. Қарияларда қон кетиши кўпинча, уларда учраб турадиган ҳамроҳ касалликлар – хафақонлик, баъзи тизимли касалликлар, синдромлар ва юқумли касалликлар (сепсис, кўйиўтал, витаминлар етишмовчилиги, нур касаллиги, холемия – қоннинг ўт суюклиги билан заҳарланганлиги)

натижасида қон томир деворларининг заифланиши туфайли рўй беради. Инсон ҳаёти учун ўта хавфли бўлган қон кетишлар қон касалликлари (гемофилия, лейкемия, тромбоцитопения) бор беморларда учрайди. Қон кетишининг юз беришида баъзи бир доридармонларнинг ҳам ўз ўрни бор (антикоагулянтлар, аспирин). Бу ўринда баъзи табиий омилларнинг, яъни атроф-мухит ҳароратининг юқорилиги, атмосфера босимининг пасайиб кетганлиги ҳам муҳим аҳамият касб этади.

Қон кетиши ёки қоннинг бирор ерда тўпланиб қолишига нисбатан турли хил атамалар қўлланилади. Тери остида тўпланиб қолган кам ҳажмдаги қон тўпламаси «*петехия*», шиллик парда остидагиси эса «*пурпурা*» деб аталади. Тери ёки шиллик парда остига тўпланган катта майдондаги қоннинг тўпланишига «*экхимоз*» дейилади.

Катта ҳажмда, аммо чегараланган майдондаги тўқималар орасидаги бўшлиқقا тўпланган қонга «*гематома*», бурундан қон кетишига «*эпистахис*», ошқозондан қон кетишига «*гасторагия*», қон аралаш ҳайз келганда «*гематомезис*», сийдикнинг қон аралаш чиқишига «*гематурия*», бачадондан қон кетишига «*метрорагия*» дейилади. Булардан ташқари, бирор бир аъзо бўшлиғига қон тўпланишига қараб ҳам ўзгача атамалар ишлатилади: «*гемоперикардиум*» – юрак халтасида қон йиғилиши, «*гемоторакс*» – ўпка плевра бўшлиғида қон йиғилиши, «*гемоперитониум*» – қорин бўшлиғига қон йиғилиши каби.

## **Қон кетишининг турлари**

Қон кетишининг бир нечта амалий аҳамиятга молик турлари фарқланади.

Анатомик, яъни аъзо турларига қараб артериал, веноз, капилляр ва аралаш қон кетишларга бўлинади. Артериал қон кетишида қон оч қизил рангда бўлиб, катта босим остида, фаввора кўринишида отилиб чиқади. Артериал томирлар жароҳатланганда, уларнинг ўлчамига боғлиқ бўлмаган ҳолда, қисқа вақт ичida организмда камқонлик юз бериб, ўлимга сабаб бўлиши мумкин. Вена томирларидан кетаётган қон тўқ қизил рангда бўлиб, бир маромда ва секин, «булоқ» кўринишида оқиш хусусиятига эга. Катта веналар жароҳати туфайли қон кетиши юз берса, инсон ҳаёти учун катта хавф туғилиши мумкин. Капиллярлардан қон кетганда жароҳатнинг

бутун юзаси бўйлаб кам миқдорда, бир маромда, томчи кўринишида қон сизиб чиқади. Кўпинча, капиллярлардан кетаётган қон ўз-ўзидан тўхтайди. Паренхиматоз (ғовак) аъзолар (жигар, талоқ, ўпка) жароҳатланганда қон кетиши жуда хавфли кечади, улар томирларининг ўз ҳолича ёпилмаслиги сабабли, қон кетиши тўхтамайди ва тез камқонлик ҳолатлари келиб чиқади.

Қон кетишининг ташқи, ички ва яширин клиник турлари фарқланади. Қон кетишининг ташқи турида қон томир деворининг жароҳати туфайли кетаётган қон ташқарига оқади. Бундай ҳолларда жароҳатланганинг ўзи ёки ёрдам берувчилар ҳеч қандай қийинчиликсиз уни аниқлашлари мумкин. Ички қон кетиш жараёни нисбатан мураккаб кечиб, кетаётган қон бирор-бир аъзо қобиқларида тўпланган тарзда ёки қорин ва кўкрак қафаси бўшлиқларига кетиши мумкин. Ички қон кетаётганлигини, фақат ўткир камқонлик кўрсаткичлари ва иккиламчи асоратлар бошлангандагина аниқлаш мумкин. Ичи бўш аъзолардан қон кетишида маҳаллий ва умумий ўзгаришлар, яъни кетаётган қон маълум вақт мобайнида ташқарига чиқиши ва ранги ўзгариб кетиши кузатилади. Масалан, ошқозонидан қон кетаётган bemorларда қайт қилиш кузатилади, чиқаётган қон эса қаҳва қолдиқлари рангida бўлади.

Ички қон кетиш сурункали равища кечиб, асосан, аъзоларда ўткир камқонликни чақиради ва маҳсус қон таҳлиллари кўрсаткичисиз ташхис қўйиш жуда қийин бўлади.

Ўткир ёки сурункали қон кетиш турлари ҳақидаги тушунчалар фақат қон кетиш тезлиги ва йўқотилган ҳажмига нисбатан айтилади. Инсон ҳаётида энг хавфли қон кетиш тури бу ўткир қон кетишидир. Қисқа вақт ичиде йўқотилган катта миқдордаги қон етишмовчилигига инсон организми тез мослаша олмайди, натижада ўлим ҳоллари нисбатан кўп учрайди. Сурункали қон кетища эса камқонлик секинлик билан ривожланади, натижада инсон организми бу янги ҳолатга аста-секин мослашиб олади.

Секинлик билан кечадиган катта ҳажмдаги қон кетишдан қисқа фурсат оралиғида кечадиган ўткир, кам миқдордаги қон кетиш хавфлироқдир. Ўткир қон кетища гемоглобин миқдорининг 30 % гача камайиши катта хавф уйғотади. Шунга қарамасдан сурункали равища гемоглобин миқдорининг 75–80 % ни йўқотган bemorларнинг умумий аҳволи нисбатан қониқарли бўлиши мумкин.

## Қон кетишининг клиник кўринишлари

Қон кетишида маҳаллий ва умумий симптоматик ўзгаришлар юз беради. Қон кетишининг умумий белгилари қон кетиши турларидан қатъи назар бир хил кечади. Қон кетишининг хусусий (субъектив) аломатлари совуқ тер, камқувватлик, бош айланиши, нафас етишмовчилиги, оғиз қуриши кўринишида кечади. Яна қулокларда шанғиллаш, кўз олди тиниши ва баданда «чумолилар ўрмалаши» каби аломатлар кузатилиши мумкин. Юқоридаги аломатлар ва bemor шикоятларининг қўпайиб бориши қон кетишининг қандай тезлик ва ҳажмда ўсиб боришига бевосита боғлиқдир. Катта микдорда қон кетиши, ўтқир камқонлик, яъни гемморагик шок клиникасининг ҳар хил оғирликларида кечиши мумкин. Масалан, бутун қон айланиш доирасида айланәётган қон ҳажмининг 20–25% (1000–1200 мл) микдорида қон йўқотилганда, bemorларда совуқ тер, кескин камқувватлик, оғиз қуриши ва томир уришининг бир минутда 100 тадан ошиб кетиши кузатилади. Бундай ҳолларда артериал қон босими меъёрида ёки бир оз пастроқ бўлиши ҳам мумкин.

Умумий қон айланиш доирасидаги қоннинг 30–35% (1500–1750 мл) га яқини йўқотилганда, bemorларда ўзига бўйсунмаган ҳолдаги харакатлар, нотинчлик, тери ва шиллиқ пардаларининг оқариб кетиши, лабларнинг кўкариши, тананинг увишиши ва томир уришининг 120 тадан ошиб, артериал босимнинг 70–90 мм симоб устунигача тушиб кетиши ҳамда сийдик ажратишнинг камайиши (олигурия) кузатилади.

Умумий қон айланиш доирасидаги қон ҳажмининг 35–40% (1750–2000 мл) ни йўқотган bemor аҳволи анча оғир, юз ифодалари мунгли, танаси совуқ тер билан қопланган, териси оқимтир-кўкиш рангда, танасининг очиқ жойларида ҳароратнинг тушиб кетганлиги ва томирнинг ипсимон ва тез-тез уриши аниқланади.

Умумий қон айланиш доирасидаги қон ҳажмининг 50% (2500 мл) ни йўқотган bemornинг аҳволи кескин оғирлашади, артериал босим аниқланмайди, томир уриши минутига 160 тадан ортиб кетади, юрак асистолияси (юракнинг тўхтаб қолиши) сабабли қисқа вақт ичida ўлим ҳолатига олиб келиши мумкин.

Шуни таъкидлаб ўтиш керакки, ўтқир қон кетишининг дастлабки вақтларидаёқ инсон организмининг қон айланиш доира-

сининг марказлашиши артерия босимини нисбатан бир меъёрда ушлаб туради. Шунинг учун ҳам бу ерда бошланаётган тахикардия (юрак уришининг тезлашиши)га аҳамият бериб, уни катта қон йўқотишнинг асосий ва биринчи белгиси сифатида қарашимиз керак.

Қон кетишининг махаллий белгилари (симптомлари) унинг қаердан кетаётганлигига тўғридан-тўғри боғлиқдир. Ташқи қон кетишида қон ташқи муҳитга чиқади. Бундай ҳолларда bemor кўздан кечирилганда қон чиқаётган жароҳат ҳолатига, йўналишига ва катта-кичиклигига аҳамият бериш лозим.

Шу билан биргаликда, жароҳатдан кетаётган қон қандай томирдан, артерияданми, венаданми ёки аралаш кўринишдалигига ҳам эътибор бериш керак. Жароҳатнинг пастки қисмидан бармоқлар билан пайпаслаб артерия томирининг уришини аниқлаш артерия қон томирининг бутунлиги ҳақида далолат беради. Томир уришининг сезилмаслиги унинг батамом узилганлигидан далолат бериб, жароҳатнинг пастки қисмидаги аъзолар музлаши ва рангининг оқариб кетиши кузатилади. Бундай ҳолларда аъзолар (тўқималарга кислород ва озиқ моддалар етишмаслиги туфайли) гангренаси (тўқималар ўлими) келиб чиқади.

Жароҳатдаги артериянинг бир девори шикастланган бўлса, бундай ҳолларда жароҳат атрофида томир уриши кўринишидаги гематомалар (қон тўпланган бўшлиқ) ҳосил бўлади. Юмшоқ тўқималар ва мускуллар оралиғига қон йиғилса, оғриқ, шиш ва аъзолар ҳаракатининг чегараланиши кузатилади. Ҳосил бўлган гематома юзаси бармоқ билан босиб кўрилганда, юзага юмшоқ кириб, бармоқни қайтариб олган заҳоти унинг тикланиш симптоми кузатилади. Қон бўғим бўшлиғига тўпланса, гемартроз, яъни бўғим юзаси текисланиб, шишиши кузатилади. Оғриқ ва ҳаракатнинг чегараланганинг қарамасдан, уни ҳаракатга келтириш мумкин.

Тизза бўғимиға қон йиғилганда тизза юзаси ошиғининг эркин ҳаракати кузатилади. Бундай ҳолларда тизза бўғими рентгенография қилинганда икки суюқ оралиғидаги масофанинг узайгани кузатилади. Гематома ва гемартроз ташхислари мазкур бўғимлар пункцияси, яъни қон йиғилган бўғимлардан игна орқали қонни сўриб кўриш усуллари асосида қўйилади. Гемартроз ташхиси аниқлангандан сўнг бўғимлардаги ҳаракатларни чегаралаб, олдин пункция, кейин иммобилизация қилинади.

Кўкрак қафасининг плевра бўшлиғига йиғилган қон (гемоторакс) кўп ҳолларда қовурғалар орасидаги ёки кўкрак қафаси артерияларининг жароҳатланиши туфайли келиб чиқади. Плевра бўшлиғида йиғилган қон оқиб, бурчак синуслариға йиғилади. Бундай ҳолларда bemорни касаллик белгилари безовта қилмаслиги ҳам мумкин. Плевра бўшлиғида йиғилган ўрта микдордаги қон bemорда оғирлик ва кўкрак қафасида оғриқ, нафас етишмаслиги белгиларини чақириши мумкин. Плевра бўшлиғини қон бутунлай, яъни тотал эгаллаган ҳолатларда ўпкалар бутунлай сиқилган, юрак ва оралиқ аъзолари қарама-қарши томонларга сурилган, қон ҳаракати ва нафас олишда катта ўзгаришлар кузатилади. Клиник белгилардан нафас етишмаслиги, кўкариш, томир уришининг тез ва юза бўлиши, артерия босимининг пасайиши кузатилади.

Кўкрак қафаси бармоқлар билан уриб қўрилганда ўтмас товуш, аускультатив (фонендоскоп орқали эшитиб қўрилганда) кўкрак қафаси орқа томонларида жуда сустлашган нафас эшитилади. Кўкрак қафаси рентгеноскопик текширилганда бутунлай бир хил қўринишда торайиши, юрак ва оралиқ аъзоларининг у ёки бу ёнга қийшайганлиги кузатилади. Кўп ҳолларда ташхис плевра бўшлиғи пункцияси йўли билан тасдиқланади. Кам микдорда қон йиғилган ҳолларда плевра бўшлиғи қайта пункция ёки тарокоцентез йўли билан дренажлаш, агар кўп микдорда қон йиғилган бўлса, шошилинч ревизия қилиб, қон томири бутунлигини тиклаш мақсадида торактомия операцияси бажарилади. Плевра бўшлиғига катта микдорда қон кетиши ўткир камқонлик белгилари билан кечади.

Қорин бўшлиғига қон кетиши кўп ҳолларда ғовак (паренхиматоз) аъзолар (жигар ва талок) жароҳатланганда ва бачадондан ташқари ҳомиладорликда, бачадон найларининг ёрилиб кетиш ҳолларида юзага келади. Бундай ҳолларда, кўпинча, умумий қон кетиши белгиларидан ташқари, маҳаллий белгилар ҳам аҳамиятга эгадир. Қон кетиши даврида қорин нафас олишда чекланган, кўкрак қафаси билан бир хил текисликда бўлади. Қорин бўшлиғи пайпасланганда унинг девори мушаклари таранглашган, бармоқлар билан босиб қўйиб юборилганда кучли оғриқ кузатилади (Шеткин–Блюмберг белгиси). Қорин бўшлиғи перкуссия (бармоқ учи билан уриб қўрилганда унинг пастки қисмларида ўтмас, юқори қисмларида эса жарангдор (тимпанит) – ҳаво тўлдирилган шар товушини

беради. Қон кетиш клиникасида қайт қилиш ва кўнгил айнишлар ҳам кузатилади. Юқоридаги белгилар билан биргаликда bemor организмида ўткир камқонлик белгилари ҳам ривожланиб боради. Қорин бўшлиғи ғовак аъзолари жароҳатларидан кетаётган қон ҳеч қачон ўз-ўзидан тўхтамайди, шу туфайли бундай ҳолларда шошилинч операция қилиш тавсия қилинади.

### **Қон кетишининг асоратлари ва оқибатлари**

Қон кетиши тўхтатилмаса, bemorни гипоксия (тўқималарда кислород тақчилиги), қон айланиш доирасида қон ҳажмининг этишмаслиги ва гемморагик шок юз бериши сабабли ўлимга олиб келиши мумкин.

Ўта нозик аъзоларга, масалан, бош мияга кам миқдорда қон қуйилганда улар фаолиятининг тўхтатиши ва ўлим юз бериши мумкин. Бош миянинг асосий соҳасида тўртинчи қоринча жойлашган, унда инсон ҳаёт фаолиятини бошқарувчи марказлар жойлашган. Шунинг учун бу соҳага қон қуйилганда ҳаёт учун хавфли бўлган ҳолатлар юз беради.

Юрак пардаси (перикард) ичига диастола вақтида йиғилаётган қон юрак парда ичида катта манфий босим пайдо қилиб, юрак бўлмачалари кенгайишига йўл қўймайди ва юрак тампонадаси туфайли ўлим ҳолати рўй беради.

Баъзи катта қон томирлар жароҳатида (бўйин катта веналари) ҳаво эмболияси ҳолати юзага келади.

### **Қон кетиши даврида организмнинг ташқи ва ички ўзгаришларга мослашиши**

Қон кетиши вақтида инсон организми содир бўлаётган хавфли ўзгаришларни бартараф этиш мақсадида бор ички имкониятларини ишга солади. Бундай ҳолларда қон кетишига ўта сезгир аъзо ва тўқималарни сақлаб қолиш мақсадида бошқа аъзолар ҳисобига ҳам иш тутишга мажбур бўлади.

Асосан, бундай мослашиш ҳаракатлари сурункали қон кетиши ҳолларида енгил кечади, аммо ўта хавфли ўткир қон кетиши вақтида эса бундай мослашишга улгурмаслиги ҳам мумкин. Натижада аъзо ва тўқималарда содир бўладиган ўзгаришлар сабабли ўлим ҳолатлари юз бериши мумкин. Қон кетиши даврида организмнинг

мослашиш ўрнини қоплаш (компенсатор) механизмлари, асосан, қуидагилардан иборат:

- 1) қон кетаётган томирнинг ички қаватида тромблар ҳосил бўлиши;
- 2) юрак ва нафас олиш фаолиятининг тўқималарда кислород етишмовчилигини бартараф қилиш мақсадида тезлашиши;
- 3) бутун танада ҳаракатланаётган қон ҳажмининг, депо аъзоларидаги қон ва тўқималар оралиғидаги суюқликларнинг қон томирига жалб этилиши эвазига ортиши;
- 4) юрак ва бош мия фаолиятларини ушлаб туриш мақсадида тананинг пастки ва қорин бўшлиғи аъзолари томирларининг қисқариши эвазига тананинг қон билан таъминланишининг марказлашиши;
- 5) турли нейро-эндокрин ва гуморал омилларнинг артериал қон босимини бир маромда тутиб туриш мақсадида қўзгалиши, бош мия фаолиятининг кислородсиз (анаэроб) шароитларга чидамлилигини ошириш мақсадида симпатико-адренал ва глюкокортикоид тизимларнинг ёрдамга чорланиши;
- 6) қон ҳужайралари ишлаб чиқарилиши (гемопоэз) ва қон ивишининг тезлашиши.

## ҚОН КЕТИШИНИ ТЎХТАТИШ ЧОРАЛАРИ

Қадим замонларда ҳам инсонлар тан жароҳатлари олганларида қон кетишининг олдини олиш мақсадида жароҳат юзасини босиб ёки қаттиқ боғлаб қўйганликлари ҳақида маълумотлар бор.

Қадимги Миср ҳакимларининг қон кетаётган жароҳат юзасига қиздирилган темир босганликлари ҳақида маълумот берган қўлёзмалар ҳозирги вақтгача сақланиб қолган. Ўрта асрларда қон кетишини тўхтатиш мақсадида жароҳат юзасига қайноқ ёғ томчилари томизилган. XIX аср ўрталарида эса Пакелен асбоби орқали жароҳатни куидириш усули билан қон кетишини тўхтатишга уринишган.

Айни вақтда бу усуллар диатермоагуляция асбоби – «электр пичоги» орқали бажарилади.

Милодидан аввалги III асрда ёқ кўхна Александрияда боғлам усуллари қўллана бошланган. Қон кетаётган жароҳат юзаси томирини тикиш усулларини Цельс ва Гален қўллаганлар. Аммо бу усуллар унутилиб, фақатгина XVI асрда Амбруаз Паре томонидан қон кетаётган томирларни, асосан, артерияларни тикиш тикланган.

Шу билан биргаликда, А. Паре жароҳатлар вақтида аъзолар ампутациясини таклиф қилган. Ампутациялар вақтида оғриқларни камайтириш ва қон кетишининг олдини олиш мақсадида боғлам (жгут)ларни тавсия қилган.

1616 йилда У. Гарвей артериал ва веноз қон томирларидан қон кетишини тўхтатишда боғлам (жгут)ларни ҳар хил ҳолатларда қўйишини таклиф қилган. 1628 йилда эса одам қон айланиш доирасига оид ўз илмий мақоласини эълон қилган. Шундан кейингина боғлам (жгут)ларни кенг миқёсда қўллай бошлашган. Асосан, бу боғламлар 1673 йилда Ф. Эсмарх юмшоқ резина боғлам (жгут) таклиф этгандан кейин кенг тарқалган.


XVIII асрда Ж. Хантер қон кетаётган томирларни тикишини жароҳат соҳасидан эмас, балки бошқа томир йўналишидаги қисмдан таклиф этган. Томирларни тикишини осонлаштириш мақсадида Ж. Пеан томирлар учун қисқич асбобини яратган. Сўнгги ўн йилликларда томирдан кетаётган қонни тўхтатишнинг янги усуллари сифатида қуруқ совуқ ва лазер нурлари қўлланиляпти.

Қон кетишини тўхтатиш усулларини вақтинча ва буткул тўхтатишга ажратиш мумкин. Қон кетишини вақтинчалик тўхтатиш усулларини, кўп ҳолларда, тиббиётга дахлдор бўлмаган инсонлар бажаради. Шу туфайли бундай усулларни барча билиши шарт. Қон кетишини вақтинча тўхтатиш усуллари кутилмаганда содир бўладиган ҳолатларда қўл келади. Айрим ҳолларда қонни тўхтатишга қилинган уринишлар қон томирида тромб ҳосил бўлиши сабабли қон кетишининг буткул тўхташга олиб келиши мумкин. Қон кетишини тўхтатиш усуллари бир нечта, аммо бу усулларни қўллаш жароҳатланган томир қай аҳволда ва жароҳат ўрнига ҳам боғлиқдир. Айрим ҳолларда қон кетишини тўхтатиш усулларининг бир нечтасини қўллаш мумкин.

Юза вена ва кичик артериялардан қон кетиши ҳолатларини босиб турувчи боғламлар ёрдамида тўхтатиш мумкин. Жароҳат юзасига стерилланган юмалоқ шар кўринишидаги пахта қўйилиб, бир неча қават дока билан яхшилаб боғланади. Бундай ҳолларда босиб боғланган томирлар ўтказувчанлиги йўқолиб, тромб ҳосил қиласи. Бундан ташқари, бу усул бошқа, яъни оёқ ва қўлларни кўтариб қўйиш усуллари билан биргаликда ҳам бажарилиши мумкин.

Агар қон кетаётган жароҳат оёқлар учида жойлашган бўлса, бундай ҳолларда оёқни бўғимидан максимал букиб қўйиш

усулларидан фойдаланиш мүмкин. Букилаётган бўғим оралиғига ёстиқча қўйилиб, бўғим букиб боғланади. Агар қон кетиши бармоқлар, панжа соҳаларида бўлса, билак бўғимидан, оёқ




3 - расм.

бармоғи ва панжаларида бўлса, тизза бўғимидан, сон соҳасида бўлса, тизза ва тос-сон бўғимлари биргаликда букиб боғланади.

Агар қон кетиши артериал қон томиридан кузатилганда жароҳатдан юқори соҳадан босиб тўхтатилади ва кейинги муолажалар шароитга қараб бажарилади (3 - расм).

Чакка юмшоқ тўқималари жароҳати туфайли бўлаётган қон кетиши ҳолатларида, қон кетишини тўхтатиш артерияни суюкка-босиши ҳаракатлари билан амалга оширилади. Бундай ҳолларда артерияни топиш унча қийин иш эмас. Кулокни ташки кириш соҳаси юқорисидан битта бармоқ билан босиши орқали ҳам мақсадга эришиш мумкин. Юз соҳасида эса артериянинг пастки жағнинг горизонтал чизик билан кесиб ўтган жойидан босиб, қон оқишини тўхтатиш мумкин.

Умумий уйқу артериясидан қон кетиши вақтида артерия VI бўйин умуртқасининг қўндаланг ўсимта-ларига босилади. Бундай муола-жалар, асосан, бош бармоқни бўйиннинг орқа қисмига, қолган бармоқларни эса олдинги қисмига қўйиб амалга оширилади ёки бунинг акси ҳам бўлиши мумкин (4 - расм).




4-расм.

Ўмров ости артериясини биринчи қовурғага босиши билан ҳам қон кетиши тўхтатилади. Бундай муолажалар III–IV бармоқлар билан тўш-ўмров сўрғичсимон мускулнинг орқа-ташки қирғоини I қовурғага босиши йўли билан бажарилади.

Қўлтиқ ости артериясини елка суюги бошча қисмига босиши билан қон кетишининг олди олинади. Бемор қўли ташқарига очилган ҳолда ётқизилиб, бош бармоқ қўлтиқ ости юқори қисмига босилиб, қолган бармоқлар эса елканинг ташки томонидан ўраб туради.

Елка артериясини елка суюгига, яъни икки бошли мушакнинг бош қисми бириккан жойига, билак ва тирсак артерияларини эса суюкларга босиши йўли билан қон кетишининг олди олинади (5 - расм).



**5-расм.**

Сон артериясидан қон кетганда қонни тұхтатиш учун чов бойлами учидан ичкариги қисмини бош бармоқлар билан босиш орқали амалга оширилади.

Бундай ҳолларда бошқа нүкталардан бундай уринишлар сон артериясининг чуқур ва қалин мушаклар остида ётганлиги сабабли, самара бермайды (6 - расм).

Тизза ости артериясидан қон кетишини тұхтатиш сон суюги пастки қисми орқасидан олдинга босиш билан амалга оширилади, бунда тизза бўғимининг бир оз букилган ҳолда бўлиши муолажа самарадорлигини оширади. Зарур бўлганда ташқи ёнбош артерия ва қорин аортасини ҳам босиш мумкин. Бундай ҳолларда беморни



**6 - расм.**

орқасига ётқизиб, сон-чаноқ бўғимидан бир оз букиб, қорин мушакларини эркин ҳолга келтириш зарур. Шундан кейингина кафт мушт ҳолига келтирилиб, қорин аортаси умуртқага, ташқи ёнбош артерияси эса суюкларга босилади.

Веналардан қон кетган вақтда, артериялардан қон кетишидан фарқли, қон тұхтатиш жароҳатнинг пастки (дистал) қисмининг юмшоқ тўқималарига босиш орқали ҳам амалга оширилади.

Қон кетишида ҳар хил боғловчи (жгут) матолар ёрдамида қон тұхтатиш энг қулай усуллардан бири бўлиб, ўзига хос камчи-


ликларга ҳам эга. Боғловчи матолар ёрдамида қон тўхтатиш усуллари, асосан, артерия қон кетишиларида, жароҳатдан юқори соҳаларга қўйиш орқали амалга оширилади. Уларни, асосан, қон тўхтатишнинг бошқа чоралари бўлмаган ҳолларда, 1,5-2 соатгача қўйиш мумкин. Акс ҳолда, тўқималарда қон айланишнинг кескин бузилиши сабабли тўқималар некрози (ўлими) ва гангренасига, бу эса аъзоларнинг маълум қисмини ампутация қилинишига олиб келади. Баъзида қаттиқ сиқиб боғланган соҳалар юмшоқ тўқималари оралиғида гематома, некроз ва нерв толаларининг жароҳатланиш ҳоллари кузатилади. Нерв тўқималарининг жароҳатланиши парезлар, гоҳида эса аъзолар фалажига сабаб бўлади.

Кенг тарқалган боғловчи матолар резиналардан тайёрланади. Резина найдан иборат Эсмарх боғламишнинг бир қисмида илгак, иккинчи қисмида эса ҳалқа бўлиб, бу маҳсус мослама боғловчи матони бириктиришни қулай ва осон қилади. Бошқа боғловчи восита сифатида кенглиги 2 см камарсимон резина ишлатиш мумкин. Унинг бир қисмида тугма, иккинчи қисмида эса тешиклар шаклидаги мослама бўлиб, маҳкамлаш учун жуда қулайдир. Жароҳатланган аъзонинг пастки қисмини қон тўхтатувчи боғлам қўйишдан олдин юқорига кўтариб, вена қони чиқариб юборилади. Боғловчи матолар вазият талабига қараб ҳар хил бўлиши мумкин.

Масалан, боғловчи қайишқоқ бўлмаган мато (белбоғ, камар) оддий ип ёки рўмолчалардан иборат бўлса, қон тўхтатувчи боғлам

қўйилаётганда унча қаттиқ тортмасдан, унинг тагига бирор-бир мато ўраб, сўнгра 10–15 см узунликдаги стержен (чўп, ручка, қалам ва х. к.) ёрдамида бураш керак. Бундай ҳолларда стержени бураш билан боғламни керагича тортиш мумкин (7-расм).

Боғлам қўйилгандан сўнг қўйилган вақти ёрликқа ёзиб кўрсатилади. Боғлам қўйиш муддати ёзда 2 соат, қишида эса 1,5



7-расм.

соатдан ошмаслиги керак. Агар жароҳатланган одамни шу муддат ичида шифохонага етказиб боришининг иложи бўлмаса, боғлам ечилиб, 10–15 минут давомида қон кетаётган томир бармоқ билан босиб турилади, кейин боғлам юқорида кўрсатилган талаб бўйича қайтадан бошқа жойга қўйилади. Фақат давомийлиги биринчи марта қўйилгандаги вақтнинг teng ярмига қисқаради.

## Жгутнинг тўғри қўйилганлигини текшириш

Кўпинча, жгут елка ва сон соҳасига қўйилади. Агар ҳақиқий тиббий жгут бўлмаса, у ҳолда қўлга илинган исталган матони «бурама – жгут» шаклида қўллаш мумкин. Аммо арқон ва симни ишлатиш ман қилинади, чунки улар тўқималарни шикастлайди. Тиббий жгут – эгилувчан резина тасма бўлиб, охирги учидаги қўл ва оёққа маҳкамланадиган мосламаси бор.


*Жгут қўйиши техникаси.* Жгутни икки қўллаб ушлаб, енгил тараңг қилиб, ҳар бир айланмани олдингиси билан ёнма-ён қўйиб, сўнг жгут маҳкамланади. Бурама жгут қўйиш учун мато (рўмолча, бинт)ни арқонсимон холатда ўраб, қўл ёки оёққа тугун шаклида боғланади, сўнг кичик таёқча ёрдамида қон оқиши тўхтагунча буралади (7 - расм).

Таёқча буралиб бўшаб кетмаслиги учун уни алоҳида боғлаб қўйилади. Қон кетиши тўхтагач, жароҳатга боғлам қўйилади.

Жгут қўйишда қўйидаги қоидаларни эсда тутиш керак (8 -расм):

1) жгут, асосан, сонга ёки елкага қўйилиши лозим, чунки у ерда битта сужб бор;

2) жгут танага тўғридан-тўғри қўйилмайди, албатта, унинг остига бирор нима қўйиш керак;



8-расм.

3) жгутни ёзда 2 соатдан, қишда 1,5 соатдан ошмаган муддатга қўйиш мумкин;

4) жгут қўйилган вақтни аниқ қилиб ёзиб, ёпиштириб қўйиш керак.

Жгут қўйилгандан сўнг унинг тўғри ёки нотўғри қўйилганини аниқлаш катта аҳамиятга эга. Бунинг учун қўл ва оёқлардаги пульс аниқланади. Агар пульс йўқ бўлса, жгут тўғри қўйилган бўлади. Бирон сабабга кўра, 1,5-2 соат давомида bemорни касалхонага олиб боришининг иложи бўлмаса, у ҳолда 10–15 минутга жгут бўшатилади ва бир вақтнинг ўзида бармоқ билан жароҳатдан юқориси босиб турилади. Қиши вақтида оёқ ва қўлни ўраб, иссиқ сақлаш тавсия қилинади.

Кичик ўлчамли артерия ёки вена шикастланганда сикиб турувчи боғлам қўйиш кифоя. Кон кетишини вақтинчалик тўхтатиша жароҳатга стерил дока ёки бинт ҳамда пахта қўйиб боғланади. Унча катта ва чуқур бўлмаган жароҳатларга юқоридаги усулни қўллаш қон кетишини батамом тўхтатиш чораси ҳисобланади. Қолган ҳолларда батамом қон тўхтатиш учун жарроҳлик клиникарида тикиш, боғлаш ёки шикастланган томирларни куйдириш каби усуллар ишлатилади.

## ЖАРОҲАТЛАР

Тери ва шиллиқ қаватларининг механик шикастланиши натижасида жароҳатлар пайдо бўлади. Баъзи ҳолларда жароҳатлар организмнинг чуқур жойлашган тўқималарида ва ички органларда ҳам кузатилади.

Жароҳатнинг клиникаси ундан қон силқиб, очилиб қолиши, қон оқиши ва оғриқ бўлиши билан характерланади.

Тўқималарни шикастловчи асбоб қанчалик кескир бўлса, жароҳатдан қон оқиши шунчалик кучли бўлади. Ҳамма жароҳатланишларда ҳам қон оқиши ташқарига бўлавермайди, баъзан қон томирлардан тўқималарга ва бўшлиқларга қуишилиб, тарқоқ гематомалар ҳосил бўлишига олиб келади. Шунингдек, паренхиматоз (фовак) органларнинг жароҳатланиши ҳам кўплаб қон оқишига сабабчи бўлиши мумкин.

Жароҳатланишлардаги оғриқ, унинг интенсивлиги:

- 1) жароҳатланган нерв рецепторлари ва ўзакларининг сонига;
- 2) шикастланган киши организмининг реактивлигига;

3) жароҳатловчи қуролнинг характерига ва жароҳат олиш тезлигига боғлиқ.

Қурол қанчалик ўткир ва жароҳатловчи омил тезлиги қанча катта бўлса, у билан боғлиқ бўлган оғриқ шунчалик суст даражада ривожланади. Оғриқнинг қандай даражада эканлиги жароҳатланган жойнинг иннервациясига боғлиқ бўлади. Маълумки, юз, бармоқлар, чот ва жинсий органлар жуда бой иннервацияланганлиги учун улардаги оғриқлар кучли бўлади. Жароҳатлардаги оғриқ, одатда, қаттиқ (жизиллатадиган) характерда бўлиб, унинг шиддати, томир уришининг частотасига боғлиқ ҳолда ортиб ва камайиб туради. Жароҳатланган соҳанинг кўтариброқ қўйилиши ва қулай жойлаштирилиши натижасида оғриқ камаяди ва 2 соат давомида оғриқ тўлиқ тўхташи мумкин.

Жароҳатнинг очилиб қолиши унинг катталигига, чуқурлигига ва терининг эластик толалари бузилишига боғлиқ. Шунингдек, жароҳатнинг очилиб қолиш даражаси тўқиманинг шикастланиш характерига ҳам боғлиқ. Юздаги Лангер чизиқларига нисбатан кўндаланг жойлашган жароҳатларнинг очилиб қолиши бу чизиқларга параллел жойлашган жароҳатларга қараганда катта бўлади.

## **Жароҳатларнинг таснифи**

Жароҳатлар келиб чиқиши ва хусусиятларига қараб турли-туман бўлади.

Кўлланилган қурол ёки жароҳатловчи агентнинг тўқималарни шикастлантирувчи хусусиятига қараб жароҳатларнинг қуйидаги турлари фарқланади:

- 1) ўқ отувчи қуроллардан жароҳатланиш;
- 2) тиф жароҳати (тиф санчишдан ҳосил бўлган);
- 3) тилинган жароҳатлар;
- 4) титилган жароҳатлар;
- 5) лат еган жароҳатлар;
- 6) мажақланган жароҳатлар;
- 7) юлинган жароҳатлар;
- 8) тирналган жароҳатлар;
- 9) шилинган жароҳатлар;
- 10) тишланган-чақилган жароҳатлар;
- 11) заҳарланган жароҳатлар;
- 12) аралаш жароҳатлар.

Ҳар қандай жароҳатнинг ўзига хос томонлари бўлиб, ёрдам кўрсатиши вақтида буни ҳисобга олиш керак. Масалан, тиф санчишдан ва ўқотар қуроллардан олинган жароҳатдан қон кам оқади. Уларнинг чукурлиги ва йўналишини кўз билан аниқлаш қийин, уларда, кўпинча, ички органларнинг ҳам шикастланишлари бўлади. Ўтмас предметлар билан етказилган тиф жароҳатлари ўзига хос шаклларга эга бўлади. Масалан, ёғоч калтак ёки ёмғир соябонининг учи билан берилган зарбадан ҳосил бўлган жароҳатлар. Кесилган ва тўғралган жароҳатларда кўпроқ юзаларнинг дефектланиши ва қоннинг ташқарига кучли оқиши характерлидир. Лат ейишдан, мажақланиш ва юлиниш жароҳатларидан қон оқиши камроқ бўлиб, улар кучли оғриқ чақиради ва кўпинча, инфекцияланади, уларда қон айланишининг бузилиши нисбатан кўпроқ учрайди ва маҳаллий некрозларни келтириб чиқаради.

Шилингтан жароҳатларнинг оғриғи кучли бўлади, лекин жароҳатлар ичida энг тез битадигани ҳисобланади. Тишланган жароҳатлар оғриқли бўлиб, кўпинча, йиринглаб кетади. Тишланган жароҳатларнинг энг оғир асоратларидан бири қутуриш касаллигидир. Қутуриш касаллигининг вируси касал ҳайвоннинг сўлаги билан ажралиб, у орқали тишлаш вақтида жароҳатга тушади. Каламуш, сичқон ва мушуклар тишлаб олса, «каламуш касаллиги» ривожланиши мумкин.

Илон ва чаёнлар чақиши натижасида заҳарланган жароҳатлар келиб чиқади. Шунингдек, жароҳатга жанговар ва бошқа кимёвий бирикмалар тушганда ҳам ҳосил бўлади. Авваллари аралаш жароҳатлар дейилганда, тананинг маълум қисмидаги турли кўринишдаги жароҳатлар тушунилар эди. Ҳозирги вақтда эса аралаш жароҳатлар дейилганда, жанговар заҳарловчи модда ёки радиациянинг таъсири мавжуд бўлган жароҳат тушунилади. Уларни аниқлашда маҳсус ном – жанговар заҳарловчи моддалар (ЖЗМ) билан заҳарланган жароҳатлар атамаси ишлатилади.

Ўқ отувчи қуроллардан ҳосил бўладиган жароҳатлар – ўқдан ва снаряд парчасидан келиб чиқсан жароҳатларга бўлинади. Ўқотар қуролларнинг ўзига хос таъсири натижасида ундан ҳосил бўлган жароҳатлар бошқаларидан фарқ қиласи:

- а) жароҳат каналининг чукурлиги;
- б) тўқималар ўзгаришидаги анатомик нисбатнинг мураккаблиги;

в) тўқималар шикастланишидаги ўзига хос зоналарнинг мавжудлиги. Бирламчи жароҳат канали, у детрит тўқималари ва ёт моддалар билан тўлган бўлади, тўқималарнинг бирламчи травматик некроз ёки бирламчи контузия зонаси ва тўқималарнинг молекуляр чайқалиш зонаси ёки иккиламчи травматик некроз;

г) жароҳатланиш вақтидаги (бирламчи инфекция) ёки эвакуация босқичларидаги (иккиламчи инфекция) биринчи ёрдамнинг кечикиб кўрсатилиши ва жароҳатнинг бирламчи жарроҳлик ишловининг кечикиши натижасида ифлосланишнинг юқори даражада бўлиши.

Ўқотар қуроллардан жароҳатланишда тўқималарнинг жароҳатланиш даражаси, асосан, ўқнинг ёки парчанинг кинетик энергиясига ва уларнинг бошланғич тезлигига боғлиқ бўлади. Тўқималарга бошланғич тезлиги кичик бўлган ўқнинг таъсирида ҳосил бўладиган жароҳатнинг механизми пичноқдан ва бошқа кескир предметлардан жароҳат ҳосил бўлиш механизмига яқин. Тезлиги катта бўлган ўқлар билан жароҳатланишда (ҳозирги замон жанговар ўқлари тезлиги 700–900 м/сек, шарчали ва чўзинчоқ ўқлар – 1000 м/сек дан юқори, снаряд парчалари – 1500–4000 м/сек) қуролнинг сифат жихатидан янги хусусиятлари намоён бўлиб, у тўқималарнинг кенгрок ва оғирроқ жароҳатланишларини келтириб чиқаради. Ўқнинг тезлиги 600 м/сек дан юқори бўлса, энг муҳим аҳамиятни кинетик энергиянинг тўқималарга ўтказиш тезлиги касб этади, бундан паст тезликларда унинг аҳамияти унча юқори бўлмайди.

Катта тезликда учиб келаётган ўқ ва снаряд парчалари танага кираётганда атрофидаги тўқималарга энергиянинг тезланиш кўринишида узатади ва ўз навбатида, бу тўқималарни жароҳат каналидан чеккагача ва унинг марказига қараб нотекис ҳаракатланишга мажбур қиласди. Бу эса «пульсацияланувчи бўшлиқ» шаклланишига олиб келади. Бўшлиқнинг кенгайиши вақтида ҳосил бўладиган манфий босим, жароҳат каналига ўқнинг кирган ва чиқиб кетган тешикларидан патоген микробларнинг сўрилиб киришига сабабчи бўлади. Вақтинчалик бўшлиқнинг пульсацияси тўқималар ва органларнинг нотекис эзилишини, узилишини ва қатламларга ажralишини юзага келтиради. Тўқималар некрози, асосан, мускул тўқималарида ҳатто жароҳат каналидан анча масофада бўлса ҳам, инфекция ривожланиши учун қулай шароитлар яратиб беради ва бу каби яраланишларнинг клиник кечиши шу сабаб билан тушунистирилади.

Хозирги вақтга келиб ўқотар қуроллар ўқининг калибри 5,6 мм гача кичрайтирилган (авваллари ҳамма жойда 7,6 мм қабул қилинган), бу билан ўқининг бирламчи тезлиги ортган ва унинг жароҳатлаш зонаси ҳам кенгайган. Шунга ўхшашиб шикастланишларни шарчали, тешиб ўтувчи ва пластик бомба ва снарядларнинг парчалари ҳам (улар хозирги замон ҳарбий қисмлари томонидан ҳарбий ҳаракатлар вақтида қўлланилади) чақира олади.

Келиб чиқиш сабабларига қўра, жароҳатлар операцион ва тасодифий жароҳатларга бўлинади. Шикастланишнинг чуқурлигига қараб жароҳатлар юзаки, тешиб ўтувчи ва ички аъзоларни шикастловчи жароҳатларга бўлинади. Масалан, тери жароҳати, тери ости тўқималари ва ҳатто қорин мускулларининг жароҳатлари ҳам юзаки жароҳатларга киради. Агар қорин пардаси шикастланган бўлса, жароҳат чуқур ўтувчи жароҳатлар қаторига киритилади. Айни вақтда жигар ва ичакларнинг шикастланишлари билан кечадиган жароҳатлар аъзоларнинг шикастланиши билан асоратланган жароҳатлар қаторига киритилади. Жароҳат тананинг қайси қисмida бўлишига қараб, юз, бош, бўйин, кўл жароҳатларига бўлинади.

Инфекцияланиш даражасига қўра, асептик ва инфекция билан ифлосланган жароҳатлар бўлади. Режали операциялардан ёки бирламчи жарроҳлик ишловидан кейинги жароҳатлар асептик жароҳатлар ҳисобланади. Ўткир ва нисбатан тоза предметлар воситасида юзага келган, кесилган ва қиймаланган жароҳатлар асептик жароҳатларга яқин бўлади. Қолган ҳамма жароҳатлар инфекциялар билан ифлосланган деб баҳоланади, чунки жароҳатланиш вақтида терининг ўзида ҳам, жароҳатловчи предмет воситаларида ҳам микроорганизмлар бўлади.

Жароҳатлар янги ва кечиккан турларга бўлинади. Агар шикастланган киши жароҳат олгандан кейин 24 соатдан кечикмай тиббий ёрдамга мурожаат қиласа, жароҳат янги ҳисобланади. Бу ҳолда жароҳатнинг қирғоқлари ва асосини жарроҳлик йўли билан тозалаб, жароҳат инфекциясини тўхтатиш мумкин. Шу йўл билан инфекция тушган жароҳатни асептик жароҳатга айлантириш мумкин. Агар шикастланган киши 24 соатдан кечикиб мурожаат қиласа, микроорганизмлар тўқималарнинг анча чуқур қаватларига ўтиб олади ва бундай жароҳатлар кечиккан жароҳатлар сирасига киритилади.

## Жароҳатларнинг битиш фазалари

Жароҳатланиш вақтида кўплаб ҳужайралар ўлади, қон ва лимфа томирларининг бутунлиги бузилади. Ҳамма фавқулодда олинган жароҳатлар инфекциялар билан ифлосланади, ҳатто асептик операциялар вақтидаги жароҳатларга ҳам бир оз миқдорда микроорганизмлар тушади. Агар тўқималар ҳужайра элементларининг ҳимоя жараёнлари етарли бўлса, бу инфекциялар тезда барҳам топади ва жароҳат бирламчи битиш билан тузалади.

Жароҳатга тушган инфекция, ўлган тўқима ва микроблардан ажralиб чиққан токсинларнинг механик қитиқланиши натижасида жароҳат атрофида яллиғланиш жараёни ривожланади.

Жароҳатнинг битиш жараёнида, ҳамма бошқа яллиғланишлардаги каби, икки фаза ёки икки давр қузатилиб, улар инфекция тушган ва йиринглаган жароҳатларда анча яққол ифодаланади. Бирламчи битиш билан тузалаётган жароҳатларда бу даврларни фарқлаш анча мушкул.

Биринчи фазада ўткир яллиғланиш кўринишлари устунлик қиласи.

Гиперэмия, қон томирларининг кенгайиши ва улар деворларининг ўтказувчанлигининг ортиши, лейкоцитлар эксудацияси ва миграцияси бўлиши мумкин. Бундан ташқари, атрофдаги қон томирларда стаз ва тромбоз жараёнлар, лимфа томирларида лимфа ҳаракатининг сусайиши ва тўхтаб қолиши, яллиғланиши, шикастланган тўқималардаги дегенератив ўзгаришлар қузатилади.

Жароҳатларнинг битишидаги биринчи фаза гидратация фазаси дейилади, чунки жароҳат атрофидаги тўқималар суюқлик билан тўйинган, жароҳатдан суюқлик ажralиб туради. Бу фазада оғриқ ва ҳароратнинг кўтарилиши, жароҳат соҳасида инфильтрат ва шишнинг бўлиши, ҳар хил кўринишдаги функцияларнинг бузилиши қузатилади.

Иккинчи фаза регенерация фазасида тикланиш жараёнлари устунлик қилиб, тўқималар эксудацияси камаяди, шунинг учун ҳам бу фазани дегидратация фазаси деб аташади. Жароҳатда регенератив жараёнлар устунлиги қузатилиб, дефектлар ёш бириктирувчи тўқима ҳужайралари билан тўла бошлайди ва чандик ҳосил бўлиши бошланади.

Дегидратация фазаси бошланиши билан оғриқ, ҳарорат, шиш ва инфильтрат аста-секин камаяди, шунингдек, бузилган функциялар

нормага қайтади. Жароҳат тозаланиб, унда грануляция тўқимаси пайдо бўлади ва эпителийланиш белгилари юзага келади, некротик тўқималар қолдиқлари йўқолади, жароҳатдан ажралиб турадиган суюқлик микдори, жароҳатдаги микроорганизмлар сони сезиларли камаяди.

Жароҳатнинг битиш жараёнини иккита алоҳида фазага бўлиш жароҳатланган кишининг тузалиш ҳолатини яхшироқ тушунишга ёрдам беради. Аммо амалиётда бу икки фаза бир-биридан аниқ ажралиб турмайди. Кўп ҳолларда, айни бир пайтда ҳам биринчи, ҳам иккинчи фазага тегишли ҳолатларни, яъни некротик тўқималарнинг ажралиши, йиринглаш ва тўқималар регенерациясини кузатиш мумкин.

## **Жароҳатларнинг битиш турлари**

Жароҳатнинг битиши – бу регенератив (тикланиш) жараён бўлиб, организмнинг шикастланишига нисбатан биологик ва физиологик таъсирланишни (реакциясини) акс эттиради.

Ҳамма тўқималарнинг регенерацияланиш қобилияти бир хилда эмас. Тўқима қанча юқори дифференциацияланган бўлса, у шунчалик секин тикланади. Марказий асад тизимининг энг юқори дифференцияланган ҳужайраларининг амалда умуман регенерацияланиш қобилияти йўқ. Периферик нервлар секин, лекин охир-оқибатда нейрон аксонининг марказдан периферияга қараб ўсиши ҳисобига регенерацияланади. Эпителий, бириктирувчи тўқима элементлари – мускул пардаси, пайлар, суяклар, шунингдек, силлиқ мускуллар яхши регенерацияланади. Кўндаланг – тарғил мускуллар ва паренхима аъзоларининг регенерацияланиш қобилияти жуда суст. Улардаги шикастланишлар, кўпинча, бириктирувчи тўқима чандиқлари ҳисобига битади.

Жароҳатларнинг битишига маҳаллий ва умумий омиллар тўсқинлик қилиши мумкин. Агар йирик қон томирлари, нерв толалари жароҳатланган ва жароҳатларда ғайритабиий моддалар, некротик тўқима, суяқ секвестрлари, вируслар ва микроорганизмлар мавжуд бўлса, уларнинг битиши ёмон кечади. Жароҳатларнинг битишига bemornining умумий ҳолати – қўшимча касалликлар (гиповитаминоз, сурункали яллиғланиш касалликлари, қандли диабет, юрак ва бўйрак етишмовчиликлари, шунингдек, организмнинг иммун тизимидағи бузилишлар) салбий таъсир кўрсатади.

Жароҳатларнинг бирламчи ва иккиламчи битиши фарқланади. Агар жароҳатнинг чеккалари текис, яшовчан ва бир-бирига зич бўлса, жароҳатда бўшлиқ ҳосил бўлмаса, ичига қон қуйилмаса, ғайритабиий моддалар, некроз ўчоқлари ва инфекциялар бўлмаса, бирламчи битиш юзага келади. Асептик операциялар, жароҳатнинг тўлақонли жарроҳлик ишловидан кейин, баъзан бошқа жароҳатларда бирламчи битиш кузатилади. Бундай жароҳатлар тез (5–8 кун давомида) битиб, текис ва кам сезиладиган чандиқлар ҳосил қиласди.

Янги чандиқ юмшоқ, текис ва пушти рангда бўлади. Вақт ўтиши билан янги ҳосил бўлган капиллярлар йўқолади, чандиқ катталашади, анча-қаттиқ ва маҳкам ҳолатга келади. Агар чандиқнинг йўналиши теридаги Лангер чизиқлари йўналишига мос тушса, астасекин чандиқ кам сезиларли кўринишга ўтади.

Бирламчи битишнинг бир ва бир нечта шарт-шароитлари бўлмаган тақдирда иккиламчи битиш юзага келади. Жароҳат чеккаларининг яшовчан эмаслиги, чеккалари бир-бирига ёпишмаган жароҳатнинг катта бўшлиғи бўлиши ва унга қон қуиши, некроз ўчоғи, ғайритабиий моддалар ва йириングли инфекциялар бунинг сабабчисидир. Шунингдек, иккиламчи битишнинг умумий омилларга боғлиқлиги: қахексия, гипо ёки авитаминоз, модда алмашинишнинг бузилишлари ёки юқумли касалликлар – ангина, грипп ва бошқаларнинг мавжудлиги.

Иккиламчи битишга жароҳатнинг йиринглаши ва ундан кейин грануляция тўқимасининг ҳосил бўлиши хосдир. Йиринг оқсилга бой бўлган яллиғланиш экссудати бўлиб, унда ҳужайра элементлари, асосан, нейтрофил лейкоцитлар ва катта миқдордаги турли бактериялар, шунингдек, парчаланган ҳужайраларнинг қолдиқлари мавжуд бўлади. Йирингнинг кўриниши, ранги ва хиди микрофлора характеристига боғлиқдир.

Грануляция тўқимаси аста-секин ривожланади. Жароҳатланишдан кейин, тез фурсатда жароҳатнинг юзаси юпқа қаватли ивиган қон билан қопланади. Бу қават жароҳат экссудати билан биргаликда фибринозли бактериоцид ҳимоя пардасини ҳосил қиласди. Агар жароҳатда инфекция ривожланса, унинг чеккаларида ва асосида яллиғланиш белгилари пайдо бўлади (шиш, ҳарорат, гиперемия ва оғриқ). Жароҳат ёпишқоқ йирингли ажралма билан қопланади. Яллиғланишнинг ривожланиши тўқималар ҳимоя даражасидан, организмнинг реактивлиги ва инфекциянинг вирулентлигидан келиб

чиқади. Одатда, 48 соатдан кейин жароҳатнинг айрим ерларида майда бўртиқлар – грануляциялар пайдо бўлади. Уларнинг сони аста-секин ортади ва оқибатда, жароҳатнинг бутун юзасини қоплаб олади. Айни вактда, капилляр қон томирларининг кўплаб ўсиши амалга ошади. Грануляция ўсиши билан жароҳат аста-секин некроз ўчоқларидан тозаланади, унинг чеккаларидан бошлаб ёки айрим оролчалар кўринишида, жароҳат юзасида эпителий ўсиши кузатилади. Кейинчалик грануляция тўқимаси чандикقا (фиброз ва биритиувчи тўқима элементларидан ташкил топган) айланади.

Грануляция тўқимаси чуқур ётган тўқималарни беркитиб ва уларни инфекция тушишидан ҳимоялаб, жароҳатнинг битишида муҳим аҳамият касб этади. Жароҳатдан ажralадиган суюқлик бактериоцидлик хусусиятига эга. Шикастланганда грануляция тўқимаси қонталашиб қолади ва инфекция чуқур ётган тўқималарга ўтиб кетиши мумкин. Шунинг учун ҳам грануляцияланган жароҳатларни боғлашда уни механик ёки кимёвий шикастлаб қўйишдан эҳтиёт бўлиш ва жароҳатларни боғлашни иложи борича камроқ бажариш керак.

Кичик ва юзаки жароҳатлар – шилинган, тирналган, шунингдек, куйишлар ивиган қон ва лимфадан ҳосил бўладиган пўстлоқ остида битади. Тахминан 5 суткалардан кейин пўстлоқ остида эпителийланиш ва жароҳатнинг битиши тугалланиб, қорақўтири тушиб кетади.

## Жароҳат инфекцияси

Жароҳат инфекцияси – жароҳатга микробларнинг кириб бориши, организм тўқималарига тушган микроорганизмларнинг ва улар токсинларининг тарқалиб, таъсир этиш натижасидир. Тоза жароҳатга кўпайиш хусусияти бор бўлган патоген бактериялар ва заҳарли моддалар тушиб, уни ифлосласа (организм реакцияси бўлмаганда), бактериал ифлосланиш юзага келади.

Агар микробларнинг тушишига организм реакциясининг сезиларли белгилари пайдо бўлса, бу нарса бактериал ифлосланишни аниқ ифодаланган бактериал инфекцияга ўтганлигини кўрсатади. Бу жараён, бир томондан, микроорганизмлар ҳимоя реакцияларининг ҳолатига, иккинчи томондан, жароҳатга кириб борган инфекция қўзғатувчисининг микдори ва вирулентлигига боғлик.

Шу нүктаи назардан жароҳатлар асептик, бактериал-ифлосланган, инфекцияланган ва йирингли турларга бўлинади. Шартли равиша, асептик жароҳатлар дейилганда, режали стерил шароитларда ўтказилган тоза операцияларда олинган жароҳатлар тушунилиб, улар кўп ҳолларда бирламчи битиш билан тузалади.

Бошқа ҳамма жароҳатларга пайдо бўлиш вақтидан бошлаб микроорганизмлар тушади, демак, улар микробли ёки бактериал ифлосланган ҳисобланади. Бирламчи микроблар билан ифлосланиш жароҳатланиш вақтида юзага келса, иккиламчиси даволаш жараёнида, яъни шифохона ичидаги инфекцияланиш натижасида юзага келади.

Асептика қоидаларининг бирламчи ёрдам кўрсатиш вақтида ва шикастланган кишини даволаш давомида бузилиши иккиламчи инфекциянинг тушишига сабаб бўлади.

Жароҳатга ўз вақтида бирламчи жарроҳлик ишлови бериш, бунда ҳамма инфекцияланган некротик тўқималарни олиб ташлаш ва унга антисептиклар билан ишлов бериш бирламчи инфекциянинг профилактикаси ҳисобланади. Касални даволаш давомида асептиканинг ҳамма қоидаларига қатъий амал қилиш иккиламчи инфекциянинг тушишига йўл қўймайди.

## **Жароҳатларни даволаш**

Жароҳатларни даволашдан мақсад аъзо ва тўқималарнинг бирламчи шакли ва функцияларини ҳеч қандай асоратларга йўл қўймаган ҳолда тиклашдан иборатdir. Жароҳатларни даволаш биология, жарроҳлик, биофизика ва тиббиёт техникасининг ҳозирги замондаги эришган ютуқ ва усуllibарини қўллаб амалга оширилади.

Асептик, инфекцияланган ва йирингли жароҳатларни даволашнинг усуllibari (тактикаси) турлича. Даволашнинг усулини танлашда шикастланган кишининг ёрдамга қанчалик ўз вақтида мурожаат қилиши, жароҳатнинг тури, унга тушган микроорганизмларнинг вирулентлиги ва бошқа шу каби омиллар инобатга олинади. Жароҳатларни даволашда жарроҳлик усуllibari ва боғлашлар, маҳаллий ва умумий дори-дармонлар қўллаш, физиотерапия, даволаш бадантарбияси ва бошқалардан фойдаланилади.

Операция жароҳатлари маҳсус даволашга муҳтож эмас. Стерил мухитда ўтказилган операция жароҳатлари амалда стерил бўлади. Операция якунлангач, операция яраси стерил тикиш материаллари

билан тикилиб, 0,5 % ли хлоргексидин эритмаси ёки бошқа антисептиклар билан артилади ва стерил дока боғлами билан ёпилади (бу дока қуруқ ёки спирт билан намланган бўлиши мумкин). Дока боғлами ўрнига антисептик аэрозоллардан фойдаланиш мумкин, бунда аэрозол ярага ва унинг атрофига сепилиб, уни намлайди. Аэрозол қотгач, юпқа тиниқ парда ҳосил бўлади ва у жароҳатни етарли даражада ишончли ҳимоя қиласи, айни пайтда жароҳат даволаш давомида унинг ҳолатини кузатиб туриш имкониятини беради.

Операция жароҳатининг боғламини тикилган иплар олингунга қадар алмаштираслик керак. Агар қон кетиши, жароҳат инфекцияси каби асоратлар келиб чиқса, боғламни муддатидан олдин алмаштириш мумкин.

Шикастланган кишиларга касалхоналарнинг травматология бўлимларида маҳсус тиббий ёрдам кўрсатилади.

Кутилмаганда олинган жароҳатларнинг ҳаммаси у ёки бу даражада инфекцияланган бўлади. Биринчи ёрдамнинг вазифаси жароҳатга иккиласи инфекция тушмаслигига қаратилган бўлиши керак. Шунинг учун биринчи ёрдам вақтида жароҳатларга қўл теккизиш ёки унга зонд юбориш мумкин эмас. Жароҳат атрофидаги терини спирт, эфир, бензин билан артиш (бунда, албатта, артиш йўналиши жароҳат томондан периферияга (ташқарига) бўлиши керак) лозим. Иложи бўлса, жароҳат атрофи антисептик препаратлар билан артилади. Агар жароҳатда ғайритабиий моддалар ёки кенг йиртиқлар бўлса, уларни стерил дока, салфетка ёки асбоблар ёрдамида олиб ташлашга рухсат этилади, жароҳатни ювишга рухсат этилмайди. Шундан кейин жароҳат боғланади, иложи бўлса, стерил материал ишлатиш керак. Агар кучли қон кетса, жгут қўйилади, бошқа ҳолларда, қон оқиши сиқиб боғлаш йўли билан тўхтатилади. Боғламларни фиксациялаш учун лейкопластир, ёпишувчи воситалардан ёки тўрсимон, найсимон бинтлардан фойдаланилади.

Бирламчи ва иккиласи жарроҳлик ишловлари фарқланади. Жароҳатнинг бирламчи жарроҳлик ишлови деганда касалнинг жароҳатини биринчи марта жарроҳлик ишловидан ўтказиш тушунилади. Бу ишлов бирламчи кўрсаткичлар бўйича жароҳатнинг характеристини ҳисобга олиб, жароҳат инфекцияланишини профилактика қилиш мақсадида ўтказилади. Жароҳатланиш билан уни бирламчи жарроҳлик ишловидан ўтказиш ўртасидаги муддат

имконияти борича минимумгача қисқартирилиши керак. Ҳозирги вактда, зарурат юзасидан, жароҳатни бирламчи жарроҳлик ишловидан ўтказиш жароҳатланишдан 24 соатгача бўлган муддатда амалга оширилади. Оғриқсизлантирилгач, ўткир скальпел ёрдамида жароҳатнинг чеккалари, деворлари ва асоси тирик тўқималар чегарасида кесиб ташланади, имкони борича, ҳамма шикастланган, ифлосланган тўқималар олиб ташланади. Олиб ташланадиган тўқималарнинг қалинлиги 0,5 см дан 2 см гача бўлиши мумкин. Шунингдек, ғайритабиий моддалар, кийим йиртиклари, эркин ётган суяқ бўлаклари, ивиб қолган қон лахталари ҳам олиб ташланади. Жароҳат ифлосланган тўқималардан тозалангач, қон тўхтатилади ва жароҳат қаватма-қават тикилади.

Бирламчи жарроҳлик ишловидан кейинги тикишлар бирламчи тикиш дейилади. Баъзан бирламчи жарроҳлик ишловидан кейин ситуациян тикишлар (ёрдамчи тикишлар) қўйилади.

Айрим ҳолларда, бирламчи тикишлар қўйилишига зид ҳолатлар (инфекция хавфи) бўлса, жароҳат чеккалари тозалангач, бирламчи кечиктирилган тикишлар қўлланилади. Бунда жароҳат тикилади, лекин иплар бир неча кун давомида (2-4 сутка), яъни ўткир жарроҳлик инфекцияси хавфи ўтгунча тугилмайди. Бу муддат ўтгач, иплар тортилиб, жароҳат тикилади. Бундай усуллар кўпроқ ҳарбий-дала жарроҳлигида ўқотар қуроллардан яраланишда қўлланилади.

Вақт омилига боғлиқ жароҳатларда жарроҳлик ишловининг эрта, муддати узайтирилган ва кечиккан турлари фарқланади.

Жароҳатларнинг эрта жарроҳлик ишлови дастлабки 24 соат ичида ўтказилади. Агар у жароҳатланишдан кейинги 6-12 соат ичида амалга оширилса, оқибати яхши бўлади. Баъзан жароҳатларнинг жарроҳлик ишлови антибиотиклар билан даволаш остида, жароҳатланишнинг иккинчи суткасида ўтказилади. Бундай жарроҳлик ишлови муддати узайтирилган ишлов дейилади.

Агар жарроҳлик ишлови антибиотиклар билан даволанмаган жароҳатда иккинчи суткада ёки антибиотиклар билан даволангандан учинчи суткада ўтказилса, бундай жарроҳлик ишлови кечиктирилган жарроҳлик ишлови дейилади. Жароҳат инфекцияси учун жарроҳлик ишлови асос бўлмайди, фактат операция тактикаси ўзгаради. Жароҳатга кечиктириб жарроҳлик ишловини бериш ҳар доим жароҳат инфекцияси ва асоратларининг ривожланиши билан боғлиқ бўлади.

Иккиламчи жарроҳлик қайта ишлови жароҳат инфекцияси бўлганда амалга оширилади. Айрим ҳолларда жароҳат инфекцияси сабабли иккиламчи қайта жарроҳлик ишловини ўтказишга тўғри келади. Одатда, бундай ҳолатларда йиринглаш ўчоғи очилади, контрактура кесилиб, жароҳатга дренаж қўйилади. Касалхонага кеч келтирилган bemорда иккиламчи жарроҳлик ишлови сон жиҳатидан биринчи жарроҳлик муолажаси бўлиши мумкин.

Йиринглаган жароҳатларни даволаш жароҳатда кечаётган жараённинг фазасини ҳисобга олиб амалга оширилади. Жароҳат жараённининг биринчи фазасида ҳамма маҳаллий муолажалар йирингнинг ташқарига чиқиши ва жароҳатнинг йиринг ва некротик тўқималардан тозаланишига қаратилган бўлиши керак. Жароҳат жараённинг иккинчи фазасида грануляция тўқимаси шикастланишининг олдини олиш мақсадида антисептик препаратлардан фақат малҳам дори (мазъ) қўлланилиши керак.

## ТЕРМИК ШИКАСТЛАНИШЛАР. КУЙИШЛАР

Юқори ҳарорат таъсирида тўқималарнинг шикастланиши кушиш деб аталади. Термик куйишлилар иссиқ суюқликлар, буғ, олов, қиздирилган металлар таъсирида келиб чиқиши мумкин. Тўқималар шикастланишининг оғирлиги ҳарорат даражасига, таъсирининг давомийлигига ва шикастланиш майдонининг катта-кичиклигига боғлиқ бўлади.

Термик шикастланишлар шартли равишда енгил ва оғир куйишлирга бўлинади. Тана юзасининг 10% дан кам бўлмаган қисмини эгаллаган куйишлилар оғир куйишлирга киради. Ёш болалар ва қарияларнинг куйиши, айниқса, хавфли бўлади.

Тўқималарнинг қайси қавати шикастланишига қараб куйишлилар 1, 2, 3«а» ва 3«б», 4-даражаларга бўлинади.

1-даражали куйишида фақат терининг ташқи-эпителий қавати зарарланиб, уни аниқлаш қийинчилик туғдирмайди. Беморда қизариш, шиш, куйган жойда эса қавариш ва маҳаллий қизариш кузатилади.

2-даражали куйиши терининг анча интенсив қизариши ва эпителийнинг унча катта бўлмаган ичига оч сариқ рангли суюқлик тўлган пуфакчалар ҳосил бўлиши билан характерланади.

3«а»-даражадаги куйишида терининг энг чуқур – ўсувчи қаватидан ташқари, ҳамма қаватлари некрозга чалиниб ўлади,

таранг пуфакчалар ҳосил бўлиб, улар тўқ-сариқ рангли шилимшиқ билан тўлади. Кўплаб пуфакчалар ёрилган бўлиб, улар асосида спирт ва нина таъсирига сезувчанлик пасайган бўлади.

3«б»-даражадаги куйишда чукур некроз юзага келиб, бунда терининг ҳамма қаватлари шикастланади. Пуфакчалар кон аралаш суюқлик билан тўлган, ёрилган пуфакчаларнинг асослари хира, қуруқ, кўпинча, мармар рангда бўлиб, спирт ва нина таъсирида оғриқни сезмайди.

4-даражадаги куйишда нафақат тери, балки унинг остидаги тўқималар – пай ва мушакларнинг ҳам шикастланиши кузатилади. Куйган юзада жигарранг қаттиқ қобиқ (қасмоқли, қорақўтирли) ҳосил бўлиб, ҳар хил таъсирловчиларни сезмайди. Шикастланишнинг чуқурлигини фақат бир неча кундан кейингина, бемор даволаш муассасасида бўлган вақтда аниқлаш мумкин.

Куйган юзанинг катта-кичиклиги куйишнинг биринчи соатларида асосий аҳамият касб этиб, у беморнинг умумий ҳолатини аниқлаб беради. Шунинг учун ҳам, тахминан бўлса-да, биринчи ёрдам кўрсатиш вақтида уни аниқлаш керак. Одам танасининг умумий майдони унинг бўйи узунлиги бўйича ҳисобланади. Қаддиқомати ва ориқ-семизлиги ҳисобга олинмайди.

Куйиш майдонини ҳисоблаш учун, аввало, шикастланувчининг тана майдони аниқланади, яъни бўйи узунлигига (см да) иккита ноль қўшилади. Масалан: 170 см бўйга эга бўлган кишининг тана юзаси 17000 кв см, 182 см бўйга эга кишининг тана юзаси 18200 кв см.

Куйган юзанинг процентлардаги миқдорини тезроқ аниқлаш учун «кафт» қоидасидан фойдаланиш мумкин. Куйган юза проекциясига нечта кафт жойлашишига қараб, беморнинг шунча фоиз тери юзаси куйган ҳисобланади. Бунда бир «кафт» юзаси тананинг 1,2 % ни ташкил қилишидан келиб чиқлади. Ҳисобнинг тез ва осон бўлиши учун фоизнинг ўндан бир қисмларини эътиборга олмаса ҳам бўлади. Масалан: куйган жой ўнта кафт юзасига тўғри келса, демак тананинг куйган юзаси 10–12% ни ташкил этади.

Агар тананинг маълум қисмларида тўлиқ куйиш кузатилса, «Тўққизлик қоидаси» ёки Тенисон-Руслак усулини қўллаш мумкин. Бунда бош ва бўйин, ҳар иккала қўл алоҳида тана юзасининг 9 % ни ташкил этади, тананинг олдинги, орқа юзалари, ҳар бир оёқ алоҳида – 18 %, чот ораси ва унинг органлари – 1% ни ташкил этиши кўрсатилган. Масалан: агар бир қўл ва тананинг олдинги қисми

тўлиқ куйган бўлса, унда куйиш  $9\% + 18\% = 27\%$  бўлади. Агар куйишнинг умумий юзаси 10 % дан кўп бўлса, bemorda куйиш касаллиги ривожланиши мумкин.

Куйиш касаллиги – бу клиник синдром бўлиб, оғир куйиш натижасида юзага келади.

Куйиш касаллигининг қуидаги даврлари фарқланади:

1) куйиш шоки кенг ва чуқур куйиш натижасида (агар 2-даражали куйиш бўлса, 20% ва ундан кўп юза, 3-даражали куйиша 10% ва ундан кўп юза эгалланган бўлади) юзага келади. Куйиш шоки шикастланган тўқималардан организмнинг жуда кучли таъсирловчига жавоб реакцияси сифатида юзага келади. Кўп ҳолларда, у биринчи икки сутка давомида кузатилади ва фазалар билан кечади. Куйишдаги шокнинг эректил ва торпид фазалари кузатилади. Травматик шок симптомларидан ташқари қуидагилар ҳам характерлидир: плазма йўқотиш, гипопротеинэмия, қоннинг қуюқлашуви, қон айланишидаги умумий қон миқдорининг камайиши, баъзан анурия ҳолатигача олиб борувчи олигурия;

2) куйишнинг ўткир токсемияси. Куйиш касаллигининг учинчи кунидан бошлаб унинг клиникасида интоксикация синдромлари устунлик қила бошлайди, бу куйиш токсемияси бўлиб, у куйган тўқималардаги токсик маҳсулотларнинг қонга сўрилиши натижасида юзага келади. Унинг ўзига хос белгилари – тана ҳароратининг кескин равища 38–41 даражагача кўтарилиши, тахикардия – юрак уриши 1 мин. 110–130 тагача, полидипсия, иштаҳанинг пасайиши, асабийлашиш (талвасагача тушиш, безовталаниш, уйқунинг бузилиши), кўнгил айниши ва қусиш кузатилади.

Куйиш касаллигининг оғир ҳолатларида 12–15 кундан бошлаб унинг 3 даври ривожлана бошлайди;

3) септикотоксемия. Куйган жароҳатларда йиринглаш ривожлана бориши натижасида bemorda бактеремия ва септицемия симптомлари пайдо бўла бошлайди. Юқори ҳарорат, оғир умумий ҳолат, ҳар хил асоратлар кўпинча, зотилжам (пневмония) ривожланади;

4) куйишдан ҳолсизланиш. Узоқ муддатли интоксикация, бактеремия ва септицемия натижасида куйишдан ҳолсизланиш даври бошланади. Клиникаси: грануляциялар рангизланиб қолади, кейинчалик уларда некроз келиб чиқади, жароҳатлар чуқурлашиб боради, битган жароҳатлар эса яна очилиб кетади. Некрозланган тўқималар чириб парчалана бошлайди. Беморнинг умумий ҳолати

кескин ёмонлашади. Агар интенсив терапия воситалари қўлланилмаса, bemor ўлиб қолиши ҳам мумкин.

Реконвалесценция даври – соғайиш даври. Белгилари: куйиш жароҳатлари некротик тўқималардан тўлик тозаланади, чандиқланади, bemor ўзини анча яхши сеза бошлайди. Касалликнинг бу даври 3 ойдан 5 ойгача давом этиши мумкин.

## Биринчи ёрдам

Куйишида кўрсатиладиган ёрдам жуда тез амалга оширилиши керак. Ҳаммадан аввал, тезлик билан оловни ўчириш, шикастланган кишининг ёнаётган кийимларини йиртиб олиб ташлаш, унинг устига ниманидир ёпиш, чойшаб, жун рўмол, плаш ёрдамида ҳаво кирмайдиган қилиб оловни ўчириш, кейин тутаётган нарсаларни олиб ташлаш керак. Шикастланган одам замбилғалтакка ёки шитга ётқизилади. Агар терига куйган кийим қолдиқлари ёпишиб қолган бўлса, уларни теридан кўчириб олиш асло мумкин эмас. Жароҳатларни стерил бинт билан боғлаш (индивидуал боғлаш пакетчаси), агар у қўл остида бўлмаса, қалинроқ матони дазмоллаб ишлатиш мумкин. Тананинг кўп қисми куйганда шикастланган кишини стерил чойшабга ўраб қуиши қулайроқ.

Агар ёнгин бинода содир бўлган бўлса, тезлик билан ҳамма зарар кўрган кишиларни тоза ҳавога олиб чиқиш керак. Оғиз ва бурун бўшлиқлари кул ва қурум билан заарланган бўлса, уларни тезликда бармоққа ҳўл латта ўраб тозалаш лозим. Агар bemor ҳушини йўқотган бўлса, тили билан тиқилиб қолмаслиги чоратадбирлари қўлланилиши керак. Бунинг учун унинг пастки жағини олдинга тортиб, бармоқлар билан тилини тортиб чиқариш ва уни илгак тугма билан ияқ терисига маҳкамлаб қуилади. Бу манипуляциядан қўрқиши керак эмас, чунки тери ва тилдаги жароҳатлар тезда битиб кетади, агар bemor ўз тили билан тиқилиб қолса, унинг асоратлари жуда оғир бўлиши, ҳатто асфиксия натижасида ўлимга олиб келиши мумкин.

Агар куйган кишида қорин бўшлиғи органларининг жароҳатлари бўлмаса, у ҳушини йуқотмаган бўлса, кўп суюқлик ичиш тавсия қилинади. Кейин унинг вена томирига 1% ли 2 мл промедол, 50% ли 2 мл анальгин, 2 мл дроперидол, 1% ли 1 мл димедрол, агар бу дори-дармонлар бўлмаса, bemorga 2 та анальгин ёки аспирин таблеткасидан, 1 та димедрол таблеткасидан, 20 томчи корвалолни

20 мл сувга томизиб ичириш (ёки валокардин, кардиамин, валерианка, волидол таблеткасини тил остига қўйиш) керак. Бу дори-дармонлар оғриқни сусайтириб, юрак фаолиятини қўллаб-куватлаб туради.

Агар шароит мавжуд бўлиб, куйиш унчалик катта бўлмаса, куйган жойни сув ўтказгичнинг совуқ сувида босимли оқим остида 15 минут давомида ювиб туриш керак. Бу оғриқни қолдирувчи таъсир кўрсатади ва айни вақтда шокнинг олдини олади. Кейин куйган жароҳатлар стерилланган салфеткалар ёрдамида куритилгач, куйган юзага қуруқ асептик боғлам қўйилади. Биринчи ёрдам кўрсатишида малҳам дорилар билан боғлаш қўлланилмайди.

Шундан кейин bemорни тезликда куйганлар бўлимига ёки тез жарроҳлик ёрдами бўлимига олиб бориш керак.

Кимёвий куйишилар, кўпинча, кислота ва ишқорларнинг тўйинган эритмалари таъсирида келиб чиқади. Кимёвий куйишиларда ҳам худди термик куйишилардаги каби куйишининг оғирлиги унинг чуқурлигига ва қанча юзани эгаллашига қараб, шунингдек, таъсир этувчи кислота ёки ишқорнинг концентрациясига қараб баҳоланади. Баъзи кислоталарнинг терига таъсир этишида, тери юзасида ўзига хос рангдаги жароҳат ёки қасмоқ (қорақўтири) хосил бўлади: сульфат кислотасидан хосил бўлган кимёвий куйишида улар тўқ жигаррангда, хлорид кислотаси таъсирида кулранг-оқиши, нитрат кислотаси таъсирида эса оч жигаррангда бўлади. Кислоталарнинг тўйинган эритмалари коагуляцион некроз (қаттиқ, қуруқ қасмоқ) чақиради, тўйинган ишқор эритмалари эса колликовацион некроз (юмшоқ, намланган, чуқур қасмоқ) чақиради. Баъзан жароҳатлардан кимёвий бирикманинг хиди анқиб туради.

Бундай куйишиларда кечиктириб бўлмайдиган ёрдам куйишини чақирган агентни нейтраллашдан иборатdir. Бунинг учун кислоталар билан куйганда кучсиз ишқор эритмалари (натрийли бикарбонатнинг 2% эритмаси, сут), ишқорлар билан куйганда эса кучсиз кислота эритмалари (1% сирка ёки 2% ли бор кислотаси) дан фойдаланилади. Бундай воситалар бўлмаган тақдирда, кимёвий агентни зарарланган майдондан сувнинг оқими билан ювиб кетказиш мумкин. Шундан кейин асептик боғлам қўйилиб, оғриқсизлантирувчи воситалар қўлланилгач, bemор навбатчи жарроҳлик стационарига олиб борилади.

Сингувчи радиациядан куйиш комбинацияланган (биргаликдаги) шикастланишлар сирасига кириб, оммавий характерга эга

бўлади ва атом қуролининг қўлланилиши (атом бомбасининг портлаши натижаси)да рўй беради. Сингувчи радиация билан шикастланишда куйишнинг кечиши ва оқибати кескин ёмонлашади.

Атом портлаши вақтидаги иссиқдан шикастланишлар ҳам бирламчи кучли нур тарқалишидан, шунингдек, иккиламчи таъсиридан – рўй берадиган ёнғинлардан келиб чиқиши мумкин. Биринчи ҳолатда инфракизил нурлар муҳим роль ўйнайди. Бу нурлар оловли шарда юзага келиб, тананинг ҳимояланмаган ва портлаш томонга қараб турган қисмларида (юзнинг бир томони, бўйиннинг бир томони, қўлнинг кийим билан ҳимояланмаган қисмларида) куйиш чақиради. Шуни ёдда тутиш керакки, оқ кийим бундай куйишлардан яхши ҳимоя қиласди, чунки оқ кийим портлаш вақтидаги ўзидан нур тарқалишини яхши қайтаради. Бирламчи нур тарқалишининг давомийлиги секунднинг қисмларини ташкил этади. Шунинг учун ҳам, кўпинча, бу куйишлар чуқур бўлмайди.

Нурланиш касаллигидаги куйиш жараёнининг кечиши амалда оддий термик куйишилардан фарқ қилмайди. Лекин нурдан куйишида асоратлар (йиринглаш, сепсис, сарамасли яллиғланишлар) кўпроқ қузатилиб, шикастланиш жойи кейинчалик рангиз, пўст ташлайдиган, атрофлари кучли бўялган (пигментланган) бўлади, кандилома пайдо бўлиши, гиперкератоз, хавфли ўスマлар келиб чиқиши мумкин.

Биринчи ёрдам кўрсатиш қуидаги кетма-кетликда амалга оширилиши керак:

- 1) ёнаётган кийимларни ўчириш;
- 2) қон оқишини вақтинча тўхтатиш;
- 3) куйган жойга бирламчи стерил боғлам қўйиш;
- 4) шприц-тюбик ёрдамида маҳсус антиidot воситаларини юбориш;
- 5) синишлар бўлса, синган қўл ёки оёқ иммобилизацияланади;
- 6) шикастланган кишига противогаз кийдирилади;
- 7) агар қорин аъзолари жароҳатланмаган бўлса, 50 мл сув ичирилади;
- 8) шикастланган кишини даволаш муассасасига олиб борилади.

## **СОВУҚ ОЛИШИ ВА МУЗЛАШ**

Умумий совқотишиш (музлаш) кам учрайди. Бу нарса узок муддат совуқ сувда қолиб кетиш, қишиш вақтида жароҳат олиб, ҳаракат

қобилиятини йўқотиш, маст ҳолда қорда ухлаб қолиш натижасида учрайди. Умумий совқотиш натижасида мадорсизланиш, титраш, уйқу босиши, бош оғриши, сўлак оқиши, терлаш кузатилади. Тана ҳароратининг – 24 ва ундан пасайиши ўлимга олиб келади.

Тананинг умумий совқотишида учта босқич бир-биридан фарқ қиласиди.

1. Адинамик: тана ҳарорати  $33\text{--}32^{\circ}\text{C}$  гача пасайган, пульс ва хуши сақланган, уйқу босиши кузатилади, bemор мадори йўқлиги ва боши айланишидан шикоят қиласиди, фикрлаши секинлашган ва суст бўлади.

2. Ступор ҳолати: тана ҳарорати  $30\text{--}27^{\circ}\text{C}$  гача пасайган, пульс ва нафаслар сони камаяди, хуши сусаяди, нутқ бузилади, асосий ҳаёт функциялари тобора пасайиб боради.

3. Акашаклик: тана ҳарорати  $27\text{--}25^{\circ}\text{C}$  гача пасаяди, тери қопламаси рангизланади, совийди, озроқ кўкаради, мускуллар қисқаради, оёқ-кўллар букилади, танага ёпишган ва кучли тортилган бўлади, пульс камайган, нафас олиш юзаки, кучизланади, қорачик тораяди, ёруғликка сезувчанлиги ёмонлашади.

Совук уриши ўткир ва сурункали, умумий ва маҳаллий бўлиши мумкин. Намли муҳитда оёқ-кўлларнинг ўткир совук уришида (сувда) ҳарорат  $0^{\circ}\text{C}$  дан  $+15^{\circ}\text{C}$  гача бўлса, тери рангизланаб, бироз шишиди, суюқлик билан тўлган пуфакчалар пайдо бўлади, тери қопламлари таранглигини йўқотади, титроқ кузатилади. Сурункали совук уришида, кузатилаётган bemорнинг қўл ва оёқлари тез-тез ва узоқ муддат давомида нам ва совук муҳитда бўлса, панжа ва товоңларнинг совукни сезувчанлигининг ортиши, уларнинг шишиши, терлаши, уларда оғриқ пайдо бўлиши, увишиш, бармоқларнинг қизиб кетгандек туюлиши ва уларнинг тўлишиши, терининг қуруқлашаси, қаттиқлашиши, бўғимларнинг йўғонлашиши кузатилади.

## **Музлашда кўрсатиладиган кечиктириб бўлмайдиган ёрдамлар**

Жабрланган кишини тезликда иссиқ, ёпиқ бинога олиб кириш (масалан, автомобиль салонига), унинг музлаб қолган кийимларини ечиш, иссиқ одеял билан ёпиш; венасига  $45^{\circ}\text{C}$  гача иситилган 5% ли 500 мл глюкоза эритмасини 8 бирлик инсулин билан юбориш лозим. Ҳўлланган кислород билан нафас олдириш, 0,05% ли 0,5 мл

строфантин, кардиамин инъекция қилиш керак. Иложи борича, тезроқ bemорни жарроҳлик стационарига эвакуация қилиш керак.

Организмнинг кучли совқотишидан, баъзан қон айланишининг тикланмайдиган бузилишлари (узоқ муддатли спазм ва қон томирларининг беркилиб қолиши), модда алмашинишларининг бузилишлари (тўқималар озиқланишининг бузилишлари ва натижада уларнинг жонсизланиши) юзага келади. Тўқималар жонсизланишининг чуқурлиги ва кўлами совуқ таъсирининг давомийлигига, даражасига ва бошқа ноқулай омилларга боғлиқ (шамол, намлик, юпун юриш, оч қолиш, алкоголь заҳарланиш ва бошқалар) бўлади.

Қайтмас жараёнларнинг асосий сабаби кенг тарқалган ва тобора зўрайиб борадиган қон томирлар тромбози (тиқилиб қолиши) хисобланади. Омилларнинг совуқ олдириш таъсирига тўқималар реакциясининг икки: 1) яширин ва 2) реактив ёки ифодаланган жараёнлар даври киради.

Биринчи соатларда тўқималар шикастланишининг қандай даражада чуқур ва қанча майдонга тарқалганлигининг ҳақиқий ҳолатини аниқлаш имконияти йўқ. Улар факат реактив даврда аниқланади. Шунинг учун ҳам совуқ уришининг қандай даражада эканлигига тўғри ташхис қўйиш қийин.

Совуқ уришининг 4 та даражаси фарқланади.

1-даражада совуқнинг қисқа муддатли таъсири натижасида ривожланади. Беморнинг умумий ҳолати қониқарли. Тери оч-қизил рангда ёки кўкарган, юзаси тўрланмаган, қўл-оёқлар муздек, периферик қон томирлардаги пульс анча су сайган, шикастланган, тўқималар шишган бўлади.

2-даражада билан шикастланган тери юзасида ҳар хил катталиқдаги тиниқ ёки қон аралаш суюқлиқ билан тўлган пуфакчалар ҳосил бўлиб, бу соҳаларда пульс аниқланмайди, шикастланган киши кучли оғриқ сезади.

3-даражада терининг ҳамма қаватлари жонсизланиб, пуфакчалар тўқ қизил суюқлик билан тўлган, периферик қон томирларда пульс йўқ, кучли оғриқ, bemорнинг умумий ҳолати оғир бўлади.

4-даражада тери, тери ости ва суюқ тўқималари жонсизланган, пульс йўқ, bemорнинг умумий ҳолати жуда оғир кечади.

## **Совуқ уришидаги кечиктириб бўлмайдиган ёрдамлар**

Иссиқ хонада тананинг совуқ урган қисмларини иситишга қаратилган тезкор чора-тадбирлар ўтказиш – тоза қўл билан ташқаридан марказга қараб уқалаш, спирт, одеколон, вазелин ёки ҳар қандай антисептик мой («Детский», «Чебурашка», «Женышен» ва бошқалар) билан ишлов бериш, кейин аsepтик боғлам қўйиш лозим. 3- ва 4-даражали совуқ уришларида шикастланган қўл ва оёқлар ҳаракатсиз ҳолатга келтирилиши керак.

Уқалашда қор ёки муздан фойдаланишга йўл қўйиб бўлмайди. Беморга иссиқ чой, кофе, сут, 20 томчи карволол ичирилади. Имконият борича, тезроқ жарроҳлик стационарига олиб борилади.

### **ЭЛЕКТР ТОКИДАН ШИКАСТЛАНИШ**

Бундай шикастланишлар техник ёки атмосфера электр қуввати таъсирида юзага келади. Электр асбобларидан техникада ва уй хўжалигида уқувсизлик билан фойдаланиш, шунингдек, бу асбобларнинг носозлиги электрдан жароҳатланиш (электро-травма)га олиб келади.

Электр қувватидан шикастланишлар: термик; электролитик; организмга механик таъсиrlарга бўлинади.

Электр қувватининг таъсири унинг кучи 3–5 мА га тенг бўлганда сезила бошланади, 20–25 мА кучга эга бўлган электр қуввати мушакларнинг беихтиёр қисқаришига сабабчи бўлади. Электротравмаларнинг сабаби ва баъзан бу фактни аниқлаш жуда қийин кечади, бундан ташқари, электротравмани бошқа шикастланишлар (контактли термик куйиш, электротравмадан кейин баландликдан йиқилиб синишлар) билан осон адаштириш мумкин.

Электротравмалар терининг намлиги юқори бўладиган баҳор, ёз ва куз ойларида кўпроқ кузатилади. Хавфли, ўлимга олиб келадиган электротравмалар 127–220 В ли электр токи таъсирида юзага келиши мумкин. Қуввати 10 000 В дан юқори бўлган электр токи билан шикастланишларда ўлим кенг кўламдаги куйиш натижасида юзага келади.

Паст кучланишли токларни ҳам организм учун умуман заарсиз деб бўлмайди. Шу нарса аниқланганки, бир хил кучланишдаги ўзгарувчан ток доимий токка нисбатан хавфлироқ. Юқори кучланишли токлар билан шикастланганда кўплаб электр таъсиридаги куйишлар кузатилади. Ток кучи унинг кучланишига тўғри ва тери

ҳамда предметлар қаршилигига тескари пропорционал бўлиб, кўп жиҳатдан шикастланувчини ердан ажратиб турган предмет қаршилигига боғлиқ. Организмнинг электрга қаршилиги терининг қаршилигига боғлиқ. Тери қанча юмшоқ ва намлиги юқори бўлса, унинг қаршилиги шунча кам бўлади.

Электр токининг танага кирадиган ва чиқадиган йўли «ток ҳалқаси» деб аталади.

Пастки, юқориги ва тўлиқ ҳалқалар тафовут қилинади.

Пастки ҳалқа – оёқдан-оёққа хавфи кам. Юқори ҳалқа – қўлдан-қўлга хавфи юқорироқ ва тўлиқ ҳалқа – бунда ток нафақат оёқ-қўллардан, балки юракдан ҳам ўтади.

Токнинг кириш ва чиқиши жойларида электр куйишлар ҳосил бўлади, уларга хос ўзгаришлар «ток белгиси» деб аталади. Улар терининг юмалоқ, эллипссимон ёки чизиқчали қуруқ жонсизланиши шаклида бўлиб, кулранг, оч сариқ ёки сут рангидан, унинг маркази тўқроқ, четлари кўтарилиган очроқ рангда бўлади. «Ток белгиси» атрофидаги соchlар куймаган, штопорсимон буралган бўлади. Кўпинча, «ток белгиси» унинг кириш жойида кўпроқ шаклланади, чиқиши жойида у металл билан контактда бўлганда ҳосил бўлади. «Ток белгилари» электр токининг йўлида терининг буришган ва букиладиган жойларида ҳам ҳосил бўлади.

Электротравманинг 4 та даражаси фарқланади.

1-даражада – шикастланган кишида мускуларнинг беихтиёр титраб-қақшаши кузатилиб, ҳуши ўзида бўлади.

2-даражада – мускуларнинг беихтиёр титраб қақшаши билан бирга бемор ҳушини йўқотади.

3-даражада – ҳуш йўқотиши билан бирга юрак ва нафас функцияларининг ҳам бузилиши кузатилади.

4-даражада – бемор клиник ўлим ҳолатида бўлади.

Электр токи билан шикастланганда унинг клиник кўриниши умумий ва маҳаллий белгилардан ташкил топади.

Умумий симптоматика субъектив белгилари – бу секин туртки, ачитиб оғриш, мушакларнинг беихтиёр қисқаришлари, қалтироқ тутишидан; объектив белгилари: тери қопламаларининг оқариши, баъзан кўкариш, сўлак ажралишининг кўпайиши, қусиш, юрак соҳасидаги оғриқдан иборат. Электр токининг билвосита таъсири йўқотилгандан кейин шикастланган киши ўзини худди қаттиқ калтаклангандек, чарчоқ, бутун гавдасида оғирлик сезади. Баъзан

жуда лоқайд, паришонхотир, баъзан эса жуда ҳаяжонланган ҳолатда бўлади. Уларда пульс тезлашиб, беихтиёр сийдик ажралиши кузатилиши мумкин. Электротравма юқоридан йиқилиши билан давом этса, суякларнинг турлича синишлари ва бўғимларнинг чиқишилари кузатилиши мумкин.

Маҳаллий шикастланиш кўзга кўриниб турадиган куйиш билан ифодаланади. Одатда, бу куйишлар иккинчи даражали бўлиб, улар термик куйишлардан пуфакчалар ва қизаришнинг йўқлиги, аксинча, сариқ-жигарранг доғлар ҳосил бўлиши ва бу жойнинг оғриқни сезмаслиги билан фарқ қиласи; баъзан куйган жойдан қон оқиб туриши мумкин.

Куйиш майдони катта бўлган электротравмаларда, ички органларнинг шикастланишлари анча камроқ бўлади. Бунга сабаб, куйиб кўмирга айланган тўқималар токнинг ички органларга тарқалишига тўсиқ бўлади. Куйиш майдони кичик электротравмалар, ток таъсиридан кейин жуда тез вақт ичида аниқ чегара ҳосил қилиб, ўлган кулрангли тўқима атрофида тиниқ айлана ҳосил қиласи. Бунда куйган жой атрофидаги тўқималарда шиш жуда тез ривожланади.

### **Электротравмада биринчи ёрдам**

Шикастланган кишини жуда тезлик билан электр токи манбаидан озод қилиш зарур. Бу ишни жуда эҳтиёткорлик билан, техника хавфсизлигига амал қилган ҳолда бажариш зарур. Агар имконияти бўлса, токни тезда маҳсус ўчириш пультидан ёки ток ўчиргичдан узиш керак. Агар улар носоз бўлса, маҳсус ўткир жағли омбирлар билан (изоляцияловчи резина найлар кийдирилган) электр симини қирқиб ташлаш, бунда, албатта, ҳар бир сим алоҳида қирқилиши, яъни қисқа туташув келиб чиқишига йўл қўймаслик керак.

Шикастланган кишини ток таъсиридан озод қилмай туриб, танасининг очиқ қисмларини ушлаш мумкин эмас. Агар беморда клиник ўлим юз берса, тезлик билан ва узлуксиз, шунингдек, транспортировка вақтида ҳам, сунъий нафас беришни (оғиздан-оғизга ёки оғиздан-бурунга) ва юракни билвосита массаж қилишни амалга ошириш керак. Воқеа содир бўлган жойда куйган терини одеколон билан артиш, стерил боғлам қўйиш, транспорт шиналарини қўллаш керак. Электротравма олган кишилар, уларнинг ҳолати қандай бўлишидан қатъи назар, касалхонага ётқизилиши шарт.

## АТМОСФЕРА ТОКИДАН ШИКАСТЛАНИШ

Электр зарядларининг атмосферада тўпланишидан, кўпинча, чақмоқ чақишилари ва момоқалдириоқлар вақтида шикастланишлар юзага келади. Бундай ҳолатларда чақмоқнинг ерга йўли очиқ жойда турган, масалан, очиқ даладаги ёлғиз дараҳт, ўрмондаги энг баланд дараҳт ёки энг юқори металл конструкция орқали ўтиши мумкин. Шунинг учун ҳам чақмоқ чақиши вақтида бундай жойларда (дараҳт остида, металл конструкцияли симёғочлар ва шу кабилар ёнида) бўлиш хавфсиз эмас. Бинолар ичидаги чақмоқнинг шикастловчи таъсиридан сақланиш учун деразаларни ёпиш, ҳамма электр асбобларини, шу жумладан, радио, телевизорларни ўчириб, антенналарини узиш керак. Чақмоқ билан шикастланганда кишининг танасида дараҳтсимон кўкиш рангдаги расм пайдо бўлади. Бундай вақтларда «чақмоқ ўз шаклини қолдирди» дейиш одат бўлган. Аслида эса бу нарса тери остидаги қон томирларининг фалажланиши натижасида келиб чиқади.

*Биринчи ёрдам:* бундай ҳолларда тезлик билан ва узлуксиз тирилтириш чора-тадбирларини бошлиш керак (сунъий нафас олдириш, юракни билвосита массаж қилиш). Бу чора-тадбирлар шикастланган кишини сақлаб қолишнинг бирдан-бир йўлидир.

---

---

## **ТАЯНЧ-ХАРАКАТ АЪЗОЛАРИНИНГ ШИКАСТЛАНИШЛАРИ**

### **Бош суяги қопламаларининг ёпиқ ва очиқ икастланишлари (лат ейиши, қон қўйилиши, жароҳатланиши)**

Бош суягининг ёпиқ шикастланишларида юмшоқ тўқималарнинг анатомик бутунлиги бузилмайди. Бундай ёпиқ шикастланишлар бевосита ташқи таъсир кучининг тез ва қисқа муддатли таъсир этиши натижасида юзага келади.

Лат ейишдаги шикастланиш даражаси шикастловчи агентнинг ўлчамлари ва массасига, урилиш кучига, таъсириининг давомийлигига, шунингдек, кўпинча, жабрланувчининг ҳолатига боғлиқ бўлади. Бундай ҳолларда, кўпинча, майда қон томирлари шикастланади.

Юмшоқ тўқималар, шу жумладан, бош суяги қопламалари лат еганда уларнинг клиник кўринишларида жароҳатловчи агент этган жойда оғриқ, қонталашлик ёки қон тўпланиши (гематома) ҳосил бўлиши кузатилади.

Бош суяги қопламаларининг очиқ шикастланишларида терининг бутунлиги бузилади ва жароҳатлар пайдо бўлади.

### **БОШ СУЯГИНИНГ ШИКАСТЛАНИШЛАРИ (бош суяги гумбази ва асосининг синииши)**

Бош суяги калланинг асосий скелети бўлиб, унинг мия ва юз қисмлари фарқланади. Бир-бири билан чоклар орқали бирлашган бир нечта алоҳида суяқдан ташкил топган бош суяги бўшлиғида бош мия жойлашган. Бош суяги бўшлиғини чегаралаб турувчи суяклар – энса, 2 та тепа, пешона, асос, 2 та чакка, ғалвирсимон суяклардир.

Бош ва мия шикастланишларининг қўйидаги асосий турлари тафовутланади:

1) бош суяги ва бош миянинг ёпиқ шикастланишлари – бунда терининг бутунлиги сақланиб (терида жароҳатлар ҳам бўлиши мумкин) суякларнинг шикастланиши кузатилмайди;

2) очик шикастланишлар икки хил – миянинг қаттиқ пардасига ўтмаган ва миянинг қаттиқ пардасига ўтиб, унинг бутунлиги бузилган кўринишда бўлиши мумкин.

Бош суюгининг синиши унга тўғридан-тўғри уриш ёки пастдан юқорига қаттиқ туртки бўлганда, бош қаттиқ жисмларнинг қирраларига урилиш, қаттиқ юзаларга йиқилиш оқибатида, турли транспорт ҳалокатларида кузатилиши мумкин. Бош суяги қуббаси, асоси ва чакка қисмининг синишлари фарқланади.

Бош суяги юз қисмининг суякларида дарз кетиш ва эзилиш натижасидаги синишлар кузатилади. Эзилиш натижасидаги синишларда ташқи пластинка у ёки бу кўламда синади ва ичкари томонга қараб ботиқ ҳосил қиласи. Бош суюгининг дарз кетиши битта ёки бир нечта жойда бўлиши мумкин.

Бош суяги гумбази синиши унинг асоси синишига нисбатан икки баробар қўп кузатилади. Бош суяги асосининг синиши унинг гумбази синишининг давоми бўлиши ёки билвосита жароҳатланиш таъсирида (кўпинча, баландликлардан йиқилишда) суякнинг энг юпқа ва нозик жойларида (тешик ва ёриқлар атрофларида) юзага келади. Бундай шикастланишлар оғир кечади, чунки бунда доимо мия моддаси заарланиб қаттиқ мия пардасида дефектлар юзага келади, бош мия нервлари жароҳатланади.

Бош мия қаттиқ пардаси бутунлигининг бузилиши билан кечадиган шикастланишларда қобиқ ости муҳити ва доимо патоген микрофлора бўлган бошқа бўшлиқларда боғланиш юзага келиб, касалликнинг кечиши янада оғирлашади. Масалан, бош суюгининг олд чуқурчаси синганда ғалвирсимон суяк тешикчалари орқали бурун бўшлиғи билан боғланиш юзага келади; ўрта чуқурчада синиш бўлганда дарз кетиш қулоқ пардаси бўшлиғига ёки понасимон суяк бўшлиғига кириб бориши мумкин. Миянинг қаттиқ пардаси остидаги соҳанинг бурун бўшлиқлари билан боғланиб қолиши у ерга микроблар кириб боришига ва бош мия ичида инфекциянинг ривожланишига имконият яратади.

Бош мия асоси синишларида қулоқдан, бурун ва оғиздан қон келиши, орқа мия суюқлиги оқишини кўриш мумкин. Қоннинг юмшоқ тўқималар остига қуйилиши натижасида кўз атрофида («кўзойнак симптоми»), чакка ости чуқурлигига, қулоқ орқаларида қонталашлар юзага келиши бош мия нервлари фалажи ва яrim фалажлари кузатилиши мумкин.

## **Бош суяги ва бош миянинг ўқотар қуроллардан жароҳатланиши**

Бош суяги ва миянинг яраланиши ва шикастланишининг иккита асосий гуруҳи фарқланади: а) алоҳида ўқотар қуролдан яраланиш; б) биргаликдаги (комбинацион) шикастланиш. Ўқотар қуроллардан яраланиш жароҳатловчи қуролнинг турига қараб ўқдан ва парчаланиб заарар етказадиган (снаряд, мина, авиабомба парчалари ва б.), яралаш характеристига қараб эса уринма, тешиб ўтувчи, кўр ва рикошет (йўналишини ўзгартириб) тегадиган гуруҳларга бўлинади. Охирги ҳолатда жароҳатловчи снаряд бош суягининг чегараланган қисмида тешикли синиқ ҳосил қилиб, суяқдан сапчиб, яра каналидан кирган тешикдан орқага – юмшоқ тўқимага қайтади ёки яна янги ҳосил бўлган тешикдан кетади.

Металл парчасининг урилиш кучи етарли бўлганда у ўққа нисбатан анча қўпол гидродинамик таъсир кўрсатади. Жароҳатловчи металл парчаси бош суягида кириб борганда, одатда, тезда кинетик энергиясини йўқотиб, кўп ҳолларда, тешиб ўтувчи жароҳат ҳосил қилмайди. Металл парчаси бош суягининг синган жойида суяқ парчалари орасида тўхтаб қолади ёки мия тўқимасига кириб боради, кўпинча, унча чуқур кетмайди. Баъзан сапчиб қайтиб чиқиб кетади. Бундай ҳолларда, биринчи ўринда миянинг жароҳатланиши туради, иккинчи ўринда суяқ парчаларининг мия тўқимасига металл парчасига қараганда кўпроқ бузувчи таъсири кузатилади.

Майдаланган суяқ парчалари, агар уларнинг охирги кинетик энергияси катта бўлмаса, баъзан қаттиқ мия пардасида ушланиб қолади, баъзан мия тўқимасига кириб бориб, унинг эзилган қисмида 2–4 см чуқурликда тўпланиб қолади. Баъзан суяқ парчалари анча чуқур кириб бориб, мия қоринчаларини заарлаши мумкин.

Бош суяги очиқ жароҳатланишининг икки тури бор:

- 1) мия қаттиқ қобиғини тешиб ўтмаган – жароҳат инфекциясининг мия суюқлигига ва мия тўқимасида тарқалиш имконияти жуда кам;
- 2) мия қаттиқ қобиғини тешиб ўтадиган – қаттиқ парда дефекти мия тўқимасида ва орқа мия суюқлигига инфекциянинг тарқалишига имконият беради.

Бош суягини тешиб ўтмаган, қаттиқ мия пардасининг бутунлиги сакланган жароҳатланишларда бош миянинг жароҳатга яқин жойларида лат ейиш юзага келади. Баъзи ҳолларда лат ейиш жароҳатдан

узокроқда қарама-қарши зарба күринишида юзага келади. Мия қобиғининг қон томирлари жароҳатланганда баъзан субдурал (қобиқ остига) ва эпидурал (қобиқ устига) қон қуйилиши кузатилади.

Тешиб ўтувчи жароҳатланишларда, қаттиқ мия пардаси бутунлиги бузилиши билан бирга, деярли доимо лат ейиш ва мия тўқимасининг эзилиши кузатилади.

### **Бош миянинг чайқалиши, лат ейиши ва эзилиши**

Бош миянинг чайқалиши диффуз шикастланиш симптомлари билан характерланади. Бош мия чайқалишини шартли равища 3 та даражага бўламиз: енгил, ўртача ва оғир. Бош мия чайқалишининг клиникасида ҳушдан кетиш, бош оғрифи, бош айланиши, кўнгил айниши, шиллик қаватлар ва терининг рангизланиши, рефлексларнинг сусайиши ёки умуман, бўлмаслиги кузатилади. Кўпинча, хотира бузилиб, жабрланувчи қандай ҳолатда жароҳат олганлигини эслай олмайди.

Мия чайқалишининг енгил даражасида ҳушдан кетиш бир неча секунддан бир неча минутгача давом этиб, кучсиз мушак гипотониясини аниқлаш мумкин. Пульс секинлашиши ёки тезлашиши мумкин. Тез кунлар ичida беморнинг ҳолати нормаллашиб, биринчи ҳафтанинг охирида шикоятлар аста-секин йўқолади.

Мия чайқалишининг ўртача даражаси клиникаси анча аниқ ифодаланади. Ҳушдан кетиш саноқли секундлардан бир неча минутгача давом этса-да, бир неча кунгача беморнинг ҳуши ноаниқ ҳолатда бўлади. У ўзи билан нима ҳодиса юз берганлигини, жароҳатдан олдинги ҳодисаларни ҳам, жароҳат олган ҳолатини ҳам эслай олмайди (ретроград амнезия). Кўрик вақтида анизокория, нистагм, анизорефлексия, енгил менингеал белгилар, терининг рангизланишини аниқлаш мумкин. Аста-секин беморнинг ҳолати нормаллаша бориб, 3–4 ҳафтадан сўнг яхшиланади. Нистагм жароҳатдан кейин ҳам бир неча ойларгача қолиб кетади.

Бош миянинг оғир даражада чайқалиши узоқ муддатли ҳушдан кетиш билан характерланиб, у бир неча соатдан бир неча кунгача давом этиши мумкин. Ҳаётий зарур органларнинг, жумладан, юрактомури ва нафас тизими функциялари бузилади. Узоқ муддат – бир йил ва ундан кўп вақт мобайнида таҳлил қилиш ва хотира сустлиги, вақтни билиш доирасининг етарли бўлмаслиги кузатилади. Вақти-

вақти билан психомотор ҳаяжонланиш, вазомотор бузилишлар, күп терлаш кузатилади.

Бош миянинг лат ейиши – бу мия чайқалишига нисбатан анча оғирроқ даражадаги травматик жароҳатланиш бўлиб, у, кўпинча, бош мияга кучли ўтмас оғир предметларнинг зарбасидан келиб чиқади ва мия тўқимасида қон қўйилишининг микроскопик аниқ ифодаланган шикастланишларнинг клиник белгилари билан кечади.

Неврологик аҳволи асосида ўчоқнинг жойлашишини ҳисобга олиб, мия лат ейишининг учта даражаси фарқланади: енгил, ўртача ва оғир. Лат ейиш ўчоғи шикастловчи куч тушган жойда, ва аксинча, ундан йироқроқ жойларда бўлиши мумкин. Мия ўзаги ва қоринчаларига яқин жойлашган контузион ва геморрагик ўчоқлар бошқаларига нисбатан анча хавфли.

Мия лат ейишининг клиник қўринишлари бирданига келиб чиқадиган турли симптомлар билан характерланади. Бундай ўчоқли симптомлар фалажлик, ярим фалажлик, қўриш кенглигининг ўзгаришлари, патологик рефлекслар қўринишида намоён бўлади. Мия лат ейишининг энг бошида қисқа муддатли ҳушдан кетиш кузатилади.

Мия лат ейишининг енгил даражасида ҳушдан кетиш бўлмаслиги ёки у 10–15 минут давом этиши мумкин. Бемор тезда ҳушига қайтади, лекин енгил парез, ассиметрия каби ўчоқли белгилар қолади.

Мия лат ейишининг ўртача даражасида узоқ муддатли ҳушни йўқотиш (7 дан 16 суткагача) – кома ривожланиши, нафас олишнинг бузилиши, юрак-томир фаолиятида бузилишлар ва бошқа симптомлар ривожланиши кузатилади. Беморнинг ҳушига келиши секин (соатлар, суткалар) кечиб, узоқ вақтгача хотираси хирагида қолади. Ҳуши ўзига келгач эса bemor узоқ вақтгача ланж, уйқучан бўлиб, уларда атрофдагиларга қизиқиш сусайган бўлади. Ретроград амнезия қўринишидаги хотирадаги бузилишлар ҳам миянинг лат ейишига хос.

Мия лат ейишининг оғир даражаси, кўпинча, антеград амнезия билан характерланиб, жароҳатдан кейинги ҳодисаларни ҳам хотирадаги сақлай олмайди, нафас органлари ва юрак-томир тизимида функцияларнинг бузилиши аниқ ифодаланган бўлади. Мия шикастланиши қанчалик ифодаланган бўлса, бу функциялар бузилиши ҳам шунга мос бўлади. Нафас олиш сони кескин

қисқариб, нафас олиш ҳаракатлари кўкрак қафасида ва диафрагмада аранг сезилади, гипоксия ва цианоз ривожланган бўлади. Узоқ вақт давомида қусиш сақланиб туради. Тана ҳарорати кўтарилади. Ўчоқли симптомлар периферик белгилар кўринишида миянинг зарарланиш ўчиғи жойлашишига қараб ифодаланади.

Бош миянинг эзилиши, кўпинча, бош суяги ичидаги қон қуйилиши натижасида, мия шишиши ёки мияда жуда тез ўсуви ўсмалар пайдо бўлишидан юзага келади.

Бош суяги ичига қон тўпланиши, кўпинча, тезда ўзини намоён қилмайди, бунга сабаб баъзи бир компенсатор механизmlарнинг мавжудлигидир. Масалан, орқа мия суюқлигининг бош суяги бўшлиғидан субарахноидал бўшлиққа ўтиши натижасида беморнинг умумий ҳолати бир қадар яхшиланади ва «порлоқ оралик» деб номланган ҳолат юзага келади. Мия эзилишининг тобора ортиб боришининг характерли белгиларидан бири – бош оғриғининг кучайиши, қайта қусишлар, ҳаяжонланиш, баъзан мушакларнинг ғайриихтиёрий қисқаришлари, хушни йўқотишга ўтиб кетадиган уйқуга мойиллик кузатилади.

### **Касалхонага ётқизилгунга қадар кўрсатиладиган ёрдам**

Бош мияси шикастланган беморнинг тақдири кўп жиҳатдан касалхонага ётқизилгунга қадар кўрсатиладиган ёрдамнинг сифатига ва маҳсус даволаш касалхоналарига тезда етказиб борилишига, юқори малакали тиббий ёрдамнинг ўз вақтида кўрсатилишига боғлиқ. Бундай шикастланишлардаги даволашнинг ачинарли натижалари, айниқса, уйғунлашган шикастланишларда, кўпинча, жароҳатнинг даражаси ва оғирлигига эмас, балки касалхонага келгунга қадар биринчи тиббий ёрдамнинг кўрсатилганлиги ёки унинг етарли даражада амалга оширганлик натижасида бош миядаги қайтмас ўзгаришлар ёки унинг оғир асоратлари юз беришига сабаб бўлади.

Юқоридаги фикрнинг исботи сифатида касалхонага ётқизишидаги тезлик ва бунгача кўрсатилган ёрдамнинг беморлар ўлимiga таъсирини келтириш мумкин. Таҳлил учун шаҳарлараро йўл – транспорт ҳодисалари ва йирик шаҳар ичидаги шундай ҳодисалардаги ўлим статистикаси танлаб олинади.

Шаҳарлараро йўл – транспорт ҳодисаларида бош мияси шикастланганлар орасидаги ўлим кўрсаткичи 17% бўлган ҳолда, бу кўрсат-

кич йирик шаҳарда 8% га тенг бўлган. Шаҳарлараро йўл – транспорт ҳодисаларида ҳалок бўлган жабрланувчиларнинг 80% фалокат жойида ёки касалхонага кетаётганда йўлда ўлган. Йирик шаҳар ичидағи бу кўрсаткич 28% га тенг бўлган. Бу нарса шаҳар ичидағи фалокатга учраган кишиларнинг касалхонага тезроқ етказилиши билан изоҳланади. Шаҳар ичидағи йўлга кўйилган телефон алоқаси, тез ёрдамнинг шаҳар бўйича бўлимлари мавжудлиги, радиоалоқа ва шу қабилар тез ёрдамнинг нисбатан тезроқ келишига ва беморга шошилинч тиббий ёрдам кўрсатилишига, шунингдек, унинг зудлик билан касалхонага етказилишига омил бўлади. Аксинча, шаҳар ташқарисида йўлларнинг тор ва узунлиги, тез ёрдам бўлимларининг фақат йирик шаҳарларда бўлиши, табиийки, касални касалхонага етказишга кетадиган вақтнинг узайишига сабабчи бўлади.

Касалхонага ётқизилгунга қадар бўладиган ўлим кўрсаткичлари частотаси яна бир муҳим омил – фалокат содир бўлган жойда малакали биринчи ёрдамнинг кўрсатилишига боғлиқ. Суд тиббиёт экспертизаси ҳайъатининг маълумотларига кўра, касалхонага ётқизилгунга қадар ўлганларнинг 17% да ўлимга сабаб қон кетиши, шок ёки асфиксия бўлиб, бу нарсалар воқеа содир бўлган жойда тезлиқда бартараф этилиши керак. Ўз вақтида ва малакали кўрсатилган биринчи ёрдам касалнинг ҳаётини сақлаб қолишда ҳал қилувчи аҳамиятга эга. Бу ҳал қилувчи омил жароҳат олингандан кейин ўтган вақт бўлиб, бу вақт давомида организмдаги ўзгаришларни ўз ўрнига қайтариш имконияти мавжуддир.

Шунинг учун ҳам ўз вақтида воқеа содир бўлган жойда ўтказилган чора-тадбирлар жабрланувчининг ҳаёт-мамотини ҳал қилади, кейинчалик ўтказиладиган даволаш ишларининг муваффақиятини таъминлайди, ногиронликнинг даражаси ва муддатига, айниқса, касалнинг тузалиб кетиш муддатига катта таъсир кўрсатади.

Бош мия жароҳатларида бир қатор оғир асоратларнинг юзага келишига сабабчи бўладиган асосий патологик омил мия гипоксиясидир. Миянинг қон билан етарли таъминланиши ўз-ўзини бошқарувчи мураккаб механизmlар ёрдамида ушлаб турилади. Лекин компенсация механизmlарининг имкониятлари юқори бўлса ҳам, у чегараланган. Артериал босимнинг 60 ва 70 мм симоб уст. пасайиши критик чегара бўлиб ҳисобланади. Артерия босимининг кўрсатилган даражадан пасайиши аввал функционал ўзгаришларга,

сўнгра бош мияда қайтмас морфологик ўзгаришлар келиб чиқишига сабабчи бўлади. Шундан мия ишемияси (миянинг қонсизланиши) олдини олишга қаратилган, айниқса, касалхонага ётқизишгача бўлган даврда, чора-тадбирларнинг қанчалик катта аҳамиятга эга эканлиги кўриниб турибди. Демак, биринчи ёрдам кўрсатаётган кишиларга қўйиладиган талаблар: ўз вақтида, тўғри ва керакли ҳажмда воқеа содир бўлган жойда биринчи ёрдам кўрсатиш, маҳсус даволаш муассасаларига, иложи борича, тезроқ етказишдан иборат.

Шикастланишлардаги биринчи ёрдам – нафас йўлларидан шилимшиқни, қусиқ массаларини аспирация йўли билан тозалаш, bemорни ёнбошига ёки чалқанча ётқизиб, бошини ён томонга ўгириб қўйишдан иборат. Агар оғиз бўшлиғида шилимшиқ моддалар ва қусиқ массалари сезиларли тўпланган бўлса, уларни тампон, иложи бўлса, сурувчи мослама билан тозалаш керак. Сунъий нафас олдириш учун кўкрак қафасини қўл билан босиш усули яхши натижа бермайди, аксинча, бош миянинг қўшма жароҳатларида бундай чорани қўллаш ҳатто хавфли ҳамдир.

## Юз-жағ жароҳатлари

Юз-жағ жароҳатлари ичida юзнинг юмшоқ тўқималари ва юз скелети шикастланишлари ҳамда юмшоқ тўқима ва юз скелетининг биргаликдаги шикастланишлари фарқланади.

Юз соҳасидаги жароҳатларнинг ўзига хосликларига унинг хунуклашиши, ташқи кўриниш билан олинган жароҳатнинг кўп ҳолларда бир-бирига мос келмасликлари киради. Юз юмшоқ тўқималарининг анча кўп шикастланишларида, у жуда хунуклашиб, қон қўйилишлари бўлиб, юзнинг юза қисмида ивиб қотган қонлар бўлади, бунинг устига жабрланган беҳуш бўлса, кўрган кишида умидсизлик, ҳатто ўлиб қолган деган хулоса пайдо бўлиши мумкин. Шуни ҳам назарда тутиш керакки, юзи жароҳатланган ҳар уч кишидан бирида у ёки бу даражада ифодаланган миянинг лат ейиши кузатилади.

Юз жароҳатининг ўзига хос намоён бўлиши унинг катта-кичклигига эмас, балки мимика мускуларининг қисқариши натижасида жойидан анча-мунча силжишида ҳамдир. Юз-жағ жароҳати олган кишиларда ҳиқилдок, оғиз бўшлиғи органлари, бурун, айниқса, пастки жағнинг шикастланишларида ташқи нафас олишнинг бузилишлари, ҳаттоки асфикция кузатилиши мумкин. Лаб

ва унга яқин жойлар шикастланганда ҳар доим жуда тез ва катта шишилар пайдо бўлади. Лаб жароҳатининг яна бир ўзига хос хусусиятларидан бири, жароҳат чеккаларининг очилиб қолиб, баъзан тўқима камчилиги бор, деган нотўғри таассурот бериши мумкин.

Юзниг ёнбош қисмлари жароҳатланиши, кўпинча, қулоқ олди сўлак бези жароҳатига ва юз нерви стволининг шикастланишига, бу эса ўз навбатида, оғир клиник асоратларга – юзниг хунукашишига, юзниг имо-ишора мускуллари фалажига, сўлак оқадиган жароҳат тешикларининг пайдо бўлишига ва бошқаларга олиб келади.

Жағ ости атрофларининг жароҳатлари, кўпинча, бу жойда жойлашган қон томирлари, нерв толалари, жағ ости сўлак бези, шунингдек, кекирдак ва томоқнинг шикастланишига олиб келади. Натижада, механик жароҳатдан ташқари, кўпинча, юқори ва пастки жағ, бурун суюклари ва ёноқ-кўз соҳаси шикастланади.

### **Юқори жағ шикастланишлари**

Юқори жағнинг синишига, кўпинча, юзга қаттиқ предмет билан уриш сабаб бўлади. Маълумки, юқори жағнинг бошқа юз суюклари билан бирлашган жойлари кучсиз анатомик жағлар ҳисобланиб, айни ана шу жойларда синишлар кузатилади. Майони унча катта бўлмаган предмет билан юзага келган жароҳатда юқори жағда тешиб ўтувчи шикастланиш кузатилиб, бу ҳолда суяк синиқлари ўз ўрнида қолади.

Юқори жағ суюги тана қисмининг билвосита синиши (масалан, пастки жағга тирагиб йиқилиши)да суяк синиқлари бош суюгининг асос қисми томонга силжийди. Юқори жағ суюгининг бир томони синганда, синган томондаги суяк синиқлари, яъни калтак теккан томондан мия асосига қараб силжийди. Ҳар иккала томондан калтак текканда, бутун жағ, одатда, паст томонга шундай тушадики, у очиқ ёки ярим очиқ оғизнинг пастки жағ тишларига тирагиб, бир оз орқага силжиган бўлади. Бундай ҳолларда юқори жағнинг олд қисми, унинг орқа қисмига қарагандан пастга камроқ силжийди, ҳатто субназал ёки калла-юз суюги тўлиқ ажралиб кетганда ҳам шу нарса кузатилади.

Бу нарса қанотсимон мускулларнинг медиал ва латериал тортиш кучи билан тушунтирилади. Бу мускуллар бир томондан юқори жағ бўртиқларига, иккинчи томондан асосий суякнинг қанотсимон

ўсимталарига ёпишган бўлади. Шунингдек, юқори жағнинг пастга силжишига унинг ўз массаси ҳам сабаб бўлади.

Юзниг икки қаттиқ жисм орасида сиқилишида, юз билан юқоридан пастга йиқилганда ва бошқа жароҳатларда юқори жағ суюгининг бошқа юз суюклари билан бирга силжиши ёноқ ва бурун суюкларининг силжиши билан биргалашиб, юзниг юмшоқ тўқималари йиртилиб суюклари синади. Баъзан юқори жағнинг бир ёки иккала томони икки томонга кетиб, бу нарса юқори жағ синикларининг бош суюги асоси билан алоқаси тўлиқ бузилганлигидан, шунингдек, танглай чоки чизифи бўйича шикастланиш бўлганлигидан далолат беради. Бундай ҳолларда юқори жағнинг умуман ажраб кетишидан юмшоқ тўқималар сақлаб қолади, улар ушлаб туради. Баъзан эса юқори жағ суюгининг бошқа қўшни суюкларга пона каби қокилиб кириб қолиши кузатилади (кўпинча бир томондан). Бундай икки хил ҳаддан бошқа юқори жағ суюкларининг силжишларидан ташқари ўртacha силжиш ҳам кузатилиб, бунда суюқ синиклари ёки жағнинг ўзи олди-орқасига, ёнбошга ёки вертикал йўналишда силжиши мумкин.

Пастки жағ суюгининг шикастланиши бошқа скелет суюкларига нисбатан кўпроқ учрайди, бу нарса пастки жағнинг олдинга чиқиб туриши ва унинг ўлчовлари нисбатан катталиги билан изоҳланади. Пастки жағ суюгининг синишлари, кўпинча, ўрта чок, сўйлоқ тиш ва ияқ соҳасида кузатилади. 76% атрофидаги синишлар тиш қаторлари атрофида жойлашиб, улар очиқ синишларга киради. Пастки жағнинг синиши ташхисида унинг анатомик ўрнини аниқ кўрсатиш керак, яъни пастки жағ танаси, марказий, ментал ёки латериал қисми, пастки жағ бурчаги синган деб кўрсатилиши лозим.

## **УМУРТҚАЛАРНИНГ ШИКАСТЛANIШI**

Умуртқаларнинг қуйидаги шикастланишлари тафовутланади: боғламларнинг чўзилиши ва узилишлари, умуртқалараро дискнинг шикастланиши, чиқиши, умуртқа танаси ва ўсимталарининг ҳамда умуртқа ёйининг синиши.

Умуртқаларнинг синишида орқа миянинг шикастланмайдиган, шикастланадиган, орқа мияни эзадиган, қисман ва тўлиқ узуб юборадиган турлари фарқланади. Орқа миянинг оқ моддаси ўзгаришига олиб келадиган қисман шикастланишлар натижасида

унинг ўтказувчанлиги бузилади. Орқа илдизлар шикастланганда сезувчанликнинг ҳамма турлари ва рефлекслар йўқолади.

Синган умуртқалар асоратларининг кечиш оғирлиги унинг даражаси, характери ва орқа миянинг шикастланиш даражасига боғлиқ. Орқа миянинг тўлиқ узилиши натижасида узоқ муддатли фалажлик ва орқа мия орқали иннервацияланган жойларнинг анестезияси (сезувчанликнинг йўқолиши) юз беради. Орқа мия бўйин умуртқалари бўлими шикастланса, оёқ ва қўлларнинг фалажланиши – тетраплегия кузатилади. Бундан ташқари, баъзи ҳолларда, диафрагма ва қовурға оралиғидаги мушаклар функцияси издан чиқади. Орқа миянинг кўкрак ёки бел қисмлари узилиши оёқларнинг фалажланишига – пастки параплегияга олиб келади. Орқа миянинг бузилишида қайси бўлимда бўлишидан қатъи назар, тос органлари функциялари бузилади (сийдик ажралиши, дефекация) ва озиқланишнинг бузилиши натижасида жуда тез орада ётоқ жароҳатлари юзага келади.

## **Биринчи ёрдам**

Умуртқалар синишида биринчи ёрдамнинг тўғри амалга оширилиши жуда аҳамиятга эга.

Жароҳатланган кишини эҳтиётсизлик билан бир жойдан иккинчи жойга олиб ётқизиша суяқ синикларининг силжиши ва қўшимча шикастланишларга, шу жумладан, орқа миянинг узилишига олиб келиши мумкин. Жароҳатланган кишини кўтариб бошқа жойга ётқизиша жуда эҳтиёткор бўлиш ва фақат бир неча киши бир вақтда баҳамжиҳатлик билан кўтариши ва ётқизиши лозим. Шикастланганлар маҳсус қаттиқ замбилда ёки оддий замбилга тахта қўйиб, унга ётқизилган ҳолатда ташилади. Агар тахта топилмаса, беморни тиббий замбилга қорни билан ётқизиб ташилади, бундай ҳолатда умуртқа суяклари силжишининг олди олинади.

## **Тос суягининг синиши**

Тос суяги синишининг қўйидаги турлари тафовутланади:

- 1) тос суяги ҳалқасининг бутунлиги бузилмаган ҳолда, алоҳида суякларнинг синиши (оралиқ, қов, қўймич ва бошқалар);
- 2) тос суяги ҳалқасининг бутунлиги бузилиши билан бўладиган синишлар: а) тос ҳалқаси олдинги бўлимининг синиши (бир

томонлама ва икки томонлама); б) чаноқ косачали чуқурчасининг синиши (кўпинча, чиқиш билан); в) вертикал синишилар; г) симфиз чокининг ажралиб кетиши ва бошқа турдаги синишилар.

Тоснинг синишида bemорнинг ўзига хос ҳолатлари қуйидагича кузатилади:

– оёқлари тиззасидан букилган ва бир-бирига келтирилган, bemор уларни ажратишга бермайди. Bu нарса симфиз чокининг ажралганилигини кўрсатади;

– «қурбақа ҳолати» – оёқлар тиззадан букилган ва икки томонга керилган бўлади. Bu нарса ҳар иккала қов ёки қўймич суюкларининг синишига хос белгидир. Шунингдек, бу вертикал синишиларда (Мальген типидаги) ҳам кузатилади;

– «ёпишган товон» ҳолати – касал синган томондаги оёғини узатилган ҳолатидан кўтара олмайди (ердан оёғини уза олмайди), агар уни кўтариб қўйилса, касал уни шу ҳолатда қисқа муддатга ушлаб қола олади. Bu симптом қов суюгининг горизонтал ўсимтаси синишига ва марказий чиқишга хос.

## Биринчи ёрдам

Биринчи ёрдам кўрсатишида, энг аввало, bemорни тўғри транспортировка қилиш лозим, яъни уни қаттиқ асосли жойга ёки эзилмайдиган замбилғалтакка (тахта, фанер ва бошқалар) орқаси билан тиззалари ва тос-сон бўғимлари букилган ҳолатда ётқизилади. Тиззаси остига қаттиқ ёстиқ қўйилади, бунда bemорни замбилғалтакка қорин ва болдир-товон бўғими соҳаларидан боғлаб қўйиш мақсадга мувофиқ.

## Қўл-оёқларнинг шикастланишлари

Оёқ-қўлларнинг жароҳатлари барча шикастланишларнинг асосий қисмини ташкил этади.

Оёқ-қўлларнинг ёпиқ шикастланишларига лат ейиш, эт узилиши – пайларнинг шикастланишлари, гемартроз (бўғимларга қон қўйилиши), чиқишлиар, ёпиқ синишилар ва бошқалар кириб, бунда тери қопламининг ва шиллик пардаларининг бутунлиги бузилмайди.

Очиқ шикастланишларга ҳар хил жароҳатлар (кесилган, ўқ теккан ва бошқалар) кириб, бунда тери ва шиллик қаватларининг бутунлиги бузилган бўлади.

## **Лат ейишлар**

Кўл-оёқларнинг лат ейишлари нисбатан катта бўлмаган куч таъсири натижасида пайдо бўлиб, улар қон тўпланиши (гематома) – шиш, оғриқ ва пайпаслаганда оғриқнинг кучайиши билан кечади. Биринчи ёрдамга босиб турувчи боғлам ва маҳаллий совуқ қўллаш киради.

Пайларнинг чўзилиши ва узилишлари бўғимларда кутилмагандага ва кескин ҳаракат натижасида юзага келади. Бундай шикастланишларга юмшоқ тўқималарга қон қўйилиши хос бўлиб, бунинг оқибатида шиш, бўғимда оғриқ пайдо бўлади, ҳаракатнинг чегараланиши ёки оғриқнинг кучли бўлиши сабабли ҳаракатлана олмаслик юзага келади.

Биринчи ёрдам кўрсатишида таранг қилиб бинтланади, иммобилизацияланади ва совитиш воситалари (муз, қор) қўлланилади. Мускул ва пайларнинг узилишларига тахмин қилинган тақдирда bemorни травматология бўлимларига ётқизилади.

## **Кўл-оёқларнинг чиқишилари**

Йиқилиш ёки қаттиқ зарба натижасида бўғим юзаларининг силжишига чиқиш дейилади. Шарсимон бўғимларнинг чиқиб кетиши осон кечади, шунинг учун ҳам елка бўғимининг чиқиши кўпроқ учраб туради.

Чиқишида периферияда жойлашган сукнинг номи қўлланилади. Бундан чиқишиларнинг номи келиб чиқади. Масалан, елка бўғимидағи чиқиш – елканинг чиқиши, тос-сон бўғимидағи чиқиш – соннинг чиқиши ва бошқалар.

Тўлиқ чиқишилар (сукларнинг бўғим юзалари бир-бирига тегмай қолганда) ва чала чиқишилар (бўғим юзалари қисман бир-бирига тегиб турганда) фарқланади. Шуни ҳам назарда тутиш керакки, чиқишиларда нафақат бўғим юзаларининг силжиши, балки бўғим капсуласининг, пайлар, баъзан эса қон томирлари ва ҳатто нервларнинг шикастланишлари ҳам кузатилади.

Чиқишининг симптомлари – қўл ёки оёқнинг мажбурий ҳолатдаги фиксацияси, деформация, фаол ва пассив ҳаракатларда оғриқнинг кучайиши, оёқ ёки қўл узунлигининг ўзгариши, пружинали фиксация (ҳаракатлантиришга интилганда жароҳатланган бўғимда ҳолатни ўзгартиришга қаршилик сезилади ва оғриқ пайдо бўлади).

Қўллардаги чиқиши оёқ чиқишига нисбатан 2 баробар кўп учрайди ва у ҳамма чиқишлиарнинг 60% ни ташкил этади. Оёқлардаги чиқишлиар, мос равища, 30% ни ташкил этади.

Бунда елка чиқиши 41%, тирсак чиқиши 16%, кафт ва бармоқлар чиқиши 4% атрофида кузатилади. Оёқ бўғимларидағи чиқишлиардан сон суягининг чиқиши кўпроқ учрайди (27%). Тизза чиқиши 2% ни ва товон чиқиши бир фоиздан кўпроқни ташкил этади.

Биринчи ёрдам оёқни шина билан ва қўлни қаттиқ рўмол билан иммобилизациялаш, анальгетик дорилар бериш ва травматология бўлимларига ёки стационарга олиб боришдан иборат.

Хар хил жойлардаги чиқишлиарда асосий биринчи ёрдам, шикастланган оёқ ёки қўлни ҳаракатсизлантириш ва тезда беморни травматология бўлимига жўнатишни ўз ичига олади.

### **Қўл бўғимларининг чиқиши**

Елканинг чиқиши кучли оғриқ ва унинг функцияси бузилиши билан кечади. Беморнинг чиққан қўли томондаги елкаси пастга тушган, боши шу томонга оғган, соғлом қўли билан чиққан қўлни ушлаб туришга ҳаракат қиласи. Шикастланган қўл танадан узоклашган, тирсак бўғими букилган ва худди узайиброқ қолгандек кўринади. Елка бўғимининг нормал юмалоқлиги йўқолиб, унинг ташки юзаси, елка суяги бошининг силжиши натижасида, текисланниб қолади. Бу бўғимнинг фаол ҳаракати йўқ, секин ҳаракатлантирилганда елканинг «таранг фиксацияси» кузатилиб, тирсак бўғимини танага яқинлаштириб бўлмайди.

Билак суягининг чиқишида тирсак бўғимининг ҳажми катталашиб, деформацияланади, қўл ярим букилган ҳолатда бўлади. Агар билак олд томондан чиққан бўлса, у узайгандек, орқадан чиқса, калталашиб колгандек туюлади.

Бармоқлар ичида, кўпинча, биринчи бармоқнинг чиқиши кўпроқ кузатилади. Бунда кўпроқ орқа томонга ва озроқ кафт томонга силжиш кузатилади. Бармоқларнинг чиқишига, кўпинча, уларни зўрлаб эгиш сабабчи бўлади. Чиққан бармоқ мажбурий «милтиқ тепкиси» ҳолатида бўлиб, панжаларга нисбатан деярли  $90^0$  ли бурчак остида жойлашади.

## Оёқ бўғимларининг чиқишилари

Сон суягининг чиқиши билвосита катта кучнинг таъсири натижасида юз бериб, бу куч кутилмаганда ва кескин тарзда сонни ичкарига (орқага чиқиш) ёки оёқнинг кескин керилиши ва уни ташқарига айлантирилиши (олдинга чиқиш) натижасида келиб чиқади.

Соннинг орқага чиқишида оёқ тос-сон бўғимида букилган, танага ёпишган ва ичкарига ўгирилган, айланиб қолгандек туюлади.

Оёқ кафтидаги чиқишилар, кўпинча, тўлиқ бўлмай (чала чиқишар деб аташ мумкин), уларни рентгенологик текширувсиз тўғри ташхислаш жуда қийин.

Чиқишиларнинг ҳар хил локализацияларидаги асосий биринчи ёрдам шикастланган оёқ ёки қўлни тинч ҳолатга келтириш ва тезда bemорни травматологик бўлимга ёки травмопунктларга малакали тиббий ёрдам кўрсатиш ва чиқсан бўғимни ўрнига солиб қўйиш учун жўнатилади. Бундай шикастланишларда воқеа содир бўлган жойда бирон-бир манипуляция ўтказиш мумкин эмас, чунки мутахассисиз қўйилган ташхис нотўғри бўлиши мумкин, бундан ташқари воқеа жойида етарли оғриқсизлантиришнинг иложи ҳам йўқ.

Воқеа содир бўлган жойда чиқсан жойни солиш, оёқ-қўлларни силтаб тортиш, бўғимларни пассив ҳаракатга келтириш – йўл қўйиб бўлмайдиган ҳолат.

Бундай bemорларни шифохонага олиб боришда чиқсан қўлни рўмол билан боғланади ва тирсак чуқурчасига юмшоқ ёстиқча қўйилади, оёқ чиқсанда стандарт симли Крамер шинаси ёрдамида, у бўлмаган тақдирда қўл остида бўлган иммобилизацияловчи воситалар ёрдамида бинтланиб ёки чиқсан оёқни соғлом оёқка маҳкамлаб (бунда кийимлар ечилмайди), кейин жўнатиш тавсия этилади. Беморга оғриқсизлантирувчи ва тинчлантирувчи дори воситаларини бериш мумкин.

Қўли чиқсан bemор ўтирган ҳолатда, оёқ бўғимлари чиқсан bemор фақат ётқизилган ҳолатда шифохонага олиб борилади.

Беморни касалхонага ётқизишни пайсалга солиш мумкин эмас. Чиқсан бўғимни жойига солиш қанча кечикса, шунча қийинлашиб боради. Чунки аста-секин чиқсан бўғимнинг юмшоқ тўқиаларида иккиламчи ўзгаришлар (шиш, қисилиш, узилиш) келиб чиқа бошлайди.

## Таянч-ҳаракат аъзолари суякларининг синиши

Суяк бутунлигининг бирон қисми бузилишига синиш дейилади. Кўп ҳолларда суякларнинг синиши унга ташки кучнинг бевосита ёки билвосита таъсири натижасида, шунингдек, ўқотар қуролдан жароҳатланиш оқибатида юзага келади.

Тери қопламаси бутунлигининг бузилиши ёки аксинчалигига қараб, синишларни очиқ ва ёпиқ турларга бўламиз.

Суяк синишининг қайси текисликда жойлашишига қараб, улар қуидагича тафовутланади:

- *кўндаланг;*
- *қийшиқ;*
- *спиралсимон;*
- *узунасига синган;*
- *парчаланиб синии;*
- *компрессион.*

Суякнинг синиш даражаси ундаги бузилишларга қараб, тўлиқ синиш (бутунлигининг тўлиқ бузилиши) ва суяклар пардаси остидаги синиш (суяк синган, лекин суяк усти пардаси бутун)ларга бўлинади. Суяк синган вақтда унинг бўлакчалари синдирувчи кучнинг йўналишига ва мускуллар қисқаришига боғлиқ ҳолда у ёки бу томонга силжиши мумкин. Суяк бўлакчаларининг силжиши унинг ўқи бўйлаб бурчак остида, периферияга ва узунлиги бўйича амалга ошади. Суяк бўлакчаларининг силжиши, одатда, икки ва ундан кўп йўналишларда кузатилади. Суяк парчалари орасига мускуллар, пайлар, нерв толалари ва қон томирлари кириб қолиб зааррланиши мумкин. Бу нарса, бир томондан, фалажликка, қон айланишининг бузилишларига олиб келса, иккинчи томондан, суякнинг битишига тўсқинлик қиласи. Биринчи ёрдам кўрсатишда шу нарсани ёдда тутиш керакки, бундай bemor жуда тезлик билан маҳсус тиббий ёрдам кўрсатиш учун (кўпинча, бундай bemorлар жарроҳлик ёрдамига муҳтож бўлишади) транспортировка қилиниши керак.

Синишининг симптомлари: синган жойда кескин оғриқ, функцияниң бузилиши (bemor синган оёқ ёки қўлдан фойдалана олмайди) ва деформация кузатилади. Бемор қўздан кечирилганда, оёқ ёки қўл (синган аъзо) узунлигининг қисқарганлиги, унинг нотабиий ҳолати, баъзан пайпаслагандаги синган жойда ғирчиллаш (крепитация)ни кузатиш мумкин. Очиқ турдаги синишларда жароҳат кузатилиб, ундан суяк парчалари баъзан кўзга кўриниб туради.

## **Синишилардаги биринчи ёрдам**

Ёпиқ турдаги синишиларда шикастланган аъзони иммобилизация қилиш мақсадида транспорт шиналаридан фойдаланилади, кейин шифохонага олиб борилади. Махсус транспорт шиналари бўлмаган тақдирда, қўл остида мавжуд бўлган воситалардан: фанер, картон, тахтача ва шу кабилардан фойдаланилади. Агар қўл остида юқоридагилар бўлмаса, қўл синганда уни гавдага, оёқ синганда – уни соғлом оёққа бинт билан маҳкам қилиб боғланади. Синган аъзо билан эҳтиётсиз муносабатда бўлганда, bemорни бир жойдан иккинчи жойга ўтказиш ёки ётқизишда, сувак парчалари терини ички томонидан жароҳатлаб, ёпиқ синишини очиқ синишига айлантириб қўйиши мумкин. Бу эса bemорнинг аҳволини нафақат оғирлаштиради, балки ярага инфекция тушиш хавфини туғдиради, кейин бу нарса йирингли шамоллаш жараёнига ва остеомиелит (сувакнинг йирингли жараёни) га олиб келиши мумкин.

Очиқ синишида биринчи навбатда қон оқишини тўхтатиш, жароҳат атрофидаги терини йоднинг спиртли эритмаси билан артиш ва асептик воситалар билан боғлаб қўйиш керак. Кейин синган аъзога транспорт шиналари қўйилиб иммобилизацияланади. Шундан кейин, яъни биринчи ёрдам кўрсатилгач, кейинги босқичга ўтилади: замбилга жойлаштирилиб, транспорт воситасида шифохонага олиб борилади.

## **Қўл ва ўмров суюкларининг синиши**

Ўмров суюгининг синиши тўғридан-тўғри тушган зарба ёки билвосита шикастланиш натижасида, масалан, қўл устига йиқилганда келиб чиқиши мумкин. Ўмров суюги ўртасидаги учдан бир қисмида синишилар кўпроқ кузатилади, чунки айни шу жой ташқарига кўпроқ бўртиб чиқкан ва камроқ ҳимояланган. Мускулларнинг тортиш кучи таъсирида ичкаридаги сувак синиклари юқорига ва орқага, ташқаридаги синиклар пастга ва олдинга силжийди. Сувак пардаси остидаги синишилар ва дарз кетишлиарда синиклар силжиши бўлмайди.


Ўмров суюги синишидаги белгилар бу – оғриқ, елканинг асимметрияси, кўпчилик ҳолларда синган ўмров суюги силжиган жойда шиш қўзга ташланади, баъзан крепитация аниқланади.

Биринчи ёрдам кўрсатишда саккизсимон ёки ҳалқасимон қилиб пахта-докали боғлам қўйилади. Саккизсимон боғлам қўйилаётган вактда бемор ўтирган ҳолатда, ёрдам кўрсатувчи эса унинг орқасида жойлашади. Боғлам қўйишдан олдин bemorning қўлтиқлари остига пахтадан ёки поролондан ёстиқчалар жойлаштирилади. Бинт (кенглиги 10-15 см)ни елка бўғими олдидан қўлтиқ остига ўтказилади ва орқада кураклар ўртасида кесишади. Тола-докали ҳалқа тайёрлаш ва ҳалқасимон боғламни қўйиш техникаси жуда содда. Ҳалқани тайёрлаш учун аёллар пайпоқлари (капронли, трикотажли), қўйлак енгларидан фойдаланиш мумкин: улар тола билан тўлдирилиб, кейин ҳалқа шаклига келтирилади. Бу ҳалқачалар bemorning қўлларига биттадан кийдирилиб, елканинг юқори учдан бир қисмiga кўтарилади, уларни орқасидан тортиб кураклар бир-бирига максимал яқинлаштирилади, кейин бинт билан тортиб боғланади, лекин бундай тортиш қон айланишига халал бермаслиги шарт (қўлтиқ ости ва елка артерияларини сиқиб қўймаслик керак).

### Елка суягининг синишлари

Елка суягининг қайси жойи синишидан қатъи назар (юқори, ўрта ёки пастки қисми) биринчи ёрдам Крамер транспорт шиналарини қўйиш билан чегараланади. Аввало, шикастланган қўлни танага яқинлаштириб, унинг тирсак бўғимида  $90^0$  ли бурчак остида букилади, кейин танага бинт билан маҳкам боғланади. Агар очиқ синиш бўлса, аввало, қон оқиши тўхтатилиб, асептик боғлам қўйилади. Агар боғлаш материаллари йўқ бўлса, қўйлак ва бошқа шу кабилардан фойдаланилади. Бу кийимларнинг пастки қисми юқорига кўтарилиб, илгак тутма, қистиргичлар ёрдамида маҳ-камлаб қўйилади.

Билак ва кафт суякларининг синишларида, уни ҳаракатсиз-лантириш учун калта симли шиналар ёки қўл остидаги воситалар иштилади (9-расм). Бунинг учун билак суягини тирсак бўғимидан тўғри бурчак остида



9-расм.

букиб, беморнинг кафтига озрок боғлов материали солинади ва уни бемор бармоқлари билан қисади. Симли шинани (филофли) тўғри бурчак остида буклаб, қўл шаклига мосланади ва у қўлнинг орқа юзасидан, елканинг юқори қисмидан бошлаб, бармоқ-ларгача олиб борилади. Кейин шинани қўл билан биргаликда қўшиб бинт билан ўраб чиқилади. Қўлни бинт ёки рўмолча билан бўйинга осиб қўйилади. Қўлни ҳаракатсизлантирилгач, уни танага бинт билан маҳкамлаб ўраб қўйиш мумкин (10- расм).



**10 - расм.**

### **Қовурғалар ва тўш суягининг синишлари**

Кўкрак қафасининг шикастланишларида унинг тинч ҳолатини яратиш учун спирал боғлам қўйиш тавсия этилади. Бу боғлам учун кенг бинтлар қулай бўлиб, бу мақсадда сочиқ ва чойшаблардан ҳам фойдаланиш мумкин. Сочик ёки чойшаб уч қават қилиб букланади ва ўрама ҳолига келтирилади. Боғлам тушиб кетмаслиги учун елка усти кийимиға тикиб қўйиш мумкин. Кўкрак қафасининг шикастланган томонини фиксациялаш учун кенг лейкопластирдан ҳам фойдаланиш мумкин, уни черепица шаклида тўшдан умуртқалар томонга ёпиштириб чиқилади. Беморни ўтирган, яrim ўтирган ёки гавданинг юқори қисми бир оз кўтарилиган ҳолатда шифохонага олиб борилади.

### **Оёқ суякларининг синиши**

Сон суяги скелетнинг энг катта ва энг мустаҳкам суяги бўлиб, у вертикал ҳолатда 1500 кг дан кўпроқ оғирликни кўтаради. Бундан юқори бўлган куч ёки оғирлик таъсирида сон суяги синиши мумкин.


Сон суюгининг синиши оғир жароҳатлар қаторига кириб, бунда юмшоқ тўқималар, қон томирлари қаттиқ шикастланади, кўп қон йўқотилади, кўпинча, травматик шок ҳолати кузатилади.

Сон суюгининг юқори, ўрта ва пастки қисмлари синиши тафовутланади. Сон суюгининг юқори қисми синиши (бўйин ва бошчаси) синишнинг, тахминан, ярмини ташкил этади ва у тос-сон бўғими билан йиқилишдан юзага келади. Бундай синишлар, кўпинча, қарияларда (70 ёшдан ошган) кузатилади. Симптомлари: қов ва тос-сон бўғими соҳаларида оғриқ, шиш ва бемор оёғини кўтара олмайди.

Сон суюгининг ўрта ва пастки қисми синиши бевосита оғир предметлар ва ҳаракатдаги транспорт воситаларининг урилишидан, юқори баландликдан йиқилганда, шунингдек, йиқилиш вақтидаги билвосита кучли таъсирдан (бу таъсир суюкнинг буралишига ва ҳаддан ташқари эгилишига олиб келади) юзага келиши мумкин. Синишлар очик ва ёпиқ турда бўлиши мумкин. Симптомлари: синган жойдаги оғриқ, оёқ билан ҳаракат қилишнинг иложсизлиги. Оёқ ташқарига ўгирилган, калталашган, пайпаслаб кўрилганда суюк синикларининг бўртиб туриши, баъзан крепитация сезилиши мумкин.

Тизза бўғимининг синишлари бевосита калтак таъсирида, тизза билан йиқилганда ёки баландликдан йиқилиб оёқ билан тушганда юзага келади. Кўпинча, тиззанинг қопқоқ суюги синиши кузатилади. Синишнинг белгилари: оғриқ, контурларнинг текисланиши ва бўғим айланасининг катталашиши. Пайпаслаб кўрилганда, бўғим ичидаги суюқлик борлиги сезилади. Тизза қопқоғини суриш анча қийин – «пружинасимон ҳаракат белгиси», ҳаракат кескин қисқарган. Синик бўлакчалари орасида тирқиши аниқланиши мумкин.

**Биринчи ёрдам** – шикастланган кишига қўл остида бўлган ҳар қандай оғриқсизлантирувчи дори-дармонларни, юрак препаратларини бериш; очик синишларда тезлик билан қон оқишини тўхтатиш, жароҳатга стерил боғлам, синган суюкка шина қўйиш-бунда узунлиги етарли бўлган ҳар қандай қўл остидаги оситалардан фойдаланиш мумкин (11- расм). Бунда учта бўғим ҳаракатсизлантирилиши керак (tos-сон бўғими, тизза ва болдир



11-расм.


товорн бўғимлари). Агар қўл остида яроқли восита бўлмаса, шикастланган оёқни соғлом оёққа бинт ёрдамида



12-расм.

маҳкам боғлаб, ундан кейин bemor ётқизилган ҳолатда шифохонага олиб борилади (12 - расм).

### Болдир ва товорн суюкларининг шикастланишлари



13-расм.

Характери бўйича улар қийшиқ винтсимон, кўп парчаланган, кўндаланг (силжиш билан ва силжишсиз) кўринишда бўлади. Бундай синишларда ички ёки ташқи қон кетишлар бўлиб, баъзан йўқотилган қон миқдори анча катта бўлади. Кўпроқ чанғичиларда ва пиёдаларда винтсимон синишлар кузатилади.

Синишнинг белгилари – кучли оғриқ, оёқ функциясининг бузилиши, деформация ва оёқ узунлигининг қисқариши, очиқ синишларда тери бутунлигининг бузилиши ва суюк синикларининг чиқиб қолиши, қон оқиши ва бошқалар (13 - расм).

Суюк синикларини воқеа содир бўлган жойда тўғрилашга йўл қўйиб бўлмайди ва бу нарса жуда қўпол хато ҳисобланади!

Болдир суюги сингандага 2 та қўшни бўғимлар – тизза ва болдир-товорн бўғимлари маҳкам фиксацияланади. Болдир-товорн бўғими  $90^0$  бурчакда, тизза  $180^0$  гача ёйилиб шиналанади.

Товоннинг анатомо-физиологик хусусиятлари, яъни унинг кўплаб нисбатан майдан суюклардан ташкил топиши, ўзаро бўғим ва боғламлари шунга сабаб бўладики, шикастланиш вақтида нафақат суюкларнинг синиши, балки ҳамма боғлам аппаратида бузилишлар, синиш билан бирга чиқишлиар ҳам юз беради.

Болдир-товон бўғими ва товон синиши белгиларига: жуда кучли оғриқ, шиш, деформация, катта гематома, бўғимга қон қуиши, таянч ва ҳаракат функцияларининг бузилишлари киради.

Биринчи ёрдам юқорида кўрсатиб ўтилган чора-тадбирлардан таркиб топиб, бунда қуидаги қоидани сўзсиз бажариш талаб қилинади – тизза бўғими  $180^0$  га ёйилиши, болдир-товон бўғими  $90^0$  бурчак остида шиналаниши лозим, аммо ўзбошимчалик билан синик ва чиқишлиарни тўғрилаш мумкин эмас.

Тизза-товон бўғими ва товоннинг ёпиқ шикастланишларида биринчи ёрдам унга транспорт шиналарини қўйиш ва беморни маҳсус даволаш муассасаларига олиб боришдан иборат бўлади.

## ДЕСМУРГИЯ (иммобилизациянинг асослари ва принциплари)

Десмургия (юонча *desmos* – боғлам, боғланиш, *ergon* – иш, фаолият) – жароҳатларни боғлашда қўлланиладиган қоидалар тўғрисидаги таълимотdir.

Гиппократ яшаган милоддан аввалги IV–V асрларда ҳам ҳар хил тузлар, винолар ва малҳамлар билан яраларни боғлаш усуслари қўлланилган. IX–XI асрлардаги араб манбаларида ҳам гипслаш тўғрисидаги кўрсатмалар бор. Уларда ёзилишича, оёқ-қўллар синганда гипс бўтқасига ботириб гипсланган. Антисептика татбиқ этилгунгача бўлган даврда ярага латтадан титиб олинган иплардан боғлам қўйилиб, у ип-газлама материал ёрдамида боғлаб қўйилган. Докали бинтларнинг пайдо бўлиши билан десмургия соҳасида катта олға силжиш (прогресс) бўлган.

Жароҳатга ёки тананинг қайсиdir қисмига уни даволаш мақсадида қўйиладиган нарсаларнинг барчаси «боғич» термини ҳисобланади. Боғични жароҳатда ушлаб туриш ва уни маҳкамлаш боғлаш дейилади. Бошқача айтганда, боғлаш боғични маҳкамлашдир.

Боғлов материалларининг қуидаги турлари ишлаб чиқарилади:

Тиббий дока (*tela medicinalis*) – оқартирилган, ёғсизлантирилган пахтадан қилинган газмол. Докадан бинтлар, индивидуал пакетлар, шарчалар, тампонлар, салфеткалар ва бошқалар тайёрланади. Бинтларнинг узунлиги 5 м дан 7 м гача, кенглиги 3 см дан 16 см гача бўлади.

Асептик боғловларнинг яраларга ва куйган юзаларга ишлатиладиган турлари фарқланади. Саноатда боғловларнинг қуидаги турлари ишлаб чиқарилади:

1) катта асептик боғлов. У 65–43 см ли ўлчамга эга бўлиб, момиқ-докали ёстиқча. Унга маҳкамловчи тасмалар тақилган бўлади;

2) кичик асептик боғлов. 56–29 см ли ўлчамга эга бўлган момиқ-докали ёстиқча ва 14 см–7 м ли дока бинтдан иборат бўлади;

3) момиқ-докали ёстиқчалар. Икки хилда ишлаб чиқарилади: каттаси 32–29 см ли пакетчасида 5 донадан, кичиги 17,5–16 см пакетчасида 10 донадан бўлади. Бу ёстиқчаларда бир қават момиқ икки қават дока орасига солинган бўлади. Бу ёстиқчалар жароҳатларни ва куйган юзаларни ёпиш учун ишлатилиши мумкин;

4) стерил докали салфеткалар. Бевосита жароҳат юзасига қўйиш учун ишлатилади. Икки хил ўлчамда ишлаб чиқарилади. Каттаси 70–68 см ли пакетда 10 тадан, кичкинаси 16–14 см ли пакетда 20 тадан бўлади. Докали салфеткалардан ташқари травматик куйган юзаларни боғлашга мўлжалланган вискоза тўқимали салфеткалар ҳам ишлаб чиқарилади;

5) рўмолли боғлов, тўғри бурчакли teng ёнли учбурчак, ўлчами 140–150 см.

## БОҒЛАМЛАРНИНГ ТУРЛАРИ

Боғламларни маҳкамлашнинг жуда қўп усуллари мавжуд.

1. Қимирламайдиган боғлам – шикастланган соҳанинг ҳара-катлизлиги ва тинчлигини таъминлаб бериши керак.

2. Чўзувчи боғлам – шикастланган соҳанинг чўзишишини таъминлаб бериши лозим.

3. Босувчи боғлам – тананинг носоғлом қисмини бир текисда босиб турадиган боғлам.

4. Антисептик боғлам – ўзидағи моддалари билан бактерияларга қарши таъсир кўрсатишга мўлжалланган.

5. Ҳимоя қилувчи боғлам – жароҳатнинг грануляцияланиш даврида қўлланилиб, нозик грануляция тўқимасини қуриб қолишдан ва жароҳатланишдан сақлаш мақсадида қўлланилади.

6. Оккулюзион боғлам – жароҳатга ҳаво киришига тўскинлик қиладиган боғлам. У очиқ пневмотораксда қўлланилади.

## Юмшоқ ва қаттиқ боғламлар

Юмшоқ боғламларга елимли, рўмолли, сопқонсимон, бинтли боғламлар киради. Қаттиқ боғламларга шинали ва гипсли боғламлар киради.

*Елимли боғламлар.* Боғламларни терига ёпишириш учун клеол, каллоидли, ёпишқоқ пластирдан фойдаланилади. Устувор томонларига қуидагилар киради: боғлам қўйишнинг оддийлиги, терини қитиқламаслиги сабабли уни қайта-қайта ишлатиш мумкин. Камчилликлари: терининг тукли жойларида ишлатиб бўлмайди, қўлланса, теридан кўчиб кетади.

*Рўмолли боғламлар* – қўлланилиши жихатидан энг оддий боғлам туридир. Бу боғлам тури қўлнинг турли шикастланишларида (панжа, билак ва елка жароҳатларида) уни ҳаракатсизлантириш мақсадида қўлланилади. Рўмол паҳтали матодан қилинган уч бурчак материал бўлиб, унинг узунроқ томони – асоси, унинг қаршисидаги бурчаги – чўқки, 2 та бурчаги – охири бўлиб ҳисобланади. Рўмолча ёрдамида бармоқларга, қўл ва елкаларга, сут безига, елка бўғимиға, тос-сон бўғимиға, бош ва товоналарга турли хил боғламларни қўйиш мумкин.

Агар қўлга рўмолли боғлам қўйилса, тирсак бўғими  $90^0$  га букилади. Рўмолни жароҳатланган қўлнинг орқасига шундай жойлаштириш керакки, унинг асоси гавданинг ўрта чизифига тўғри келсин, чўққиси эса жароҳатланган қўлнинг тирсаги томон йўналтирилган бўлсин (14-расм). Бунда рўмолнинг бир учи жароҳатланган қўлнинг билагида ётса, иккинчи учи тана бўйлаб пастга осилиб туради. Пастга осилиб турган рўмолнинг учини қўтариб соғлом елка орқали бўйининг орқа томонига ўткази-лади ва бошқа учи билан тугиб боғлаб қўйилади. Рўмолнинг чўққиси унинг олдинги қисмига илгак тугма билан маҳкамланади.

Рўмолли боғламнинг бошқа варианти ҳам бор: рўмолни шикастланган қўлнинг орқасидан эмас, олдидан ўтказилади. Рўмолнинг бир учи жароҳатланган қўлнинг олдидан ўтиб билакни



14-расм.

ўрайди ва бўйинга кўтарилади, иккинчи учи соғлом қўлнинг қўлтиқ остидан ўтиб, орқадаги биринчи учи билан туташади. Иккала учини шикастланган қўлнинг елка устида тугиб маҳкамланади. Чўққиси илгак тугма билан маҳкамланади. Бундай боғлам қўлланганда рўмол қўлни танага маҳкам ва зич фиксациялади, қўлнинг тинч ҳолатига яхшироқ эришилади.

Кичик жароҳат боғламларида рўмолни галстук кўринишида буклаш керак. Қўлни осилтириб, рўмолнинг икки учи катта боғлам каби тугиб қўйилади.

Товондаги рўмолли боғлам панжа боғламига монанд қўйилади. Рўмолнинг ўртаси оёқ остига қўйилиб, чўққиси бармоқлар орқасига ўтказилади, учлари тўпик юқорисидан боғланади, чўққиси боғланган учларнинг остига олиб келиб қистирилади. Бошга қўйишда рўмолнинг асоси энса томонга йўналтирилиб, чўққиси пешонага туширилади (юзга ҳам), ҳар учала учи пешонада боғланиб, чўққиси қайириб боғланган учлар тагига қистириб маҳкамланади.

*Сопқонсимон боғлам* – бундай боғламлар асосан бурун, даҳан, энса ва пешона соҳасига қўйилади. Сопқонсимон боғлам дейилганда – ўртаси туташган ва икки томони узунасига кесилган бинт ёки бошқа матодан тайёрланган боғлам тушунилади. Ушбу боғлам қўйилганда, албатта, унинг сўнги қисмлари бир-бири билан боғланади.

*T-шаклидаги боғламлар* чот ва орқа чиқариш тешиги соҳасига қўйилади. У кенг дока тасмадан ташкил топиб, унинг бир томонига горизонтал тасма (белбоғ) маҳкамланади. Доканинг пастки учи бир оз узунликда 2 та тасмага ажратиб қирқилади. Горизонтал тасма

тана атрофида айлантириб боғланади, вертикал қисми орқа томондан пастга туширилиб, чот қисмидан ўтиб, қориннинг олдинги томонидан белбоғга боғлаб қўйилади.

## **Бинтли боғламлар**

Бинтлар ингичка (3–5–7 см), кенг (15–16 см) ва ўртача (10–12 см) бўлади. Ингичка бинтлар қўл ва оёқ бармоқларини; ўртача бинтлар бошни, панжаларни, билакни, оёқ панжасини, болдирни; кенг бинтлар кўкрак қафасини, кўкрак безларини ва сонни боғлашда ишлатилади.

Тўғри қўйилган бинтли боғлам десмургиянинг қуидаги асосий талабларини қондириши керак:

- тананинг касал қисмини тўла ёпиши;
- қон ва лимфа айланишини бузмаслиги;
- bemor учун қулай бўлиши;
- имконият борича, эстетик чиройли бўлиши лозим.

## **Бинтли боғламларни қўллашнинг асосий қоидалари**

Бинтли боғламларни қўллашнинг асосий қоидалари қуидаги-лардан иборат:

1. Касални шундай ўтқазиш ёки ётқизиш керакки, бинтла-наётган тана қисми ҳаракатсиз ва бинтлашга қулай бўлсин.
2. Бинтлаётган одам bemornинг юзига қараб туриши керак ва у бинтлаш вақтида касални визуал кузатиш имкониятига эга бўлсин.
3. Бинтлаш доимо перифериядан марказга қараб (куидан юқорига) амалга оширилади.
4. Бинтлаш ўнг томондан чап томонга қараб, соат стрелкасига қарама-қарши амалга оширилади.
5. Бинтлаш биринчи мустаҳкам айлана қўйишдан бошланади.
6. Кейинги ҳар бир айланиш аввалги айланишнинг ярмини ёки учдан бирини беркитиши керак.
7. Бинт ўрамини бинтланаётган юзада ғилдиратиб, ундан кўтармай айлантириш керак.
8. Бинтлаш икки қўллаб амалга оширилади: бир қўл билан бинт ўрамини ғилдиратиш, иккинчи қўл билан ўралган бинтни текислаб туриш керак.

9. Бинтни бир хилда тортиш керак, чунки унинг йўллари чалкашиб ҳар хил бурмалар ҳосил қиласлиги керак.

10. Бинтлаш вақтида тананинг бинтланаётган қисми шундай ҳолатда жойлаштирилиши керакки, шу ҳолат бинтлаб бўлгандан кейин ҳам сақлансин.

11. Тананинг конус шаклига эга бўлган қисмларига (сон, болдир) боғлам қўйилаётган вақтда бинтнинг танага жипсроқ жойлашиши учун ҳар 1–2 айланишдан кейин бир марта ўқи атрофида бураш керак.

12. Боғламнинг охирида бинт маҳкамлаб қўйилади (тугиб қўйилади).

### **Бинтли боғламларнинг турлари**

*Циркуляр ёки айланма боғлам* – бу шундай боғламки, бунда бинтнинг ҳамма айланалари бир-бирининг устига тушади ва аввалги айланани тўлиқ беркитади. Бундай боғламлар оёқ-қўлларга, пешона, бўйин ва қоринга қўйилади.


*Спиралсимон боғлам* циркуляр боғламнинг бир кўри-нишидир. Спиралсимон боғламнинг 2 тури тафовутланади: юқорига кўтариувчи, бунда бинтлаш пастдан юқорига ва пастга тушади ва аввалги айланишнинг ярмини қоплаб, яна юқоридан пастга туширилади.

*Ўрмаловчи боғлам* ҳам спиралсимон боғламнинг бир тури бўлиб, унда бинт айланалари бир-бирига тегмайди. Бундай боғламлар жароҳатга қўйилган материални ушлаб туриш мақсадида бинтлашнинг бошланғич даврида қўлланилади, кейин спиралсимон боғламга ўтилади.

*Саккизсимон (бутсимон) боғлам* деган ном унинг шакли ва бинт йўлларидан олинган. У бўйиннинг орқа юзасига, кўкрак қафасига боғлам қўйилганда қўлланилади.

*Бошоқсимон боғлам* – саккизсимон боғлам кўринишларидан бири. Бинтлар йўли бошоқни эслатгани учун шундай аталади. Бундай боғламларни елка бўғимиға ва ўмров усти соҳаларига қўллаш жуда қулай. Елка бўғимиға бошоқсимон боғламни қўйишида, умум эътироф этилган қоидаларга тескари, бинтлашни шикастланган томонга йўналтирилган ҳолда амалга оширилади, яъни қуидаги қоидани ёдда сақлаш керак: ўнг елкани соат мили йўналишида, чап елкани эса унга тескари йўналишда бинтлаш керак.

*Тошибақасимон боғлам* 2 хил бўлади (15-расм): қўшилувчи ва тарқалувчи. Бу боғламлар тирсак, тизза ва бошқа бўғимларни боғлаш учун тавсия этилади.



**15-расм.**

*Тарқалувчи боғламлар* қўйидаги тарзда қўлланилади.

Биринчи айланиши циркуляр тарзда бўғимнинг ўртасидан ўтади. Иккинчи айлана биринчи айлананинг пастки ярми ёки учдан бирини беркитади. Учинчи айлана биринчи айлананинг юқориги ярмини ёки учдан икки қисмини беркитади. Тўртинчи айлана иккинчини, бешинчи айлана учинчини такрорлайди ва ҳ. к. Шундай қилиб, тоқ сонли айланалар тоқ айланаларни, жуфт сонли айланалар жуфт айланаларни такрорлайди, лекин тоқлари ундан пастда, жуфтлари аввалгисидан тобора юқорироқда жойлашади. Қўшилувчи боғлам ҳам худди шу тартибда қўйилади, лекин ҳамма нарса тескари тарзда бажарилади.

*Орқага қайтадиган боғламлар* қўл ёки оёқ чўлтоқлари (ампутациядан кейинги қолган жой)га, бошга ва бошқа жойларга қўйилади.

Бундай боғламларни қўйиш техникаси қўйидагича:

а) бир неча циркуляр йўллар билан бинт маҳкамланади;  
б) бармоқ билан ушлаб туриб, бинт букилади ва уни кўндаланг ҳолда бошнинг қарама-қарши томонига (чўлтоқнинг) олиб борилади, кейин циркуляр айланалар билан бинтнинг кўндаланг тасмаси маҳкамланади;

в) яна бинт буқланиб, у кўндаланг йўналтирилади, бунда аввалги айлананинг ярмини ёки учдан икки қисмини ёпиб ўтиши керак. Бу йўл ҳам циркуляр айлана билан маҳкамланади.

### **Тананинг алоҳида жойларига қўйиладиган боғламлар**

Бошнинг унча катта бўлмаган жароҳатларида лейкопластри, коллодийли, клеолли боғламлар қўйиш мумкин, бунда боғлам

қўйиладиган жойдаги соchlар яхшилаб қириб ташланиши керак. Шуни қайд қилиш керакки, тананинг тукли қисмларида елимли боғламлар яхши ушламайди. Шунинг учун ҳам бундай жойларда сопқонсимон ва рўмолли боғламларни ишлатиш маъқулроқ.

**Бошга қўйиладиган боғламлар.** Бошга қуйидаги бинтли боғламлар қўйилади: қайтар боғлам, «Гиппократ қалпоғи», қалпоқчали боғлам, бир ёки иккала кўзга қўйиладиган боғлам «юган»симон ва бошқалар.

«Гиппократ қалпоғи» қуйидагича қўйилади: бир қўлга биринчи ўрам, иккинчи қўлга иккинчи ўрам бинт олинади. Ҳар иккала бинтнинг бўш учлари энса дўнглигининг пастрофига жойлаштирилади. Ҳар иккала бинт бир-бирига қарама-қарши йўналишда пешона дўнги ўртасига олиб борилади. Ўнг қўлдаги бинт ўрами циркуляр айланишлар ҳосил қиласди, бунда ҳар бир қайтиб келадиган айланиш ундан аввалги айланишнинг 1/2 ёки 2/3 қисмини қоплаб олиши керак. Айни бир пайтда циркуляр айланиш ҳосил қилаётган бинт қайтар айланиш қилаётган чап қўлдаги бинтни ҳар доим маҳкамлаб боради. Бу нарса бошнинг гумбази тўлиқ қоплангунга қадар давом эттирилади.

**Бошининг қалпоқчали боғлами (16-расм).** Бу боғлам энг қулай ва ишончли ҳисобланади, чунки бундай боғлам қўлланилганда унинг бўшашиб, ўрнидан қўзғалишига ҳеч қандай имкон бўлмайди. Бундан ташқари, бу боғламни қўйиш техникаси содда бўлиб, у қуйидагича амалга оширилади: узунлиги 80–90 см бўлган бинт олинади (бинт – боғич). У тепа суюгининг ўрта қисмига шундай қўйиладаки, бунда унинг учлари қулоқларнинг олд қисмидан пастга вертикал тушиб туради. Бинтнинг ҳар иккала бўш учини таранг ҳолда ушлаб туриш керак (бинтни касал ёки ёрдамчи тортиб ушлаб туради). Ўнг қўл билан бинт ўрамини олиб бош атрофидан биринчи циркуляр йўл билан айлантирилади (бу маҳкамловчи йўл бўлиб ҳисобланади). Уни 2–3 марта айлантириб ишончлили-гини ошириш ҳам мумкин.



16-расм.

Маҳкамловчи циркуляр йўлдан кейин, боғичга боргач, бинт унинг атрофидан ва пастидан айлантирилиб, пешона ёки энса томонга ўтилади, кейин бинтни қарама-қарши томонга бошқа боғичга йўналтирилади, ундан айлантирилиб яна қарама-қарши томонга йўналтирилади, бунда ҳар бир галдаги айлана аввалги айланишнинг бир қисмини беркитиб боради, у бош гумбази беркилгунга қадар давом эттирилади. Шундан кейин бир ёки иккита циркуляр йўл билан бинт маҳкамланади, боғичларнинг биридан ўтказилади ва боғичнинг иккинчи учи билан ияқ остидан боғлаб қўйилади.

*Кўзга қўйиладиган боғламлар.* Бир кўзга қўйиладиган боғлам – монокуляр боғлам дейилади. Шуни ёдда тутиш керакки, бинтлаш касал кўздан бошланади. Бинтни бош атрофидан циркуляр йўл билан ўтказиб (бунда пешона ва энса дўнглари қамраб олинади) маҳкамловчи айлана ҳосил қилинади. Кейин бинтни орқа томондан энсага қараб йўналтириб, уни шикастланган кўз томондаги қулоқнинг остидан олиб ўтиб, чакка орқали юқорига кўтарилади ва у шикастланган кўзни беркитади. Мана шу иккинчи йўл орқали циркуляр маҳкамловчи йўлга ўтади, кейин яна иккинчи йўлга қайтилади. Шу йўсинда йўлларни галма-гал алмаштириб касал кўз беркитилади.

Ҳар иккала кўзга қўйиладиган боғлам – бинокуляр боғлам деб аталади. Бу боғлам ҳам бир кўзга қўйиладиган боғлам каби бошланади. Циркуляр – маҳкамловчи йўл қилингач, иккинчи йўл қулоқ остидан ўтади, кўзни беркитиб яна маҳкамловчи циркуляр йўл ҳосил қилиб, кейин пешона орқали пастга тушиб, иккинчи кўзни ёпади, уни қулоқ остидан ўтказиб яна маҳкамловчи циркуляр йўлга қайтилади. Шундай қилиб, бу боғламда учта йўл навбатнавбат такрорланади: циркуляр – маҳкамловчи йўл, иккинчиси қулоқ остидан бир кўзга, учинчиси пешонадан кўзга тушиб уни беркитгач, қулоқ остига йўналади.

*«Юган» боғлами* (17 - расм). Бу боғлам юз, ияқ соҳаси ва баъзан тананинг тукли қисмларини боғлашда тавсия этилади. «Юган» боғлами 4 та навбатлашувчи йўллардан ташкил топади. Биринчи ва иккинчи йўллар – циркуляр маҳкамловчи (энса ва пешона дўнгларидан ўтади) йўллардир. Учинчи йўлда бинт энса орқали ияқка ўтади. Кейин бинт вертикал ҳолатда 4-, 5- ва 6-йўллар билан ияқ остидан ўтади. Кейин бинт горизонтал ҳолатга (айлана йўл)



17 - расм.

үтиб, 7- ва 8-йўлларни ҳосил қиласи. Кейин боғлам қотирилади. Мана шу йўлларни навбати билан алмаштириб, бутун бошни ёки икала чаккани боғлам билан ёпиш мумкин.

*Бармоқлар боғлами.* Битта бармоқни бинтлашда биринчи (маҳкамловчи) циркуляр йўл билан бўғимнинг юқоририодан бир неча марта айлантириб қўйилади. Кейин бинт панжаларнинг орқа томонидан қийшиқ йўналтирилган ҳолда шикастланган бармоқнинг тирноқ жимжилоғига олиб борилади. Уни беркитиб орқага қайтилади, кейин спираль йўллар билан тирноқ жимжилоғидан бармоқ

асосигача бинтланади, панжанинг орқа юзасида бинт кесишиб ўтгач, циркуляр йўллар билан бирламчи маҳкамловчи йўлларга келтириб яна маҳкам-ланади.

*Бармоқларнинг «қўлқоп» боғлами* худди шу тарзда амалга оширилади, бу ерда битта бармоқ эмас, ҳамма бармоқлар бинтланади. Ўнг қўлни боғлашда бош бармоқдан, чап қўлни боғлашда 5-бармоқ (жимжилок)дан бошлаш керак. Бош бармоққа боғлам бошоқсимон кўринишда, қолган бармоқларга эса боғлам қайтариладиган кўринишда қўйилиши мумкин.

*Панжалар боғлами.* Панжаларга боғлам қайтариладиган кўринишда боғланади. Аввал тўртта бармоқ биргаликда, кейин бош бармоққа боғлов алоҳида бажарилади.

*Билаклар боғлами.* Спиралсимон кўринишда букишлар ҳосил қилиб боғлам қўйилади.

Тирсак бўғимиға боғлам қўйиш зарурати бўлганда тирсакни  $90^0$  ли бурчак остида букиб, боғлам *тошибақасимон* – тарқалувчи ёки қўшилувчи кўринишда қўйилади.

*Елканинг бошоқсимон боғлами.* Бинтлаш шикастланган томонга йўналтирилган ҳолатда амалга оширилади. Бинтнинг биринчи йўллари (циркуляр) маҳкамловчи бўлиб ҳисобланади. Қўлтиқ ости чукурчасига унинг йирингли яллиғланиш жараёнларида (гидраденит) боғлов қўйилади. Десмургиянинг кўплаб қўлланмаларида берилган боғловлар ўрнидан осон қўзғалиб тушиб кетади. Бу камчилликлардан холи қулай ва бўлган усул – сопқонсимон

усулдир. Уни қўйиш учун кенг бинт (кенглиги – 16-20 см, узунлиги – бир м) олиниб, икки учи тўртга ажратиб кесилади. Бинтнинг кесилган қисми қўлтиқ ости чуқурчасига шундай қўйиладики, тўртта тасмаси қўкрак қафасига, тўртта тасмаси елкага чиқиб туради. Кўкракка кетадиган икки учи қўкрак атрофида, қолган иккитаси елка усти ва бўйин ўртасида маҳкамланади. Қарама-қарши томондаги иккита тасма елка атрофида ва елка усти соҳасида маҳкамланади. Маҳкамланишнинг яхши чиқиши учун терининг боғлам турадиган жойларига клеол суркаб қўйиш мақсадга мувофиқдир.


Кўкрак қафасини бинтлашда бутсимон, саккиз кўринишдаги боғламлар қўлланилади.

### **Сут безининг боғлами**

Бу боғламдан сут безининг яллиғланишларида, операциядан сўнг ва бошқаларда, уни қўтариб туриш мақсадида фойдаланилади. Бинтлаш касал сут безидан бошланади. Биринчи йўл кўкрак қафасининг пастки қисмидан циркуляр кўринишда 1–2 айлана маҳкамловчи бинт ўрами ўтказилади. Иккинчи йўл қўлтиқ ости соҳасидан тепага қийшайтирилиб қарама-қарши томондаги елка устига тортилади. Бу йўллар кўкрак бези тўлиқ беркилгунча алмашиб давом эттирилади.

### **Дезо боғлами**

Боғлам қўйишдан олдин қўлтиқ ости чуқурчасига юмшоқ ёстиқча қўйилади. Билакни тирсак бўғимида тўғри бурчак остида букиб, қўлни кўкракка олиб келинади. Дезо боғлами 4 та йўлдан ташкил топади. Биринчи циркуляр йўл билан елка кўкрак қафасига бинтланади. Иккинчи йўл соғлом қўлтиқ ости чуқурчасидан шикастланган томондаги елка устига йўнал-тирилади, ундан орқа томонга ўтказилиб пастга туширилади. Учинчи йўл тирсак бўғимини айланиб ўтиб, билакни қўтариб туради, қийшиқ ҳолда юқорига соғлом томондаги қўлтиқ ости чуқурчасига кўтарилади, кейин кўкрак қафасининг орқа текислигига ўтади. Тўртинчи йўл шикастланган елка устига йўналтирилиб, ундан тирсак бўғимида, уни билакнинг юқори учдан бир қисмида айланиб ўтиб, кўкрак қафасининг орқа юзасига ва соғлом томонаги қўлтиқ ости чуқурчасига йўналтирилади (18-расм). Ҳамма 4 та йўл тўлиқ фиксацияни таъминлангунга қадар бир неча бор такрорланади.



**18-расм.**

### **Торакобрахиал боғлам**

Боғламнинг бу тури, асосан, елка суюгининг синишиларида тавсия этилади. Бажарилиш техникаси бўйича бу жуда оддий боғлам. Торакобрахиал боғламнинг 2 хил варианти бор.

Биринчи вариантда бинтнинг икки хил йўли бор. Биринчи йўл – елкани кўкрак қафасига нисбатан ишончли фиксациялаш учун одатдаги бир неча айланишли спиралсимон боғлаш. Иккинчи йўл биринчисининг давоми бўлиб, у касал томондаги қўлтиқ ости чукурчасидан орқага ўтиб пастга тушади, тирсакка унинг орқасидан ўтиб, олдинга йўналтирилади ва билакдан билак бўғимиға яқин жойдан ўтиб, соғлом томондаги қўлтиқ ости чукурчаси орқали орқа томонга ўтади. Биринчи ва иккинчи йўллар елка ва билакнинг тўлиқ иммобилизацияси таъминлангунга қадар бир неча бор такрорланади.

Иккинчи вариантдаги биринчи йўл юқоридагидек, иккинчи йўл билакни кўтариб туриб, тепага қараб қийшиқ тарзда соғлом елка устига йўналади.

Бу боғламлар ўмров, елка, билак суюкларининг синишиларида, елка ва тирсак бўғимларининг шикастланишларида иммобили-зация шиналари бўлмаган тақдирда қўлланилади.

### **Вельпо боғлами**

Сут безининг кесиб ташланиш операциялари ва елка бўғимининг чиқишлари ўрнига солингач, бу боғламларни қўллаш тавсия этилади. Қўлнинг тирсаги юқорига кўтарилиб, панжалар соғлом томондаги елка устига қўйилади. Бинтлаш касал томондан бошланади.

Боғлам бинтнинг иккита йўлидан ташкил топади. Биринчи йўл циркуляр бўлиб, қўлни кўкракка маҳкамлайди, у соғлом томондаги қўлтиқ остидан орқага ўтиб, қийшиқ йўналишда касал томондаги елка устига чиқади. Иккинчи йўл кўкрак қафаси олдидан пастга қараб соғлом қўлтиқ остидан ўтади ва соғлом елка усти орқали ўтиб, қўлни мустаҳкамлайди.

*Кўкрак қафасининг спирал боғлами.* Узунлиги 100–120 см га teng бинт олиниб, ўнг ёки чап елка устига ташланади. Бинтнинг бир учи кўкракда, бошқа учи орқада осилиб туради. Циркуляр йўл билан ханжарсимон ўсимтадан сал пастроқда бинтни икки айлантириб маҳкамланади, кейин спиралсимон йўл билан юқорига кўтарилиб, олдинги йўлнинг ярмини ёки 2/3 қисмини беркита боради. Шундай қилиб, бутун кўкрак қафаси қўлтиқ ости чукурчасига қадар бинт билан беркитилади. Бинтнинг эркин осилиб турган учлари қарама-қарши елка устига боғлаб қўйилади.

*Қорин соҳаси ва тос-сон бўғимиға қўйиладиган боғламлар.* Қорин соҳасига спиралсимон кўринишдаги боғламлар қўйилади. У пастдан юқорига қараб ҳаракатланади. Боғлам сирпаниб тушиб кетмаслиги учун, терининг бир неча жойига клеол суркаб қўйиш мақсадга мувофиқдир. Тос-сон бўғимиға бошоқсимон типдаги боғлам қўйилади. Бу боғлам қориннинг пастки қисмини ҳам ўз ичига олади. Боғламнинг айнан қайси жойга қўйилишига қараб (ёнбош, олдинда, орқада) ёнбош, олдинги ёки орқа бошоқсимон боғламлардан иборат бўлади.

Чот соҳасидаги жароҳатни боғлашда бинтлаш шикастланган томондан бошланади. Аввал бинт циркуляр йўллар билан қорин атрофида маҳкамланади. Кейин қориннинг олдинги томонидан соннинг олдинги томонига ўтилади – ички яrim айланасига ва ички юзасига қайтади. Кейин бинт қийшиқ ҳолатда тепага ва қовга йўналиб, олдинги йўлни беркитади ва тепага қорин атрофига кўтарилиади. Бу йўллар қов соҳаси тўлиқ беркулгунга қадар давом эттирилади.

### **Оёқларга қўйиладиган боғламлар**

Сон ва тиззага қўйиладиган боғламлар жойидан қўзғалиб кетмаслиги учун спиралсимон типда бинтни ўраш йўли билан қўйилади.

Тизза бўғими соҳасига тошбақасимон қўшилувчи ёки тарқалувчи боғламлар қўйилади.

Болдир-товоң бўғимига саккизсимон боғлам қўйилади. У болдирининг пастки учдан бир қисмида циркуляр йўл билан бошланиб, кейин қийшиқ ҳолда товоңнинг орқа томонига тушади, унинг атрофида айлантирилиб тепага кўтарилади, аввалги йўл билан кесишади ва болдирида маҳкамланади.

## **Қаттиқ боғламлар. Махсус шиналар**

Қаттиқ боғламлар фиксацияловчи ва экстенцияли турларига бўлинади.

Фиксацияловчи:

- 1) симли (нарвонсимон);
- 2) тўрсимон;
- 3) фанерли;
- 4) картонли.

Экстенцияли:

Дитерихс шинаси

Нарвонсимон шина (Крамер шинаси) – рух билан қопланган ва тобланган пўлат симлардан тайёрланган бўлиб, нарвон шаклига эга, 12 га 100 ва 10 га 60 см ўлчами турлари бор. Уни исталган шаклга келтириш мумкин, қўйиш техникаси ҳам жуда содда, шунинг учун ҳам уни қўл ва оёқ жароҳатларида қўллаш мумкин. Тўрсимон шина (Фильбри шинаси) – юмшоқ ва ингичка симдан тайёрланган бўлиб, ўлчами 12 га 100 см, жуда осон букилади ва эгилади, исталган шаклга келтириш мумкин, лекин у етарли даражада қаттиқ эмас ва жуда эгилувчан. Фанерли шиналар синган ёки чиққан қўл ва оёқларни иммобилизация қилишда енгиллик билан мослашадиган воситалар ҳисобланади.

Дитерихс шинаси – қўл ва оёқларни ҳаракатсизлантириш билан бир вақтда уларни чўзиш (экстензия) имконини беради. Ушбу шинани сон суяги, тос-сон ва тизза бўғимлари синганда қўлланилади, тўпик, болдири – оёқ панжаси бўғими ва панжа жароҳатланганда қўллаш ман этилади. Шина 4 қисмдан иборат: 1) панжа ости қисми; 2) ташқи (катта ўлчам); 3) ички ва 4) чилвирили таёқча бурагич. Шинанинг асосий камчилиги сон ва болдири соҳасининг орқа томонидан маҳкамлайдиган детали йўқ, шунинг учун ҳам синган суяқ бўлакчаларининг орқага силжиши кузатилиши мумкин.

## **Шиналарни қўйиш қоидалари**

Шиналарни қўйишида қўйидагиларга риоя қилиш керак:

1. Жароҳатланган соҳага қўшимча икки бўғимни (юқориги ва пастки) қўшиб ишончли иммобилизация қилиш, сон ва елка синганда эса учта бўғим ҳаракатсизлантирилади.
2. Жароҳатланган соҳага тўғри физиологик ҳолат бериш.
3. Ёпиқ синишиларда ушбу соҳани ўз ўқи бўйлаб бироз чўзиб ҳаракатсизлантириш мақсадга мувофиқ ҳисобланади.
4. Очик синишиларда жароҳатдан чиқиб турган суяқ бўлакчаларини олиб ташлаш ёки жойига қайтариб тўғрилаш ман этилади.
5. Жароҳатланган шахснинг устки ва оёқ кийимларини ечишда унга қўшимча тан ҳароҳати етказилишига сабаб бўлиши мумкин, шунинг учун ечинтириш мақсадга мувофиқ эмас, айниқса, очик синишиларда.
6. Очик синишиларда иммобилизация қилишдан олдин жароҳатга аsepтик боғлам қўйилади, ушбу соҳа жароҳатдан олдин қандай ҳолатда турган бўлса, худди шундай ҳолатда ҳаракатсизлантирилади, бунда ёрдамчи кўмаклашади.
7. Зарурати бўлмаган ҳолларда резина жгут ишлатмаслик.
8. Шиналарни яланғоч танага қўйиш ман этилади. Шинага олдиндан мато ўралади ёки кийим устидан қўйилади. Шина қирғоқлари терини шикастламаслиги керак.
9. Бўғимлар жароҳатланганда соҳани чўзиб ҳаракатсиз-лантириш мақсадга мувофиқ эмас;
10. Шифохонага олиб бориш вақтида жароҳатланганни зам билга ўтказишида шикастланган соҳани авайлаб амалга ошириш керак.
11. Шина жароҳатланган соҳага бинт билан маҳкам ўралган бўлиши керак.

Крамер шинасини қўл ва оёқларга қўйиш уч босқичдан иборат.

1-босқич – тана қисмининг шаклига шинани мослаштириш.

2-босқич – шинанинг ички томонини пахта билан ёпиб, бинт ёрдамида маҳкамлаш.

3-босқич – шинани жойлаштириш ва умумий қабул қилинган боғлаш усули ёрдамида маҳкамлаш.

Дитерихс шинасини қўйиш 7 босқичдан иборат:

1) шинанинг панжа остки қисми оёқ панжаси остига «саккизсимон» боғлам кўринишида бинтлар ёрдамида маҳкамланади;

- 2) ташқи қисми (узун қисми) қўлтиқ остидан панжа остки қисмининг металл қулоқчаси орқали ўтказилиб, ундан 8–10 см ортиқча узунликда қўйилади;
- 3) ички қисми чот соҳасидан панжа остки қисмининг металл қулоқчаси орқали ўтказилган ҳолатда қўйилади;
- 4) болдир соҳасининг осилиб қолмаслиги учун, қўшимча равища Крамер шинасидан фойдаланиш тавсия этилади;
- 5) суюкларга тегиб турган жойларга паҳтадан ёки поролондан қистиргичлар қўйилади.
- 6) циркуляр йўналишда бинт ёрдамида шина болдир, сон, қорин ва кўкрак қафасига маҳкамланади;
- 7) таёқчали бурагич ёрдамида чўзиш амалга оширилади.

### **Гипсли боғламлар тўғрисида тушунча**

Гипсдан биринчи марта араб ҳакимлари фойдаланишган. Рус жарроҳи Н. И. Пирогов гипсни биринчи марта ҳарбий дала шароитларида Крим урушида ишлатган. Кальцийнинг олtingугурт тузини  $140^{\circ}\text{C}$  да қиздириб, гипс олинади. Гипс қаттиқ боғловлар учун ишлатилади. Ташқи кўринишидан гипс оқ рангли, майда ва кукусимон унга ўхшаш модда, сув билан аралаштирилганда бўтқасимон масса ҳосил бўлади. У тез қуриш ва қотиш хусусиятига эга.

### **Гипс боғламигининг устуворлиги**

- иммобилизацияни таъминлайди;
- жароҳатланган оёқ-қўлнинг максимал тинч ҳолатини таъминлаб беради;
- иккиласми инфекция тушишидан ва қўшимча жароҳатдан саклайди;
- жароҳатдан ажralаётган суюқликларни ўзига сўриб олади, чунки гипс катта гигроскопик хусусиятга эга.

### **Гипсли боғламларнинг турлари**

- а) туйнуксиз;
- б) туйнукли;
- в) кўприкли;
- г) лонгетли;
- д) корсетли;
- е) кроватли.

Лонгетли боғлам бинт бир неча қават қилиб, тахлаб тайёрланган таёқча кўринишидаги гипсли боғлам.

Корсетли боғлам умуртқа погонаси касалликларида ва синишларида ишлатилади. Уни тайёрлаш учун 12–14 та гипсли бинт ва бир дона кенглиги 16 см бўлган бинт керак бўлади.

Кроватли боғлам ечиб яна қўйиш мумкин бўлган боғлам, асосан, тананинг бир қисмига қўйилади ва беморнинг узоқ муддатга ётишига мўлжалланган.

## **ЖАРОҲАТЛАНГАНЛАР ИММОБИЛИЗАЦИЯСИ ВА УЛАРНИ ШИФОХОНАГАЧА ТАШИШ (ТРАНСПОРТИРОВКА ҚИЛИШ)НИ ТАШКИЛ ЭТИШ**

### **ТРАНСПОРТ ИММОБИЛИЗАЦИЯСИ**

Транспорт иммобилизацияси деганда, жароҳатланган соҳани транспортировка қилиш вақтида тўлиқ ҳаракатсизланишни таъминлаб берадиган воситалар тушунилади.

Ҳар кандай транспорт иммобилизацияси боғламлари қуидаги уч қисмдан ташкил топади:

- 1) шиналар;
- 2) шина остига қўйиладиган қистирмалар;
- 3) маҳкамловчи боғлам.

Транспорт иммобилизациясини қўллаш зарурияти суюк ва бўғимлар, магистрал қон томирлари ва нервлар жароҳатларида, юмшоқ тўқималарнинг кенг қўламдаги шикастланишларида (механик, кимёвий, термик), шунингдек, яллиғланиш касалликларида туғилади.

Травматик шок, иккиламчи қон кетиш ва жароҳат инфекциясининг профилактикасида транспорт иммобилизация-сининг аҳамияти бекиёсdir. Инсон танасининг жароҳатланган қисмини фиксациялаш оғриқ сезгисини йўқотади ёки уни сезиларли даражада камайтиради. Бу шикастланган жойда ҳосил бўладиган оғриқ импульсларининг марказий асад тизимиға узатилишини камайтиради.

Демак, транспорт иммобилизациясини талабларга жавоб Берадиган даражада билимдонлик билан қўллаш оғриқни қолдиради ёки уни сезиларли пасайтиради, айни пайтда, жароҳатдан келиб чиқадиган шок хавфини камайтиради.

Суяклар синганда қўйиладиган транспорт шиналари суяк синикларининг ҳаракатини тўхтатади ва бу билан қон томирларининг суякнинг ўткир қирралари билан жароҳатланишини ва иккиламчи қон оқишининг олдини олади.

Тананинг жароҳатланган қисмига транспорт иммобилизацияси қўйилиши мускуллар қисқаришига йўл қўймайди, лимфа оқимини кескин камайтиради ва бу билан ярадаги микрофлоранинг атрофдаги тўқималарга тарқалишига тўсқинлик қиласи, жароҳат инфекцияси ривожланишининг олдини олади.

Қўл остидаги материаллар ёрдамида транспорт шиналари ва маҳкамловчи боғламларни қўллашда қўйидаги принципларга қатъий амал қилиш керак:

1) транспорт иммобилизацияси, иложи борича, вактида амалга оширилиши керак;

2) шиналар кийим ва пойафзал устидан қўйилади;

3) оёқ-қўлларга ўрта физиологик ҳолат берилади, масалан, қўлга – елка бўғимида  $30^0$  га букилган ва танадан узоқлаштирилган, тирсак бўғимида  $90^0$ , бармоқлар ҳамма бўғимлари  $45^0$  ли бурчак остида буқланган бўлиши керак;


4) оёқ-қўлларнинг ҳар қандай жойи шикастланганда 2 та қўшни бўғимни, оёқ ва сон шикастланишларида елка ва тос-сон бўғимларини шиналаш керак бўлади. Транспорт шинасини қўйишдан олдин уларнинг шакли оёқ-қўлнинг асосий сегментлари функционал ҳолатига мос равища модуллаштирилади. Уларнинг остига тола докали қистиргичлар қўйилади.

Транспорт шиналари бўлмаган тақдирда қўл остидаги воситалардан: белбоғ, кўйлак этаклари, костюмлар ёрдамида қўлни ўрта физиологик ҳолатда танага бинт билан боғлаб қўйилади. Оёқ шикастланганда уни соғлом оёқка бинт билан боғлаб маҳкамланади, бинт бўлмаган тақдирда рўмолчалар билан ҳам боғлаш мумкин.

Транспортировканинг тури ва усуллари шикастланишнинг ҳарактери ва касалнинг ҳолатига қараб танланади.

Агар беморнинг мустақил ҳаракат қилишига қарши ҳолатлар бўлмаса, шикастланган киши кузатувчи шахслар ёрдамида ҳаракатланиши мумкин. Кузатув-чи бир қўли билан беморнинг шикастланган томонидан панжа-ларини, иккинчи қўли билан шу томондан кўлтиқ остидан олиб ҳаракатланишига ёрдам беради ёки шикастланган кишининг қўлинини ўз бўйнидан ўтказиб, унинг панжаларини

қўли билан ушлаб олади, иккинчи қўли билан шикастланган кишининг белидан ушлаб олади. Агар икки киши бўлса, шикастланган кишини икки томонидан ушлаб ёрдам бериши мумкин.



**19-расм.**

Агар шикастланган киши мустақил ҳаракат қилолмаса, у ҳолда уни қўлда кўтариб ёки замбилда, ёки тахталарда, ёхуд қўлда тайёрланган (импровизион) – чанғи, курси, нарвон, пальто (енгларига таёқлар кийдирилиб) ва бошқа воситалардан фойдаланиш керак (19- расм).

### **Шикастланган кишини замбилга жойлаштириш қоидалари**

Шикастланган кишини замбилга қўйидагича жойлашти-рилади:

1) чойшаб ёзилган замбил шикастланган кишининг жароҳатланган томонидан ёнига қўйилади. Икки киши ёрдам беради – биринчиси тиззалаб туриб битта қўлини беморнинг боши тагига олиб бориб, иккинчи қўли билан бўйин ва кўкрак қисмидан, иккинчи киши думғаза ва болдир остидан ушлайди;

2) шикастланган киши бир вақтда, силтамасдан ердан кўтарилади;


3) учинчи, ёрдамлашувчи киши замбилни беморнинг тагига суради, bemor унга эҳтиётлик билан туширилади ва чойшаб билан ўралади.

### **Шикастланган кишини замбилда ташиш**

Шикастланган кишини замбилда ташишда қўйидагиларга эътибор қилиш керак:

1) замбилни дасталаридан ушлаб, бир вақтда ердан күтарилади ва бош томони олдинга қилиб ҳаракатланади. Юришда калта қадамлар билан, тиззани салгина букиб, бир вақтда ташланмаган қадамлар билан ҳаракат қилинади.

2) зинапоядан күтарилиш-да ёки тепаликка чиқишида шикастланган кишининг боши олдинги томонда бўлиши керак.




20- расм.

Агар оёқ суюклари синган бўлса, бундан мустасно, бу холда замбилни горизонтал ҳолатда сақлаш керак (20 - расм).

3) зинапоядан пастга тушиш-да (тепаликдан тушишда) шикастланган кишининг оёқлари олдинда (оёқлар шикастланганда бундан мустасно) бўлиши керак (21 - расм).

Шикастланган кишини зам-билга жойлаштиришда олинган жароҳат турига мос келишини таъминлаш, яъни турли хил жароҳатларда замбилга турлича жойлаштирилади. Шунинг учун ҳам кузатувчи шикастланганнинг замбилдаги ҳолатини доимо диққат билан кузатиб бориши керак.




21 - расм.

Умуртқа синган деб тахмин қилинса ва беморнинг ҳуши ўзида бўлса, қаттиқ тахта устига ётқизилиб, горизонтал ҳолатда ташилади.

Бош ва мия шикастланганда (ҳуши ўзида, шок белгилари йўқ) замбилларда оёқ томонини  $10-15^0$  пасайтириб кўтариб борилади. Бош тагига уни ва бўйинни маҳкамлаш учун ёстиқча қўйиш мумкин.

Қон йўқотиши ва шок бўлса ёки уларнинг хавфи бўлса, бош томон пастроқ, оёқлар  $10-15^0$  га кўтариброк қўйилади ёки оёқлар қаламтарош кўринишида букил-ган бўлиши керак.

Кўкрак қафаси ва унинг органлари шикастланиб, ўткир нафас етишмовчилиги кузатилса, тана ва бош томон кўтариброк ташилади (22- расм).



**22 - расм.**

Қорин бўшлиғи органлари ва тоснинг шикастланишларида горизонтал ҳолатда ётқизилиб, бош ва тизза остига ёстиқчалар қўйилади.


Юз ва жағ соҳаларининг шикастланишларида горизонтал вазиятда юзи билан пастга қаратиб ётқизилади.

Ҳуши ўзида бўлмаган ҳолатларда (асфиксиянинг олдини олиш мақсадида), бемор ёнбоши билан турғун ҳолатда ётқизилиши керак.

Агар шароит замбилни беморга яқин олиб келишга имконият бермаса, унда беморни қўлда қуидаги усулларни қўллаб:

1) агар ташувчи бир киши бўлса, у қуидаги усулларни қўллаши мумкин (23 - расм):


- а) ярадорнинг орқасидан ушлаб ёрдам бериши;
- б) қўлда кўтариб олиб бориши;
- в) елкасида ёки орқалаб олиб бориши;



23-расм.


г) чойшаб, плаш, пальто, палатка, дарахт шохлари устига беморни жойлаштириб чанага ўхшаб тортиб бориш мумкин;

2) агар шикастланган кишига ёрдам берувчилар икки киши бўлса, улар беморнинг икки томонидан бир тиззасида ерга туриб, бир қўлини белидан, бошқа қўлини чаноқ остидан ўтказиб ушлаб кўтаришади ва бир вактда ташланмаган қадамлар билан касални кўтариб керакли жойга олиб боришади (24 - расм);



24 - расм.

3) агар беморнинг ҳолати йўл кўйса, уни ўтирган ҳолатда «мураккаб қулф» усулини қўллаб кўтариб бориш мумкин. Бунда бемор қўллари билан кўтариб бораётган кишиларнинг бўйнидан кучоқлаб олади (25- расм).



25 - расм.

Кўкрак ва кўкрак қафаси суяклари синган bemорларни замбилда ярим ўтирган ҳолатда транспортировка қилиш мумкин. Ўмров ва кўкрак суяклари синганда ўтирган ҳолатда транспортировка қилинади.

Шикастланган кишини даволаш муассасига тезликда етказиш зарур бўлган ҳолатларда транспортировка қилиш биринчи тиббий ёрдамнинг энг муҳим босқичларидан ҳисобланади.

Бунда имконият борича, қуидаги қоидаларга амал қилиш керак:

а) тез ва эҳтиёткор ташишни таъминлаш (кўполлик оғриқ чақиради, суяк синиклари силжишига ва шокка сабабчи бўлиши мумкин);

б) кўтариб бориш ва ташишни шикастланишнинг характери ва оғирлигига мос равишда бажариш;

в) транспортировка қилишдан олдин жароҳатларни боғлаш, шиналар қўйиш, оғриқсизлантириш, агар шароит кўтарса, томирга дори қуювчи тизимни тайёрлаб қўйиш ва шу кабиларни, бошқача айтганда, bemорни биринчи ёрдам кўр сатишнинг якунловчи босқичига тайёрлаш керак.

Кўпинча, шундай ҳолатлар юз берадики, ёрдам берувчи киши, жароҳатланган киши нафас олайпими ёки йўқми, юрак фаолияти тўхтаб қолмаганми ва шу каби ҳаётий муҳим нарсаларни эътиборсиз қолдириб, энг аввало, шилинган жароҳатларни тозалаш ва боғлаш билан шуғулланади ёки шикастланган кишини эътиборсиз қолдириб, уни шифохонага олиб бориш учун транспорт қидириб юради.

Шикастланган кишига нисбатан қўлланилган тирилтириш чоралари натижасида нафас ва юрак фаолияти тиклангач, қон босими меъёрга келгач, у транспортировкага тайёрланган ҳисобланади. Агар шу вақтгacha нафас олиши тикланмаса, сунъий нафас олдиришни транспортировка вақтида ҳам давом эттириш лозим.

Агар тирилтириш чора-тадбирлари муваффакиятсиз бўлиб, ўлим белгилари юзага чиқса, врач келишини кутиш керак. Врач шикастланган кишининг ўлимини узил-кесил аниқлаб беради;

г) замбилнинг транспорт воситасининг ҳаракати вақтида қўзғалиб ва ҳаракатланиб кетмаслиги учун чора кўрилади, яъни у маҳкамлаб қўйилади;

д) қишиң вақтида касал устига иссиқ нарсалар ёпиб қўйиш лозим;

е) кузатувчи доимо беморнинг ёнида бўлиши зарур (машина кабинасига – ҳайдовчи ёнига ўтириб олмаслиги керак).

Шикастланган кишиларни маҳсус машиналарда, шунингдек, йўловчи енгил машиналарда, самолётларда, тракторларда (тиркамалари бўлган), араваларда транспортировка қилиш мумкин.

Ҳал қилувчи нарса транспортнинг тури эмас, балки касалнинг қанчалик тез маҳсус касалхонага олиб борилишидир. Шикастланган кишини, иложи борича, тез максимал қулайликларга эга бўлган ва барча талабларга жавоб берадиган ҳолатда энг яқин даволаш муассасасига олиб бориш керак.

Шикастланган кишини замбидан кроватга ўтказишида, замбилинг оёқ томони кроватнинг бош томонига қаратиб қўйилади ёки аксинча. Оғир шикастланишларда замбил кроват ёнига бир хил баландликда қўйилади, кейин эҳтиётлик билан бемор кроватга ўтқизилади.

Хотима ўрнида яна бир муҳим нарса – ёрдам берувчи киши беморга ва унинг яқинларига хушмуомала бўлиши керак. Энг аввало, уларни тинчлантириш ва руҳан қўллаб-қувватлаш, шикастланган кишининг тузалиб кетишига умид ва ишонч туғдириши керак (амалда бундай умид қолмаган бўлса ҳам). Бу нарса беморда даволашнинг кейинги босқичларида врач томонидан касалхонада қўлланиладиган даволаш чора-тадбирларига ишонч туғдиради. Ўз навбатида, бу касалнинг тезроқ оёққа туришига сабаб бўладиган омиллардан биридир.

## ЎТКИР ЖАРРОҲЛИК ИНФЕКЦИЯЛАРИ

Ҳар хил хасталик чақиравчи бактериялар таъсирида тўқималарда ҳосил бўлган йирингли касалликлар ўткир жарроҳлик йирингли касалликлари деб аталади.

Касалликнинг келиб чиқиши ва чақиравчиларининг таъсирига қараб, жарроҳлик йирингли касалликлари иккига: ўткир ва сурункали турларга бўлинади.

Ўз вақтида ўткир йирингли жарроҳлик касалликлари ўткир маҳсус бўлмаган (стрептококк, стафилококк ва х. к.) йирингли касаллик чақиравчи; ўткир маҳсус (сарамас, столбняк (қоқшол), анаэроб ёки газли) йирингли касалликларни чақиравчиларга бўлинади.

Сурункали кўриниши ҳам сурункали махсус бўлмаган тури ва сурункали махсус тур (сил, актиномикоз, захм)га бўлинади.

Бактерияларнинг тўқималарга кириш дарвозаси бўлиб жароҳатланган тери, шиллиқ пардалар, лимфа ва қон томирлари хизмат қиласи. Тўқималарга тушган бактериялар ўз вақтида организмда маҳаллий ва умумий қарши харакатларни чакиради. Маҳаллий яллиғланиш белгилари қуидаги асосий белгилар билан ифодаланади: қизариш, шиш, маҳаллий ҳарорат ва яллиғланган тўқима ёки аъзо фаолиятининг бузилиши.

Умумий организмнинг қаршиликлари бутун тана ҳароратининг кўтарилиши, қалтираш, бош оғриши, томир уришининг тезлашиши ва қон таҳлилларидаги ўзгаришлар билан ифодаланади.

Ўткир йирингли жарроҳлик касалликларидан, асосан, бармоқ ва кафт йирингли касалликлари, фурункул, карбонкул, гидраденит, абсцесс ва флегмоналар учрайди.

Юқорида қайд қилинган касалликлар ўз вақтида ташхиси аниқланиб даволаш муассасаларига мурожат қилинмаса, ўзидан кейин жуда оғир сепсис, септик шок каби ҳаёт учун хавфли асоратларни чакириши мумкин. Ҳозирги замон тиббиёт илми эришган юксак ютуқларга қарамасдан, айни касалликнинг ўлим кўрсаткичлари 50–80 % фоизлигича қолмокда.

Кафт ва бармоқларнинг махсус бўлмаган йирингли касалликлари табиатда жуда кўп учрайди. Буларга панариция, паронихия ва кафтлар флегмоналари киради.

*Панариций (хасмол)* бармоқлар тўқималарининг жароҳатланиб, йирингли яллиғланишидир. Асосан, хасмол билан маълум касб (механизатор, ҳайдовчилар, пахтакор ва чорвадорлар) эгалари оғрийдилар. Буларга сабаб иш вақтида олинган жароҳатга ифлос орқали инфекция тушишидир. Касалликнинг 80 фоизи 1, 2, 3-бармоқларга тўғри келади.

Аъзоларнинг анатомик жиҳатига қараб тери ости, тери, пай, суяқ ва бўғимлар хасмолларига бўлинади.

Тери ичи хасмоли тери қаватининг эпидермис ва дерма қавати оралиқларида ривожланиб, йиғилган йиринг эпидермис тагидан кўриниб туради. Тери ости хасмоли – атрофи қизариб, хасмол ривожланаётган бўғим шиши билан ифодаланади.

Пай хасмоли организмнинг умумий қаршилиги билан ифодаланади, яъни умумий кувватсизлик, тана ҳароратининг

кўтарилиб кетиши билан кечади. Хасмол ривожланаётган бармоқ панжанинг ички соҳасига бир оз букилган ҳолда, шишган, қизарган бўлади, бармоқни тўғрилашга қилинган камгина ҳаракат ҳам кучли оғриқ чақиради.

Суяқ хасмоли – асосан, бармоқларнинг юмалоқ шаклда шиши ва оғриқ билан бошланиб, аксарият ҳолларда йирингли оқмалар ҳосил қиласиди.

Бўғим хасмоли ташхиси бўғимлардаги шиш ва кучли оғриқ, ҳаракатларнинг чегараланганлиги каби белгиларга асосан қўйилади. Бармоқ бироз букилган ҳолда, тери ажинлари силлиқланган, озгина ҳаракат ҳам кучли оғриқ чақиради.

*Паронихия* – бармоқларнинг тирноқ атрофи айланаси тўқималарининг яллиғланишидир.

Жойлашишига қараб, юзаки (субэпидермал) ва чуқур – тирноқ атрофи тўмтоғи тўқималарида учрайдиган турларига бўлади. Клиник кечиши тирноқ атрофи тўмтоғининг қизариб шишишига хос кўринишларда ифодаланади. Бармоқларда учрайдиган ўткир йирингли яллиғланишлари бўлган беморлар кечиктирмасдан жарроҳлик йўли билан даволанишлари шарт. Юзаки кўринишдаги хасмол ва паронихиялар поликлиника шароитида очиласди. Хасмолларнинг пай, суяқ ва бўғим кўринишдаги турлари фақат шифохоналарда йирингли жарроҳлик бўлимларида даволаниши шарт.

*Панжса флегмоналари* – жуда оғир ва хавфли хасталик хисобланади, яъни бу умумий камқувватлик, уйқусизлик, титраб қақшаш ва алаҳсираш билан кечади. Беморлар жароҳатланган соҳадаги кучли оғриқдан шикоят қиласидилар. Кафтнинг юза қисмida жуда катта шиш кузатилади. Бармоқлар ҳолати оғирлашганда унинг уч қисми бир оз букилиб, асос қисмлари тўғриланган ҳолда бўлади. Кафт флегмоналари билан оғриган bemорлар шошилинч жарроҳлик муолажаларига муҳтож бўлиб, улар кечиктирилмасдан жарроҳлик бўлимларига ётқизилиши шарт.

## ТЕРИ ВА ТЕРИ ОСТИ ЁҒ ТЎҚИМАЛАРИНИНГ ЙИРИНГЛИ КАСАЛЛИКЛАРИ

*Фурункул* – тери ости ёғ халтаси ва ёғ безларининг ўткир йирингли яллиғланишидир. Бу яллиғланишлар гоҳида тери ости ёғ тўқималарига ҳам ёйилиши мумкин. Фурункулларнинг асосий чақиравчилари стафилококклардир. Фурункуллар тананинг туклар

билан қопланган барча майдонларида, асосан, юз, бўйин, бел ва думба соҳаларида кўпроқ учраши мумкин. Фурункулни келтириб чиқарувчи омиллардан асосий ўринни шахсий гигиена қоидаларига риоя қиласлик (кам чўмилиш, кийимларни тез-тез алмаштираслик), витаминалар етишмаслиги, терининг тирналиши, умумий ва углеводлар алмашинувининг (қандли диабет билан оғриган bemорларда) бузилиши эгаллайди. Фурункул объектив кузатилганда тери қизарган, шишган, тук атрофидаги ҳамда тери ости ёғ қатламини ҳам йириングли жараён ўзига жалб этган, йириング юзида битта тук бўлиб, у ҳам гоҳида ўзидан-ўзи тушиб кетиши мумкин.

Юз фурункуллари ўта хавфли бўлиб, юқори жағ соҳасида учрайдиган хиллари қўл билан эзилганда, вена томирлари орқали инфекциялар кўтарилиб, веналар тромбофлебити, юз сарамаси, веналар орқали бош мия синусларига ўтиб менингит, энцефалит, бош мия абсцесси ва сепсис ҳолатларига олиб келиши мумкин. Шунинг учун ҳам бундай bemорлар шифохоналарда даволанишлари шарт.

*Карбункул* деб бирданига бир нечта соч халталари, тери ости ёғ қатлами ва пастки қават тўқималарининг бир вақтда ўткир йириングли яллиғланиб, катта микдордаги тўқималарни некрозга олиб келувчи ҳолатга айтилади. Карбункулни чақиравчи микроорганизмлар фурункулни чақиравчилардан фарқ қилмайди. Асосан, карбункул бўйиннинг орқа соҳасида кўп учрайди, яъни бу ҳолат ифлос куйлакларнинг ёқаси бўйинга кўп ишқаланиши туфайли терининг шикастлаши сабабли келиб чиқади. Карбункулнинг клиник кечиши ҳам фурункулнига ўхшаёт, бироқ бу кўрсаткичлар оғирроқ кечиб, буларга иштаҳанинг йўқлиги ва қусиши ҳолатлари қўшилади. Карбункулда фурункулга қараганда абсцесс, флегмона, лимфаденит, тромбофлебит ва сепсис каби асоратлар кўп учрайди. Карбункул билан оғриган bemорлар ҳам шошилинч равишда шифохоналарда даволанишлари шарт.

*Гидраденит* – тер безларининг ўткир йириングли касаллигидир. Бундай йириングли яллиғланишга, кўпинча, қўлтиқ ости тер безлари чалинади. Аввалига қизариб инфильтрат ҳосил қиласи, кейинчалик уч бериб, ўрта қисмидан йириинг чиқаради, абсцесслар пайдо қиласи. Бундай bemорларнинг қарийб барчаси амбулатор шароитда даволанишлари тавсия этилади.

*Лимфонгоит ва лимфоаденит* – лимфа томирларининг ҳамда лимфа безларининг яллиғланиши бўлиб, иккала хасталик ҳам

иккиламчи касалликлар туркумига киради. Булар, асосан, фурункул, карбункул, гидраденит ва бошқа йириングли касалликлар асорати сифатида пайдо бўлади. Йириングли ўчоқлар ривожланган жойлардан лимфа томирлари бўйлаб томир қизариб, оғриқ билан тортилган жойни пайпаслагандаги оғриқ берадиган чизик бирор-бир бўғим чуқурчасида тугунлар ҳосил қилиши ва уларнинг катталашиши – лимфаденит деб аталади. Баъзи яллиғланган томирлар бўйлаб кузатиладиган инфильтрат юмшайди, оғриқлар бир оз камаяди. Бу эса йиринглаш рўй берганлигидан далолат беради. Бундай ҳолларда жарроҳлик йўли билан йириングли ўчоқларни очиш тавсия қилинади. Қолган ҳамма ҳолларда, асосан, бирламчи йириングли касалликларни даволаш, антибиотиклар ва физиотерапевтик умумий даволаш тавсия этилади. Касаллик бошида эса аъзолар ҳаракатини чегаралаб, маҳаллий муолажаларни бажариш мақсадга мувофиқдир.

## **Абсцесс ва флегмоналар**

*Абсцесс* тўқима ва аъзоларнинг чегарали ўткир йириングли яллиғланишидир. *Флегмона* – тарқалган ўткир йириングли яллиғланиш ҳисобланади. Кўпроқ тери остидаги ёғ тўқимасида ривожланади, тўқималарни емириш хусусиятига эга.

Иккала касаллик ўртасидаги фарқ шундан иборатки, биринчи ҳолда йириングли яллиғланиш чегараланган, иккинчи ҳолда эса тарқалган бўлади. Абсцессларда флюктуация (тўлқинланиш) белгиси мусбат, флегмоналарда бу белги умуман аниқланмайди, аниқланса ҳам кучсиз бўлади. Қолган клиник белгиларнинг ҳаммаси иккала касалликда ҳам қариб бир хилдир. Флегмонада йирингли яллиғланиш тарқалганлиги сабабли умумий клиник кўрсаткичлари бир оз кучлироқ намоён бўлиши мумкин.

Флегмона ва абсцессларни даволаш, асосан, жарроҳлик йўли билан, йирингли ўчоқларни очиш орқали бажарилади. Йиринглар очилгандан кейин эса жароҳатларни маҳаллий даволашнинг умумий қоидасига риоя қилган ҳолда бажарилади. Яъни шу аъзоларга дам бериш, йирингларнинг оқишига шароит туғдириш, механик антисептика йўли билан даволаш ва антисептикларни қўллаш орқали бажарилади. Суюқлик ажратиб чиқараётган жароҳатларга тузли гипертоник эритмалар (10 % хлорид натрий эритмаси) билан салфеткалар, жароҳат қуриши (дигедратация) вақтида эса Вишневский малҳами билан боғламлар қўлланилади.

*Сепсис* – йирингли касалликлар чақирувчи микробларнинг тўғридан-тўғри қон айланиш доирасига томирлар орқали тарқалиши организм учун ўта хавфли хасталик ҳисобланади. Сепсисни чақирувчи бактериялар стрептококк, стафилококк, ичак таёқчалари ва баъзида анаэроб микроблар ҳам бўлиши мумкин.

Сепсиснинг клиник белгиларига юқори ҳарорат ( $39\text{--}40^{\circ}\text{C}$ ), томир уришининг тезлашиши, қон босимининг пасайиши, бош оғриши, мускул ва сужкларнинг оғриши, эт увишиши ва совук тер ажралиши киради.

Септик шок сепсис касалигининг оғир асорати бўлиб, тананинг барча муҳим аъзолари фаолиятининг чуқур бузилишига олиб келади. Клиник белгиларига ўткир юрак-томир етишмовчилигининг нафаснинг юзаки ва тезлашиши каби ўзгаришлар билан бир вактда бўлиши киради. Беморларнинг юзлари кўқимтирик кулранг кўринишида бўлади, тери қопламларини муздек ёпишқоқ тер қоплайди, қон босими  $90\text{--}70$  мм симоб устунига тенглашади, аҳволи оғирлашган сари қон босимининг пасайиши кузатилади. Кўл ва оёқлар музлайди, кейинчалик томир уриши сезилмай қолади.

Сепсис ва септик шок билан оғриган bemorlarни зудлик билан шифохонаага ётқизиш зарур. Беморларни шитда горизонтал ҳолатда олиб бориш тавсия этилади.

## Ўткир маҳсус жарроҳлик инфекциялари

Бу касалликларга сарамас, қоқшол, анаэроб ҳаволи инфекция ва куйдирги киради. Ушбу касалликларнинг бошқа касалликлардан фарқи, буларнинг маҳсус чақирувчиси бўлиб, улар таъсирида тўқималарда маҳаллий ўзгаришлар юз беради.

*Қоқшол (столбняк)* – ўткир инфекцион касаллик, уни маҳсус анаэроб «қоқшол таёқча» си келтириб чиқаради. Тери ва шиллиқ қаватлар шикастланганда одам организмига киради. Қоқшол таёқчаси ҳайвонлар ва одам ичакларида яшайди ва ташқарида спора кўринишида тупроқда, кийим-кечакларда ва исталган жойда узок сақланиб, шамол бўлганда, чанг билан кенг тарқалади.

Қоқшол таёқчаси одам организмига тушгандан сўнг, ўзидан турли хил заҳарлар чиқаради, бу заҳарлар, асосан, нерв толалари ҳамда лимфа тизими бўйлаб бутун организмга тарқалади.

Яширин даври 3–7 кундан 3 ҳафтагача давом этади.

Ривожланган қоқшол касаллигининг клиник белгилари қуйидагилардан иборат: кичик кўзғатувчилар (ёруғлик, овоз ва б.)га нисбатан мускулларни клоник ва тоник тиришишлари. Касаллик бошланишида тоник тиришиш оғиз мускуларидан бошланади – тризм (бемор оғзини оча олмайди). Юздаги мимика мускуларининг тортилиши туфайли bemorларда «сардоник кулги» аломатлари пайдо бўлади. Бўйин соҳасидаги мускулларнинг кучли тиришиши туфайли bemorнинг бош қисми орқа томонга кетиб қолади. Вақт ўтган сари тиришиш бутун тана мускулларига (бел, кўкрак, қорин ва оёқ) тарқалади. Бундай ҳолат «опистотонус» деб аталади. Мускулларнинг тиришиши бир неча секунддан бир неча минутгача давом этиши мумкин. Баъзан мускулларнинг узилиши, суякларнинг синиши ва бўғимларнинг чиқиши кузатилиши мумкин, шунга қарамасдан, кўпчилик bemorларнинг ҳуши ўзида бўлади.

Қоқшол касаллигининг олдини олиш чоралари:

- 1) жароҳатларга бирламчи жарроҳлик ишлови беришни амалга ошириш;
- 2) тана аъзоларининг иш фаолиятини қайта тиклаш (шокка ва камқонликка қарши кураш);
- 3) маҳсус профилактика ўтказиш, яъни қоқшолга қарши зардоб ва анатоксин воситаларини организмга киритиш.

Қоқшолда биринчи ёрдам – bemorни зудлик билан шитда горизонтал ҳолатда яқинроқда жойлашган, реанимацион бўлими бор шифохонага олиб бориб ётқизишдан иборат.

## **Анаэроб ҳаво инфекцияси**

Газли флегмона ва газли гангрена (чириш) организм барча тўқималарининг оғир шикастланиши бўлиб, анаэроб ҳаво инфекциясини келтириб чиқаради. Бу бактериялар ерда, айниқса, одам ва ҳайвонлар ахлатлари билан ифлосланган жойларда жуда кўп микдорда учрайди. Анаэроб инфекция, кўпинча, жанговар ҳаракатлар пайтида, мускуллар шикастланганда ривожланади.

Яширин даври жуда қисқа бўлиб, 2–4 кундан сўнг касаллик белгилари бошланади.

Газли гангренада маҳаллий ўзгаришлар, асосан, жароҳатда кучли оғриқ бўлиши, шиш ва тери қопламида оғриқ кузатилиши билан характерланади. Бармоқ билан босиб кўрилганда, тери ости ёғ клечаткасида ҳаво пуфакчалари силжиши ҳисобига ғичирлаш

сезилади. Жароҳат кулранг кўринишда бўлади. Кўриниб турган мускуллар «қайнатилган гўштни» эслатади, жароҳатдан гоҳида ҳаво пуфакчалари чиқиб туради.

Умумий симптомлари, асосан, кучли заҳарланиш ҳисобига рўй беради: юқори харорат, терининг сарғайиши, кўзнинг бир нуқтага тикилиши, пульс камайиши ва кучсизланиши, артериал босимнинг пасайиши, bemor ўлим юз бергунгача ҳушини йўқотмайди.

Биринчи ёрдам – жароҳатга зудлик билан асептик боғлам қўйиб, транспорт иммобилизациясини амалга ошириш, bemorни горизонтал ҳолатда замбилда ёки шитда энг яқин шифохонанинг жарроҳлик бўлимига ётқизиш керак.

## **ҚОРИН БЎШЛИФИ ВА АЙИРУВ АЪЗОЛАРИНИНГ ЎТКИР КАСАЛЛИКЛАРИ ҲАМДА ЖАРОҲАТЛАРИ**

Касаллик клиник симптомларининг кескин равища үсиб боришини ва bemor аҳволининг оғирлигини ҳаёт учун хавфли бўлган касалликлар туркумига кирадиган ўткир қорин аъзоларидан қон кетиши мисолида кўриб чиқиш мумкин. Ўз вақтида қорин аъзоларидан ўткир қон кетиши икки хил кўринишда бўлади. Биринчи кўринишида қорин бўшлиғи аъзоларидан кетаётган қон шу аъзолар бўшлиғига тушади ва шу сабабли бу кўриниш қон кетишнинг қорин бўшлиғи аъзолари ичига кетиш номи билан аталади. Иккинчи кўринишида эса қорин бўшлиғи аъзоларидан кетаётган қон тўғридан-тўғри қорин бўшлиғига тушади ва шу сабабли қон кетишнинг қорин бўшлиғига эркин қон кетиш номи билан аталади.

*Овқат ҳазм қилиши аъзолари ичига ўткир қон кетиши.* Бундай ҳолларда қон кетиши манбаи бўлиб, кўпинча, ошқозон (меъда) ва 12 бармоқли ичакларда учрайдиган жароҳатлар, қизилўнгач пастки веналарининг жигар циррозларида учрайдиган варикоз кенгайишилари, ошқозон ва ичаклардаги ўсмаларнинг емирилиши, алиментар (овқат истеъмоли туфайли учрайдиган) геморрагик гастритлар ва ҳоказолар бўлиши мумкин.

Ошқозон ва 12 бармоқли ичакдан қон кетиши пинҳона (кўз илғамайдиган даражадаги кичик веналардан) ва профуз (бирон-бир артериядан шовуллаб) қон кетиш кўринишларига бўлинади.

Пинҳона қон кетишининг асосий манбасини аниқлаш бир оз қийин кечиши мумкин, аммо асосий клиник симптомларидан бири бўлиб сабабсиз үсиб бораётган камқонлик хизмат қиласди.

Овқат ҳазм қилиш йўлларидан қон кетиши ўз вақтида клиник кечиши билан икки хил кўринишда бўлади:

1) латент (пинхона) қон кетишида bemорнинг умумий қон тахлили шуни кўрсатадики, қондаги гемоглобин миқдорининг 85–100 г/л гача (нормада 140–160 г/л) камайиб кетиши билан бирга bemорлар умумий дармонсизлик ва бош айланишидан шикоят қиладилар, уларнинг ранги оқариб, юраги тез-тез уради (тахикардия), артериал босими пасайиб кетган бўлади, баъзан улар ҳушидан кетиб қолади;

2) ошкора (шовуллаб) қон кетишида, гемоглобин миқдори 50 г/л гача, баъзан бундан ҳам кўпроқ камайиб кетишига сабаб бўлади, bemорларда оғир коллапс ҳолати кузатилади, қон қусиш ва ахлатининг қорайиб ажралиши билан бирга кечади. Бу ҳолларда bemор ранги оқариб кетади, қон босими кескин тушиб кетиши, баданини муздек совуқ тер босиши, лаб ва бармоқларининг кўкариб кетиши кузатилади.

Шошилинч ёрдам: bemор қорнининг (эпигастрал) юқори қисмига совуқ нарса (муз, қор, совуқ сувга шимдирилган мато) қўйиш, шошилинч ҳолатда bemорни турғизмай, замбилда касалхонага етказиш зарур.

### **Ўткир қорин бўшлиғига қон кетиши**

Бундай кўринишдаги қон кетиши бачадондан ташқарида ривожланган ҳомиладорликда, талоқ ва тухумдоннинг ёрилишида, қорин аортаси аневризмасининг ёрилиш ҳолатларида учрайди.

Асосан, қон кетишининг бу кўриниши бирон-бир жисмоний оғир зўриқишидан кейин тўсатдан камқувват, бош айланиши, кўз олди қоронfilaшиши, терининг оқариб, совуқ терга тушиши, томир уришининг кескин ортиши ва тана ҳароратининг тушиб кетиши, қон босимининг пастлиги ва қорин пардасининг яллиғланиши, яъни Шеткин–Блюмберг симптомининг кескин мусбатлиги кўрсаткичлари билан ифодаланади.

Кўп ҳолларда, бу bemорларда, оғриқ икки елкага, талоқ ёрилишида эса кўпроқ чап елкага бериши, диафрагма юзасининг қон билан қопланганлигидан юзага келади. Бундай bemорларда «Ванька–Встанька» симптоми мусбат бўлади, яъни bemор ўтроқ ёки яrim ўтирган ҳолатда ўзини яхши ҳис қилади, мажбурий горизонтал ҳолатга ўтганда, елка соҳасида оғриқнинг зўрайишини таъкидлайди ва зудлик билан ўтирган ҳолатга қайтади.

Бачадон ташқарисидаги ҳомиладорликда күп ҳолларда, ҳайз кўришнинг кечикканлиги кузатилади.

Аорта аневризмасининг ёрилиши аксар ҳолларда қари ва кекса кимсаларда учрайди.

Врачгача бўлган тез ёрдамда беморлардаги касаллик белгиларига асосланиб, (бачадон ташқарисидаги ҳомиладорликда ва уруғдоннинг ёрилишида), гинекология ва (талоқ ёрилиши ва аорта аневризмасининг ёрилишида) жарроҳлик бўлимига, қорин соҳасига совуқ қўйиб, замбилда ётқизилган ҳолатда олиб бориш шарт.

## **ҚОРИН ДЕВОРИ ВА ҚОРИН АЪЗОЛАРИНИНГ ШИКАСТЛАНИШИ**

### **Ёпиқ лат ейиш**

Бундай лат ейиш, асосан, ўтмас ва тўмтоқ нарсалар (мушт ва товон) зарбаларидан кейин келиб чиқади. Асосий белгилари: оғриқ, шиш, қонталаш ва қорайиш (гематома) билан чегараланади. Зарба кучли бўлган ҳолларда қорин девори мушакларининг ёрилиши ҳам кузатилади, унда юқоридаги клиник кўринишлар нисбатан оғир кетиши, гематоманинг кескин ўсиб бориши, юза соҳада «флуктуация» белгилари пайдо бўлиши мумкин.

Агарда ёпиқ лат ейишнинг оғир ҳолатлари кузатилса, паренхиматоз аъзолар (жигар, талоқ) ёрилса, унда қорин бўшлиғига қон кетиши белгилари намоён бўлади (бехосдан бемор рангининг оқариб кетиши, умумий қувватсизлик, уйқучанлик, оғиз қувиши, томир уришининг тезлашганлиги ва қон босимининг кескин тушиб бориши ва х. к.).

Биринчи тез ёрдам кўрсатиш вақтида беморни ётқизиб, унга тўлиқ тинчлик бериш керак. Корнига музли пуфак, агарда ички қон кетиши белгилари бўлса, шокка қарши шошилинч муолажалар – қон ва қон ўрнини босувчи суюқликлар қуиши керак.

Бундай ҳолатларда шуни унутмаслик керакки, беморларга оғриқни қолдирувчи морфин ва бошқа анальгетикларни қилиш тақиқланади, яъни оғриқни қолдирувчи бундай дори-дармонлар таъсири касаллик белгиларини аниқлашда баъзи бир чалкашликларга олиб келиши мумкин.

Ҳар қандай ҳолатда содир бўлган қорин деворининг лат ейиши билан мурожаат қилган bemorларни стационарга кузатиб, текшириш

учун ётқизиш шарт. Оғир ҳолларда беморларни шошилинч жаррохлик бўлимларига замбилга ётқизиб олиб бориш мақсадга муовификдир.

## **Очиқ жароҳатлар**

Қорин деворининг жароҳатлари қорин деворини тешиб ўтган (ошқозон, ичак тутқичи (чарви), жигар, талоқ ва ҳ.к. ) ва тешиб ўтмаган кўринишиларда бўлади.

Қорин бўшлигини тешиб ўтган жароҳатларда қорин бўшлиғи аъзоларидан биронтаси жароҳатланган бўлса, бу ҳолатларга қориндаги кучли оғриқ, қориннинг олдинги девори мускуллари таранглашганлиги ва қорин пардасининг яллиғланиш симптомларининг мусбатлиги мисол бўла олади.

Биринчи тиббий ёрдам кўрсатиш вақтида жароҳатларга бирламчи жарроҳлик ишлови берилади, агарда жароҳатдан қорин аъзолари чиқиб турган бўлса, уларни қорин бўшлиғига тўғрилаб, қайтадан жойлаштириш қатъиян ман қилинади, аксинча, бу аъзоларни стерилланган матолар билан ўраб, қуриб қолишининг олдини олиш чораларини кўриш тавсия қилинади.

Агар тешиб ўтган жароҳат белгилари аниқ бўлса, у ҳолда bemorga шошилинч оғриқни қолдирувчи дори-дармонлар (промедол, морфин) қилиниб, зудлик билан операция ўtkaziladi. Овқат ҳазм қилиш йўли аъзолари жароҳати борлиги гумон қилинганда bemorlariga сув ичиш қатъиян ман қилинади.

## **ҚОРИН БЎШЛИГИ АЪЗОЛАРИНИНГ КАСАЛЛИКЛАРИ**

Маълумки, ҳар бир жарроҳлик муассасаларида шошилинч чора кўришни талаб этадиган жами операцияларнинг 2/3 қисмини ташкил этадиган қорин бўшлигининг ўткир жарроҳлик касалликларига (ўткир аппендицит, ўткир холецистит, ошқозон ва ўн икки бармоқли ичак ярасининг тешилиши (перфорацияси), ошқозон ва ичаклар ярасидан қон кетиши, ичак тутилиши, ўткир панкреатит ва бошқа касалликлар битта «ўткир (хавфли) қорин» номи билан аталади.

Асосий клиник симптомлари қуйидагилардир:

1) қорин бўшлиғида тўсатдан бошланадиган оғриқ;

2) қорин пардасининг яллиғланиши, яъни қорин девори мусс-куларининг таранглашиши;

3) юрак-томирлар доирасидаги ўзгаришлар, шоккача бориши, овқат ҳазм қилиш доирасидаги дисфункционал ўзгаришлар (кўнгил айниш, қайт қилиш, қабзият бўлиши, ичак юришининг (перестальтика) тўхташи кабилар.

«Ўткир қорин» ташхиси гумон қилинган барча ҳолатларда, қисқа вақт ичида беморни замбилга ётқизиб, бош томонини бир оз кўтариб, оёқларини тиззасидан букиб, тагига ёстиқ қўйиб, шошилинч равишда яқинроқда жойлашган жарроҳлик бўлимига элтиш мақсадга мувофиқдир. Агарда беморда шок белгилари бўлса, мускул оралиғига юрак ва нафас аналептиклари (2 мл–10% ли кофеин ва 2 мл кардиамин) дори-дармонларини қилиш тавсия этилади. Қорин бўшлиғи аъзоларининг ўткир касалликлари ичида шошилинч, мунтазам равишда даволаш муолажаларига муҳтож касалликлардан бири бўлган ошқозон ва ўн икки бармоқли ичак яра касаллигини алоҳида кўрсатиш керак. Бу касалликни алоҳида таъкидлашимизга сабаб, у билан 8–10% дан кўпроқ эркаклар оғрийдилар ва асоратлари ҳам кўп учрайди. Бу касаллик асоратлари кутилмаганда касаллик ривожининг турли вақтларида, қолаверса, клиникаларда биринчи бор аниқланиши ҳам мумкин.

Ошқозон ва ўн икки бармоқли ичак ярасининг тешилиши (перфорация) бу касалликнинг энг катта ва энг хавфли асоратларидан бири саналади ва шошилинч жарроҳлик муолажаларини талаб этади.

Биринчи давр (перфорация бошлангандан сўнг 4–6 соат ичида) – бу вақтда тўсатдан «ханжар» санчилгандек кучли оғриқ қориннинг юқори қисмида бошланади, қориннинг олдинги девори мускуллари таранглашиб, тахтасимон қаттиқ ҳолатга ўтади. Айрим ҳолларда шок ҳолати кузатилади (бемор оқариб, совук терга тушади, брадикардия – томир уриши пасаяди, нафас олиши юзаки ва ҳ.к. ) тана ҳарорати бу вақтда меъёрида бўлади.

Иккинчи давр (тешилгандан кейин 6–12 соатгача) давом этади, бу вақтда ўткир шок белгилари йўқолиб, bemor ўзини бир оз яхши ҳис қилади, гоҳида эйфория – mast одамга ўхшаб алаҳсираши мумкин.

Аммо бу ҳолат «ёлғон» яхшиланиш вақти ҳисобланиб, бу вақтда қорин пардасининг яллиғланиши ривожланади.

Учинчи давр тешилишдан кейинги 12–18 соатни ўз ичига олади ва перитонит (қорин пардаси яллиғланиши)нинг маҳаллий ва умумий симптомлари буткул ривожланганлиги билан ифодаланади.

Касалликнинг умумий белгилари организмнинг умумий заҳарланиши (интоксикация) асосида ривожланади: тили қуруқ, оқ парда билан қопланган, тана ҳарорати кўтарилиган, томир уриши тезлашган, кўнгил айниши, қайт қилиш, айрим ҳолларда сийдик ажралишининг бузилиши (кўпинча тўхташи) кабилар. Касаллик ўтиб кетган ҳолларда bemорнинг юз ифодаси шунчалик нажот истаб турганга ўхшайдики, бу ифодага қараб ҳам bemорга перитонит ташхисини қўйиш мумкин. Юз ифодасининг бу кўринишига «Гип-поқрат юзи» дейилади, яъни юз ифодаси бир нуқтага қаратилган, кўзлари чўккан, кўзлари тагида қорамтири доғлар ҳосил бўлганлигини кузатиш мумкин. Бемор вақти-вақти билан алаҳсирайди ва оғир ҳолларда ҳушидан кетиш кузатилади.

Перетонитнинг асосий белгиларини ифодаловчи маҳаллий симптомлари: қориндаги кучли оғриқ, пайпаслагандаги оғриқлар, қорин мускулларининг таранглиги ва нафас олишда иштирок этмаслиги.

Ошқозон перфорациясида bemорни кутқариб қолишининг бирдан-бир чораси шошилинч жарроҳлик муолажаларига ҳамда муолажаларнинг қанча эрта бошланганлигига боғлиқдир. Шу қоидаларни қатъиян эсда тутиш шарт.

### **Ошқозон ярасидан қон кетиши**

Ошқозон ярасидан қон кетиши умумий қон кетишининг 15–20 % ни ташкил қиласи. Қон кетиш ўз вақтида қисман яширин ва ўткир (профуз) қон кетишлиарга бўлинади. Асосан, қон кетиш яра девори бузилиши билан бошланади.

Қисман (яширин) қон кетища 200 мл микдоргача қон кетган вақтда bemор қон кетганлигини пайқамаслиги мумкин. Бу ҳолларда кейинги куни bemор бир оз бекувватликни ва ахлатининг қорайиб чиқишини кузатиш билан англаши мумкин.

Профуз (кўп микдорда) қон кетища қон кетишига хос бўлган барча белгилар ўткир анемия (камқонлик) белгилари билан кечади. Бу ҳолда умумий дармонсизлик, танглиқ, тери рангининг кескин оқариб кетиши билан, қулоқлардаги шовқин, бош айланиши, кучсиз ва тез томир уриши, қон босими ва тана ҳароратининг тушиб кетиши каби белгилар билан кузатилади.

Бехосдан бошланадиган қонли қусиқ, асосан, «қуюқ қаҳва» рангида бўлади, бу ҳолат қоннинг тузли ишқорлари таъсирида гематин моддаси ҳосил бўлиш жараёни билан ифодаланади. Баъзан кучли қон кетиш бўлган ҳолларда қусикдаги қон қип-қизил, яъни тузли ишқор таъсир қилиб улгурмаганлиги сабабли ўз ҳолида ажралиши мумкин. Кетаётган қоннинг ичакларга тушган қисми эса қабзият билан қора тусда суюқ (мелана) ҳолда чиқади.

Шу ўринда таъкидлаб ўтиш керакки, қон кетиши нафақат яра касаллигидан, қолаверса, қизилўнгач веналарининг жигар циррозида кескин кенгайишида ҳам бўлиши мумкин.

Шифокорларгача бўлган тез ёрдам беморга берилган тинч ҳолат, қориннинг юқориги қисмига қўйилган музли пуфак, вена ичига 5–10 мл 10 % кальций хлорид эритмасини юбориш, мускул оралиғига 1–2 мл бир фоизли викасол эритмасини юбориш ва шошилинч равишда замбилда жарроҳлик бўлимига элтиш каби тадбирлардан иборатдир.

### **Қорин бўшлиғи аъзоларининг ўткир яллиғланиш касалликлари**

*Ўткир аппендицит* – кўричакдаги чувалчангсимон ўсимтанинг яллиғланишидир. Ўртacha бир йилда 250 та одамдан биттаси ўткир аппендицит билан оғрийди, бу эса тахминан «Ўткир қорин» касаллигининг 70 % ни ташкил қиласи. Асосан, ўткир аппендицит ёш ва ўрта ёш одамларда кўпроқ учрайди.

Ўткир аппендицит қоринда тўсатдан оғриқ тутиб қолиши билан бошланади. Бу касаллик, одатда, даракчиларсиз бошланаверади. Бир вақтнинг ўзида иштаҳа йўқолиши, оғиз қуриши, кўнгил айниши, қайт қилиш, кўпинча, бир марта, аммо овқат истеъмол қилиш билан боғлиқ бўлмаган ҳолда, тана ҳароратининг субфебрил ( $37,3\text{--}37,8^{\circ}\text{C}$ ) даражасига кўтарилиши, тахикардия бўлиши билан бошланади.

Маълум вақт ичидан оғриқ буткул қориннинг пастки ўнг қисмига ўтади. Қорин девори кузатилганда ўнг қисми нафас олишдан бир оз қолади, пайпаслагандан ва бошқа ҳар қандай ҳаракат вақтида бемор оғриқни ҳис қиласи.

Ўткир аппендицитни даволаш фақат жарроҳлик йўли билан чувалчангсимон ўсимтани кесиб олиш, аппендэктомия усулида бажарилади. Шунинг учун ҳамма вақт бундай беморлар жарроҳлик бўлимига шошилинч равишда келтирилиши шарт.

*Ўткир холецистит* – ўт пуфагининг ўткир яллиғланиши. Асосан, ўрта ва кекса ёшдаги одамларда учрайди, нисбатан аёлларда кўпроқ учрайди.

Касалликнинг клиник кечиши, асосан, бехосдан бошланадиган, ўнг қовурға ости соҳасидаги оғриқ билан бошланиб, bemорларда тана ҳароратининг  $38\text{--}39^{\circ}\text{C}$  га кўтарилиши, bemорнинг кўзида ва кўзга ташланадиган шиллик пардаларида пайдо бўладиган сариқлик билан кечади. Баъзи ҳолларда оғриқни ўнг қўлга, ўнг елкага узатилиш ҳолатлари билан ҳам кечиши мумкин.

Беморни текшириш жараёнида тахикардия (юракнинг тез уриши), қорин деворининг олдинги ва ўнг қовурға соҳаси мускуларининг таранглашганлиги кузатилади. Ўт пуфаги йирингли яллиғланган ва тешилган ҳолларда перитонит ривожланади, шунинг учун бундай bemорларни шошилинч жарроҳлик бўлимига жойлаштириш тавсия қилинади.

*Ўткир панкреатит* – ошқозон ости безининг яллиғланиши бўлиб, барча ўткир жарроҳлик касалликларининг 9–12 % ни ташкил этади, шу билан биргалиқда деструктив, яъни аъзо йиринглаб чиришига олиб келадиган ҳоллари 25–30 % гача боради, бундай пайларда эса ўлим 22–50 % гача боради. Кўпроқ 30–50 ёшдаги bemорларда учрайди. Касалликни келтириб чиқарувчи асосий омиллардан бири ёғли, аччиқ ва спиртли ичимликларни меъёридан кўп истеъмол қилишдир. Айрим ҳолларда ўт тош касалликлари билан оғриган bemорларда ҳам мойилликлар аниқланган.

Касалликнинг бошланиши бехосдан санчиқ билан, қорин юқори қисмидан бошланади. Оғриқ ҳаддан ташқари чидаб бўлмас даражада бўлиб, бошланиш нуктаси ошқозон ости безининг қайси қисми яллиғланишига боғлиқ. Дум қисми яллиғланганда қорин деворининг юқори чап қисмida, бош ва тана қисми ял-лиғланганда қориннинг юқориги ўрта қисмидан бошланади. Кўп ҳолларда оғриқ орқа, бел соҳаларига ва белбоғ шаклида тарқалган бўлиши мумкин. Айрим ҳолларда оғриқ, кўнгил айниши қайта-қайта қусиши ва қориннинг дамланиши ҳолатлари билан кечиши мумкин. Шулар билан биргалиқда, юрак-томир етишмовчилиги (коллапс) белгилари, тери рангининг оқариб кетиши, кўзга кўринар шиллик пардаларнинг кўкарганлиги, тахикардия, тана ҳароратининг пастлиги кузатилади.

Ўткир панкреатит билан оғриган bemорлар шошилинч шифохонага ётқизилиши ва жарроҳлик бўлимида даволаниши шарт.

*Ўткір ичак тутилиши* – ҳамма ёшдаги беморларда учраши мүмкін.

Ичак тутилиши – ичак бўйлаб унинг ичидаги массанинг бирон-бир сабабга кўра, ҳаракатининг вақтинчалик ёки батамом тўхташи билан таърифланадиган касалликдир. Ичак тутилишини икки: механик ва динамик кўринишда ўрганиш мүмкін.

Механик ичак тутилиши ўз вақтида бир неча сабабларга кўра бўлиши мүмкін – ўсма, ёт жисм, стеноз (торайиш), ичакнинг тугилиб қолиши, ичакларнинг бир-бирига ёпишиши ва уларнинг тиқилиши.

Динамик ичак тутилишида, ичакнинг бўйлама ва кўндаланг қисқарувчанлик хусусиятлари (перистальтикаси) бузилганлиги туфайли овқат луқмаси йўналишининг ичакларда бузилиши кузатилади. Бу турдаги ичак тутилиши қорин бўшлиғида амалга оширилган оғир операциялардан ва қорин бўшлиғи аъзоларининг шикастланишларидан кейин келиб чиқади.

Ичак тутилишининг асосий белгиларидан бири қориндаги оғриқ, санчиқлар, кўнгил айниши ва қайт қилиш (аввалига ейилган овқат, кейинчалик ўт суюклиги, сўнгра ахлат аралаш «ахлатли қайт» қилиш) кузатилади. Беморлар бундай ҳолларда ҳаракатсиз, дармонсиз бўладилар, тери ва шиллик пардалари оқимтири, қон босими нисбатан паст, тана ҳарорати пасайган ёки меъёрида бўлади. Қорин деворининг кўриниши ассиметрик (нотекис), bemорда кўзга кўринарли ичак ҳаракати вақтида (перистальтика) кучли оғриқ туфайли унинг чинқираб азобланиши кузатилади. Пайпаслаганда bemор қорнида кучли оғриқ ҳис қиласи, баъзан ичак тутилишида қорин деворида тугунларни, шишларни пайпаслаб аниқлаш мүмкін. Бу ҳолларда шошилинч чоралар кўрилмаса, қисқа вақт ичидаги одам организмининг заҳарланиш хавфи кузатилади. Ичак тутилиши бўлган ҳолларда bemорларни шифохонага келтириш ва лозим бўлса, оператив даво чораларини кечиктирмаслик даркор, аксинча, bemор хаёти хавф остида қолади.

## АЙИРУВ АЪЗОЛАРИНИНГ КАСАЛЛИКЛАРИ ВА ЖАРОҲАТЛАРИ

Бу аъзоларнинг ёпиқ шикастланишлари, асосан, кучли транспорт тўқнашишларида, юқоридан пастга йиқилишда, тос суякларининг синиши (сийдик ажратиш йўли)да кузатилиши мүмкін.

Очиқ шикастлар эса, асосан, бел ёки қовук усти соҳаларининг ёрилган, санчиб кесилган жароҳатларида учрайди.

Сийдик чиқариш аъзоларининг шикастланишлари ва жароҳатлари оғир, хавфли шикастлар ҳисобланиб, кўп ҳолларда травматик шокка олиб келади. Бўйрак шикастланганда эса бел соҳасида қаттиқ оғриқ, буйрак олди ёғ қобигида қон тўпланиши ва сийдикдан қон ажралиб чиқиши (гематома, гематурия) кузатилади, гоҳида шу жароҳатлар орқали сийдик ажралиб туриши ҳам мумкин. Бундан ташқари, сийдик пуфаги ва йўллари жароҳатида сийдик ажралишининг вақтингчалик ёки бутунлай тўхташи кузатилади.

Сийдик қопини ва сийдик чиқариш аъзолари шикастланишларида юқоридаги белгилардан ташқари, кўп ҳолларда, сийдикнинг қорин бўшлиғида йиғилиш хавфи ҳам кўп учраб туради ва бу ҳолат сийдикли перетонит ва инфильтратга олиб келади.

Биринчи ёрдам: жароҳат соҳасига яхшилаб спирт ва йод билан бирламчи ишлов берилгандан кейин, асептик боғлам қўйиб, шошилинч замбилда ётқизилган ҳолда шокка қарши чора-тадбирларни қўллаб, зудлик билан жарроҳлик, яхшиси маҳсус урология бўлимларига элтиш мақсадга мувофиқдир.

### **Сийдик чиқариш аъзолари касалликлари**

Бу касалликларни иккига бўлиб ўрганиш мумкин: яллиғланиш туфайли келиб чиқадиган (пиелит, цистит, паранефрит) ва яллиғланишга хос бўлмаган (буйрак тош касаллиги) касалликлар.

Буйрак тош касаллиги: адабиётларнинг хабар беришича, буйрак тош касаллиги умумий жарроҳлик касалликларининг 16 % ни ташкил қиласи. Айни вақтгача тош ҳосил бўлиш жараёни тўлиқ очилган бўлмаса-да, баъзи сабаблари аниқланган. Буларга витаминлар етишмовчилиги (авитаминоз), буйрак ва суяқ системалари шикастланишлари, сийдик йўллари инфекциялари, ишқор ва асослар тенглигининг йўқолиши, иссик иқлим шароити, экологик кўрсаткичлар киради. Кимёвий тузилишига караб, тошлар, уратлар, оксолатлар, фосфатлар ва бошқа турларга бўлинади. Тошларнинг буйрак ва сийдик йўлларининг шиллик пардаларида силжишидан буйрак жоми ва сийдик йўллари мускуларининг торайиши (спазм) пайдо бўлади.

Асосан, санчиқ ва оғриқлар тош ёки қумларининг буйракдан чиқиб, сийдик йўлларида силжиши вақтида кучли бўлади. Бундай

ҳолларда сийдикнинг чиқиши қийинлашиб, бўйрак жомлари ва қобиғини катта босим остида кенгайтириб, оғриқнинг яна ҳам зўрайиб кетишига олиб келади. Бўйрак санчиғи тўлиқ бемор хотиржамлигига, бирдан бошланиб, оғриқ XII қовурға ёки қорин соҳасига узатилиши мумкин. Бундай санчиқсимон оғриқлар бир неча дақиқалардан то бир неча соатларгача чўзилиши мумкин. Кўп ҳолларда, оғриқлар сийдик чиқариш йўллари, сийдик пуфаги, сон соҳалари ва жинсий аъзолар атрофида ҳам бўлиши мумкин. Сийдикда қон аниқланиши буйрак санчиғининг доимий кўрсаткичлари ҳисобланади. Айрим ҳолларда сийдик билан тошларнинг тушиши 15 % гача учрайди.

Буйрак тош касалликларини даволаш консерватив ва жарроҳлик йўли билан бўлиши мумкин.

Биринчи ёрдам: бундай беморларга бел соҳасига иссиқ қўйиш, иссиқ ванналар, атропин, оғриқ қолдирувчи дори-дармонлар ва кўп миқдорда суюқлик ичириш муолажалари тавсия этилади.

Юқоридаги муолажалар кўп ҳолларда санчиқларни қолдиришда катта ёрдам беради. Жарроҳлик муолажалари, асосан, тез-тез бўладиган санчиқлар, сийдик йўлларига тошлар тиқилиб қолганда, уларни олиб ташлаш ва айрим ҳолларда буйракни олиб ташлаш турлари қўлланилади. Охирги вақтларда, тошларни ультратовуш нурлари билан парчалаш йўли орқали – операциясиз, табиий йўллар орқали тошлар ажратиб олинмоқда.

## **ЎТКИР ЮРАК-ТОМИР КАСАЛЛИКЛАРИ ВА БРОНХИАЛ АСТМАДА БИРИНЧИ ТИББИЙ ЁРДАМ**

Юрак ишемик касаллиги (ЮИК) йиғма тушунча бўлиб, унинг асосида юрак тож артерияларидаги қон оқиши ва тўқималардаги энергетик эҳтиёж ўртасида мувозанатнинг бузилиши натижасида келиб чиқадиган юрак мускули касаллиги ётади. ЮИК юзага келгач, кўпинча, сурункали характер касб этади, бунга тож артерияларида атеросклерознинг жадаллашиши сабаб бўлади. Маълум босқичларда у ўткир кечишига ўтиши, баъзан бирламчи инфаркт ёки турғун бўлмаган стенокардия хасталигини келтириб чиқариши мумкин. Агар касаллик кечиши яхши томонга ўзгарса, турғун стенокардия кўринишида у яна ЮИКнинг сурункали шаклига ўтади.

ЮИК АҚШ, Европа мамлакатлари, Япония каби индустрисал ривожланган мамлакатларда кенг тарқалган. Кўпроқ 40–66 ёшдаги

эркаклар касалланиб, уларнинг 23,4% да ЮИК нинг оғриқсиз шакллари кузатилади. Бундай кишилар шифокорларга мурожаат қилишмайди, шу сабабли, уларда миокард инфаркти кўп учрайди. ЮИК натижасида ҳар йили 5,4 дан 11,3% гача ўлим юз бериши аниқланган. Юрак-томир касаллигидан келиб чиқадиган ҳамма ўлимларнинг 53% ЮИК га тўғри келади. В. Lawn (1980 й) маълумотларига кўра, АҚШ да ҳар куни тўсатдан 1200 киши вафот этиб, уларнинг 75% ёриб кўрилганда, ЮИК белгилари мавжуд бўлган. ЮИК Ўзбекистонда 8% дан 15,5% гача тарқалганлиги маълум.

ЮИК патогенезида 3 та асосий жараён муҳим ўрин тутади:

- 1) липопротеид спектрининг бузилиши;
- 2) липопротеид ташувчи апо-В нинг артерия интима қаватига тушиши;
- 3) артериянинг интима қавати ҳужайраларида қондаги липопротеидларнинг бошқарилмайдиган тарзда ушланиб қолиши.

Бундан ташқари, қуйидагилар катта аҳамият касб этади:

- тож томирлар тромбози;
- тож томирлар спазми;
- микроциркуляциянинг издан чиқиши ва қон ёпишқоқлигининг ортиши. Бу омиллар миокард ишемиясини чукурлаштиради.

ЮИК нинг ривожланиш механизмидаги хатарли омилларга:

- а) гиперхолестеринемия;
- б) модда алмасинишининг бузилишлари (қандли диабет, подагра);
- в) артериал гипертензия;
- г) чекиш;
- д) гиподинамия;
- е) семириш;
- ё) асад ва ҳиссиётнинг толиқишилари ва бошқалар киради.

ЮИК нинг қуйидаги турлари тафовутланади:

- тўсатдан бўладиган коронар ўлим;
- стенокардия;
- миокард инфаркти;
- кардиосклероз;
- хос бўлмаган кўринишлар.

*Стенокардия* («кўкракнинг сиқилиши») – қайталаниб турувчи, сиқувчи, санчиқли, ғижимловчи, кўкрак орқасида ҳосил бўлувчи

оғриқлар билан характерланади. Бундай оғриқлар, күпинча, жисмоний зўриқиши, ҳиссиётга берилиш ва баъзан осойишталик ҳолатларида ҳам келиб чиқади.

Оғриқ, асосан, чап елкага, кўкрак, бўйин, пастки жағ ва тишларга узатилади. Айни пайтда бемор нафас олишга қийналади, хавотирга тушади, ҳаракатини тўхтатиб, оғриқ ўтгунча қимирламай қотиб туради.

Кекса ёшли касалларда оғриқни сезиш камроқ юз бериб, касалликнинг клиник белгилари нафас олишнинг қийинлашиши, бирданига ҳаво етишмай қолиши ва кучли дармонсизлик билан кечади.

Муҳим ташхисий белгиларидан бири тил остига нитроглицерин қўйгач, оғриқнинг тўла тўхташи ва шунингдек, келтириб чиқарувчи омилларнинг бартараф этилишидан кейин оғриқнинг тўхташи ҳисобланади. Оғриқ одатда бир неча минут давом этади.

#### ***Кечиктириб бўлмайдиган ёрдам:***

1) тўлиқ жисмоний ва руҳий тинчликни таъминлаш;  
2) тил остига 1 – 2 дона нитроглицерин дорисини қўйиши;  
3) томирга ёки мускул орасига 50% ли анальгин эритмасидан 2 мл, 2% ли промедолдан 1 мл ва 1% ли димедрол эритмасидан 1 мл юбориш керак. Агар бу дорилар вена ичига юбориладиган бўлса, аралашма 10 мл 0,9% ли натрий хлорид эритмасида суюлтирилади;

4) кучли ифодаланган руҳий безовталикада ёки етарли натижа бўлмаган тақдирда оксигенотерапия (кислород билан нафас олдириш)ни қўллаш мумкин. Транспортировка касалнинг ҳолатидан қатъи назар, замбилда амалга оширилиши керак.

Ҳаракат тактикаси касалнинг тож артерияларидаги қон айланишининг қай даражада бўлганлигини ва тўсатдан ўлим келиб чиқиши имкониятини аниқлаш билан белгиланади. Жамоат жойларида ва кўчаларда bemorni шифохонанинг қабул бўлимларига, ҳатто оғриқ қолган тақдирда ҳам, текшириш учун олиб келиш керак.

#### ***Қуйидаги ҳолатларда:***

1) оғриқ 30 минутдан кўп муддатга давом этса;  
2) хуруж касалнинг ҳаётида биринчи марта юзага келса;  
3) нитроглицирин оғриқни қолдирмаса;  
4) оғриқ хуружлари бўғилиш, аритмия, ҳушни йўқотиш билан давом этса, маҳсус тез ёрдам бригадаси чақирилади. Чунки бу ҳолатларни нотурғун стенокардия ёки миокард инфарктининг дастлабки ҳолати деб баҳолаш керак.

Тўхтовсиз ёрдам кўрсатишнинг вазифаси оғриқсизлантириш ва миокард инфарктининг ҳамда энг хавфли асоратларнинг олдини олишга қаратилади.

Бунинг учун қуидаги терапия қўлланилади:

- а) тўлиқ тинч ҳолатни яратиш;
- б) узоқ вақт давомида нитроглициринни қабул қилиш – 2 та таблеткадан тил остига ҳар 15 минутда (агар артериал қон босими жуда пасайган бўлса, нитроглицинни бериб бўлмайди);
- в) тезда қон ивишига қарши воситалар қўллаш – вена ичига 10000 ДБ гепарин юборилади;
- г) артериал босими юкори бўлса, пентамин юборилади;
- д) сийдик ҳайдовчи препаратлар – лазикс ёки фурасемид 1–2 та таблеткадан тавсия этилади.
- е) миокардда кислородга эҳтиёжни кучайтирувчи препаратларни (строфантин, эуфиллин, платифиллин) иложи борича, бермаслик керак.

Биринчи тиббий ёрдам қаерда кўрсатилишидан қатъи назар, инфаркт олди ҳолатидаги касал тезда маҳсус ихтисослаштирилган кардиологик бўлимга ётқизилиши керак.

*Ўткир миокард инфаркти (ЎМИ)* ЮИКнинг оғир кўринишларидан бири ҳисобланади. Миокард инфаркти – бу некроз, юрак мускуларининг маълум қисми ўлишидир. У билан бирга кўплаб орган ва тизимларнинг функцияларида бузилишлар юзага келади.

Миокард инфарктининг кўпроқ кузатиладиган вариантилари – ангиноз (оғриқли), астматик ва гастралгик (абдоминал) ҳисобланади.

Ангинозли вариантида кучли ифодаланган оғриқ синдромлари узоқ давом этиб, ҳатто кучли оғриқсизлантирувчи дорилар ҳам уни қолдира олмайди, оғриқ турли томонларга узатилади. Кўп ҳолларда вегетатив бузилишлар билан биргаликда кечади: кўнгил айниши, қусишиб, ўлим хавфидан қўрқишиб, совуқ тер босиши кузатилади.

Астматик варианти қўпроқ аввалда миокард инфаркти ўтказган қари ёшдаги bemорларда кузатилади. Юрак астмаси хуружи ва ўпка шиши билан характерланади.

Гастралгик (абдоминал) варианти – эпигастрал соҳада ва тўш суюги орқасида ифодаланган оғриқ, шунингдек кўнгил айниши ва қусишиб билан кечади. Динамик ичак тутилиши белгилари кузатилиши мумкин. Миокард инфаркти ташхиси госпитализация қилин-

гунга қадар беморни сўраб-сурештириш, текшириб кўриш ва ЭКГ асосида қўйилади.

Аммо миокард инфарктига шубҳаланиш ва bemorга бирламчи тиббий ёрдам кўрсатишни ҳар бир ички ишлар ходими билиши ва бажара олиши лозим. Миокард инфаркти билан оғриган ҳамма bemorлар шифохонага ётқизилиши шарт.

***Воқеа содир бўлган жойдаги кечиктириб бўлмайдиган ёрдам:***

- оғриқсизлантириш – наркотик анальгетиклар (промедол, морфин 1 мл томирга)+димедрол 1% – 1 мл, фентанил 0,005% – 1–2 мл+дроперидол 0,95% – 1мл;
- ритм бузилишларини даволаш ва олдини олиш – лидокаин 10% – 1-2 мл;
- антикоагулянтлар юбориш – томир ичига ёки тери остига 10–15000 ДБ гепарин юборилади.
- системик артериал босим 70 мм симоб устунидан пастга тушса, томир ичига реополиглюкин ёки полиглюкин юборилади.

Ўткир ишемик касалликнинг кўп асоратлари касалликнинг биринчи кунида юзага келади. Кўпинча, бу асоратлар нафақат касаллик прогнози, балки bemornинг ҳаётига бевосита хавф туғдиради.

Кўп ҳолларда қон айланишининг бирданига тўхтаб қолиши bemor касалхонага ётқизилгунга қадар юзага келади. Бунга кўпроқ юрак ритмининг ўткир бузилиши – фибриляция (юрак қоринчаларининг фибриляцияси) сабабчи бўлади. Фибриляциядан олдин жуда кучли оғриқ хуружи бўлади, артериал босим қўтарилади.

Қон айланишининг тўсатдан тўхтаб қолишида ҳуш йўқотилади, бош миянинг фаолияти бузилади. Бош мияда қон айланиши тўхтагандан сўнг 3–5 минут ўтгач, ортга қайтмайдиган ўзгаришлар келиб чиқади. Бу минутлар ичida бош мия функциялари босқичмабосқич бузилади. Қон айланиши тўхтагач, 10 секундан кейин ҳуш йўқолади ва клоник ҳамда тоник талвасалар бошланади.

Тери қопламининг кескин оқариши ривожланади. Бўйиннинг иирик артерияларида пульс йўқолади. 20–30 минутдан кейин нафас бузилади, аста-секин онда-сонда чукур нафас оладиган – «балиқ нафаси» бўлиб қолади. Қон айланиши тўхтагандан кейин 1–2 минут ўтгач, нафас олиш тўхтайди, яна 30–60 секунд ўтгач, кўз қорачиклари кенгаяди. Клиник даврида кўз қорачиклари реанимацион чоратадбирларга нисбатан қисқариш хусусиятини сақлаб туради. Бу нарсанинг йўқолиши бош миянинг қайтмас биологик ўлимга учраганлигидан гувоҳлик беради.

Шундай қилиб, клиник ўлим – бу эффектив қон айланишининг ҳамма белгиларининг йўқлигидир (хуш йўқолган, йирик артерияларда пульс йўқ, қон босими ва нафас аниқланмайди). Бу даврда миядаги ўзгаришларни ортга қайтариш мумкин. Ўртacha бу вақт қон айланиши тўхтагандан кейин 3 минут давом этади. Бу ҳолат тўсатдан юз берган ўлим тушунчаси билан бир хилда эмас. У нарса қон айланишининг тўхташ сабаблари тўғрисида маълумот беради, лекин миядаги метаболизм бузилишлари чуқурлиги тўғрисида маълумот бермайди.

Инфаркт билан касалланган беморга фақат стационар шароитлардагина максимал самарали даволаш мумкин. Беморда оғриқ хуржи бошлангандан кейин эртароқ уни транспортировка қилиш кечикиб транспортировка қилишга қараганда хавфсизроқ. Миокард инфаркти билан оғриган беморни кардиоген шок, ўпка шиши бор ёки аритмоген коллапс вақтида транспортировка қилиш мумкин эмас.

Лекин бу қаршиликлар нисбий бўлиб, агар бутун транспортировка давомида тўхтовсиз дори юбориш таъминланса ва керакли бўлган тирилтириш ёрдамини кўрсатадиган ускуналар мавжуд бўлса, касални зудлик билан эвакуация қилиш керак. Адекват оғриқсизлантиришга эришилгач, касални транспортировка қилишга бўлган монеликлар камдан-кам ҳолатларда сақланиб қолади.

## Юрак ритмининг ўткир бузилишлари

Юракнинг энг муҳим функцияларидан бири автоматизм функциясидир, бошқача қилиб айтганда, частотали электрик импульслар ишлаб чиқариш қобилияти бўлиб, у организм эҳтиёжларига мос келиши керак. Юракнинг махсус тузилмалари электр импульсини маълум тезликда ўтказиш қобилиятига эга бўлиб, норма бўйича одамда тўғри синусли ритм сақланганда минутига 60–90 та юрак уришини ташкил этади. Қандайдир сабаблар билан юракнинг ўтказувчи тизимида нормал функцияning бузилишларида узилишлар келиб чиқади ва бу нарса аритмия деб аталади.

Экстросистолия – юракнинг муддатидан аввал қисқариши. Экстросистолия мавжудлигини пульсни ва юракни текшириб аниқлаш мумкин. Касал ўзини худди юраги тўхтаб қолгандек ҳис қиласди ва ундан кейин кучли туртки сезади. Узилишлар узоқ давом этса, бош айланиши, мадорсизлик, кўришнинг хиралашиши (кўз олди коронгилашиши, кўнгил айниши) кузатилади.

Қатъий ташхис ЭКГ асосида қўйилади.

**Кечиктириб бўлмайдиган ёрдам:** кўпчилик ҳолларда экстро-системия учун шошилинч даво талаб қилинмайди, узоқ ва тез-тез кузатиладиган хуружларда касални шифохонага юбориш керак. Агар экстросистемия миокард инфаркти гипертоник криз фонида юзага келиб, турғун аҳамият касб этса, қуйидаги чора-тадбирларни қўллаш керак:

- 1) маҳсус кардиологик бригада ёки «тез ёрдам» машинасини чақириш лозим;
- 2) ичишга 50-80 томчи валокардин ёки 50-80 томчи корвалол берилади;
- 3) беморни замбилга ётқизиб, кардиологик стационарга ётқизиш учун жўнатилади.

*Тебранма аритмия* амалиётда анча кўп учрайди. Доимий, кўпдан давом этиб келаётган ва пароксизмал, кутилмагандаги хуруж кўринишида юзага келадиган турлари фарқланади. Касаллик юракнинг тартибсиз қисқариш фаолияти билан характерланиб, пульс аритмияси, унинг нотекис тўлиқлиги ва дефицити билан ифодаланади. Ташхис ЭКГ текширишлари билан тасдиқланади.

**Кечиктириб бўлмайдиган ёрдам:**

- а) bemorga tez ёrdam kўrsatiш учун maҳsус karдиologik briгадани chaқiriш va uni tezlik bilan kasalxonaga ёtқiziш kerak;
- б) юрак гликозидлари беришни бошлаш лозим: строфантиннинг 0,05% ли эритмасидан 0,5 ml ni 10 ml fiziologik эритмада эритиб, томирга юборилади;
- в) 10 ml panangin томир ichiga юборилади;
- г) кордарон 2–4 ml томир ichiga берилади.

*Пароксизмал тахикардия* тўсатдан юзага келади. Хуружлар 10–15 минутгача давом этади. Юрак қисқаришларининг сони минутига 200–220 тагача етади.

Бундай тахикардиянинг хавфи шундаки, юрак қисқаришларининг сони жуда катта бўлганлиги учун юрак бўлмачалари қонга яхши тўлмайди, шу сабабли юракнинг томирларга ташлаётган қон ҳажми кескин камайиб кетади. Юрак етишмовчилиги белгилари юзага келади. Бундай ҳолларда bemорда tez ва кичик пульс аниқланади, артериал босим жуда пасайиб кетади.

**Кечиктириб бўлмайдиган ёрдам:**

- tezlikda «адашган нерв синамаси»ни қуйидагicha қўллаш мумкин: а) кўз олмасига босиш; б) bemорга кучанишни тавсия қилиш; в) сунъий қусишни chaқiriш;

- дори-дармонлардан: а) физиологик эритмада эритилган 0,05%
- 0,5 мл строфантинни томирга юбориш; б) бетта-блокаторни (обзидин, анаприлин) тил остига қўйиш; в) новакайнамиддан 10 мл 10% ли эритмасини 10 мл физиологик эритмага қўшиб томирга юбориш (бўлиб-бўлиб 2 мл дан, ҳар бир дори юборилгач, артериал босим назорат қилиб турилади).

## Юрак ўтказувчанлигининг бузилишлари

Электр импульсининг юрак бўйлаб тарқалиши қатъий қонуният бўйича амалга оширилади. Бу нарсанинг бузилиши ўтказувчанликнинг блокадаланиши билан юзага келади, унинг қисман (одатдаги йўл билан секинроқ ўтади) ва тўлиқ (импульс ўз йўлидан ўтолмай, айланиб ўтишга мажбур бўлади) бузилиши кузатилади. Ўтказувчанликнинг бу бузилишлари турли касаллик ва ҳолатларда кузатилиши мумкин. Кўпроқ бу нарсалар тож томирлардаги қон айланишининг бузилишлари ва юракнинг яллиғланишларида хавфлироқ бўлади. Клиник жиҳатдан юрак бўлмачалари ва қоринчалари ўтказувчанлигининг бузилишлари – атриовентрикуляр блокадалар хавфлироқ ҳисобланади. Блокаданинг З та босқичи фарқланади.

1-босқичдаги ўзгаришларни фақат ЭКГда аниқлаш мумкин. Клиник жиҳатдан у ўзини намоён этмайди ва маҳсус даволашни талаб қилмайди.

2-босқичдаги атриовентрикуляр блокадада пульснинг камайиши аниқланади. ЭКГ текширишларида қаттиқ чизиқнинг даврий структура ўзгаришлари қоринчалар қисқаришларининг тушиб қолиши кўринишида, пульс тўлқинларининг даврий йўқолишида намоён бўлади.

Кечиктириб бўлмайдиган ёрдам сифатида венага 1 мл 0,1% атропин эритмаси, тил остига 1 дона изадрин таблеткаси, мускул орасига 1 мл 1% ли мезатон эритмаси, 60 мг преднизалон ёки 250 мг гидрокортизон, 60 мг лазикс юборилади.

Атриовентрикуляр блокаданинг З-даражаси жуда хавфли бўлиб (тўлиқ блокада), ЭКГ да юрак бўлмачалари ва қоринчаларининг номутаносиб ишлаётганлиги кўринади. Клиник жиҳатдан бундай касалларда пульснинг минутига 60 тадан камлиги кузатилади. Пульс қанча кам бўлса, юрак етишмовчилиги шунча кучли ифодаланган бўлади. Блокаданинг учинчи даражасида даврий равишда Моргани – Адамс – Стокс хуружлари намоён бўлиб, бунда бирданига bemorда

хушни йўқотиши, талвасага тушиш, нафас олишнинг бузилишлари кузатилади. Бу ҳолатлар қон айланишининг самарали бузилишлари даврий юзага келиб туриши сабабли доимий эҳтиёткорликда бўлишни, тирилтириш чораларини қўллашни талаб қиласди.

Атриовентрикуляр блокаданинг 3 – даражасида энг самарали даво бўлиб электрли кардиостимуляция ҳисобланади. Дори-дармон билан даволаш, одатда, яхши натижа бермайди.

Атриовентрикуляр блокаданинг 2- ва 3-даражалари билан оғриган bemорлар, албатта, аритмияни даволаш учун маҳсус бўлимларга ётқизилади.

## Ўткир юрак-томир етишмовчиликлари

Кардиоген шокнинг қуйидаги турлари фарқланади:

- а) рефлектор (оғрикли);
- б) ҳақиқий;
- в) эректил;
- г) аритмик;
- д) миокарднинг ёрилиб кетиши натижасидаги шок.

Рефлектор шокдаги оғриқ синдроми рефлектор минтақаларни кўзғатиб, периферик қон томирларнинг кенгайиши ҳисобига артериал босимнинг пасайишига олиб келади. Баъзан артериал босимнинг пасайиши олдидан унинг кўтарилиш фазаси кузатилади. Агар оғриқ тўхтатилгач, артериал босим меъёрига қайтса, бу нарса рефлектор шок ташхисини тасдиқловчи мезон ҳисобланади. Кардиоген шок ташхиси ЭКГ да ўзига хос белгилар бўлганда ва миокард инфарктининг клиник белгилари юзага келганда қўйилади: норматониклар учун систолик артериал босим 80 мм симоб устунидан ва гипертония касали бор bemорлар учун 90 мм симоб устунидан пасая бошласа, тана ҳароратининг пасайиши ва тери қопламларининг намлиги, олигурия (анурия), шунингдек, вазорецептор препаратларнинг (мезатон, норадреналин) вена ичига бир марта юборилиши натижа бермаганда. Бу белгилар кардиоген шокнинг ҳақиқий шаклига кўпроқ тегишлидир.

Аритмоген (аритмик) шокда у пароксизмал тахикардия, тебранма тахиаритмия, тўлиқ атриовентрикуляр блокада, қон айланишининг минутлик ҳажми қисқариши билан боғлиқ артериал босимнинг пасайиши, периферик қон томирларнинг компенсацияланувчи қисқаришлари оқибатида келиб чиқади. Шокнинг бу

кўринишлари ритмнинг пароксизмал бузилишлари ва юрак блокадасида миокард инфарктисиз ривожланади. Юрак ритми тикланса, артериал босим стабиллашади ва шок белгилари йўқолади. Юрак миокардининг ёрилиши (коринчалар ўртасидаги деворнинг ёрилиши ёки миокард ташки деворининг ёрилиши) натижасидаги шок жуда кам кузатилади.

## **Юрак чап қоринчасидаги ўткир етишмовчилик**

Ўпка шишишининг клиник кўриниши анча ифодаланган нафас қисилишлари кўкракнинг юрак олд чўққиси қисмида, жуда ифодаланган нафаснинг хириллаши, тери ва лабларнинг сезиларли кўкаришлари билан кечади.

Юрак астмасида нафас қисилишлари анча кучли бўлса, хириллаш бўлмаслиги ёки орқа пастки бўлмаларда кучсиз хириллашлар бўлиши мумкин. Ўпка шиши артериал босимнинг турли дараражалида ривожланиши мумкин, аммо, кўпинча, артериал гипертензияда кузатилади.

Агар артериал босим паст бўлса ва кардиоген шок билан бирга келса, натижа анча хавфли бўлиши мумкин.

Кечикириб бўлмайдиган ёрдам миокарднинг ўткир инфарктида тез тиббий ёрдам кўрсатиш бир қатор бир-бирига ўхшаш чоратадбирлардан ташкил топади: оғриқсизлантириш, ритм бузилишларини даволаш ва юрак ўтказувчанлиги бузилишларини тиклаш; антикоагулянтлар, фибринолитиклар ва антиагрегантлар юбориш; артериал босимни меъёрлаштириш, қон айланиши бузилишларини корекциялаш; босқичма-босқич даволашни такомиллаштириш ва беморни стационарга жўнатиши.

Беморни касалхонага олиб боргунча бўлган босқичда оғриқни қолдириш энг муҳим ёрдам бўлиб ҳисобланади. Қон айланиши бузилмаган ҳолда оғриқ унча кучли бўлмаса, наркотик анальгетикларни (промедол, омнапон ёки морфин – 1 мл вена ичига) юбориш мумкин. Одатда, бу препаратлар антигистамин препаратлари билан аралаштирилиб (1 мл 1% ли димедрол эритмаси, 1–2 мл 2,5% ли пипольфен) берилади (наркотик моддалар таъсирида келиб чиқадиган кўнгил айниши ва қусишининг олдини олади).

Анча ифодаланган оғриқ, хусусан, гемодинамика бузилишлари мавжуд (гипотензия, коллапс) бўлганда нейролептанальгезия усули қўлланилади. Бунда наркотик анальгетиклар (1 мл 1% ли морфин

эритмаси, 1–2 мл 0,005% ли фентанил эритмаси) нейролептик воситалар билан биргаликда (дроперидол – 0,25% ли 1–4 мл эритма) томирга юборилади. Препаратларнинг дозалари клиник маълумотлар ҳисобга олинган ҳолда танланади (беморнинг ёши, мия томирларида атересклерознинг ифодаланганинига, нафас функциясининг бузилиш даражалари, гемодинамиканинг бузилишлари мавжудлиги). Наркотик воситалар қаторига кирувчи моддалар нафасни бузишини ҳисобга олиб, унинг дозаси индивидуал танланади. Миокард инфаркти билан оғриган bemorрга юқорида келтирилган фикрлар бефарқ эмаслигини ҳисобга олиб, бу препаратларни бўлиб-бўлиб бериш усули қўлланилади.

Наркотик моддалар нафасни сўндирувчи заарли таъсир кўрсатгудек бўлса, оғриқсизлантириш учун бошқа вариант қўллаш керак бўлади (глюкоза-новакайн аралашмаси – 20 мл 5% ли новакайн ва 100 мл 5% ли глюкоза аралашмасини томчи усулида юбориш), азот икки оксиди ва кислород аралашмасини АН-8 аппарати ёрдамида ингаляция қилиш (аввал тоза кислороддан 2–3 минут давомида нафас олдириб, аста-секин азот икки оксидининг қонцентрацияси орттирилиб борилади ва у 80 % га етказилади, эфектга эришилгач, кислород ва азот икки оксидининг нисбати 1:1 қилиб нафас берилади).

Кейинги вақтларда оғриқсизлантиришнинг янги усули – электроаналгезиядан фойдаланилмоқда, бу нарсага фентанилнинг унча катта бўлмаган дозаси (0,5–1,0 мл 0,005% ли эритма) ва частотаси 1000–1500 Гц бўлган электрик импульслар (ток кучи 1,5–3 мА) электроаналгезия аппарати ёрдамида эришиллади. Бу нарса ёрдамида эфектив оғриқсизлантириш bemorни транспортировкалаш ва кейинчалик даволаш вақтида ҳам 2–3 соат давомида узайтириш мумкин.

Нафас олиш функциялари бузилган bemorларда ирова стимуляцияси қўлланилади (даволовчи ходимнинг оғзаки буйруғи билан нафас олиш).

Кардиоген шоқда даволашни оғриқ синдромини йўқотишдан бошлаш керак. 10–15 минут ичидаги гемодинамик эфект бўлмаса, кардиоген шоқда эса систолик (70 мм симоб устунидан) ва пульс босимлари (15 мм симоб устунидан) паст бўлса, реополюглюкин ёки полиглюкин, вазопрессорлар, стероид гармонлар юбориш керак бўлади. Кислота-ишқор мувозанатини сақлаш учун 2–4% ли бикарбонат натрий эритмаси (200–400 мл) юборилади.

Миокард инфарктининг ўткир даврида томир ичига антикоагулянталар ва фибринолитиклар (тез оқим билан 10 000 – 15 000 ДБ гепарин; томчи билан 60 000–90 000 ДБ фибринолизинни 300–500 мл 0,9% ли натрий хлорид эритмасида) ёки 500 000– 750 000 ДБ стрептокиназа авелизини (стрептазалар) 250–300 мл физиологик эритмада эритиб юборилади.

Ўткир миокард инфаркти билан оғриган ҳамма беморлар интенсив терапия палатасига ёки реанимация бўлимига ётқизилиши, бемор бевосита кардиолог врача топширилиши керак.

## **Артериал гипертония**

Гипертоник криз артериал босимнинг тўсатдан қўтарилиши ва асаб-қон томир тизимида гормонал ва гуморал бузилишлар билан характерланади. Криз гипертония касалининг ҳамма босқичларида ва симптоматик гипертонияларда (ўткир ва сурункали гломерулонефрит, пиелонефрит, феохромацитома, нефропатия, мия ўсмалари ва б.) кузатилиши мумкин. Кўпчилик касалларда криз юрак-томир тизимининг марказий асаб тизими орқали бошқарилиш механизmlарининг бузилишлари ва артериал босим мавжудлиги асосида келиб чиқади.

Криз ҳолатига олиб келадиган бевосита омиллар қўйидагилар хисобланади: руҳий эмоционал стрессли вазиятлар, жисмоний зўриқиши, марказий асаб тизимининг гипоксияси (миянинг ортостатик гипоксияси, ҳавоси бузилган биноларда бўлиш ва б.); атмосфера ва физик омиллар таъсирида (атмосфера босимининг кескин ўзгаришлари, ҳаво намлигининг ортиши ва ҳароратнинг пасайиши, қуёш радиацияси фаоллигининг ўзгаришлари, атмосфера ҳавосининг ифлосланишлари, вибрация, электромагнит нурланишлари ва б.); гипотензив дори-дармонларнинг бирданига тўхтатиб қўйилиши (гемитон, допегит ва б.).

*Клиник қўриниши.* Гипертоник криз церебрал, кардиал ва вегетатив характерга эга бўлган бузилишлар билан намоён бўлади. Таҳхис беморнинг бош оғриғига (пульсланувчи ва доимий), бош айланиши, шунингдек, церебрал симптоматик белгиларнинг – кўнгил айниши, қусиш, қўриш функцияларининг бузилишлари намоён бўлиши асосида қўйилади.

Гипертоник криз қўпчилик ҳолларда тўсатдан бошланади ва жўшқин кечади. Ҳозирги даврда гипертоник кризни икки турга

бўлишади. Биринчи кўринишдаги кризда юқорида санаб ўтилган симптомлар ва гипертония касаллигининг бошланғич босқичларига хос белгилари бўлади (А. Л. Мясников тавсифи буйича 1 ва 2 босқичлари).

Иккинчи кўринишдаги кризлар анча оғирроқ церебрал симптомлар билан кечади: bemорлар бефарқроқ, баъзан ҳушини йўқотиб туради, боши қучли оғрийди, боши айланади, кусади, кўз олдида жимиirlашлар ҳосил бўлиши натижасида кўриши бузилади, ёруғликни ажратса олмай қолади ва вақтинчалик кўрлик келиб чиқиши мумкин.

Клиник кўринишлари бўйича кризлар церебрал ва кардиал, шунингдек, аралашган цереброкардиал кўринишларга бўлинади.

Кризларни асоратли ва асоратсиз кўринишларга бўлиш мақсадга мувофиқдир. Одатдаги симптоматикага регионар (органларнинг) қон айланишининг бузилиши белгилари қўшилса, бу асоратли гипертоник кризларга киради. Кризнинг авжида унга ўпка шиши қўшилса, бу гипертоник кризга чап қоринча етишмовчилиги асорати қўшилганлигидан далолат беради. Кризга ўзига хос оғриқ қўшилса, ЭКГ да ўчоқли симптоматика бўлмаса, бу стенокардияли асорат, оғриқ синдроми ЭКГ да ўчоқли патология билан намоён бўлса, ўткир каронар етишмовчилиги (миокард инфаркти) дан далолат беради.

Агар узоқ давом этган кризда умумий мия симптоматикалари билан локал (ўчоқли) неврологик симптоматикалар (сезгининг бузилишлари, фалажлик ва б.) кузатилса, гипертоник кризнинг ўткир мия-қон томирлари етишмовчилиги асоратлари тўғрисида ўйлаш керак.

Гипертоник кризлар билан оғриган bemорларни бундай кўринишларга бўлишдан мақсад, уларни маҳsusлаштирилган стационарларда (кардиологик, асаб касалликлари) даволаш лозимлигини кўрсатади.

**Кечиктириб бўлмайдиган ёрдам:** гипертоник криздаги биринчи ва асосий чора-тадбир arterial босимни пасайтиришдан иборатdir. Гипотензив воситаларнинг катта арсенали касалхонага олиб боргунча arteral босимни пасайтириш имкониятини беради. Arterial босимни пасайтиришда икки тактик усулни қўллаш мақсадга мувофиқdir.

Агар bemорда церебрал ва коронар қон айланишининг бузилиш белгилари бўлмаса, гипертония бошланғич босқичларда бўлса,

артериал босимни тезда, 2–10 мин давомида пасайтириш эҳтимоли бор. Агар беморда гипертония касаллигининг кеч босқичлари (2- ва 3-босқич) бўлса, мия (сурункали мия қон-томир етишмовчилиги), инсультнинг қолдик кўринишлари (бош айланиши, хотиранинг сусайиши ва б.) етишмовчиликлари ифодаланган бўлса, артериал босимни аста-секин – 20–40 минут давомида пасайтириш тактикаси қўлланилади.

Артериал босимни пасайтириш тезлиги дорини қай йўсинда юбориш билан бошқарилади.

Гипертония касаллигининг бошланиш босқичларида коранаар ва мия атеросклерози белгилари бўлмаса, тезда, 2–10 минут давомида артериал босимни пасайтириш тактикаси – вена ичига оқим билан қуидаги препаратлардан бирини юбориш керак: дибазол (5% ли эритмадан 6–8 мл), фуроsemid (40–60 мг), урегит (50–100 мг), дроперидол (1–4 мл 0,25% ли эритма), клофелин (0,1% ли эритмадан 1 мл), рауседил (1–2 мл 0,1% ли эритма), обзидан (5–10 мг). Эффект 1–5 минут давомида юзага келиб, артериал босимнинг максимал пасайиши 20–40 минутда қайд этилади.

Гипертония касаллигининг кечиккан босқичларида ёки симптоматик гипертонияда, мия ва коранаар атеросклерозининг ифодаланган кўринишларида (асосан, ўткир коранаар ёки мия-қон томир етишмовчилиги асоратларида) артериал босимни аста-секин, 20–40 минут давомида, биринчи гурух препаратларини венага томчи усулида юбориб ёки қуидаги дориларни оқим билан юбориб пасайтирилади: дибазол (0,5 % ли эритмадан 6–10 мл ёки 1% ли эритмадан 3–5 мл), магний сульфат эритмаси (25% ли эритмадан 10 мл) томирга жуда секинлик билан юборилади (беморда қизиб кетишнинг ёқимсиз белгиси бўлмаслиги учун).

Яна оқим билан дроперидол (0,25% ли 1–2 мл), фуроsemid (40–60 мг) ёки урегит (50–100 мг) ни томирга юбориш мумкин.

Бирламчи криз ташхиси қўйилган, оғриқни тўхтатиб бўлмаган ва асоратлар билан кечадиган bemорлар касалхонага ётқизилади. Асоратли кўринишдаги ва биринчи гурух препаратларини қабул қилган bemорларни транспортировка қилишда замбилдан фойдаланиш зарур бўлади. Биринчи гурух препаратларини қабул қилган bemорларнинг 2–3 соат давомида ўрнида ётиши зарурлиги тўғрисида огоҳлантирилади.

Буйрак генези сабабли келиб чиқадиган симптоматик гипертония кризлари ҳам гипертоник кризларни даволашдаги каби усуллар билан даволанади.

### **Бронхиал астма**

Бронхиал астма – ўткир нафас етишмовчилигиде етакчи ўринни бўғилиш ва экспиратор нафас қисиши эгаллайдиган касалликдир.

Касаллик таснифида у ноаллергик ва аллергик кўринишларга бўлинади.

Ноаллергик бронхиал астма жуда кам учрайди ва у нафаснинг марказдан бошқарилиши ва силлиқ мускуллар тонусининг бузилиши билан боғлиқ бўлади.

Аллергик бронхиал астма инфекцион-аллергик ва ноинфекцион-аллергик турларга бўлинади. Бурун томоқ касалликлари, бронхитлар (сурункали бронхит), ўпка касалликларида (сурункали зотилжам, қайтар зотилжам ва б.), эндо ва экзотоксинлар сенсибилизацияси оқибатида келиб чиқади. Атопик тури (ноинфекцион-аллергик) ноинфекцион характердаги аллергенларга нисбатан (гул чанги, хўжалик ва саноат чанглари) юқори сезувчанлик оқибати бўлиб ҳисобланади. Узоқ давом этадиган сурункали касалликда организмнинг аллергияланиш жараёнига реактивлиги ташқи ёки ички муҳитнинг нафақат бирон бир омилига, балки бир қатор ёки бир гуруҳ аллергенларнинг аллергияловчи омилларига (инсоляция, метеоомиллар, хид, дори-дармонлар, ҳис-ҳаяжон ва б.) нисбатан ўзгаради. Нафас қисиши хуружлари турли-туман эндоген ва экзоген таъсирлар сабабли келиб чиқиши мумкин.

*Клиник кўринишлари.* Касалликнинг қандай кўринишда бўлишидан қатъи назар, бронхиал астмада З та босқич тафовутланади: астмоид синдром, бронхиал астма хуружи (енгил, ўртача оғирликда, оғир), астматик ҳолат (асматик статус). Касалликнинг юқорида кўрсатилган босқичлари клиникаси ўткир нафас етишмовчилигидаги нафас қисишининг оғирлиги билан бир-биридан фарқланади.

Астмоид синдроми бўғилиш (ҳаво етишмаслиги) билан характерланади. Бу нарса кўпроқ сурункали астмоид бронхитда кузатилади. Нафас олиш тезлашиб, нафасни чиқариш бироз узаяди. Аускультацияда қаттиқ нафас эштилади, бунда бир оз қуруқ хириллаш бўлади. Қуруқ йўтал, баъзан аввал ажралиб турган балғам тўхтаб қолади. Бўғилиш, одатда, узоқ давом этмайди,

симпатомиметиклар ва бронходилататорлар таъсирида осонгина йўқолади (теофедрин ва эуфиллин таблеткалари). Астмоид синдромининг бошланиши, кўпинча, сурункали ўпка жараёнларини (сурункали бронхит, интерстициал зотилжам) эслатади.

Бронхиал астманинг биринчи клиник белгиси қуруқ азобли йўтал ҳисобланади. Касаллик, кўпинча, тўсатдан ўткир бошланиди, беморлар касаллик бошланган вақтни соати ва минутигача айтиб беришлари мумкин. Хуруж бошланишидан олдин бўладиган белгиларга томоқ қуриши, йўтал, тумов ва терининг қичиши киради. Хуружнинг давомийлиги бир неча минутдан бир неча суткагача (оғир турларида) бўлиши мумкин. Беморлар, кўпинча, мажбурий ҳолатга ўтадилар – турган ёки ўтирган ҳолатда кроватни кўллари билан ушлаб, кўкрак қафасларини бир оз кериб, бошларини максимал орқага эгиб, оғзиларини катта очиб, ҳаво ютаётганга ўхшайдилар (ортопноэ ҳолати). Экспиратор ҳарсиллаш (нафас қисиши) – нафас олиш вақти нафас чиқариш вақтига нисбатан 2 марта қисқарган (нормада нафас чиқариш вақти нафас олиш вақтидан 2–4 марта қисқа бўлади). Нафас олишлар сони минутига 60 тага етади. Нафас олишда қўшимча ёрдамчи нафас олиш мускуллари иштирок этади (елка, қорин ва бўйин мускуллари). Беморнинг хириллаб нафас олиши масофадан эшитилиб туради.

Бронхиал астманинг енгил, ўртача ва оғир турдаги хуружлари фарқланади. Енгил хуружлар узоқ муддат давом этмасдан, тезда тўхтайди. Хуруж тўхтаганда йўтал ва хириллаш ҳам тўхтайди. Ўртача оғирликдаги хуружлар давомли бўлиб, тез-тез қайталаниб туради ва фақат томирга дори юборилгандагина тўхтайди. Хуруж тўхтаганда йўтал ва қуруқ хириллаш сақланади. Ўпка эмфиземаси ва ўпка-юрак етишмовчилиги каби асоратлар ривожланиши мумкин. Оғир турида хуруж бир куннинг ўзида бир неча марта қайталаниши ва дорилар таъсирида жуда секин тўхташи мумкин. Хуруж тўхтаганда йўтал, қуруқ хириллаш, терининг кўкариши, нафас чиқаришининг узайиши давом этади. Асоратлар эса одатдагидан олдинроқ ривожланиши мумкин.

Астматик ҳолат (астмали статус) – бронхиал астманинг оғир босқичи ҳисобланиб, бронхларнинг диффуз бузилиши ҳисобига пайдо бўлади ва дорилар таъсирида ҳам жуда узоқ муддат (суткалаб) тўхтамайди, натижада гипоксик кома ҳолатига ўтиб, кейинчалик ўлим юз бериши мумкин.

Асматик ҳолатнинг келиб чиқишида ўпканинг яллиғланиш касалликлари хуружи, аллергенлар билан давомли контактда бўлиш, глюокартикоидларни бирданига қабул қилишни тўхтатиш ва антигистамин препаратларни назоратсиз ўзбошимчалик билан қабул қилиш катта роль ўйнайди.

Бронхиал астма ташхисини қўйиш bemорни касалхонага ётқизгунга қадар ҳам қийинчиликсиз бажарилиши мумкин (ўтмишдаги хурожлар, адrenomиметик ва эуфиллиннинг самарадорлиги, касалхонадаги аввалги текширишлар, аускультациядаги ўзига хослик (хуштакли қуруқ хириллашлар), экспиратор нафас қисишининг мавжудликлари.

Бронхиал астманинг ташхисини қўйишида юрак, уремик, церебрал ва истерик (жазавали) касалликлар астмаларидан дифференциаллаш (фарқлаш) лозим.

Бронхиал астма хуружида биринчи тез тиббий ёрдам кўрсатишида катта ёшли ва айниқса, кексалардаги юрак ҳамда аралаш астмалардан бронхиал астмани фарқлай билиш керак. Ташхис қўйиш вақтида bemорнинг ёшини (одатда, бронхиал астма билан ўспирин ва ўрта ёшдагилар оғрийди), ўтказаётган йўлдош касалликларини (бронхиал астмада сурункали бронхит ва зотилжам, юрактомир касалликлари юрак астмали bemорларда), нафас қисишининг характеристини (бронхиал астмада экспиратор, юрак астмасида эса инспиратор), аускультация кўрсаткичлари (бронхиал астмада хуштакли қуруқ хириллаш ва чўзилган нафас чиқариш, юрак астмасида эса чўзилган нафас олиш ва хириллашсиз қаттиқ нафас ёки ўпканинг орқа пастки қисмида тўхташ хириллашлари)ни ҳисобга олиш керак.

**Шошилинч ёрдам.** Асосий вазифа астма хуружини тўхтатиш ва астматик ҳолатдан bemорни олиб чиқиш ҳисобланади. Даволаш кўпроқ касалликнинг оғир ёки енгиллигига боғлиқ бўлади.

Бронхиал астма ва астмоид синдромнинг енгил хуружида таблеткалар ва адrenomиметикларни ингаляция қилиш тавсия қилинади: 1–2 та 0,025 ли эфедрин таблеткаси, 0,005 ли изадрин (новодрин, эуспиран)ни тил остига қўйиши ёки 1% ли 0,5–1,0 мл эритмасини ингаляция қилиш, 0,02 ли алупентни тил остига қўйиши ёки 2% ли 0,5–1,0 мл эритмасини ингаляция қилиш, 0,1–0,15 эуфиллин, 1 та таблетка теофедрин қабул қилиш.

Ўртача ва оғир даражадаги хурожларда эуфиллиннинг 2,4% ли эритмасидан 10 мл шприц ёрдамида томирга аста-секин юборилади.

Агар bemорларда кучли тахикардия билан юрак етишмовчилиги белгилари бир вақтда кузатилса, у ҳолда эуфиллин эритмаси билан бир вақтда 0,06% ли 1 мл коргликон ёки 0,05% ли 1 мл строфантин эритмаси қўлланилади. Адреномиметик препаратлар: 40–50 минутли интервал билан 0,1% ли 0,2–0,5 мл адреналин эритмасини тери остига; 2,5% ли 1 мл эфедрин эритмасини тери остига; 0,05% ли 1–2 мл алупент эритмасини тери остига ёки мускул орасига ёки томир ичига аста-секин; антигистамин препаратлар томир ичига ёки мускул орасига: 1% ли 1–2 мл димедрол эритмаси, 2% ли 1–2 мл супрастин эритмаси, 2,5% ли 1 мл пипольфен эритмаси; холиномиметиклар адреномиметик воситалар билан бирга юборилади: 0,1% ли 1 мл атропин тери остига, 0,2% ли 1 мл платифиллин эритмаси тери остига юборилади.

Бундан ташқари намланган кислород билан 20–30 минут давомида ингаляция қилинади. Бронхиал астманинг оғир хуружларида bemорларга 60–90 мг преднизолон ёки 50–100 мг гидрокортизон томир ичига юборилади. Балғам кўчишини енгиллаштириш учун интубацион трубка ёки катетер орқали трахея ичига тўғридан-тўғри 5–10 мл трипсин ёки химотрипсин эритмасидан юборилади. 1–2 минут ўтгач, балғам маҳсус аппарат ёрдамида сўриб олинади. Ушбу муолажалар умумий наркоз остида ўтказилади.

Адреномиметиклар ва эуфиллин бронхлар торайишини камайтириб, уларни кенгайтиради, холиномиметиклар ва гистамин препаратлар бронх безларининг секрециясини камайтиради, антигистамин воситалар спазмолитик ва тинчлантирувчи самара беради.

Астматик ҳолатдаги bemорларга шифохонагача бўлган ёрдам ҳажми астманинг босқичига боғлиқ бўлади.

1-босқичида:

а) вена томирига томчилатиб 400–800 мл полиглюкин (реополиглюкин) ёки 400–800 мл натрий хлориднинг изотоник эритмаси юборилади. Юборишдан мақсад балғам кўчишини енгиллаштириш ва организмнинг сувсизланишига қарши курашдан иборат;

б) вена томирига оқим билан десенсибилизация, хужайра қобиғи ўтказувчанлигини камайтириш, адреномиметик ва антигистамин воситаларининг таъсир самарасини ошириш мақсадида 60–90 мг преднизолон, 2–4 мг дексаметазон, 100–200 мг гидрокортизон юборилади;

в) ацидоз ривожланишига қарши вена томирига гидрокарбонат натрийнинг 4% ли эритмасидан (200 мл) томчилатиб юборилади.

2-босқичида:

а) вена томирига оқим билан қайтадан 180–360 мг преднизолон ва 4–8 мг дексаметазон юборилади.

б) гексенал (10% ли эритмасидан 3–5 мл вена томирига секин юбориб ёки 10% ли эритмасидан 3–10 мл мускуллар орасига юбориб) ёрдамида наркоз остида нафасни сунъий бошқаришга ўтилади ҳамда кейинчалик бронхларни иситилган бикарбонат натрий эритмаси билан ювилади ва балғам яхши күчиши учун фермент воситалардан фойдаланилади.

3-босқичида bemor нафасини сунъий бошқаришга түлиқ ўтилади ва 1- ҳамда 2-босқичдаги тадбирлар қайтарилади.

Бронхиал астманинг оғир хуружи ва ёрдам самарасиз бўлган биринчи марта ташхис қўйилганлар шифохонага ётқизилади.

### **Қон туфлаш ва ўпкадан қон кетиши**

Шифохонагача бўлган ёрдам босқичида кўпгина bemorлар қон туфлашдан шикоят қилишади, ваҳоланки, ўпкадан қон кетиши ҳамма вақт ҳам бу нарсанинг ташхиси бўлавермайди.

Bemor тупугига (балғамда) қон аралашган бўлса, буни юқори нафас йўлларидан (энг олдин бурундан) ёки ошқозон ичак йўлларидан (ощозондан қон кетиши) кетаётган «қон туфлаш»дан фарқлаш керак. Ҳақиқий қон туфлаш, кўпинча, қоннинг диапедез сизиб чиқиши, кичик қон айланиш доирасида гипертензия (юрак пороклари, бирламчи ўпка гипертензияси) бўлганда, ўпка силида, ўпка ўсмасида ва пневмосклерозда кузатилади.

Арзимас қон туфлаш кейинчалик одам ҳаётига хавф солувчи ўпкадан бирданига кўп миқдорда қон кетишига олиб келиши мумкин. Шунинг учун бундай ҳолатда bemorни даволаш ва кузатиш талаб қилинади. Ўпкадан қон кетишида қисқа вақт ичida кўп миқдорда (10 мл дан кўп) йўтал туртқилари таъсирида оч кўпиксимон ажралманинг оғиз орқали чиқиши характерлидир.

Ўпкадан қон кетишини ошқозондан ва бурун-томоқдан қон кетишидан фарқлаш зарур. Бурун-томоқдан қон кетганда қон кўпиксимон аралашмасиз ва тўқ рангда бўлади, кўпинча, бурунга тампон тиқилганда у тўхтайди. Ошқозондан қон кетганда қон тўқ хира рангда бўлиб (гемоглобин билан хлорид кислотасининг ўзаро таъсири натижасида), овқат массаси билан аралашган бўлади ҳамда қусишиш вақтида ажралади. Ўпкадан қон кетишининг асосий

сабабларига: ўпка сили, бронхоэктаз касаллиги, ўпка гангренаси ва абсцесси, ўпка ўсмаси, пневмосклероз, баъзан юрак касалликлари (митрал ва аортал пороклар) ва аорта аневризмасининг ёрилиши киради.

Шифохонагача бўлган ёрдам босқичида ўпкадан қон кетишини аниқлаш анча қийин.

Шифохонага ётқизишда беморга ўпка сили ташхисини ўз вақтида қўйиш катта аҳамиятга эгадир. Ўпка сили ташхиси шифохонагача бўлган ёрдам босқичида bemorning касаллик тарихи (сил касали бор bemorлар билан контакт), йўтал борлиги, нафас қисиши, ҳарорат кўтарилиши (субфебрил), терлаш, иштаҳа пасайиши, озиш ва бошқаларга асосланади.

**Кечиктириб бўлмайдиган ёрдам.** Сил касаллигига тахмин қилинган барча bemorлар маҳсус сил бўлими бор шифохоналарга, қолган bemorлар эса кўп профилли пульмонология ва жарроҳлик бўлими бор шифохоналарга ётқизилади.

Транспортировка мутлақ тинч ҳолатни сақлаган ҳолда замбилда амалга оширилади.

Кичик қон айланиш доираси томирларининг қон билан тўлиб кетмаслиги учун bemor боши ва гавдаси бир оз юқорига кўтариб қўйилади.

Кўп микдорда қон йўқотилса ва қон босими кескин тушиб кетса, у ҳолда bemor венасига реополиглюкин (400 мл гача) томчилаб, кальций хлорид ва глюконат (10% ли 10 мл), викасол (1% ли 2–4 мл), аскорбин кислотаси (5% ли 4–8 мл) оқим билан юборилади.

## ЮҚУМЛИ КАСАЛЛИКЛАРНИНГ АСОСИЙ БЕЛГИЛАРИ

Инфекция (лотинча *infectio* – юқиш) – макроорганизмларга микроорганизмларнинг кириб ривожланиши, кейинчалик булар орасида мураккаб комплекс мулоқот юзага келиб, касалликнинг тўла намоён бўлиши ёки шу касалликни чақарувчиларнинг ташувчиши ҳам бўлиб қолиши мумкин.

Археологик текширишлар ва бизгача етиб келган қўлёзмалардан маълумки, ҳатто қадимги даврларда ҳам юқумли касалликларни тарқатувчи омиллар ва уларга қарши кураш чоралари аниқ бўлган.

Юқумли касалликларнинг кенг тарқалганлиги, ўлим кўрсаткичларининг ўсиб борганлиги сабабли, улар бу касалликни шамол орқали тарқаладиган ва ҳамма чалинадиган касаллик деб қарашган.

Тарихда илм фидойилари томонидан тошмали ва қайталама тиф чақиравчиларига илмий нуқтаи назардан шоҳидлик бериш мақсадида бундай касалликларни ўзларига юқтирганлар ҳам кўп бўлган.

Табиий ҳолларда инсониятнинг юқумли касалликларга чалинининг тўртта йўли бор: фекал-орал (нажас (ахлат)-офиз орқали); ҳаво ва томчи орқали; трансмиссив (тўғридан-тўғри, қон қуиши, игналар орқали); мулоқот орқали.

Инсон организмида касаллик чақиравчисининг юқиши йўллари ва жойлашган ўрни бир-бирига мунтазам боғлиқликда бўлади. Масалан, ичакларда касалликни чақиравчилар нажас билан ташқарига чиқади, турли йўллар билан озиқ-овқат маҳсулотларига тушади ва уларни ювмасдан истеъмол қилинган вақтда касаллик келиб чиқади, яъни бу фекал-орал йўли билан юқиши ҳисобланади.

Нажас-офиз орқали юқадиган касалликлар, ичакнинг юқумли касалликлари гуруҳига киради.

Булар қўйидагиларга бўлинади:

- 1) антропонозлар – инсондан инсонга юқадиган;
- 2) зоонозлар – ҳайвондан инсонга юқадиган.

*Биринчи (антропоноз) гуруҳга кирадиганлар:*

- қорин тифи;
- дизентерия (ичбуруғ);
- паратифлар (ичтерлама);
- полиомиелит (шол касаллиги);
- холера (вабо);
- юқумли энтероколитлар;
- вирусли гепатит.

*Иккинчи (зооноз) гуруҳга кирадиганлар:*

- ботулизм;
- бруцеллез;
- сальмонеллез.

Юқумли касалликларнинг ҳаво-томчи йўли орқали юқадиган турлари деганда, касал одамнинг нафас олиш йўлларидан ажралган суюқликлар (сўлак томчилари) хонада тарқалганда (гапирганда, акса урганда), шу заарланган ҳаво орқали бошқа соғ инсонларнинг нафас олишида юқадиган касалликлар тушунилади.

*Нафас олиши йўллари орқали юқадиган (антропооноз) касалликларига қуийдагилар киради:*

- аденоурусли инфекция;
- грипп;
- дифтерия (бўғма);
- коклюш (кўййутал);
- корь (қизамиқ);
- краснуха (қизилча);
- менингококкли инфекция;
- мононуклеоз инфекция;
- сувчечак;
- қорачечак (чин);
- парагрипп;
- скарлатина;
- сил;
- эпидемик тепки.

*Нафас олиши йўллари (зооноз) инфекцияларига орнитозлар (касаллик чақиравчилар, асосан, қушлар, каптар, тўти ва бошқа уй паррандалари) киради.*

*Трансмиссив – қон орқали юқадиган касалликларни, асосан, ҳашаротлар, каналар, битлар инсонларни чаққанда чақиради.*

Бу гурӯх ўз вақтида иккига бўлинади:

*Антропонозлар:*

- бит қайталама терламаси;
- окоп (қизилган ўра) безгаги;
- тошмали терлама;
- малярия (безгак).

*Зоонозлар:*

- бургали термала;
- туляремия
- риккетсиозлар;
- канали қайталама;
- ўлат.

*Контактли юқии* деб, бевосита яқинлашиш натижасида ташқи тери қобиғининг жароҳати ёки жароҳатисиз юқкан касалликларга айтилади.

Ташқи тери қобиғи ва шиллиқ пардаларга бевосита ифлосланган жисмларнинг тегиши вақтида тери ва ташқи шиллиқ қобиқлар (кўз, оғиз, жинсий аъзолар) нинг инфекцион касалликлари келиб чиқади.

Булар ҳам иккита гурӯхга бўлинади:

*Антропонозлар:*

- юқумли сўгаллар;

*Зоонозлар:*

- қутуриш;

- микозлар;
- сарамас (рожа);
- трахома.
- күйдирги;
- қоқшол;
- манқа (сап);
- оқсим (ящур);
- ҳайвонлар чечаги.

Юқумли касалликларнинг олдини олиш ва ўз вақтида даво тадбирларини ҳозирлаш тиббий хизматнинг асосий вазифаларидан ҳисобланади. Бундай ҳолларда юқумли касалликлар бўлиши эҳтимоли бўлган жойларда санитария оқартирув ишларини яхши йўлга қўйиш, агарда бирор касаллик аниқланса, зудлик билан bemорни атрофдагилардан ажратиш лозим. Бундай хизматнинг ташкилий асосларидан бири шошилинч ташхис қўйиш ва дастлабки текширув ишлари ҳисобланади. Бирламчи текширувлар мобайнида bemорлар, асосан, умумий тиббий тажрибага эга бўлган шифокорларга, поликлиника шароитида юқумли касалликлар хонаси шифокорига мурожаат қилишади. Агарда бирор тахмин ёки касалликнинг аниқ белгилари бўлган ҳолларда, маҳсус даво масканларига жўнатилади. Бундай занжирли доира ўз вақтида қайтиши, даволанган bemорлар яна умумий тиббий маълумотдаги шифокорларга мурожаат қилишлари мумкин. Юқумли касалликларни аниқлаш ва даволашларда маҳсус соҳа мутахассисларининг илмий нуқтаи назардан ёндошиши муҳим ўрин тутади.

Юқумли касалликлар клиникаларида эпидемиология, вирусология, иммунология ва паразитология соҳаларидаги эришилган илмий ютуқлар катта аҳамиятга эга.

Юқумли касалликларга қарши олиб бориладиган тадбирлар профилактик, яъни касаллик белгилари бўлмасдан унинг олдини олиш, эпидемия тарқалганда эса унга қарши кураш чораларини кўриш билан ифодаланади.

### **Профилактик чора-тадбирлар:**

- 1) атмосфера, корхона ва ёпиқ хоналардаги ҳаволар соғлигини сақлаш;
- 2) аҳоли яшайдиган жойларда сув сақланадиган ҳавзалар ва сув тозаловчи иншоотлар тозалигини сақлаш ва аҳолини тоза ичимлик суви билан таъминлаш;
- 3) шахсий ва давлат қурилиш масканларини санитария қонун-коидаларига асосланиб қуриш;
- 4) аҳоли гавжум яшайдиган жойларда, темир йўл ва автовокзалларда, денгиз ва дарё портида, аэропорт, кинотеатр, кир ювиш муассасаларида тозаликка қатъий риоя қилиш;

5) корхоналарда мәннаткашлар соғлиғи ва техника хавфсизлиги (шовқин, чанг, намлик) қоидалариға риоя қилиш;

6) озиқ-овқат ишлаб чиқариш корхоналари, умумий овқатланиш муассасаларида санитария талабларында риоя қилиш, бозорларда тозалик, озиқ-овқат маҳсулотларини ташиш ва сақлаш каби масалаларга илмий ёндошиш;

7) туғруқхоналар, болалар муассасаларида, умумий овқатланиш, тоза ичимлик суви билан таъминлайдиган, озиқ-овқат ишлаб чиқарадиган муассасаларда хизмат қилаётган ходимлар ичидан инфекция ташувчиларини аниқлаб, уларни санация қилиш (давлат) керак;

8) қишлоқ хўжалиги корхоналарида ветеринар мутахассислар билан биргаликда санитария-оқартирув ишларини олиб бориш;

9) чет эллардан юқумли касалликлар тарқалмаслиги учун давлат чегараларини қўриқлаш;

10) вокзал, портлар, жамоат транспорти ва томоша жойларида профилактик дезинфекция ишларини олиб бориш;

11) керак бўлганда инсонларни касаллик тарқатувчи ҳашарот ва каналардан ҳимоя қилиш:

- ҳимоя кийимлари;
- кемирувчи ва ҳашаротларга қарши кураш.

*Эпидемияга қарши тадбирлар, асосан, уч йўналишида бўлади:*

а) касалликни тарқатувчи ёки беморларни аниқлаб даволаш, жойларда касаллик тарқатувчи ҳайвонларга қарши кураш чораларини ташкил қилиш;

б) касалликнинг тарқалиш йўналишидаги занжирини, яъни умумий овқатланиш ва тоза ичимлик суви билан таъминлаш муассасаларида қатъий санитария кузатувларини ўрнатиш, ҳашарот, ҳайвонлар ва каналарни қириб ташлаш;

в) инсон организмининг юқумли касалликларга қаршилигини ошириш мақсадида фаол ва суст эмлаш турларини кўллаш.

*Касаллик ривожланишининг асосий босқичлари:*

1) касаллик чақиравчининг организмга тушиши ва касалликнинг биринчи белгилари пайдо бўлишигача ўтган муддат инкубацион, яъни яширин (пинхона) босқич ҳисобланади. Бу босқичда касаллик чақиравчи организмнинг ички муҳитига мослашиб, кўпайиш ҳолатига тўғри келади;

2) касалликнинг бошланғич босқичи продромал босқич ҳисобланиб, бу босқичда тана ҳароратининг кўтарилиши, бош

оғриши, күнгил айниши, қусищ, мускул ва бўғимлардаги кучли оғриқлар, яъни айни касалликка хос бўлмаган (умумий) белгилар билан характерланади;

3) касалликнинг ёрқин намоён бўлиши – айни касалликларга хос бўлган маҳсус клиник белгилар ва лаборатория таҳлилларининг тўлиқ намоён бўлиши, у ёки бу юқумли касалликларга мослиги билан кечади;

4) организмнинг ёт инфекцияларга қарши кучининг сусайиши ва иммунитетнинг пасайиб кетиши туфайли касаллик белгилари-нинг сўниб бориши билан ифодаланади;

5) бу босқичда организмнинг буткул инфекциядан ҳалос бўлиши ёки қайта зўрайиши кузатилади.

## Қутуриш (гидрофобия)

Қутуриш – бош миянинг ўткир вирусли, ҳайвонлардан юқадиган оғир инфекцион касаллиги бўлиб, касаллик ривожланиш босқичининг узоклиги ва ўлим оқибатларига олиб борувчи омиллари билан ифодаланади.

**Этиологияси:** қутуриш чақирувчиси вируслар ҳисобланиб, улар рабдовируслар туркумига мансубдир, нерв тўқималарини емириш (нейротроп) хусусиятларига эга бу касалликнинг икки хил варианти мавжуд:

1) «ёввойи» (кўчадаги) – кўриниши жиҳатидан табиий шароитда ўзгарувчи тури бўлиб, сут эмизувчилар учун жуда хавфли саналади;

2) қотирилган (фиксацияланган) тури лаборатор шароитда қутуришга қарши (вакциналар) эмлаш дармондориларини олиш учун фойдаланилади.

Табиий шароитга қутуриш вируслари чидамсиз бўлиб, ҳар хил дезинфекциялаш муолажалари таъсирида тез қирилиб кетади, қайнатилганда эса 2 дақиқада ўлади.

**Эпидемиологияси:** табиатда касалликнинг асосий тарқатувчила-ри ҳайвонлар билан озиқланадиган йиртқичлар бўлиб, кўпроқ тулкилар, бўрилар, чиябўрилар ва уй ҳайвонларининг сўлаги орқали тарқатадиган итлар ва мушуклар саналади.

Касаллик инсонларга терининг жароҳатланган жойларига касалланган ҳайвонлар сўлаги тегиши орқали ёки тўғридан-тўғри ҳайвонлар тишлаганда юқади. Инсонлардан вируслар бир-бирига ўтмайди. Энг хавфли тишлаш жойларига энса, бош ва қўл бармоғи соҳалари киради.

*Патогенези (касаллик ривожланиши)* – тишлар ботган жароҳат ўрнидан вируслар нерв толалари орқали кўтарилиб, бош ва орқа мия тўқималарига чиқиб боради.

Марказга интилувчи нерв толалари орқали марказий асаб тизимиға етиб бориб, нерв тўқималари ва сўлак безларига ўрнашган вируслар кўп микдорда сўлак билан бирга ажralиб чиқади.

Марказий асаб тизими тўқималарида вируслар таъсирида қон қуилиш ва шиши ҳолатлари юз беради.

Бундай ўзгаришлар касалликнинг бошланиш вақтида bemорларда тиришиш ва охирги босқичида эса фалаж ҳолатида вафот этишига олиб келади.

*Клиникаси:* касалликнинг яширин даври 10 кундан 1 йилгача (асосан, 1–2 ой ичида) давом этади.

Касалликнинг кечиши учта босқичга бўлинади:

1) дастлабки (продромал) босқичи қўрқув ва ваҳимали ҳолатлар билан кечади;

2) талvasали босқичида bemорлар ҳаддан ташқари қахру ғазабли ҳолатларда бўлиб, атрофдагилар учун ўта хавфли саналади;

3) шол (фалаж) босқичида bemорлар мунгли, ночор ҳолатда мадад сўрайдилар.

Дастлабки (продромал) босқичининг давомийлиги 1–3 кундан иборат бўлиб, ҳайвонлар тиши ботган жойнинг чандиқ соҳаларида қичишиш ва оғриқлар пайдо бўла бошлайди. Бундай ҳолатлар нерв толалари орқали узатилади. Шу билан биргалиқда ваҳима, қўрқув, уйқусизлик ва кайфиятсизлик ҳолатлари ҳам ривожлана боради.

Талvasали босқичда bemорларда гидрофобия (сувдан қўрқиши) ҳолати ривожлана боради, яъни bemорларга қуиилаётган сувнинг жилдираши, bemорга сув хақида гапирилганда уларда ҳалқум мускуларининг қисқариши натижасида тутқаноқли тиришиш ҳолатлари юзага келади. Бу каби ҳолат қуидаги сабаблар ҳисобига ҳам учраши мумкин – аэрофобия (шамолдан қўрқиши), фотофобия (ёруғ нурлардан қўрқиши), акустикофобия (қаттиқ товушдан қўрқиши) ва бошқалар. Аста-секин bemорлар қулоқларига ўзига қасд қилиш эшитилиб, кўзларида даҳшатли ҳодисалар пайдо бўла боради ва улар ҳаддан ташқари жангари ҳолатларга тушиб борадилар. Bемор кўп терлайди, сўлаклари кўп ажралади, аммо юта олмаганлиги сабабли кўп тупуради, тана ҳарорати бир оз (субфебрил) кўтарилади, юрак уриши тезлашади, бу босқич 2–3 кун, айrim ҳолларда 6 кунгача давом этиши мумкин.

Шол (фалаж) босқичи гидрофобия (сувдан қўрқиш) ҳолатининг ўтиши билан бошланиб, бу босқичда бемор noctor-мунгли ҳолатга тушади, оёқлардаги фалаж сабабли харакатдан қолиши, юз ва тил мускуларининг фалажи бошланиши билан ўтади. Ўлим нафас марказининг фалажи сабабли юрак-томир етишмовчилигидан келиб чиқади.

Касалликнинг умумий давомийлиги 3–7 кун, кам ҳолларда 2 хафта давом этиши мумкин.

**Давоси:** клиник белгилари ривожланган беморларга даво йўқ, яъни инкурабелен. Қилинадиган ҳамма муолажалар симптоматик йўналишда бўлиб, тиришишга қарши ёрдамга (аминазин, хлорал-гидрат) қаратилган. Бундай муолажалар маҳсус изоляторларда амалга оширилиши керак, беморларни безовта қиласиган омиллардан сақлаш шарт.

**Профилактикаси:** қутуришнинг даво чоралари йўқлиги сабабли, касалликни келтириб чиқарувчи ҳайвонларга қарши кураш тадбирларини ва инсонларни булардан муҳофаза қилиш чораларини кўриш мақсадга мувофиқдир. Ҳар қандай ҳайвонлар тирнаган ва тишлигандан ҳам шу жойларни зудлик билан совунлаб ювиш, перекись водород эритмаси билан ювиб, йод ва спирт билан ишлов бериш керак. Агарда тишлигандан ҳайвонда қутуриш ёки шунга тахмин қилинган ҳолларда, тишлигандан жой тери остига антирабик иммуноглобулин юбориш керак. Тишлигандан жароҳатга зарурият бўлмаса, боғлам қўйиш керак эмас.

Юқорида қайд этилган муолажалар бажарилгандан сўнг, профилактик мақсадда антирабик эмлаш, ўз қоидасига биноан, шошилинч қўлланилиши шарт.

## Вирусли гепатитлар

Бу гурӯҳ касалликларининг чақиравчилари ҳар хил бўлиб, клиник кечишлиари – организмнинг умумий заҳарланиши, сариқлик, жигар ва талоқнинг катталлашиши каби симптомларининг ўхашлиги сабабли бир гурӯҳ касалликларни ташкил қиласиди.

A, B, C, D, E, F, G гепатитларни чақиравчи вирус турлари мавжуддир.

## Вирусли «A» гепатит

Вирусли «A» гепатит тури, асосан, овқатланиш тармоқларида санитария-гигиена қоидалари қўпол бузилгандан юқади, кечиши

ўткир циклик, яъни даврли хусусиятга эгадир. Асосан, кучли заҳарланиш, жигар тўқималарининг емирилиши ва умумий сариқлик билан кечади.

**Этиологияси:** вирусли «А» гепатитнинг чақиравчиси табиий муҳитга жуда чидамли ҳисобланади, яъни хона ҳароратида ҳафта ва ойлаб,  $40^{\circ}\text{C}$  ҳароратда эса ойлаб ва йиллаб жон сақлаши мумкин. Вируслар  $100^{\circ}\text{C}$  иссиқликда 5 минут,  $85^{\circ}\text{C}$  да 10 минут ва автоклавда эса 20 минут ичида ўлиши мумкин.

**Эпидемиологияси:** вирусли «А» гепатитнинг асосий тарқалиш йўли озиқ-овқат орқали бўлиб, майший ва шахсий гигиена қоидаларига риоя қилмаслик сабабли ҳам келиб чиқади.

Касалликка мойиллик ҳамма инсонларда бир хил, кўпроқ бир ёшдан катта болаларда, одамлар жамоа бўлиб тўпланган жойларда учрайди. «А» гепатитнинг тарқалишида фасллар ҳам катта роль ўйнайди, жумладан, касаллик ёз ва куз фаслларида кўпроқ учрайди.

**Клиникаси:** касалликнинг яширин даври 21–28 кун (7 кундан 2 ойгача). Даствлабки белгилари 5–7 кунлар орлиғида грипп олди ҳолати, иштаҳасизлик, умумий қувватсизлик, уйқусизлик, тез чарчашиблик, иш фаолиятининг сусайиши ва кайфият бузилиши каби симптомлар билан намоён бўлади. Кўп ҳолларда касаллик бирданига 1–3 кун давомида тана ҳароратини  $38\text{--}40^{\circ}\text{C}$  гача кўтарилиб, грипп ҳолатини эслатувчи ўзгаришлар билан бирга бош оғрифи, иштаҳанинг камайиши, кўнгил айниши, иш фаолиятининг сусайишига хос белгилар билан намоён бўлади. Гоҳида қорин деворининг юқориги ўнг қисмида оғирлик, бир оз оғриқ билан ҳам кузатилиши мумкин.

Орадан 2–4 кун ўтгач, сийдик ўзгариб, пиво ёки қуюқ қилиб дамланган чой рангини олади, нажасининг ранги оқаради. Шу даврда жигар бир оз шишади, гоҳида талоқ ҳам катталashiши мумкин.

Сариқлик тери юзасига чиққанда организмнинг умумий заҳарланиши енгиллашиб, бош оғриши камаяди, тана ҳарорати нормаллашиб, bemорлар анча ўзларини яхши ҳис қилишади.

«А» гепатит нисбатан кўп ҳолларда тузалиш билан якунланади, яъни 90 % bemорларда буткул соғайиш, қолганларда эса ҳар хил асоратлар қолади.

**Профилактикаси:** касалликнинг олдини олиш мақсадида кенг миқёсда санитария-оқартув ва эпидемияларга қарши чоралар қўлланилиши керак.

Қувурлардан келаётган ичимлик сувларини мунтазам равища гепатит вируслариға текшириб туриш ва аҳоли орасида санитария маданиятини кенг жорий этиш керак.

### **Вирусли «В» гепатит**

*Этиологияси:* вирусли «В» гепатит касалининг чақиравчиси гепадновируслар оиласига кириб, асосан, жигар тўқимасини шикастлайди.

*Эпидемиологияси:* касаллик перкутант (қон орқали, игнадан) юқади. Касаллик юқишининг табиий йўлларига соқол олиш ускуналари, тиш тозалагичлардан юқишилар киради. Ҳомиладор аёлдан боласига ўтиши, жинсий алоқаларда, асосан, бесоққолларда кўп учрайди.

Касалликнинг сунъий тарқалиш йўлларига вирусларнинг жароҳат олган тери орқали кириши, касаллик ташхисини қўйиш мақсадида олиб борилаётган текширишлар даврида (инъекция, операция, қон қувиш, эндоскопик, ретроскопик ва тиш суғириш вақтида) сабаб бўладиган омиллар киради.

*Клиникаси:* касалликнинг кечиши даврий ўткир, терининг сариқ ранга бўялиши ҳолатларининг алмашиши ва оғриқнинг зўрайиши билан кечади.

Касалликнинг яширин даври 2–6 ҳафтадан 6 ойгача муддатда намоён бўлиши мумкин. Сариқликдан олдинги давр эса 4–10 кун мобайнида юзага чиқади. Касаллик чарчашлик, бош ва бўғимлардаги оғриқлар, иштаҳасизлик, уйқусизликлар билан бошланади. Сариқлик юзага чиқишидан олдин жигар ва талоқ катталашиб, терилар қичиб, сийдик ранги қизариб, нажас эса оқариб кетади. Сариқлик босқичи 2–6 ҳафтадан бир неча ойларгача давом этиши мумкин.

*Профилактикаси:* асосий омиллардан бўлган табиий ва сунъий юқишиларга қарши кураш ҳамда санитария-оқартув ишларини яхши йўлга қўйиш. Шулар билан бирга тартибсиз жинсий муносабатларни чегаралаш ва лабораторияларда вирус ташувчиларнинг қонини текшириш, тиббий асбоб ускуналарни заарсизлантиришни тўғри амалга оширишни назорат қилишдан иборат.

### **Ўткир вирусли респиратор инфекциялар**

Бу гурух касалликлариға грипп, парагрипп, аденоvирусли ва риновирусли касалликлар киради. Бу касаллликлар ўзларининг

қисқа вақт ичида ривожланиши ва нафас олиш аъзоларини яллиғлантириши билан тавсифланади. Касалликни тарқатувчилар bemорлар бўлиб, асосан, томчили ва ҳаво йўллари билан юқади.

*Клиникаси:* касалликнинг ровожланиш даври бир неча соатдан 1,5 суткагача давом этади. Касаллик тўсатдан организмдаги кучли заҳарланиш белгилари – иситма, бош оғриғи, мускул ва бўғимлардаги, беллардаги, кўз ҳаракати вақтида эса кўздаги оғриқлар, ёруғликдан қўрқиш, дармонсизлик, кам ҳаракатлик кабилар билан тавсифланади.

Касаллик бошланган биринчи кундаёқ тана ҳарорати 38–40<sup>0</sup>С дан баланд бўлиб кетади. Тана ҳароратининг қанчалик баландлигига қараб, иситмали босқичи шунча қисқа бўлади. Агарда тана ҳарорати 40<sup>0</sup>С ва ундан юқори бўлса, ҳароратга қарши доридармонларни қўллаш мумкин. Гриппнинг иситмали босқичи асоратсиз кечса, асосан, 1–8 кун давом этади, ундан кейинги вақтларда эса ҳарорат кўтарилиб ёки меъёрдагидан тушиб кетиш ҳоллари кузатилади.

Тана ҳарорати кўтарилиган вақтларда кўз олмаси ва шиллик пардаларида (конъюктивит ва склерит) қизаришлар кузатилади. Юмшоқ ва қаттиқ танглайлар, ҳалқум шиллик пардаларидаги қизаришлар, гоҳида кўкимтири рангда ҳам бўлиши мумкин.

Ўзининг клиник кечишига қараб грипп енгил, ўрта, оғир ва айrim ҳолларда ўта оғир гипертоксик қўринишларда бўлади.

Енгил ва ўртача оғирликдаги қўринишлари асоратсиз кечганда, касаллик қониқарли якунланиб, 5–7 кунгача давом этиши мумкин. Агарда ҳароратли, умумий заҳарланиш ва қизариш босқичлари чўзилиб кетса, унда бирламчи грипп ташхиси инкор қилиниб, иккиламчи, қўшимча ва асоратли кечинмалари ҳақида ўйлаб қўришга тўғри келади.

*Гриппнинг асоратлари:* грипп асоратлари ичида энг оғирларидан бири бу инфекцион-токсик шок бўлиб, касалликнинг клиник кечиши бир нечта синдромларни ўз ичига қамраб олади: ўткир юрак-томир етишмовчиликлари, ўпка ва мия тўқималарининг шиши, томирлар ичидаги оммавийлашган қон ивувчанлик синдромлари билан ифодаланади.

Гриппнинг энг кўп учрайдиган асоратларидан бири ўпканинг яллиғланиши саналади. Кўп учрайдиган асоратларига яна бактериал мастоидит (сут бези яллиғланиши), отитлар (қулоқлар яллиғланиши), бош мия синусларининг яллиғланишлари киради.

Энцефалит, менингит, невритлар ва миокардиодистрофиялар каби асоратлари камдан-кам учрайди.

Ўтказилган гриппдан кейинги даврларда, одам организми иммунитетининг (умумий қаршилигининг) пасайиб кетиши эвазига, ўтмишда бўлган сурункали бронхит, тонзиллит, пиелонефрит, сил ва ревматизм каби касалликларнинг қайталанишлари кузатилади.

## Дифтерия (бўғма)

Дифтерия – томоқ безлари ва нерв тўқималарининг маҳаллий инфекцион яллиғланиши, умумий кучли заҳарланиш, асаб ва юрак системалари аъзоларини ишдан чиқариш каби асоратлар билан кечувчи касалликдир.

Чақиравчиси дифтерия коринебактерияси бўлиб, заҳарли (токсик) ҳаракатсиз таёқчалар кўринишидадир. Дифтерия таёқчалари ташқи муҳит таъсирларига жуда чидамли бўлади. Дифтерия микроби бир томчи сўлак, эшик ушлагичларида ва болалар ўйинчоқларида 15 кунгacha сақланиб қолади. Сув ва сутларда 6–20 кунлар мобайнида ҳаёт кечира олади. Уларга қуёш нурлари ва юқори ҳароратлар салбий таъсир қиласи, қайнатилганда бир дақиқада қирилиб кетади.

Касаллик тарқатувчиси бўлиб касалликнинг ҳар қандай босқи-чида оғриган беморлар ва бактерия ташувчи инсонлар саналади.

Дифтерия чақиравчи бактериялар, асосан, нафас олиш йўллари ва ҳалқум соҳаларида жойлашадилар. Касаллик ҳаво-томчи ва ҳаво-чанг йўллари орқали юқади. Бемор ёки бактерия ташувчиларнинг йўталган, акса урган ва гапирган вақтларида нафас ва ҳалқум йўлларидан таркибида дифтерия бактерияси бўлган сўлак томчилари орқали кичик заррачалар ҳавога тарқалади. Айнан шу заррачаларнинг соғлом одамнинг юқори нафас ва ҳалқум аъзоларига тушиши туфайли касаллик ривожланади.

Рўзғор буюмлари ва ўйинчоқларга тушган сўлаклар эвазига юқадиган турлари ҳам унча катта бўлмаган аҳамиятга эгадир. Гоҳида биргалиқда бир олмани истеъмол қилишда ҳам юқади.

Касалликнинг фаслий қучайиши, асосан, куз ва қиши фаслларига тўғри келади.

**Патогенези:** Бўғма микроблари организмга қандай йўл орқали кирганлигига қараб, оғиз-ҳалқум, бурун ва юқори нафас олиш йўллари шиллик пардаларида ривожланади ва шу жойнинг ўзида

кириш дарвозасини ҳосил қиласи. Микробларнинг кириш жойига қараб бўғма: оғиз-ҳалқум, нафас олиш йўллари, бурун, кўз, кам ҳолларда тери, жинсий аъзолар ва аралаш бўғмаларга бўлинади.

Энг кўп учрайдиган тури оғиз-ҳалқум кўринишидир (85–90% гача). Касалликнинг ривожланиш даври 2–10 кун. Ушбу бўғмада камқувватлик, бош оғриши, ҳаракатнинг сусайиши, айrim ҳолларда қусиши, ҳароратнинг  $39^{\circ}\text{C}$  гача кўтарилиши, кучли заҳарланиш ҳолатлари кузатилади. Томоқ безларида меъёридаги қизариш билан биргаликда, шиш ва ўргимчак уяси кўринишидаги кулранг парда пайдо бўлади. Бу парда осон кўчади ҳамда қонталаш ҳосил бўлиб, ўрнида мустаҳкам парда ҳосил бўлади. Бундай парда жуда қийин кўчади. Кўчирилганда яна бошқатдан ҳосил бўлаверади. Бир вактнинг ўзида маҳаллий лимфа тугунлари катталashiб, пайпаслаб кўчирилганда оғрийди. Айrim ҳолларда тери ости ёғ қатламининг шиши ҳам кузатилади.

Нафас йўллари бўғмасида маҳаллий ўзгаришлар, асосан, кекирдакда (маҳаллий круп), тарқалган кўриниши эса трахея, бронх ва бронхиолаларда (пастки круп) бўлади.

Ҳақиқий крупда нафас қисиши (бўғилиш) ва йўтал кузатилади. Беморнинг нафас олиши хуштаксимон, масофадан эшитилиб туради. Нафас олишнинг қийинлашиши бир неча минутдан ярим соатгacha чўзилади.

Юқоридаги ҳолат ўтгандан кейинги даврда bemorларда ҳаво етмаганлиги сабабли қўкариш, рангининг оқариши бурун «учбурчаги»да кузатилади, кучли тер босиши ва юрак уришининг бузилиши юз беради.

Бўғманинг энг оғир асоратларига инфекцион-токсик шок, трахея қисилиши, миокардит ва полиневропатия ҳолатлари киради.

*Профилактикаси:* касаллик ташхиси аниқланганда зудлик билан bemorни шифохонага ётқизиш ва бошқалар билан мулоқотини чеклаш, бутқул соғайиш бактериологик текширишлар билан тасдиқланмагунга қадар изоляция қилиш керак.

Bemorлар билан мулоқотда бўлган ҳамма инсонларни текшириб, ташхис инкор қилингунча уларни 7 кун мобайнида изоляция қилиш шарт.

Дифтерия ўчоғидаги bemorлар шифохонага ётқизилгандан сўнг 1% хлорамин эритмаси билан дизенфекция ишлари амалга оширилади.

## **Ичбуруг (дизентерия)**

Ичбуруг – инсонларда учрайдиган, шигелл бактериялари билан чақириладиган, асосан, йўғон ичакнинг пастки қисмини жароҳатлайдиган, кучли интоксикация билан кечадиган инфекцион касалликdir.

*Этиологияси:* ташқи муҳитда, шигеллалар 30–45 кун мобайнида жон сақлашлари мумкин. Овқат қолдиқларида улар кўпайиш хусусиятларини сақлаб қоладилар. Юқори харорат ва дизенфекция моддалари уларга кучли таъсир қиласди.

Касаллик тарқатувчилар бўлиб ҳар хил кўринишдаги беморлар ёки ташувчи инсонлар саналади. Касаллик фекал-орал, контакт, сув ва овқатлар орқали ўтади. Касалликни чақирувчи омилларга ювилмаган ифлос кўллар, бактерия билан ифлосланган рўзгор жихозлари, ўйинчоқлар, озиқ-овқат ва сут маҳсулотлари киради. Дизентерия ҳамма ерда бир хил ривожланган бўлиб, асосан, озиқ-овқат тайёрлаш технологияси бузилган корхоналарда, очик сув ҳавзаларида кўпроқ учрайди.

Дизентерия билан ҳамма ёшдаги инсонлар оғриши мумкин. Ориқ, кучсиз, иммунитети сусайган шахслар, мактабгача ёшдагилар ва қарияларда кўпроқ учрайди. Асосан, фаслларга боғлиқ – ёз ва куз фаслларига тўғри келади, аммо сув ёки озиқ-овқат маҳсулотлари заарланганда, йилнинг қайси фасли бўлишига қарамасдан, эпидемиялар бўлиши эҳтимолдан холи эмас.

Инфекциянинг кириш жойи ва ривожланадиган аъзолари бўлиб овқат ҳазм қилиш системаси аъзолари саналади.

*Клиникаси:* касаллик яширин даврининг давомийлиги 1–7 кунга, кўпинча, 2–3 кунга тўғри келади. Касалликнинг бошланиши ўткир бўлиб, гоҳида қисқача прудромал босқич билан бошланиб, уйқусизлик, иситма, қорин бўшлиғидаги баъзи бир бузилишлар билан кузатилади. Юқоридаги ҳоллардан кейинги даврда иситма, бош оғриғи, дармонсизлик, қориннинг чап томон пастки қисмида санчиқсимон оғриқлар бошланади. Дастлаб ажралаётган нажас яrim суюқ, кўп миқдорда бўлади. Кейинчалик бир неча марта қайтарилган катта қабзиятлардан сўнг, нажас ҳар хил шиллик ва қон аралаш чиқади. Катта қабзиятнинг кейинги босқичларида нажас ажралишининг тезлашиши нажаснинг табиий ранги йўқолиб, асосан, шиллик моддалар, қон аралаш ва оғир ҳолатларда эса

йиринг аралаш келиши кузатилади. Баъзи бир беморларда нажасининг ранги гўшт ювилган сувга, баъзиларида эса шилимшиқ моддалар, йиринглардан алоҳида томчилар шаклида чиқади. Натижасиз ва оғриқ билан кузатиладиган ёлғон нажас ажратиш белгилари bemорларни ҳолдан тойдириб қўяди ва улар касалликка хос белгилардан саналади.

Йўғон ичакнинг бир қисми енгил касалланганда умумий организмнинг заҳарланиш белгилари нисбатан енгил кечади, ҳарорат субфебрил (ўртача) бўлади. Ич келиши кунига 10 мартағача бўлади. Касалликнинг умумий давомийлиги 2–3 ҳафтагача боради.

Йўғон ичакнинг оғир кўринишидаги хасталигида эса касалликнинг белгилари кучли ривожланган. Ич келиши кунига 20–25 мартағача боради. Баъзи бир bemорларда колит (йўғон ичаклар касаллиги) белгилари кучли намоён бўлиб, қон аралаш ич кетиши кузатилади.

*Профилактикаси:* умумий овқатланиш муассасалари, сув ҳавзалини назорат қилиш, санитария-оқартув ва шахсий гигиена ишларини яхши йўлга қуиши каби асосий омиллар муҳим аҳамият касб этади.

## Менингококкли инфекция

Менингококкли инфекция – одамлар орасида тарқалган (антропоноз) касаллик ҳисобланиб, касаллик, асосан, ҳаво-томчи йўли билан тарқалади ва кенг кўламдаги клиник шакллари – менингококк ташувчилик, менингит ва менингококк сепсис ривожланиши мумкин.

*Этиологияси:* касалликни келтириб чиқарувчи микроблар грамм манфий кокклар бўлиб, ташқи муҳит таъсирига чидамсиз саналади. Бу микроблар, асосан, оғиз-ҳалқум соҳаларида ривожланишга мослашган бўлиб, сўлаклар орқали ташқи муҳитга бактерия ташувчилар ёрдамида тарқалади. Маҳаллий иммунитетнинг пасайиши туфайли бактериялар шиллиқ қават ости қатламларига тарқалиб, томоқ яллиғланиши белгиларини намоён қиласи. Фақатгина 5% bemорларда менингококклар маҳаллий яллиғланиш чегараларини бузиб ўтиб, қон томирлар системаси орқали аъзоларга тарқалади. Менингококклар тери, мия қобиқлари, бўғимлар, кўз гавҳарига, буйрак усти безлари, ўпка, миокард ва бошқа аъзоларга шу тариқа тарқалади.

*Клиникаси:* менингококкемия (қондаги микроблар ёки менингококкли сепсис) юқори ҳарорат билан бошланади. Кўп ҳолларда касаллик бошланишидан олдин назофарингит белгилари кузатилади. Касалликнинг дастлабки кунларидаёқ тана ҳарорати 40<sup>0</sup>С ва ундан юқори бўлиб, кучли интоксиация белгилари: бош оғриғи ва мускулларда кучли оғриқлар кузатилади. Касаллик бошланганидан 12–48 соат ўтгандан кейин беморларнинг гавда, бел ва думба соҳаларида кичик нуқталар шаклидаги доғлар пайдо бўлади. Доғлар, асосан, қизил рангда бўлади. Агарда шу доғлар юз соҳаларида бўлса, у ҳолда бу ёмон кўрсаткичларга олиб келади.

Яшин кўринишидаги менингококкемия ҳаддан ташқари тез ривожланадиган менингококкли сепсис (гипертоксик сепсис) ҳисобланади. Бу касаллик жуда тез ривожланиб, кучли ҳарорат кўтарилиши, қаттиқ совқотиш ва қўрқинч билан кузатилади. Дастилабки вақтларида тана ҳарорати 40–41<sup>0</sup>С га кўтарилиб, кейинчалик инфекцион-токсик шок ривожланиши эвазига тана ҳарорати тушиб кетади. Касаллик бошланганидан 6–48 соат мобайнида ўлим содир бўлади.

Менингит ҳам кучли иситма билан бошланади, шу асосда умумий мия симптомлари ривожлана боради. Бундай симптомлар қуидагилардан иборат: кучли бош оғриғи, қайт қилиш, аммо кусишдан сўнг бемор енгиллик ҳис қиласлиги аҳамиятга эга. Дастилабки вақтларда беморда ёруғликдан қўрқиши, тери сезувчанигининг ошиши, сўнгра кучли ҳаракат қўзғалишларининг бошланиши кузатилади. Менингитга хос бўлган ҳар хил ҳушни йўқотиш каби белгилар пайдо бўлади.

Шуни эсда сақлаш керакки, қўйилган гиперташхис кечикиб қўйилган ташхисдан кўра инсон ҳаётида катта ўрин тутади.

Ҳар қандай менингитга қилинган тахмин, беморларда учраган ўткир бошланиш, ҳаддан ташқари юқори ҳарорат, танада ҳосил бўлган доғлар ва эпидемия ўчоқларини инобатга олиш беморлар ҳаётини сақлаб қолишида катта аҳамиятга эга.

*Профилактикаси:* эпидемия ва касаллик аниқланган ўчоқларда bemorлар билан мулоқотда бўлган инсонларга 10 кун мобайнида карантин эълон қилинади ва мунтазам равишда текширув ишлари олиб борилади.

---

## ТЕРИ-ТАНОСИЛ КАСАЛЛИКЛАРИ

Тери-таносил касалликлари – соғлиқни сақлаш тизимининг долзарб муаммоси. Маълумки, дунёда жинсий йўл билан юқадиган касалликлар бўйича эпидемиологик ҳолат йилдан-йилга ёмонлашиб бормоқда.

Тери-таносил касалликлари, жумладан, захм ёш нуқтаи назаридан таҳлил қилинганда унинг миқдори 8–20 ёшдан бошлаб сезиларли даражада ўсиб боради. Айниқса, 16 ёшдан 50 ёшгача бўлган шахсларда бу касалликнинг учраши жуда юқоридир. Шу билан бирга касаллик кечуви ҳам сифат жиҳатдан ўзгарди. Ҳозирги вақтда тери-таносил касалликларининг болалар ва ўсмирлар ўртасида кўпайиб бориш эҳтимоллиги қўзга яққол ташланмоқда.

Юқорида баён этилганларнинг барчаси тери-таносил касалликларининг келиб чиқиши ва тарқалишига қарши кураш, унинг олдини олиш чора-тадбирларини кенг кўламда амалга ошириш жуда долзарб муаммо эканлигидан далолат беради. Шунинг учун ҳам тери-таносил, яъни жинсий йўл билан юқадиган касалликларни ўрганиш, уларнинг келиб чиқиши ва тарқалишининг олдини олиш, самарали даво усулларини ишлаб чиқиш республикамиз соғлиқни сақлаш тизимининг устувор йўналишларидан биридир.

*Тери-таносил касалликлари ҳақида тушунча.* Тери-таносил касалликлари қадимдан маълум. Бизнинг эрамизгача бир қанча тери касалликларининг клиник белгилари ёзиб қолдирилган.

Яқингача факат захм, сўзак, юмшоқ шанкр, венерик лимфогранулематоз ва донованоз венерик касалликлар деб юритилган.

ХХ асрга келиб тери-таносил, жумладан, жинсий йўл билан юқадиган касалликлар сони ошиб бормоқда. Жаҳон соғлиқни сақлаш ташкилотининг маълумотига қараганда, охирги ўн йил ичida уларнинг сони анча ошди.

Венерик касалликлар инфекцион касалликлар бўлиб, маҳсус қўзғатувчи – микроорганизмлар таъсирида келиб чиқади. Бу қўзғатувчилар инсон танасига, асосан, жинсий алоқа натижасида юқади, шунинг учун ҳам тери-таносил – венерик касалликлар жинсий йўл билан юқадиган касалликлар деб аталади. Уларда

инфекция манбай касалланган инсон бўлиб, касаллик бевосита ва билвосита контакт йўли билан касал кишидан соғлом кишига юқади. Бу касалликларда ҳам, бошқа инфекцион касалликлар сингари, инфекцион жараённинг бошланиши макро ва микроорганизм орасидаги мураккаб муносабатларга боғлиқ бўлади. Бунда бир тарафдан макроорганизм специфик ва носпецифик ҳимоя тизими-нинг ҳолати, тери қатламларининг анатомик бутунлиги ва бошқалар муҳим аҳамият касб этса, иккинчи томондан микроорганизм микдори, унинг патоген, вирулентлик, мосланиш шакли ва бошқа хоссалари ўзига хос роль ўйнайди.

Тери-таносил касалликлари ичida энг кўп учрайдиган тури захм (сифилис) ва сўзак (гонорея)дир.

### **Захм (сифилис, луис)**

Захм сурункали юқумли таносил касаллиги бўлиб, у қадимдан маълум. Унинг ер юзида пайдо бўлиши ва тарқалиши ҳақида учта назария мавжуд.

Биринчи назарияга биноан, захм Европага 1493 йили, яъни Америка қитъаси кашф этилган йили, Христофор Колумбнинг маҳаллий аҳолидан захм касалини юқтирган матрослари томонидан олиб келинган. Шундай қилиб, бу назарияга асосан захмнинг ватани Марказий Америка ҳисобланади.

Иккинчи назария тарафдорлари эса захмнинг ватани Африка қитъаси деб ҳисоблайдилар. Улар эндемик ёки тропик трепонематозларнинг қўзғатувчилари ва венерик захмнинг қўзғатувчиси трепонемалар авлодининг турли кўриниши деган фикрдалар. Аҳоли миграцияси бу касалликнинг Африкадан дунё мамлакатларига тарқалишига сабаб бўлган.

Учинчи назарияни ёқловчилар захм Европа, Осиё ва Яқин Шарқда қадим замонларда ҳам мавжуд бўлган деган фикрдалар. Ўтмишнинг буюк олимлари Гален, Гиппократ, Абу Али ибн Сино ва бошқаларнинг асарларида ёзилган касаллик белгилари айнан захмни эслатади. Одам сүякларида захмга хос бўлган рентгенологик ўзгаришларнинг топилиши, захмни даволашда қўлланиладиган симобли моддаларнинг қон томирларида аниқланиши бу назарияни яна бир бор тасдиқлайди.

Юқоридаги назарияларнинг ҳеч бири тўлиқ тан олинмаган. Лекин эҳтимолга лойик фикр бу захмнинг ер юзида деярли инсон билан бирга пайдо бўлишидир.

*Касаллик қўзғатувчиси.* Захм касаллигини оқиш трепонема қўзғатади. Бу микроб 1905 йили Ф. Шаудин ва Е. Гоффманлар томонидан кашф этилган.

Оқиш трепонема спирал кўринишга эга. У жуда хилма-хил илгарилама, маятниксимон, тўлқинсимон, букилувчи, айланма харакатлар қила олади.

Бундай харакатлар ипсимон фибриллалар ёрдамида амалга ошади. Захм қўзғатувчиси ташқи муҳитда чидамсизdir. У қуритилганда ўлади, лекин нам муҳитда узоқ яшайди,  $40\text{--}42^{\circ}\text{C}$  да 3–6 соатда,  $56^{\circ}\text{C}$  эса 5 минутда ҳалок бўлади. Қайнаган сув, 3–0,5% ли хлорид кислота, 1:2000 нисбатдаги сулема, 1:1000 нисбатдаги суюлтирилган карбол кислота, 96 этил спиртида трепонемалар бир зумда ўлади. Консерваланган қонда оқиш трепонемалар 3–5 кунгача тирик сақланиши мумкин.

Оқиш трепонемалар кўндаланг бўлиниш йўли билан кўпаяди. Антибиотиклар таъсирида, етарли озуқа бўлмаслиги ва бошқалар туфайли улар «омон қолиши» яъни L – шакл ва цисталар шаклига ўтадилар. Цисталар коптокча шаклида ўралган трепонемалар бўлиб, ташқи томонидан дори-дармонларга чидамли қобик билан ўралган ҳамда улар организмга патоген таъсир кўрсатмайдилар ва узоқ вақт шундай ҳолда сақланадилар. Аммо маълум шароитларда, организм химоя функцияси пасайганда ва микроорганизмга салбий таъсир этувчи факторлар бартараф этилганда, циста шаклидаги микроблар патоген кўринишга ўтадилар. Бу жараён реверсия деб аталади. Циста ва L – шаклли трепонемалар пайдо бўлишининг олдини олиш учун захм билан оғриган беморларни даволашда антибиотикларни юқори миқдорда қўллаш тавсия этилади.

*Захмнинг юқиши йўллари.* Бемор захм тарқатадиган асосий манбадир. У соғлом киши билан ўпишганда, жинсий алоқа қилгандан, унинг идиш-товоқларидан фойдаланганда касаллик юқади. Демак, касаллик бевосита ёки билвосита контакт йўл билан юқар экан.

Оқиш трепонема одам организмига шикастланган тери ва шиллиқ қаватлар орқали киради. У bemор қонида, терисидаги ярада, лимфа тугунларида, орқа мия суюқлигига, сўлагига, нерв тўқималарида, ҳамма аъзоларида, ҳатто захм билан оғриган аёл сутида ёки эркак шаҳвати (сперма)да ҳам бўлади. Шунинг учун касалликнинг актив даврида bemор атрофидагилар учун ўта юқумли хисобланади.

*Захмнинг кечуви.* Захмнинг умумий кечувида тўртта давр – инкубацион (яширин), бирламчи, иккиламчи ва учламчи даврлар тафовут қилинади.

Инкубацион (яширин) давр организмга оқиш трепонемалар киргандан бошлаб, то касалликнинг биринчи белгиси – қаттиқ шанкр пайдо бўлгунга қадар давом этади. Бу давр ўрта ҳисобда бир ойча давом этиши, баъзан 10–15 кунгача қисқариши ёки 4 ойгача чўзилиши мумкин.

*Захмнинг бирламчи даври* терида бирламчи сифилома (қаттиқ шанкр) пайдо бўлгандан то тери ва шиллик қаватларда иккиламчи захмга хос тошмалар тошишига қадар бўлган муддатни ўз ичига олади. Бу муддат 6–7 ҳафтани ташкил этади.

Қаттиқ шанкр ёки бирламчи сифилома оқиш трепонема кирган тери ва шиллик қаватларда чегараланган инфильтрат ҳосил бўлиши билан бошланади. Кейинчалик эса инфильтратнинг юза қисми некрозга учраб, эрозия ёки яра вужудга келади. Одатда, қаттиқ шанкр овал ёки юмалоқ, атроф терисидан аниқ чегараланган, катталиги жимжилоқ тирноғидай келадиган эрозиядир.

Унинг ранги қизил, четлари текис, юлинмаган ва бир оз кўтарилиган бўлиб, тубига томон нишаб бўлиб боради (идиш шаклини эслатади). Жароҳатнинг юзи текис, силлиқ, гўшт рангидан бўлади, унинг маркази гоҳо сарғиш ёғ ғубори билан қопланган бўлиши мумкин. Эрозиялардан бир оз сероз суюқлик чиқиб, шанкрга ялтироқ, «лакланган» кўриниш беради. Эрозияли шанкрлар эпителиизация йўли билан тузалса, яралиси ўзидан сўнг чандик қолдиради.

Қаттиқ шанкр, кўпинча, жинсий аъзоларда, баъзан оёқ, қорин ва бошқа соҳаларда кузатилади. Шу билан бирга шиллик қаватларда, кўпинча, лаб, тил, кўкрак ва бодомча безларида жойлашади. Қаттиқ шанкрнинг жойлашуви касаллик қандай йўл билан юқсанлиги хақида далолат беради.

Қаттиқ шанкр субъектив белгиларсиз, баъзан эса сезиларсиз оғриқ билан кечади.

Қаттиқ шанкр ҳосил бўлгандан сўнг (кўпинча, 5–7 кун ўтиб) бирламчи захмнинг иккинчи белгиси, яъни регионал лимфа тугунларининг яллиғланиб, катталлашиб шишиши, бир оз қаттиқлашиши – регионар склераденит кузатилади.

Бу тугунларнинг жойлашуви қаттиқ шанкр пайдо бўлган соҳалар яқинида бўлади. Агар қаттиқ шанкр жинсий аъзоларда

пайдо бўлса, чов лимфа соҳаси лимфа тугунлари катталашади. Агар шанкр оғиз бўшлиғи, лаб ва тилда пайдо бўлса, жағ ва даҳан ости лимфа тугунлари катталашади ва ҳ. к.

Лимфа тугунларининг ловиядек катталашуви, қаттиқ эластик консистенцияга эга бўлиши, пайпаслаб кўрилганда уларнинг харакатчанлиги, бир-бири ва тери билан бирлашмаганлиги ҳамда оғримаслиги регионар склераденит учун характерлидир.

Бирламчи захмнинг охирги ҳафтасига бориб оқиш трепонемалар организмнинг барча лимфа тугунларига тарқалади ва сони ҳам ортади. Бу ҳолат барча лимфа тугунларининг катталashiши – полиаденит билан ифодаланади.

Бирламчи захмнинг биринчи 3 ҳафтасида Вассерман (RW) ва чўкма реакциялар манфий бўлади (бирламчи серонегатив захм), кейинчалик эса (одатда, қаттиқ шанкр пайдо бўлганидан 4 ҳафта ўтгач) серологик реакциялар мусбатлашади (бирламчи серопозитив захм). Бирламчи захмнинг умумий белгилари, қарийиб 60% беморларда дармон қуриши, иситма чиқиши, бош ва бўғим оғриши, иштаҳа йўқолиши, уйқусизлик билан кузатилади. Қонда анемия, лейкоцитоз, эритроцитлар чўкиш тезлигининг ошиши кузатилади.

*Захмнинг иккиласми даври*, одатда қаттиқ шанкр ҳосил бўлгандан 6–7 ҳафта ўтиб бошланади, яъни бирламчи захмга хос бўлган клиник белгилар (қаттиқ шанкр, регионар склераденит, полиаденит) фонида тери ва шиллик қаватларда розеолез-папулез тошмалар тошади. Иккиласми захм 4 йил давом этади, ҳатто 5 йилгacha чўзилиши мумкин ва серологик реакциялар мусбат бўлади. Захмнинг иккиласми даврида ички аъзолар, ҳаракатланиш аппаратлари ва асад тизимида турли хил патологик ўзгаришлар кузатилади.

Иккиласми захмнинг биринчи 5–7 кунида баъзи беморларда (10–15 %) умумий дармонсизлик, ланжлик, бош оғриши, ҳарорат кўтарилиши, қечқурун бўғим ва суякларда оғриқ бўлиши кузатилади. Аммо, кўпинча, беморнинг умумий аҳволи деярли ўзгармайди.

Иккиласми захмга хос бўлган хусусият – бу актив тошмалар тошиш даврининг яширин ёки ассимптом даврлар билан алмасинишидир. Агар иккиласми захм даврида тери ва шиллик қаватларда тошмалар биринчи маротаба пайдо бўлса, бундай захм иккиласми янги захм деб аталади. Тахминан 3 ойдан сўнг (агар касаллик даволанмаса) тошмалар ўз-ўзидан йўқолиб кетади ва

касаллик иккиламчи яширин ёки латент даврга ўтади. Кейинчалик яна тошмалар пайдо бўлса, у ҳолда иккиламчи рецидив (қайталама) захм вужудга келади. Иккиламчи латент давр турли муддатларга чўзилиши мумкин. Бу, авваламбор, макро ва микроорганизм орасидаги иммунобиологик жараёнга боғлиқ. Иккиламчи захмда тошмалар тошиши 3–4 марта қайталаниши мумкин. Бу тошмалар умумий хусусиятга эга. Улар баданнинг турли соҳаларида учраб, шакли думалоқ, кескин чегарага ва кўкимтири-қизғиш рангга эга, қўшилишга мойил эмас, субъектив сезгилар бўлмайди, даволаш чоралари ўтказилмаса ҳам маълум муддатдан кейин изсиз йўқолиши мумкин.

Беморлар бу даврда ўта юкумли бўладилар.

Иккиламчи захмда морфологик элементлардан доғ (розеола), тугунча (папула), баъзан эса пуфакча (везикула) учрайди. Шу билан бирга бу даврда сифилитик лейкодерма ва соч тўклиши (сифилитик аллопеция) ҳам кузатилади.

Захмнинг иккиламчи янги давридаги сифилидлар майда ва кўп, ёрқин рангли, симметрик, атрофга ёйилмайди, усти кепакланмайди. Улар, кўпинча, кўкрак, қорин ва қўл, думба, сон ва оғиз шиллиқ қаватида учрайди. Улар босиб кўрилса йўқолади, сўнг яна пайдо бўлади. Розеола 2 ҳафта давомида тошиб, 3–4 ҳафтагача ўзгармай тураверади, кейин рангизланади ва секин-аста ҳеч қандай доғ қолдирмай йўқолиб кетади.

Иккиламчи рецидив захмда тошмалар йирик ва сони кам, кўпинча, симметрик бўлмай, гуруҳлашишга мойил бўлади ва кўп ишқаланувчи соҳаларда (сон, жинсий аъзолар, оғиз бўшлиғи) жойлашади.

Иккиламчи захм даврида ички аъзо ва нерв тизимида ўзига хос ўзгаришлар пайдо бўлади. Жумладан, Боткин касаллигини эслатувчи ўткир гепатитга хос бўлган белгилар, сифилитик липоидли нефroz, сифилитик миокардит, гипоацид гастрит, сифилитик менингит, гидроцефалия, базал менингит каби касаллик белгиларини аниқлаш мумкин бўлади.

*Захмнинг учламчи даври.* 3–5 йилдан кейин иккинчи давр захмнинг учинчи даврига ўтади; захмнинг бу даври bemorlarning ҳаммасида ҳам кузатилавермайди. Бу давр bemorни тўла ёки мутлақо даволанмаганлиги натижасида келиб чиқади. Бу давр тери, шиллиқ қаватлар, ички аъзолар, асад тизими ҳамда ҳаракат

аппаратининг заарланиши билан характерланади. Учlamчи захмнинг ривожланишида травма ва сурункали касалликлар, заҳарлашилар, беморнинг ёши ҳамда бошқа омилларнинг аҳамияти катта.

Учlamчи захм клиник кечувига қараб фаол (актив) ва яширин даврларга бўлинади. Бу давр яна ўз навбатида дўмбоқча ва тугун (гумма) тошиш даврига ажратилади. Тошмалар сон жиҳатидан оз бўлиб (дўмбоқчалар 10–20 та бўлса, гумма, одатда, битта ёки иккита бўлади), ўзидан сўнг чандик қолдиради. Агар тошмалар ҳаёт учун муҳим аъзо ва тизимларда жойлашса, у бемор ҳаёти учун жиддий хавф туғдиради. Бемор бу даврда атрофдагилар учун кам юқумли ҳисобланади, чунки тошмалар юзасида оқиш трепонемалар кам бўлиб, улар асосан, инфильтрат тубида жойлашади. Учlamчи захм организмни оғир ўзгаришларга олиб келади. Бу давр ичида тери ости ёғ қаватида, суяқ ва мускулларда, асаб тизими ва ички аъзоларда ўзгаришлар кузатилади.

Дўмбоқчали сифилид бемор терисининг дерма қаватида хужайравий инфильтрат ҳосил бўлиши натижасида вужудга келади. Бу терининг ҳамма соҳасида учраши мумкин. Дўмбоқчалар оғримайди, қичишмайди ва яллиғланмайди. Улар ярим ойсимон ёки яssi, ранги қизғиши бўлиб терида асимметрик жойлашади. Дўмбоқчалар олча данагидек бўлиб, қаттиқ ва аниқ чегараланган бўлади. Улар вақт ўтиши билан некрозга учраб яра ва тортилган чандиқлар ҳосил қиласилади.

Дўмбоқчали сифилидларнинг тошмаларнинг бир вақтда чиқмаслиги туфайли бир неча тури тафовут қилинади: гурӯҳлашган (элементлар гурӯҳ-гурӯҳ бўлиб жойлашади, лекин бир-бири билан қўшилмайди), эмакловчи (дўмбоқчалар қўшилди, марказидаги регрессга учрайди, перефериқ соҳаларда эса янги элементлар пайдо бўлади), майдончали (дўмбоқчалар қўшилиб, майдонча ҳосил қиласади), пакана (тарик донидек келадиган дўмбоқчалар кузатилади).

Дўмбоқчали сифилид субъектив ўзгаришларсиз кечади.

Сифилитик гумма учlamчи актив захмнинг энг кўп учрайдиган элементидир. Морфологик нуқтаи назардан сифилитик гумма гиподермада жойлашган тугун бўлиб, катталиги ёнғоқдек келади. У аста-секин катталашиб, тери билан бирлашади ва ҳаракатчанлигини йўқотади. Терининг ранги кўкимтир-қизғиши тусга киради. Бемор бироз оғриқ сезади. Сўнг тугуннинг ўртаси юмшаб, у ерда тешик ҳосил бўлади ва ундан ёпишқоқ суюқлик ажралиб чиқади. Ҳосил бўлган яра – овал шаклида, аниқ чегараланганлиги, чети бироз

теридан күтарилганлиги, қаттиқ консистенцияга эга эканлиги ва тубида некрозга учраган тўқима борлиги билан характерланади. Жароҳат ўрнида юлдузсимон гиперпигментли чандик ҳосил бўлади.

Клиник кечувига қараб изоляцияланган, инфильтратли ва фиброзли гуммалар фарқланади.

Учlamчи сифилиздлар (дўмбоқча ва гуммалар), кўпинча, бурун, юмшоқ танглай ва танглай тилчаси шиллик қаватларида жойлашади. Суяклар заарланса, бурун суяги чўкиб, эгарсимон бўлиб қолади. Қаттиқ ва юмшоқ танглайларнинг тешимиши, танглай пардасининг шикастланиши оқибатида овоз ўзгаради, ютган овқат бурун бўшлиғига ўтиб кетади.

Ҳаракатланиш аппаратларида ўзгаришлар периоститлар, оSTITлар ва остеомиелитлар, артритлар ва остеоартритлар намоён бўлади.

Юрак-томир тизимида аортит ва мезоаортитлар, захм миокардити ривожланади. Жигарда сурункали эпителиал захм гепатитлари кузатилади. Нерв тизимида эса кечки нейросифилис белгилари юзага келади. Кўпгина ҳолларда учlamчи захмда орқа мия сўхтаси (куриши, табес) – сурункасига оғир ўтиши билан ажralиб турадиган, орқа мия қобиқлари, устунлари ва пўстлокларининг шикастланиши ва кучли оғриқ билан кечадиган касаллик ёки прогрессив фалаж – мия майда қон томирларининг яллиғланиши ва бош мия моддаси, мияга ҳамда марказий кулранг ядроларининг шикастланиши ётадиган касалликлар келиб чиқади.

*Яширин ва туғма захм.* Баъзан захм билан оғриган беморларнинг териси, шиллик қаватлари, ички аъзолари, асад тизими ва ҳаракатланиш аппаратларида касалликнинг клиник белгилари кузатилмайди, аммо серологик реакциялар мусбат бўлади. Бундай захмга яширин захм деб аталади.

Яширин захмнинг эрта (инфекция тушгандан сўнг ўртача йил мобайнида), кечки ва номаълум турлари тафовут қилинади.

Захм билан оғриган ҳомиладор онадан сифилитик инфекция қориндаги болага ўтади ва уни заарлайди. Бу туғма захм деб аталади.

Захм қўзғатувчиси ҳомилага онадан йўлдош орқали ўтади. Шунинг учун туғма захм учун ҳомиладорликнинг иккинчи ярми, яъни йўлдош қон айланиш доираси ишга тушгандан сўнг хавфли ҳисобланади. Захмнинг иккиласи даври, баъзида эса учlamчи ва кечки захм ҳомила учун ўта хавфли бўлади.

Клиник белгиларининг кечиши ва муддатига қараб туғма захм түрт хилга бўлинади: 1)ҳомила захми; 2) эрта туғма захм (туғилгандан то 4 ёшгача бўлган давр); 3) кечки туғма захм (4 ёшдан ошган болаларда); 4) яширин туғма захм (турли ёшда учрайди).

*Захмга қарши кураш.* Захмга йўлиқкан bemорни даволашдан ташқари захмга қарши курашда қуйидаги даволаш усуллари қўлланилади:

1) первентив даволаш захмнинг келиб чиқиши олдини олиш мақсадида, унинг эрта давридаги bemорлар билан жинсий ва майший мулоқотда бўлган (агар мулоқот муддати уч ойдан ошмаган бўлса) кишиларга ўтказилади;

2) профилактик даволаш илгари захм билан оғриган ёки айни вактда баданида захм инфекцияси бор бўлган ҳомиладор аёллар ва уларнинг болаларига (уларда серологик ва клиник белгилари бўлмаса ҳам) ўтказилади;

3) асаб тизими, ички аъзоларнинг захм билан заарланганлиги гумон қилинганда синама даволаш белгиланади.

*Захм билан оғриган шахсларни маҳсус рўйхатдан чиқарши.* Беморларни захмдан тўла даволанганигини тасдиқловчи мезонларга клиник кўрсаткичлар (тери, шиллиқ қаватлар, ички аъзолар ва асаб тизимидағи касаллик белгиларининг йўқолиши), рентгенологик ва лаборатория кўрсаткичларининг нормаллашуви кабилар киради.

Захмдан даволанган bemорлар маҳсус рўйхатдан қуйидаги ҳолатларда чиқарилади:

а) бошланишида бирламчи даволанган, сўнг бир йил мобайнида диспансер назоратида бўлган bemорлар;

б) бирламчи захм даврида даволанган, сўнг икки йил мобайнида диспансер назоратида бўлган bemорлар;

в) иккиламчи захм даврида тўлиқ даволанганидан сўнг 5 йил мобайнида диспансер назоратида бўлган bemорлар;

г) учламчи захм даврида тўлиқ даволанганидан сўнг 5 йил мобайнида диспансер назоратида бўлган bemорлар;

д) захм касаллиги билан аниқ оғриган ва клиник белгилари намоён бўлмасдан олдин тўлиқ даволанганидан бўлган bemорлар касаллик юққандан бошлаб 10 йил ўтгач, мутахассис кўригидан сўнг маҳсус рўйхатдан чиқарилади;

е) туғма захм билан оғриган bemорлар тўлиқ даволангач, 5 йил мобайнида диспансер назоратида бўлганидан сўнг маҳсус рўйхатдан чиқарилади.

## Сўзак (гонорея, триппер)

Сўзак юқумли таносил касаллиги бўлиб, асосан, жинсий йўл билан юқади. Сўзак юононча «гонорея», яъни *gone* – уруғ, *rhoia* – оқиш демакдир. Сўзакда, асосан, сийдик-таносил аъзолари, баъзан тўғри ичак, кўз, оғиз шиллиқ қаватлари ҳам заарланади.

Сўзак қадимги таносил касалликларидан ҳисобланади. Эркаклар сўзагида, одатда, уретрадан сарғиш-гунгурт йирингли суюқлик чиқа бошлайди, шу клиник кўринишни эрамиздан аввалги II асрда яшаган Гален «гонорея» деб атаган.

Сўзак эрамиздан аввалги V асрда Гиппократга ҳам маълум бўлган, лекин уни биринчи бўлиб А. Нейссер аниқлаган. У беморларнинг уретра каналидан касаллик қўзғатувчисини топиб, гонококклар сийдик-таносил аъзоларида яллиғланиш жараёнларини вужудга келтиришини илмий асослади (1879). Шундан буён сўзак мустақил касаллик деб юритилади.

Жаҳон соғлиқни сақлаш ташкилоти маълумотларига кўра, ҳозир ҳам сўзак энг кўп тарқалган таносил касалликлар қаторига киритилади. Ер шарида йилига 200–250 млн. аҳоли бу касалликка чалинади. Ҳатто ривожланган Европа давлатларида ҳам, сўзак касаллиги сони бўйича ўткир юқумли гриппдан кейинги ўринда туради.

*Касаллик қўзғатувчиси.* Сўзак қўзғатувчиси гонококклар жуфт-жуфт бўлиб турадиган кокклар, яъни диплококклардир (юононча *diplos* – жуфт демакдир). Улар ботиқ томони бир-бирига қараб ётадиган дуккаклар шаклида бўлади. Гонококкни 1879 йили немис олими Альберт Нейссер топган.

Е. Бум эса 1885 йилда уни маҳсус озиқли муҳитда ундиришга меваффақ бўлган. Гонококклар бир хил катталиқда, яъни 0,7–0,8 мк, бўйи 0,25 мк келади. Беморга етарли микдорда антибиотиклар ёки сульфаниламид препаратлари буюрилмаса, уларнинг каттакичикилиги, шакли ўзгариб, шарсимон, тухумсимон ёки эритроцитлар катталигидаги заррачаларга, яъни L – шаклига тезда айланиб қолади. Бу эса даволашни анча мушкуллаштиради, ҳатто улар баъзи антибиотикларга, масалан, пенициллинга қарши пенициллиназа ферментини ишлай бошлайди.

Гонококклар одам организмидан ташқарида юқори ҳароратга чидамсиз, айниқса, 40–50°C дан юқори ҳарорат, дезинфекцияловчи эритмалар таъсирида тез ўлади. 1:100 нисбатдаги кумуш нитрат

эритмаси, йод ва спирт гонококкларни шу заҳоти ўлдиради. Аммо қуrimаган қалин йирингда ва ҳар хил буюмларда ёки нам ички кийимларда, сочиқ ва бошқаларда бир сутка, баъзан ундан ортиқ сакланади.

*Касалликнинг юқии ўллари.* Сўзак, асосан, соғлом одамга bemor билан жинсий алоқа қилганда юқади. Касаллик манбаи сўзак билан оғриганлигини билмай юрган ёки сурункали сўзакка чалинган bemорлар ҳисобланади.

Айниқса, аёллар ўзларининг касал эканликларини узоқ вақтгача билмай юришлари мумкин. Бундай ҳолат бесоқолбозлик (гомосексуализм) билан шуғулланвчиларда ҳам кузатилиши мумкин. Баъзан сўзак билан оғриган қизларнинг шахсий гигиена қоидаларига риоя қилмасликлари туфайли, уларнинг жинсий аъзоларидан келаётган инфекцияли ажралмалар тӯғри ичак шиллиқ қаватига тушиб уни яллиғлантиради. Орогенитал мулоқотдан сўнг гонококклар бодомча безлар ва томоқ шиллиқ қаватини бирламчи яллиғлантириши мумкин.

Кузатишлар шуни кўрсатадики, сўзак билан оғриган bemорларнинг деярли 95–99% уни жинсий алоқа оқибатида юқтириб олади.

*Касаллик кечуви.* Сўзаккка қарши түфма иммунитет ҳам, ортирилган иммунитет ҳам йўқ. Шу боис, касалдан тузалган bemор яна қайта касалланиши мумкин, яъни бир киши сўзак билан бир неча марта оғриши мумкин (реинфекция)

Сўзакда асосий патологик жараён, одатда, қўзғатувчи бирламчи кирган жойидан бошланади. Шунга асосан, сийдик-таносил аъзолари (генитал), экстрагенитал ва метастатик сўзак фарқланади. Метастатик сўзак генитал ва экстрагенитал сўзаклар асорати ҳисобланади.

*Эркаклар сўзаги.* Инкубацион давр сўзак бўлган аёл билан жинсий алоқа қилгандан сўнг 3–5–7 кун давом этади. Баъзан эса 3 хафтагача чўзилиши мумкин. Агар касаллик бошланганига бир ойдан ошган бўлса, уни сурункали сўзак деб юритилади. Шунингдек, касаллиги аниқланмаган bemорларни ҳам сўзакнинг сурункали хилига киритилади.

Инкубацион даврдан сўнг сийдик чиқариш каналидан сарғиши-кўқимтирийиринг ажрала бошлайди.

Баъзи касалларда гонококк бўлишига қарамай, касаллик белгилари кузатилмайди, бундай ҳолат яширин (латент) сўзак ёки гонококк ташувчилик деб юритилади.

Эркаклар сўзагининг қўйидаги турлари мавжуд:

- 1) янги сўзак; а) ўткир; б) ўртача ўткир; в) суст кечадиган;
- 2) сурункали сўзак;
- 3) яширин (латент) сўзак.

*Ўткир сўзак уретрити.* Касаллик сийдик чиқариш каналининг олд қисмида қичиш, қизиш ва бир оз ачишишдан бошланади. Бу белгилар, айниқса, тонгда безовта қиласди. Бунда уретра канали оғзи ёпишиб қизаради ва шишиб кетади. Сийдикда шилимшиқ ва йириングли ипчалар кўринади. Бора-бора бемор сийганида оғриқ туриб, қаттиқ ачишишдан, эрекцияда оғриқ сезилишидан нолиди ҳамда сийдик каналидан жуда кўп сарғиш-гунгурт йиринг келади. Сўнг яллиғланиш қучайиб, ажралмалар қон аралаш чиқиб, ранги сарғимтир-жигарранг тусга киради.

Касалликнинг 3–4 ҳафталари охирида яллиғланиш уретранинг олд қисмидан орқасига ўтади ва ўткир тотал сўзак уретрити авж олади. Касаллик белгилари зўрайди (уретроцистит). Бемор тез-тез сияди, сийганида оғриқ сезади, сийдигида қон бўлиши ҳам мумкин.

Суст кечадиган сўзакда сўзак уретритининг клиник белгилари суст, яъни сийдик чиқариш канали атрофи бир оз қизарган, шишган бўлиб, факат эрталаблари ажралмалар кам микдорда шилимшикли ва йириングли бўлади.

Ўртача ўткир сўзак уретрити белгилари юқорида айтилган ҳар иккала уретритнинг оралиғида туради.

Ўткир сўзак уретритида сийдик каналининг орқа қисми зарарланиб, унда, одатда, простата бези ва тухум ортиклари ҳам патологик жараёнга қўшилади.

Ўткир сўзакда умумий белгилар: ҳарорат кўтарилиши, иштаха пасайиши, умумий қувватсизлик кузатилади.

*Сурункали сўзак.* Бемор ўз вақтида даволанмаса ёки пала-партиш даволанса, шунингдек, парҳез ва даволаш режимига риоя қилмаса, жараён ўткирдан сурункалига ўтади. Касалликнинг бу кўриниши кечуви жиҳатдан суст кечадиган сўзакка ўхшайди. Баъзан сурункали сўзак қўзиб туради. Айниқса, bemor аччиқ, шўр таомлар истеъмол қилса, спиртли ичимликлар исча, жинсий алоқа қилса, яллиғланиш зўрайди. Бунда касаллик белгилари худди ўткир ёки ўртача ўткир сўзакка ўхшаб кетади.

Эркаклар сўзагининг асоратлари:

- 1) уретра структураси;
- 2) сўзак простатити;
- 3) сўзак калликулити (уруг дўмбоқчасининг яллиғланиши) ва везикулити (уруг пуфакчаларининг яллиғланиши);
- 4) эпидидимит (мояк ортигининг яллиғланиши).

Аёллар сўзаги ўзининг клиник кўриниши ва кечиши жиҳатидан эркакларнидан бир оз фарқ қиласи – бу эркак ва аёл сийдиктаносил аъзоларининг тузилишидаги тафовутларга боғлиқ.

Аёлларда сўзак инфекцияси уретра, бартолин безлари, бачадон бўйни, шунингдек, тўғри ичакни бир йўла шикастлантиради ва жадал кечади.

Инфекция, асосан, жинсий йўл билан юқади, аммо ножинсий йўл билан юқиш ҳам учрайди.

Гонококклар жинсий алоқадан сўнг аввал уретрага кейин бачадон бўйнига тушиб, уларни яллиғлантиради. Кейинчалик катта вестибуляр безлар ва тўғри ичакнинг қуи қисми заарланади.

Инкубацион давр 3–5 кун, баъзан 4–15 кунгача чўзилиши мумкин. Касалликнинг субъектив белгилари сустлиги туфайли аёллар инфекция юқтирган вақтини тайин айта олмайди.

Аёллар сўзаги клиник кечишига қараб худди эркакларнидек тафовут қилинади: янги сўзак (ўткир, ўртacha ўткир, суст кечадиган); сурункали сўзак (икки ойдан ошган сўзак).

Сийдик-таносил аъзоларининг фақат қуи қисми (қин даҳлизи, бартолин безлари, уретра, бачадон бўйни) сўзак билан заарланган бўлса, бу асорат бермаган, мабодо бачадоннинг ички қисми, тухумдон ортиқлари ва бошқа аъзолари ҳам заарланган бўлса, касаллик юқорига кўтариувчи асорат берган сўзак дейилади.

Аёллар сўзагининг ўтиши ўткир ва сурункали бўлади. Бемор аёлларнинг 71–96% да сўзак уретрити кузатилади. Бунга, асосан, аёллар уретрасининг қисқа ва энлилиги сабаб бўлади. Касалликнинг ўткир даврида bemorлар уретранинг санчиб оғришидан, сурункали даврида эса тез-тез сийишдан шикоят қиласидилар. Уретра шишиб қизаради, босганда оғриб, оқиш-сарғимтир ажралма келади.

Аёллар сўзагининг юқорига кўтариувчи асорат берган кўринишларида ички жинсий аъзоларнинг заарланиши туфайли шу касалликларга хос бўлган белгилар намоён бўлади ва субъектив ҳамда объектив жиҳатдан яққол ва аниқ белгилар билан кечади.

*Сўзак билан оғриган шахсларни маҳсус рўйхатдан чиқарии.* Сўзакдан даволангандикнинг исботи bemorni тўлиқ даволаб, 1–2 ой мобайнида диспансер кўриги ўтказилгач аниқланади. Бактериологик текширишлар вақтида гонококк аниқланмаслиги тўлиқ даволангандик далолати бўла олмайди, чунки гонококкларнинг бошқа шаклларга ўта олиш эҳтимоллиги туфайли ҳамда уларни

яширин ўчоқлардан чиқишига мажбур қилувчи усуллар қўлланилганидан сўнг бу ҳақда фикр юритиш мумкин.

Беморларнинг тўлиқ даволанганлигини тасдиқлашда қуидагиларни ҳисобга олиш керак:

- 1) ҳафта давомида текширилганда синамаларда гонококкларнинг мутлақ учрамаслиги;
- 2) простата бези ва уруғ пухакчалари томонидан ўзгаришлар бўлмаслиги ҳамда ажралмада лейкоцитларнинг учрамаслиги;
- 3) сийдик каналида яллиғланиш жараёнининг кузатилмаслиги.

### **Сийдик-таносил аъзоларининг бошқа касалликлари**

*Трихомониаз.* Бу касаллик сийдик-таносил аъзоларининг трихомонададан заарланиши туфайли юзага келади. Трихомониаз энг кўп тарқалган паразит касалликлардан ҳисобланади. Маълумотларга кўра, ҳар йили дунёда 180–200 млн киши бу дардга чалинар экан. Одатда, касаллик эркакларга ҳам аёлларга ҳам бир хилда юқади, аммо касаллик белгилари эркакларда суст намоён бўлади.

Трихомониаз таносил (венерик) касалликлари рўйхатига киритилмаган бўлса ҳам, жинсий йўл билан юқадиган касалликлар қаторида туради. Трихомониазнинг яширин даври 3–7 кундан 3–4 ҳафтагача, ўртacha 10–15 кун, баъзан узоқроқ чўзилиши ҳам мумкин. Клиник кечувчи сўзакли уретрит клиник белгиларига ўхшайди.

Ўткир трихомонадали уретритда уретрадан ажралаётган суюқлик 1–2 ҳафта ичida ўз-ўзидан камайиб, касаллик аломатлари барҳам топиши мумкин. Бора-бора касаллик сурункали уретритга ўтиб, вақти-вақти билан хуруж қилиб туради. Бундай bemорлар касаллик ташувчилар ҳисобланади.

Трихомонадали уретритдан bemор яхши даволанмаса ёки даво режими ва парҳез сақланмайдиган бўлса, уларда (5–10 %) уретра структураси, чандиқланиш каби асоратлар қолади.

*Сийдик-таносил аъзолари хламидози ва микоплазмози.* Кейинги йилларда жаҳон миқёсида сўзак, захм каби хавфли юқумли таносил касалликлари билан бир қаторда гонококксиз (ногонококк) уретрит (носпецифик уретрит, сўзакдан кейинги уретрит) деб аталадиган таносил касалликлари учраб туради. Маълумотларга кўра, бундай касалликлар сўзакка қараганда 2–3 баравар кўпроқ сийдик-таносил аъзолари яллиғланишига сабаб бўлмоқда. Мазкур касаллик билан оғриган bemорлар сони расмий маълумотларга қараганда дунё

бўйича 750–800 млн дан ошиб кетди. Уларнинг 60–65% ни урогенитал хламидоз ва микоплазмоз (уреаплазмоз) ташкил этади деб тушунтирилмоқда.

Сийдик-таносил аъзолари хламидиозига хламидийлар сабаб бўлади. Улар майда грамм манфий кокк шаклида бўлиб, прокориотларга хос бактерияларга ўхшаб кетади. Хламидийлар 4–48 соатлик ривожланиш босқичини босиб ўтиб, одатда, ҳужайралар ичидаги ташқарисида яшашга мослашган.

Сийдик-таносил аъзолари хламидози клиник кўриниши бўйича сўзакка ўхшаб кетса-да, ўзига хос белгилари билан ундан фарқ қиласади. Бунда яллиғланиш ўткир ёки суст, кўпроқ асорат билан кечади, сўзакка қарши антибактериал препаратларга анча чидамли бўлади.

Касаллик асосан жинсий йўл билан юқади. Инкубацион давр 20–30 кун, баъзан бу муддат сал ўзгариб туради. Яллиғланиш ўчоқларига қараб хламидияли уретрит, простатит, эпидидимит, цервицит, оофарит, сальпингит ва бошқалар учрайди. Касаллик кўпроқ сурункали шаклда учрайди. Аксарият бир вақтнинг ўзида сийдик-таносил аъзоларидан бир нечтаси заарланади.

Касаллик бир неча ҳафтадан сўнг спонтан тузалиши мумкин. Аммо бундаги клиник ўзгариш этиологик ўзгаришга олиб келмайди. Даволанмаган беморларнинг кўпчилигида турли асоратлар: эпидидимит, орхоэпидидимит, гемморагик цистит, уретра структураси кузатилади.

Сийдик-таносил аъзолари микоплазмозига гамико-плапзмалар сабаб бўлади. Микоплазмалар жуда майда микроорганизмлар бўлиб, бактериялар каби ўзининг ҳужайра қобиғига эга эмас. Улар тухумсимон, чўзинчоқ ва сферик шаклда бўлиб, катталиги 0,2–0,3 мкм.

Микоплазмалар ёки уреаплазмалар туфайли юзага келган уретритлар спецефик клиник кўринишига эга эмас. Барча ногонококк уретритлар каби у ҳам кам белгилар билан кечади. Шунинг учун инкубацион даврини белгилаш ҳам мушкул.

Беморларнинг маълум бир қисмида (4–5 %) уреаплазмали уретритлар сўзакка ўхшаб кетади. Касаллик бундай кечганда инкубацион давр 3–5 кунга тенг бўлади. Аммо аксарият ҳолларда микоплазмали уретритлар ўртача ўткир ёки сурункали кечиб, инкубацион даври 30–40 кунга сурилиб кетиши мумкин.

Урогенитал уреаплазмоз оғир-енгиллигига қараб енгил, ўртача оғир ва оғир хилларга ажратиласди.

Қуйидаги ҳолларда аёл ва эркаклар уреаплазма ва хламидий инфекцияси бўйича текширилиши лозим: сўзак, трихомониаздан кейинги асоратларда, ногонококксиз уретритда, кичик чаноқ аъзоларида сурункали яллиғланиш бўлганда, бўйида бўлмаслик, бепуштлик, ҳомила ташлаш, туғруқдан кейинги патологик жараёнлар, бўғим касалликлари ва пала-партиш жинсий ҳаёт тарзи ва бошқалар.

### **Таносил касалликлари тарқалишининг олдини олиш чора-тадбирлари**

Шахсий профилактика:

- 1) пала-партиш жинсий алоқалар эҳтимоллигини чеклаш;
- 2) жинсий алоқада презерватив қўллаш;
- 3) жинсий алоқадан сўнг жинсий аъзоларни совун билан ювиш;
- 4) индивидуал профилактика пунктига мурожаат қилиш.

Жамоат профилактикаси:

- 1) таносил касалликлари билан оғриган bemорларни маҳсус рўйхатга олиш;
- 2) таносил касаллигига учраган bemорларни бепул даволаш;
- 3) захм касаллигининг барча юқумли кўринишлари билан оғриган bemорларни маҳсус шифохоналарга ётқизиш;
- 4) инфекция манбаларини аниқлаш;
- 5) таносил касаллигига йўлиқкан bemорлар билан жинсий алоқада бўлган шахсларни аниқлаш ва уларни маҳсус текширувдан ўтказиш;
- 6) таносил касаллар билан алоқада бўлганларни олдиндан даволаш;
- 7) даволанишдан бош тортган bemорларнинг мажбурий даволанишларини амалга ошириш;
- 8) ишга жойлашаётганлар, донорлар ва ҳомиладорларни таносил касаллиги бўйича текшириш;
- 9) шифохонага ётган барча bemорларнинг таносил касаллиги бўйича текширувини амалга ошириш;
- 10) таносил касаллигига учраб, уни юқтириб юрган шахсларга нисбатан жиноий жазо чораларини қўллаш;

11) аҳолининг тери-таносил касалликлари ва унинг асоратлари бўйича тиббий маданиятини ошириш.

## **ОИТС – орттирилган иммунтақчиллик синдроми**

У биринчи марта инфекцион касаллик сифатида 1981 йилда АҚШда қайд қилинган.

ОИТС чақиравчиси тузилиши ва кимёвий таркиби бўйича жуда мураккаб вирус ҳисобланади. Юқори ҳарорат ва бошқа воситалар таъсирида вирус ҳалок бўлади. Касаллик, асосан, жинсий алоқа орқали юқади. Бундан ташқари, стерилланмаган ниналар, шприцлар ва бошқа воситалар қўлланилганда, қон ва унинг маҳсулотлари қуилганда, орган ва тўқималар бошқа одамга ўтказилганда, bemor онадан болага юқиш ҳоллари ҳам кузатилади.

ОИТС юқишида «хавф» гуруҳлари катта роль ўйнайди, айниқса, бу гуруҳга бесоқол (гомосексуалист)лар киради.

Касаллик, асосан, тартибсиз жинсий ҳаёт кечирган одамларда учрайди. Шунинг учун бу касалликнинг кенг тарқалишида фоҳишабозлик муҳим ўрин эгаллайди. Кейинги навбатда хавфлилик жиҳатидан гиёҳвандлар гурухи турари, улар стерилланмаган ниналар ва шприцлардан фойдаланганлиги учун касаллик юқади. Шундай қилиб, гомосексуалистлар, фоҳишалар ва гиёҳвандлар гуруҳлари ушбу касаллик билан юқори даражада, яъни 95% ҳолатларда оғришади, қолган ҳолларда қон қуийш, бўйракни ўтказиш ва bemor онадан болага ўтиши кузатилади.

Одам организмининг иммун тизими шикастланиши – ОИТС ривожланишининг асосий механизми ҳисобланади. Вирус иммун тизим ҳужайралари (Т – лимфоцитлар) ичida кўпаяди ва уларни парчалайди, шунинг учун иммун жавоб реакцияси пасаяди.

ОИТС нинг яширин даври ўртача 2–5 йил давом этади. Бу даврда bemor ўзини соғлом деб ўйлайди, аммо атрофдагилар учун юқтириш хавфи юқори ҳисобланади, улар инфекция манбаига айланадилар. Бундай одамлар вирус ташувчилар ҳисобланади.

*ОИТСнинг клиник кечиши.* ОИТСнинг клиник кечиши 4 та босқичга бўлинади.

1. Яширин даври – бир неча йил давомида касаллик белгилари пайдо бўлмай вирус ташиб юрилади.

2. Зўрайган лимфоаденопатия синдроми. Бу даврда икки ва ундан ортиқ лимфа тугунларининг катталashiши кузатилиб, З ой давом этади.

3. ОИТС уюшган комплекс даври – барча лимфа тугунларининг катталашиши, тана вазнининг камайиши, терлаш, ҳароратнинг кўтарилиши, йўтал, ошқозон-ичак тизими фаолиятининг бузилиши ва иммун тизимининг пасайганлигини лаборатория кўрсаткичлари тасдиқлайди.

4. Клиник белгиларининг кенг миқёсда ривожланиш босқичи, яъни ҳамма вақт бемор ўлими билан тугайди.

Иммун тизими фаолияти пасайишининг аниқ сабаби бўлмаганда, яъни ўсма (рак) ва овқатланиш етишмовчилигининг оғир шакллари ёки бошқа аниқ ҳолатлар кузатилмаганда ёши катталарда ОИТС ташхиси унинг 2 та аҳамиятли ва битта аҳамиятсиз белгилари бирга учраганда қўйилади.

1. Аҳамиятли белгилари:

а) тана вазнининг 10 % га ва ундан кўпроқ камайиши;

б) бир ойдан кўпроқ муддат сурункали ич кетиши;

в) бир ойдан кўпроқ муддат муентазам равишда ҳароратнинг кўтарилиши (доимий ёки вақти-вақти билан).

2. Аҳамиятсиз белгилари:

а) бир ойдан кўпроқ муддат давомли кучли йўтал;

б) кўп ўчоқли зўрайган дерматит (тери яллиғланиши);

в) қайталанувчи ўраб оладиган учук;

г) томоқ ва оғиз бўшлиғининг кандидози;

д) сурункали зўрайган ва кенг тарқалган оддий учук;

е) зўрайган лимфаденопатия.

Тери ва шиллиқ қаватларининг яллиғланиши баъзан ОИТС нинг асосий ва ягона белгиси ҳисобланади. Беморларнинг 50–100% да ўпка ва овқат ҳазм қилиш трактининг шикастланиши кузатилади. 60% bemорларда ақл пасайишининг ривожланиши мумкин.

Ҳозирги вақтда касалликнинг олдини олиш чора-тадбирларига аҳоли орасида санитар-тарғибот ишларини олиб бориш киради. Бунда аҳолига касалликнинг юқиши йўлларини, яъни, асосан, жинсий алоқа вақтида юқишини, тасодифий жинсий алоқаларда резина олат қопчиғидан фойдаланиш кераклигини, аммо бу касалликнинг ҳаво-томчи йўли билан ва озиқ-овқат маҳсулотлари орқали ҳам юқиши мумкинлигини тушунтириш керак. Фоҳиша-бозлик ва гиёҳвандликка қарши курашиш керак. Шахсий гигиена қоидаларига риоя қилишлик, bemор аёлларни ҳомиладорликдан сақлаш керак, чунки бунда ҳомила ҳам касалликка чалинади.

Инфекциянинг тарқалишига ифлосланган нина ва шприцларни ишлатиш ҳам сабаб бўлади, шунинг учун гиёхвандлик ҳам юқори хавфли гуруҳ ҳисобланади. Кон топшираётган донорлар мунтазам равишда текшириб борилади. Республикаизда ОИТСни аноним йўл билан аниқлайдиган маҳсус шифохоналар ташкил қилинган. Бу ерда истаган одам ўз соғлигини бепул текшириб кўриши мумкин. Бундан ташқари, юртимизга келган барча чет эл фуқаролари текширувдан ўтказилади, айниқса, ОИТС га эндемик ўчоқ ҳисобланган мамлакатлардан келганлар алоҳида бир неча бор текширилади. ОИТС билан оғриган bemорлар билан алоқада бўлган шахслар ҳам текширувдан ўтказилади.

## **ЎТА ХАВФЛИ ИНФЕКЦИЯЛАР. ЎТА ХАВФЛИ ИНФЕКЦИЯ ЎЧОҚЛАРИДА ПРОФИЛАКТИКА УСУЛЛАРИ**

*Вабо (холера) – ўткир антропоноз фекал-орал инфекция бўлиб, касалликни вабо вибриони чақиради. Сувли суюқ нажас ажралиши, қусищ, организмнинг сувсизланиши туфайли шок ривожланиши каби симптомлар билан характерланади.*

Оғир кечиши ва тез тарқалиши сабабли вабо касаллиги ўта хавфли инфекция турларига киргизилади ва халқаро тиббий санитария рўйхатига олинган. Вабо пандемияси қадимги вақтларда кўп инсонларнинг ўлимига сабаб бўлган. Мисрда вабо пандемияси аниқланган. Охиргиси 1961 йилда бошланган. Ҳозирги вақтда (1992–1994 йил) ер юзининг 40 та мамлакатида, жумладан, собиқ итифоқнинг жанубий регионларида ҳам қайд қилинган. Инфекция манбаига нажас орқали вабо вибрионининг ташки муҳитга ажратувчилар, bemор ва вибрион ташувчилар киради. Юқиши механизми фекал-орал йўли орқали амалга ошади. Юқиши, асосан, сув, алиментар, майший алоқалар орқали бўлиши мумкин. Сув орқали юқиши пандемия ва эпидемия ривожланишида катта аҳамиятга эга. Вақтинчалик манба сифатида сув ҳайвонларидан – балиқлар, малюскалар ва бошқалар кириб, улар ўз организимида узок муддатга вабо вибрионини сақлаш ва тўплаш имкониятига эгадирлар.

*Клиникаси:* касалликнинг яширин даври бир неча соатдан беш кунгача, ўртacha ҳисобда икки кун давом этади.

Вабо касаллиги тўсатдан ривожланади. Суюқ сувли нажас ажралади, бунда қорин оғримайди, аммо қорининг ғўлдираши ва ичакларнинг ўта тўлишлик симптомлари ривожланади. Тана ҳарорати ўзгармайди, аммо баъзи bemорларда  $37,5^{\circ}\text{C}$  атрофида бўлиши мумкин. Касаллик ривожланиши билан нажас ажралиш сони суткасига 20 мартаға кўпайиши мумкин. Нажас сувли, баъзан «гуручли қайнатма»ни эслатади. Кўпгина ҳолларда «фаввора» кўринишдаги қайт қилиш кузатилади. Организмда кучли сувсизланиш намоён бўлади – юз соҳасида ўзгариш, кўзларнинг чуқурлашиб кетиши, «тўқ кўзойнак» симптоми ва «кир юувчи» кўллари симптоми кузатилади.

Касалликнинг турларидан бири шиддатли шакли бўлиб, организмда кучли сувсизланиш ҳолати оқибатида заҳарланиш шоки юз бериши мумкин. Бундай ҳолатларда bemор бир неча соат мобайнида ҳалок бўлади.

Вабо касаллигига чалинган ва шу касалга шубҳа туғилган bemорларни дарҳол шифохонага ётқизиш зарурдир. Зудлик билан даволовчи муолажалар ўtkазиш, яъни сув танқислигини тўлдириш, орал (офиз орқали) регидратация ёрдамида организмни электролитларга тўлдириш зарурдир. Вабо касаллиги билан касалланган bemорлар учун асосий даволовчи принциплардан бири уйда, машинада ва шифохонада орал регидратация ўtkазиш.

Касалликнинг енгил ва ўрта даражасида, албатта, перорал (офиз орқали) регидратация ўtkазиш зарурдир. Бутун дунё соғлиқни саклаш ташкилоти (ВОЗ) эксперт қўмитаси қуйидаги тартибда перорал регидратация таркибини қабул қилган:

натрий хлорид – 3,5 г;  
натрий гидрокарбонат – 2,5 г;  
калий хлорид – 1,5 г;  
глюкоза – 20 г;  
қайнаган сув – 1 л.

Эритма номи «оралит» деб аталади. ВОЗ эксперт қўмитаси томонидан бошқа регидратация эритмаси ҳам киритилган. Унинг таркиби гидрокарбонат ўрнига нитрат натрий (регидрон) киритилган. Беморда қайт қилиш аломати ва сувсизланиш ҳоллари юз берганда, унга шу эритмадан 200–250 мл (ҳар 1 минутда 1 ош қошиқда) бериб туриш керак. Шу тайёрланган эритмалардан ташқари bemорга қайнаган сув, чой, наъматак эритмасидан берилади.

*Профилактикаси:* халқаро қоидаларга асосан, вабо касаллиги тарқалиши мумкин бўлган мамлакатларда бўлиб келган шахслар 5 кун мобайнида назорат (карантин)да бўладилар. Бу пайтда улардан бир маротаба бактериологик анализ олинади. Вабо касаллиги тарқалган мамлакатларда эпидемияга қарши комплекс режа усуллари амалга оширилади. Бунда bemorlar ва vibriyon ташувчилар касалхонага ётқизиладилар ва улар билан контакда бўлган шахслар 5 кун давомида назоратда бўладилар, 3 марта бактериологик анализ олинади.

*Ўлат (чума)* – ўткир юқумли касаллик бўлиб, кучли заҳарлашиш, тери шикастланиши, лимфа тугунлари, ўпкани ва бошқа аъзоларнинг жароҳатланиши билан ифодаланади. Бу касаллик карантинли хасталиклар турига киради. Ўлат қадимий ўта юқумли касалликлар таркибиға кириб, инсоният ҳётида катта оғатларга сабаб бўлган. Маълум бўлган биринчи пандемияси VI аср илгари «Юстин» ўлати номи билан тарихга кирган. Бу пандемия қуи Мисрда, қолаверса, Византия империясини ишғол қилиб, 50 йил мобайнида 100 000 000 инсонни ҳаётдан олиб кетди.

Иккинчи пандемия XIV асрда «Қора ўлим» номи билан Осиёда, сўнгра савдо йўли билан Европада ва Псков орқали Россияга етиб борган бўлиб, унинг натижасида 50 000 000 га яқин инсон вафот этган. Шу даврга келиб биринчи марта Италияда карантин (40 кун) усули ишлатилган. Карантин бу чегараланган комплекс усул бўлиб, ўз ичига тиббий-санитар ва маъмурий усулларни олади. Карантин усули барча юқумли ўта хавфли инфекциялар учун қўлланилади. Биринчи карантин усули Венецияда қўлланилган. Касаллик хавф туғдирувчи мамлакатлардан келган кемалар 40 кун қирғоқ яқинига келтирилмаган, агар касаллик хавфи бўлса, шу карантин муддатида намоён бўлади.

*Эпидемиологияси:* инфекция манбаига кемиравчилар (каламушлар, юмронқозиқлар, сичқонлар ва бошқалар) ҳамда тужа ва мушуклар киради. Юқиш йўли, асосан, бургалар ёрдамида амалга ошади, улар чаққанда юқтирилади. Инсонлар, ҳайвонлар ва уларнинг ўликлари, нажаслари билан контакда бўлганда касалланади. Ўлатнинг ўпка шакли билан касалланган bemorlar ўта хавфли ҳисобланадилар, чунки улардан ҳаво-томчи йўли орқали касаллик юқиши мумкин. Ер шарида ҳозирги вактда ўлат ўчоқлари маълум, улар қўпайиши ва сақланиши шу жойларнинг иқлими – географик

минтақаларига боғлиқдир. Ўлат касаллиги тарқатувчиси бурга учун қулай шароит ҳаво ҳарорати  $24^{\circ}\text{C}$ , нисбий намлиги 70 % бўлиши шарт.

Ўлат ўчоқлари, асосан, Монгол-Забайкал зонасида, Жанубий Хитой, Ҳиндихитой ва Ҳиндистон мамлакатларида кўп учрайди. Ўрта Осиё текислигига ўлат ўчоқлари Ўрта Осиё чўлларида, Қозоғистонда, Урал ва Волга оралиғида жойлашган минтақаларда учраб туради.

Табиий ўчоқларда, асосан, юқиш трансмиссив, контакт ва алиментар йўл билан амалга ошади.

Трансмиссив юқиш йўли – бу бургалар чақиши орқали ўтади. Контакт йўли – отиб ўлдирилган кемирувчиларни (қуён ва бошқа) терисига ишлов берилганда юқади.

Алиментар-гўшти маҳсулотларга етарли даражада термик ишлов берилмаган маҳсулот орқали ўтади.

*Патогенези:* инсон организмзига ўлат кўзғатувчисининг киришига қараб қуидаги йўлларга бўлинади. Булар тери, шиллик қават, нафас йўллари ёки ошқозон-ичак тракти орқалидир. Касалликнинг кириш дарвозасига қараб қуидаги клиник турларга бўлинади:

- бубонли;
- тери бубонли;
- ўпка тури;
- септик тури.

*Клиникаси:* яширин даври, асосан, 2–3 кун давом этади. Кўпгина ҳолларда бубонли тури 79%, септик тури 11%, ўпка тури 5% учрайди.

Ўлат касаллиги кутилмагандан бошланади. Тана ҳарорати  $39^{\circ}\text{C}$  га кўтарилади, организмнинг заҳарланиши (интоксикация) кучаяди. Кучли бош оғриши, мускуллар оғриши, кўнгил айниши ва қусиш алломатлари пайдо бўлади. Беморнинг умумий ҳолати оғир, қон босими ва томир уришининг пасайиши кузатилади.

Бубон турида касалликнинг 1–2 кунида лимфоаденит белгилари пайдо бўлади (ўлат бубони). Касалланиш жараёнига бир неча ёнмаён жойлашган лимфа тугунлари атрофидаги тўқималарни жалб этиб, бубон шакли кўринишида бўлади: ўсмасимон, думалоқсимон шаклда бўлиб, пайпаслаганда оғриқлидир. Бубон устидаги тери қоплами тўқ қизил қўкимтирсимон рангда бўлади. Кейинчалик

бубон яллиғланиб очилади ва аста-секин битиш жараёнига олиб келади.

Тери бубон шаклида, тери қопламида пустула (пуфакча) пайдо бўлиб, ичидагизил рангли суюқлик бўлади. Касаллик авж олиши натижасида пустула ёрилиб, жароҳатга айланади ва тўқ рангли струп ҳосил бўлади.

Ўпка шаклида оғир интоксиация, юқори ҳарорат, кўкрак қафасида оғриқ ва қон аралаш йўтал бўлади. Олдинги вақтларда ўпка шакли 100% ўлим билан 2–4 кун ичидагизиланарди. Ҳозирги даврга келиб кенг кўламда ишлатиб келинаётган антибиотиклар туфайли бу касаллик шакли ўлимга олиб келмаяпти.

*Профилактикаси:* ўлат касаллигининг бошланиш хавфи туғилганда зудлик билан хабар берилади. Шу заҳотиёқ карантин чора-тадбирлари ўтказилади. Беморлар билан мулоқотда бўлган шахслар ажратилади. Ўзбекистон Республикаси ҳудудида санитар-кўриқлаш қоидаларига амал қилинади. Карантин тадбирлари, асосан, сув ва денгиз портларида, автомагистралларда, аэропортларда, темир йўлларида ўтказилади. Бундай тадбирларда чекланган ёки ярим чекланган аҳоли ва юклар ҳаракатлари тўхтатиб қўйилади. Зарурат туғилганда карантин зоналарида ҳарбий-кўриқлаш постлари ташкил этилади. Бубон шакли билан касалланган bemorlarning бир нечтаси битта палатага, ўпка шакли билан касалланган bemorlar алоҳида боксларга жойлаштирилади. Тиббий персонал ўлатга қарши тикилган кийимларда ёрдам кўрсатадилар.

*Куйдирги зооноз инфекция* бўлиб, специфик чипқон чиқиши, лимфа тугунлари, ички аъзоларнинг шикастланиши ҳамда сепсис ривожланиши билан характерланади.

*Этиологияси:* чақиравчиси катта ҳажмдаги бацилла бўлиб, ўн йил мобайнида сақланади. Автоклавда бацилла 40 минут ичидагизилади. Инфекция манбаига уй ҳайвонлари киради. Юқиши йўлига контакт, алиментар, ҳаво-томчи ва трансмиссив йўллар киради. Юқиши омилларига, асосан, гўшт, тери, жун, сув, ҳаво ва бошқа ташқи муҳит компонентлари киради. Кўзғатувчи шикастланган тери орқали киради ва касалликни ривожлантириш хусусиятига эга. Кўзғатувчи кирган шикастланган тери соҳасида сибир ярали карбункул (яллиғланган ўчок, тўқималари некрозга учраган, маҳаллий шиш ва қизариш) ҳосил бўлади. Маҳаллий лимфоаденит аломатлари кузатилади. Генерализациялашган шакллари, асосан,

нафас йўллари тўқималарининг касалланишига (трахея, бронх, альвеола) олиб келади. Касаллик аста-секин лимфа томирлари орқали ўпкага ва кокс оралиғига тарқалиб, тўқималар бузилишига олиб келади. Лимфа тугунлари орқали касаллик осонлик билан қон томирлари орқали бутун тана аъзоларига тарқалади ва касаллик белгилари пайдо бўлади.

*Клиникаси:* инкубацион даври 2–14 кун давом этади.

Қаттиқ қичувчи қизғиши доғ ҳосил бўлади. Бир суткадан сўнг шу жойда оғриқ ҳосил бўлиб, пуфак шишиб чиқади, унинг ўрнида эса туби қора жароҳат ҳосил бўлади. Шу вақтга келиб, организмда интоксикация ривожланади, беморларда ҳарорат кўтарилиши, бош оғриши, иштаҳа йўқолиши, уйқу бузилиши кузатилади. Жароҳатлар кўпайиб бирлашади ва шу соҳада чипқон ҳосил бўлади. Жароҳат тубидан суюқлик ажралиши тўхташи билан карбункул соҳасида қорақўтири-струп ҳосил бўлади.

*Профилактикаси:* уй ҳайвонлари касалланишининг олдини олиш ва касалларини йўқотишдан иборатdir. Агар касаллик аниқланса ва шу ҳайвонлар ўлимига олиб келса, уларни ўлганидан сўнг ёқиб юбориш ва алоҳида ажратилган жойларга чуқур қилиб кўмиш лозим. Касалланган ҳайвонлардан тайёрланган озиқ-овқат маҳсулотлари йўқ қилинади, хом ашёлар эса дизенфекция қилинади ва ҳ.к.

Туляремия – ўткир юқумли касаллик бўлиб, ҳарорат кўтарилиши ва лимфа тугунларининг касалланиши билан ифодаланади. Биринчи марта касаллик қўзғатувчиси 1911 йили Калифорнияда касалланган юмронқозиқларда аниқланган. Касаллик қўзғатувчиси аниқлаган жой номи билан Туляре деб аталган (*Bacterium tulareu*). Ҳар бир мамлакатда бу касаллик номланиши ҳар хил: АҚШ да «Кийик пашибаси безгаги», Японияда «Қуён касаллиги». Туляремиянинг табиий ўчоқлари, асосан, Ер шарининг шимолий ярмида жойлашган. Ҳозирги вақтда мамлакатимизда Тожикистон ва Озарбайжонда учраб туради.

*Эпидемиологияси:* асосий инфекция манбаи – кемиувчилар ва уй ҳайвонлари. Касалликнинг юқиши йўли, асосан, ҳашаротлар чақиши, яъни трансмиссив ва бошқа йўллар, контактли (ов қилиш, терига ишлов бериш), аспирацион (заарланган чанг билан нафас олиш) ва алиментар (заарланган озиқ-овқат маҳсулотлари, сув) йўлдир. Инфекция одамга тери ёки кўз шиллиқ пардаси, нафас йўллари ҳамда ошқозон-ичак тракти орқали юқиши мумкин. Кириш

жойлари касаллик турларини аниқлаб беради. Микроб лимфа оқими билан чегараланган лимфа тугунларига тушиб, шу ерда яллиғланиш жараёнини чақиради ва оқибатда гранулема, некроз ўчоқлари ҳосил бўлади (бирламчи бубон). Инфекциянинг тарқалиш даражасига қараб иккиламчи бубон ҳосил бўлади. Организмда кучли интоксикация белгилари ва ички аъзолар шикастланиши кузатилади.

**Клиникаси:** яширин даври 3–7 кун давом этади. Касаллик тўсатдан бошланиб, ҳарорат  $38\text{--}39^{\circ}\text{C}$  гача кўтарилиши кузатилади. Беморда эт увишиши, бош оғриши, мускулларда оғриқ, баъзи ҳолларда қўнгил айниши ва қайт қилиш кузатилади. Кўз ва юзнинг шиллиқ пардалари қизаради.

Туляремия касаллигининг қуидаги клиник турлари мавжуд:

- бубонли;
- генерализациялашган;
- ўпка тури;

Бубонли турида, касалликнинг 2–3 кунига келиб лимфа тугунлари катталашади. Шу лимфа тугунлари яллиғланиши ёки яра ҳосил бўлиши хусусиятига эгадир. Кўз бубон тури касаллигида кўз қовоқларининг қизариши ва шиши кузатилади. Касаллик унинг оғирлик даражаси ва давомийлигига қараб қуидаги шаклларга бўлининиши мумкин (ўткир, узок давом этадиган ва сурункали). Туляремиянинг ўпка турида бронхлар ва ўпка касалланиши кузатилади. Беморнинг тўш суюги соҳасида оғриқ, қуруқ йўтал, ҳароратнинг  $37,5^{\circ}\text{C}$  бўлиши, эт увишиши ва терлаш аломатлари безовта қиласди. Генерализациялашган турида ҳароратнинг кўтарилиши, эт увишиши, терлаш, бўғимларнинг касалланиши ва тери қопламида тошмалар пайдо бўлиши билан кузатилади. Беморларнинг туляремиядан соғайиши аста-секинлик билан боради, лекин ўлим даражаси 1% дан ошмайди. Кўпгина ҳолларда вабо, куйдирги, ичтерлама ва тошмали терлама касалликларини бир-бири билан таққослаш мумкин.

**Профилактикаси:** ўчоқлардаги асосий чора-тадбирлар қуидагилардан иборатdir: кемиувчиларга қарши кураш; қудукларга сичқон ва бошқа кемиувчиларнинг кириб, сувнинг заарланишидан асрash; туляремия ўчоқлари тарқалган жойларда аҳоли ўртасида эмлашни ташкил қилиш.

**Чинчечак** – вирусли ўткир юқумли касаллик бўлиб, организмнинг кучли заҳарланиши ҳамда терида ва шиллиқ қаватларда папулопустуллез тошиши билан кечади.

Қадимги юқумли касаллик ҳисобланган чинчечак инсоният тарихида ўзининг оғир касаллик эканлиги билан чуқур из қолдирган бўлиб, «мор» деб аталган. Мисрда чинчечак билан касалланган ва мумификацияланган инсон мурдаларини топишган. Чинчечак касаллигининг юқумлилигини биринчи бўлиб аниқлаган улуғ олим Абу Али ибн Синодир. IV асрда ҳам чинчечак касаллиги Шимолий Африка ва араб мамлакатларига ҳамда VI асрда Европа мамлакатларига тарқалгандир. XVI аср бошларида касаллик Америкага испан мустамлакачилари томонидан атайлаб тарқатилган. Мексика қабилалари чинчечак билан касалланган инсонларни совға тариқасида олиб касалланганлар ва эпидемия тарқалишига олиб келинган.

**Эпидемиологияси:** чинчечак асосий карантин касалликлар қаторига киритилган бўлиб, инфекция манбаи касал одамдир. Юқиши йўли ҳаво-томчи ва баъзи ҳолларда ҳаво-чанг. Ҳозирги вақтда бу касаллик Африка (Кения, Самоли, Эфиопия) да сақланиб қолган.

**Патогенези:** инфекция дарвозаси бўлиб нафас йўлларининг шиллиқ қаватлари, баъзиларда тери қоплами ҳисобланади. Организмга кирган вируслар кўпаяди. Кўпайиш лимфа тугунларида ва ўпка тўқимасида юз беради, сўнгра қонга чиқиб бутун танага тарқалади. Терининг эпителий қопламида маҳсус тошмалар пайдо бўлади. Асосан, терининг очиқ жойлари шикастланади, ички аъзолар ва буйрак усти безининг касалланиши, натижада инфекцион коллапс ривожланиши мумкин.

**Клиникаси:** яширин даври 6–16 (баъзан 17–22) кунгача давом этади. Касаллик ўткир бошланиб, тана ҳарорати 39–40<sup>0</sup>С гача кўтарилади, бош оғриғи, қайт қилиш, орқа умуртқа поғонасида оғриқ, юз соҳасининг қизариши каби белгилар пайдо бўлади. Юрак уришининг тезлашиши, нафас сиқиши, 2–3 кунларида «дастлабки» тошмалар пайдо бўлади. Улар қизамиқни эслатувчи тошмаларга ўхшайди ва қўлтиқ остига, соннинг ички юзасига жойлашади. 1–2 суткада тошмалар изсиз йўқолади.

Касалликнинг 4 суткасига келиб тана ҳарорати пасаяди, бемор ҳолати яхшиланади ва «чин тошмалар» пайдо бўлади. Улар юз соҳасида, билакда, панжа соҳасида ва болдирилган олдинги юзасида жойлашади. Кўпгина ҳолларда тошмалар кафт ва оёқларда жойлашади. 2–3 суткасида тошмаларда суюқлик тўпланади, уларнинг

марказлари ботик бўлиб, четлари пушти рангда бўлади. Шиллик пардаларда эса ярачалар пайдо бўлади. 7–8 суткаларда улар йиринглайди, bemorning ахволи оғирлашади, тана ҳарорати кўтарилади, алаҳсирайди. 10–14 суткаларида тошмалар курийди ва тўқ рангли пўстлоқ ҳосил қиласди. Шишлар камаяди ва кучли қичиш пайдо бўлади. Учинчи ҳафта охирида пўстлоқ кўчиб, унинг ўрнида чандик (чўтирилар) ҳосил бўлади. Бу касалликнинг енгил шакли фақат эмланган одамларда учрайди.

### **Тошмали тиф ва Брилл касаллиги**

*Toшмали тиф* – ўткир рикетсиоз касаллик бўлиб, организмнинг иситмалashi, умумий заҳарланиши, қон томир ва асаб тизимининг заарланиши билан кечади. Касаллик бир неча йилдан кейин қайталаниши мумкин (Брилл касаллиги). Бу антропоноз касаллик ҳисобланиб, битлар чаққанда трансмиссив юқиш механизми орқали тарқалади.

*Этиологияси ва патогенези:* касаллик қўзғатувчиси Провачека рикетсиялари организмга терининг майда жароҳатлари, терини қашлаш натижасида заарланган битлар орқали тушади.

*Клиникаси:* яширин даври 12–14 кун давом этади, касаллик ўткир бошланади. Бош оғриғи, қалтираш, уйқусизлик, тана ҳарорати 39–40°C гача кўтарилади. Юз ва бўйин териси қизаради. 4–5 суткага келиб тошмали терлама чилла яраси (экзантема) пайдо бўлади. Тошмалар кўп миқдорда, турли-туман бўлади. Юрак уриши ва нафас тезлашиши кузатилади. 4–5 суткасида жигар ва талоқ катталашади. 8–12 суткасида тана ҳарорати бирдан пасаяди. Касалликнинг оғир шаклларида энцефалит ривожланиши мумкин.

Брилл касаллиги – тошмали терлама касаллигининг рецидив (қайталанувчи) шакли бўлиб, касалликни бошидан ўтказган одамларда бир неча йилдан сўнг қайталанади. Бу касалликнинг инфекция манбай бўлмайди, енгил шаклда кечиб, тошмали терлама клиник белгилари билан кечади. Касаллик патогенези ўрганилмаган, ўткир бошланиб, тана ҳарорати юқори даражага кўтарилади ва 3 кун мобайнида давом этади. Баъзиларда 8–10 кун давом этиши мумкин. Тошмалар касалликнинг 5–7 кунидан бошлаб пайдо бўлади, касаллик асоратлари ҳам кузатилиши мумкин. Ташхис қўйишда лаборатория шароитида Провачек рикетсияларининг топилиши касалликнинг тасдиқланиши натижаси ҳисобланади.

## **ЭПИЛЕПТИК ВА ИСТЕРИК ТУТҚАНОҚЛАРДА ҲАМДА РУХИЙ КАСАЛЛИКЛАРНИНГ ЎТКИР ДАВРИДА БИРИНЧИ ЁРДАМ КҮРСАТИШ**

Сўнги вақтларда турли хил асаб касалликлари билан оғриган шахслар билан тўқнашишга тўғри келмоқди. Шунинг учун ушбу касалликларнинг келиб чиқиш сабабларини, клиник белгиларини ва беморларнинг ўзларига, қолаверса, атрофдагиларга шикаст етмаслиги учун биринчи ёрдам кўрсатишни билиш катта аҳамиятга эга.

### **Эпилептик ва истерик тутқаноқлар**

Дастлабки вақтларда эпилепсия деганда хуш йўқолиши ва талvasалар бўлган ҳамма ҳолатлар тушунилаверилган. Лекин кейинчалик маълум бўлишича, эпилептик тутқаноқдан ташқари бошқа асаб касалликларида ҳам талvasали тиришишлар бўлиши мумкин экан. Шу сабабли эпилепсиядан фарқли ўлароқ, «симптоматик эпилепсия» тушунчasi пайдо бўлди. Бу касаллик бошқа бир касалликнинг маълум бир белгиси ҳисобланиб, келиб чиқиш ва ривожланиш механизмлари турличадир.

Бугунга келиб тиббиётда кўлланиладиган диагностик усулларнинг кўпайиши, симптоматик эпилепсияни ҳақиқий эпилепсиядан фарқлаш имконини берди. Бунда, асосан, бош мияни текшириш усуллари (пневмоэнцефалография, хронопсиметрия электроэнцефалография, компьютер томография, нозик биохимик текширишлар ва бошқалар) кенг қўлланилади. Симтоматик эпилепсия бош мия жароҳатлари, яллигланиш касалликлари, бош мия ўсмаларида кўпроқ учрайди.

*Эпилепсия* (*epilepsia* – юонча тутқаноқ ёки «йиқилиш касаллиги») – сурункали касаллик, клиник белгилари вақти-вақти билан тортишиш (тиришиш, акашак бўлиш) ҳолатлари ва ҳушни у ёки бу даражада йўқотиш билан характерланиб, асосан, телбалик ёки ақли пастлик бу bemорлар учун хосдир. Касаллик болалик ёки ўсмирлик пайтидан бошланиб, аҳоли ўртасида тарқалиш даражаси аёллар ва эркакларда бир хил бўлиб, 1000 кишига 3–6 та тўғри келади.

Бу касалликнинг сабаби ҳали аниқланмаган, кўпинча, наслдан-наслга ўтиши аниқланган бўлиб, асосан, болалик ёки ўсмирлик ёшидан бошланади. Бундан ташқари, касалликнинг келиб чиқишида

миянинг ўткир юқумли касалликлар, унинг турли хил шикастланишлари, туғилиш вақтида олинган жароҳатлар ва ҳомиладорлик даври асоратлари катта роль ўйнайди.

Эпилептик тутқаноқлар, кўпинча, аурадан кейин бошланади. Тутқаноқдан олдин ҳосил бўладиган ва бир неча секунд давом этадиган алломатларга аура дейилади, у сезиш, кўриш, эшитиш, таъм ва ҳид билиш, асаб ва ҳаракат аураларига бўлинади.

Катта тутқаноқ, асосан, бирдан бошланади, айrim ҳолларда эса турли хил тутқаноқ олди алломатлари ёки аурадан сўнг бошланади. Бунда bemor хушини йўқотиб йиқилади (жароҳат олиши мумкин), бирдан тоник тиришиш бошланади, нафас мускуларининг қисқариши туфайли bemor бирдан қаттиқ овоз чиқаради. Шундан сўнг тананинг барча мускуллари тиришади, нафас тўхтайди, bemor кўкаради, гоҳида тилини ёки лунжини тишлаб олиши мумкин, кўз қорачиғи кенгаяди ва ёруғликка реакция бермайди. Тоник тиришишлар ҳолати 25–30 секунд давом этади, сўнгра клоник тиришишлар босқичи бошланади.

Клоник босқич тиришиш билан нафас олишдан бошланади, бунда юз терисининг ранги ўзгаради (кўкариш қизариш билан алмашади). Бош, кўз олмаси, тил, қўл ва оёқлар мускуларининг ритмик тиришиши ортиб боради. Орадан 1,5–2 минут ўтгач мускуллар бўшашиши кузатилади.

Тутқаноқ вақтида агар bemor юзи билан пастга (кўлмакка, ахлатга ёки ёстиққа) қараб йиқилган бўлса, у ҳолда бўғилиб қолиши мумкин.

Тутқаноқ фазасининг охирида bemorда чукур беҳушлик – комага ўхшаш ҳолат кузатилади, чақиришларга ва оғриқларга жавоб бермайди. Кўпинча, тутқаноқ вақтида bemорлар ихтиёrsиз равища сийдик ва ахлат ажратишлари мумкин. Тутқаноқдан сўнг bemорларда ретроград амнезия кузатилади.

Агар тутқаноқ ҳолати кетма-кет кузатилса ва тутқаноқлар орасида bemor хушига келмаса, бунда эпилептик ҳолат дейилади, яъни у bemor ҳаётiga хавф туғдириши мумкин.

Кичик тутқаноқ, яъни турли хил ҳаракатлар ва асаб бузилишларининг пайдо бўлиши қисқа муддат ичida йўқолади, бу ҳолатлар эса тутқаноқка эквивалент ҳисобланади. Бундай тутқаноқлар 2–6 секунд давом этади.

Кичик тутқаноқнинг энг кенг тарқалган тури талвасасиз ҳущдан кетиб, ўзига келиши – абсансдир. Сиртдан қараганда тутқаноқ шу билан фарқланадики, бемор бошлаган ишини тўхтатади (шахмат ўйнаётган бўлса қўлида шахмат тоши билан қотиб қолади, юрганида йўл чекинаётгандек ҳеч сабабсиз тўхтаб қолади ва ҳ.к.)

### **Эпилептик тутқаноғи бор беморларга ёрдам кўrsatiш**

Ёрдам кўrsatiшда тутқаноқнинг кучи, характеристи ва беморнинг руҳий ҳолатини ҳисобга олиш керак.

Тутқаноқ вақтида беморлар жароҳатланмаслигини таъминлаш, полга йиқилган бўлса, боши остига ёстиқ қўйиш, қўл ва оёқларидан енгил ушлаб туриш керак, акс ҳолда чиқишлиар юз бериши мумкин. Тилини тишлаб олмаслиги учун тишлари орасига металл бўлмаган йўғонроқ предмет қўйиш мақсадга мувофиқ.

Бемор тилини ютиб юбормаслиги учун тилни сочиқ билан ушлаб туриш керак ёки бошини ён томонга буриб қўйиш лозим бўлади. Нафас олиши яхши бўлиши учун бўйнидаги тугмаларини ечиб қўйиш керак. Агар беморлиги олдиндан аниқ бўлса, баҳтсиз ҳодиса юз бермаслиги учун уни кузатиб юриш зарур. Беморни чўкишдан, ёнғиндан, юқоридан йиқилишдан, ҳаракатдаги машиналар тагига тушиб қолишдан эҳтиёт қилиш лозим.

Шунинг учун ҳам эпилептик тутқаноғи бор беморларнинг иш фаолияти чекланади, уларга катта сув ҳавзалари олдида, автоматик механизmlар, баландлик, электр манбаларида ишлаш тақиқланади.

Тутқаноғи бор беморлар аurasи аникланганда тезда чоратадбирлар қўриш керак. Яъни bemорни юмшоқ ўринга ётқизиб, агар bemор қабул қиласидиган дорилар маълум бўлса, уларни шошилинч ишлатиш керак.

Ёрдам кўrsatiшда бу беморларнинг агрессив ҳарактерга эга эканлигини, таъсирчанлигини ҳисобга олиб, атрофдагилардан ажратиш ва улар билан баҳслашмаслик ҳамда хушмуомалада бўлиш мақсадга мувофиқдир.

### **Истерик реакциялар (истерик невроз)**

Истерик реакциялар ичida ҳаракатнинг бузилиш турлари кўп учрайди. Бу bemорларда руҳий травмалардан сўнг тарқоқ ва аниқ

бўлмаган ҳаракатлар бошланади. Бир текис силлиқ ҳаракат қилиб бошларини ўраб оладилар, одатдан ташқари туриш шаклларини намоён қиласидилар, гоҳида ёйсимон эгиладилар. Бу каби тиришишларда беморлар кома ҳолатида бўлмайдилар, шунинг учун камдан-кам ҳолларда жароҳат оладилар. Гоҳида беморлар бу ҳолатда товуш чиқарадилар, тишларини ғижирлатадилар. Бегоналар иштирокида бу ҳолат анча чўзилиши мумкин, аммо 10 – 12 минутдан ошмайди.

Агар беморга совук сув сепилса, тиришиш тўхташи мумкин. Хуруж тугаганидан сўнг беморларда дармонсизлик ва бўшашишлик кузатилади.

Моториканинг истерик типдаги бузилишларида умумий ёки маҳаллий ҳаракат бузилишларидан ташқари яна ҳаракатсизланиш ёки тормозланиш турлари кузатилади. Типик мисол сифатида психоген ступорни олишимиз мумкин. Худди истерик талвасага ўхшаб бунда ҳам беморни овунтириш йўли билан асл ҳолатига қайтариш мумкин. Беморлар биронта нохуш хабарни эшитгач ёки оғир ҳолатларда ступор ҳолатига тушиб, ерга йиқилади. Лекин йиқилган вақтда худди ҳушидагидек ўзининг жароҳатланишига йўл қўймайди, саволларга жавоб бермай, оғир ва шовқинли нафас ола бошлайди. Кейинроқ нафас юзаки тусга кириб, пульс тезлашади. Бундай беморлар шу вақтда худди ўлаётган одам кўринишида бўлади.

### **Истерик реакцияларда биринчи ёрдам кўрсатиш**

Хуруж бошланганда бемор олдида бегоналар бўлмаслиги, ёрдам кўрсатувчи вассасага тушмаслиги керак. Тутқаноқ вақтида беморни ушлаб туриш лозим, акс ҳолда, ўзини майиб қилиб қўйиши мумкин. Беморларга катта эътибор билан ёрдам кўрсатиш керак, йўқса хуруж чўзилишига олиб келиши мумкин, буни беморларнинг ўzlари ҳам тасдиқлайдилар.

### **Ўткир психик ҳолларда кечиктириб бўлмайдиган ёрдам чоралари**

Психик фаолиятнинг бузилиши нафақат мустақил руҳият касалларида, балки соматик касалликларда ҳам учрайди. Бутун ўзгаришларни, бузилишларни барвақт аниқлаш ва ёрдам бериш беморларнинг ўзига ҳам, атрофдагиларга ҳам катта наф беради.

Амалиётда галлюцинатор қайғуришлар, васваса ғоялари, аффектив бузилишлар ва онг бузилишига йўлиққан bemорлар кўп учрайди.

## Галлюцинатор синдром

Галлюцинациялар (hallucinatio – йўқ нарса) – ҳатто идрок этиш ёки идрок этишнинг алданишидир. Галлюцинацияларнинг асосий хусусияти шундан иборатки, улар реал объектни идрок этмай, сезги органлари реал қитиқланмай пайдо бўлади.

Галлюцинацияларни сезги органлари бўйича: кўриш, эшитиш, ҳид билиш, таъм билишлар, умумий сезги бўйича бўлиши қабул қилинган.

Кўриш галлюцинацияларида bemорлар, аниқ бир одамни, ҳайвонларни, турли-туман саҳналарни (мажлислар, мотам маросими, табиий офатлар) кўриши мумкин. Кўринаётган воқеалар bemордан маълум масофада кўриниб, у яқинлашиши ёки узоқлашиши мумкин. Галлюцинациялар ҳар доим онги бузилган bemорларда кузатилади. Бу ҳолатларга доимо аффектив хавотирланиш, қўрқинч, алам йўлдош бўлиб, bemорлар турли хилдаги қонунбузарликларни келтириб чиқарадилар, атрофдагилар учун ҳам, ўzlари учун ҳам хавфли вазиятлар яратадилар.

Эшитиш галлюцинациялари, кўпинча, «овоз» ҳам деб аталади. Бу овозлар ёки чақиришлар bemорларга танишлари, бегоналар, аёллар ёки эркаклар томонидан, паст, баланд ёки бақириқ ҳолатида эшитилиши мумкин. Баъзан бир, икки ва ундан ортиқ овоз эшитилади. Улар тўғридан-тўғри bemор билан ёки ўзаро гаплашишлари мумкин. Сўзлар маъносига қараб турлича бўлиши мумкин: ҳақорат, айлаш, таъқиб, ҳазил, буйруқ тарзида ва ҳ.к. Bемор бунга қизиқиш, ҳайрат, қўрқинч билан, шу билан бирга, bemор бу товушнинг кимга тааллуқли эканлигини излаш, ҳимоя, ҳужум, ўзига қарши ҳаракатлар, баъзида жуда қалтис ҳаракатлар билан жавоб беради (императив галлюцинациялар).

Ҳид билиш галлюцинациялари bemор (ёқимсиз ёки хушбўй ҳидлар – ахлат, чириган, газ, тайёрланаётган овқатлар, гуллар ҳидлари) сезгисини сезиларсиз қўзғатади.

Таъм билиш галлюцинациялари эса оғизда бирор овқат бўлмаса ҳам турли таъм ҳислари пайдо бўлиши билан ифодаланади.

Умумий сезги галлюцинациялари эса тана юзасида ёки ичидагиси бўлган нохуш сезгилар «у ёки бу бегона жисм» туфайли келаётганидан нолийди.

### **Васваса ғоялар**

Васваса ғоялар деб атрофдаги жисмларнинг жойлашиши тўғрисида нотўғри ва ғайритабиий фикр юритишдан келиб чиқсан ҳолатга айтилади. Беморга атрофдагилар худди алоҳида эътибор билан муносабатда бўлаётгандек туюлади. Бемор назарида таниш ёки бегоналар унинг тўғрисида алоҳида эътибор бериб гаплашаётгандек, тез-тез уни кузатаётгандек, масхара қилаётгандек бўлаверади. Шунинг учун bemorning атрофдагилар билан муносабати оғирлашиб қолади.

Баъзи ҳолатларда васваса ғоялари жиддий тус олади. Бунга мисол таъқиб васвасасидир, лекин таъқиб васвасасига учраган bemorlar ҳар доим ҳам таъқибчиларни айтиб бера олмайди. Васваса, кўпинча, исботсизлигича қолиб, bemor маълум кишиларни ўзига душман деб ҳисоблайди ва уларнинг ўлдириш, заҳарлаш, отиб ташлашидан кўрқиб яшайди.

### **Аффектив (эмоционал) ўзгаришлар**

Бу, айниқса, кўпроқ учрайдиган руҳий бузилиш туридир. Унинг асосини кайфият бузилишлари ташкил этиб, bemorning ҳамма кечинмаларини акс эттиради.

Эмоциялар кучли, жўшқин бўлади – булар аффект давр (жазава). Аффектлар ҳаракат ва вегетатив қўзғалишли бузилишлар билан юзага чиқади. Масалан, кўрқинч аффектлари баъзида хавфдан қочиш билан ўтса, баъзида эса ҳаракат пассивлиги ёки ступор билан давом этади (Stupor – бутунлай ҳаракатланмаслик).

Беморлар ҳолсизлик, ялқовлик, азобланишдан шикоят қиласидилар. Улар ўз кучларига ишонмайдилар, хатти-ҳаракатларининг тўғрилигига (тезда) шубҳа билан қараб, қийинлик билан хулоса қиласидилар.

Бемор ташқи кўринишида, хаёлий фикрларида кўркув, виждонсизлик, қийналиш сезгиси юқори даражага бориб етади. Шу ҳолда bemor, кўпинча, ўзини ўлдириш ёки ўлдиришга интилиш ҳоллари юзага келади.

Депрессиядаги беморларга ўз-ўзига паст баҳо беришдан ташқари ўзини ўлдириш васвасаси, ўз-ўзини айблаш, баъзан bemor ўзини ўлдириш ҳаракати билан якунланади.

Апситациялар – бу хавотирлик билан ўтадиган ҳаракат қўзғалишидир. Беморнинг доим юриши, атрофдагилардан ғазаб билан бирор ишни бажаришни сўраши давом этади. Апситациялар бехосдан ҳаракат қўзғалишлари билан бошланиши, шу пайтда ўзини ўлдиришга интилиш ҳоллари кузатилади. Яққолроқ пайдо бўлганида bemorда қайғуриш, қўрқинч, ҳамдардлик, ғазаб, аламзадалик ривожланади (депрессив дисфория).

## **Патологик аффектлар**

Юқорида айтилганидек, жўшқин эмоциялар ёки аффектлар кучли ташқи қўзғатувчи таъсир туфайли вужудга келади. Лекин баъзи руҳий касалликларда арзимаган сабаб ҳам bemorда кучли ифодаланган эмоционал реакцияга сабаб бўлади. Натижада bemor мўлжални йўқотиб қўяди. У жуда тажовузкор ҳолатга кириб, турли эътиrozларга ғазаб чўққисига етиш билан жавоб беради. Bemordagi шу ҳолат ўтиб кетгач, у бўлиб ўтган воқеаларни эслай олмайди.

Шунингдек, патологик аффектлар узоқ вақт, баъзи ҳолларда соатлаб давом этади. Кўпгина психозлар клиник кўринишида қўрқув ва хавотирлик аффекти юзага келади.

## **Онг бузилиш синдромлари**

Онг бузилиши – бу ташқи ҳақиқий оламнинг ташқи ва ички боғланиши акс этишининг бузилиши (сезги идроки ва абстракт тафаккур бузилишлари) билан ифодаланади.

Онгнинг хиралashiши, одатда, ўтиб кетувчи ҳолат бўлиб, ҳамма руҳий касалликларда эмас, балки тезкор тиббий ёрдамга муҳтож bemorларда учрайди.

Онгнинг хиралashiши бир неча шаклда бўлиб, уларга: делирий, онейроид, аменция, онгнинг киарли-чиқарли бузилишлари киради.

*Делирий (делириоз синдром)* – онг бузилишлари фонида идрок этишининг ёрқин бузилишлари (галлюцинация ва иллюзиялар) пайдо бўлганда, шунингдек, ваҳима ва қўрқув сифатида эмоционал бузилишлар юзага келганда онгнинг дилириоз ҳолати мавжудлиги тўғрисида фикр юритилади. Bemorлар идрокнинг алдамчи

сезгилариға ҳаракат билан жавоб қайтарадилар. Баъзида уларда түсатдан ҳаракат бошланади. Кўрув галлюцинацияга оид, власвасали сўзлар ҳам гапирадилар. Делирийда онгнинг «мени» сақланиб қолади, лекин атроф-муҳитга улар ёлғон мўлжал оладилар, масалан, кўчада юриб, ўзини қамоқда ҳис этиш ва шу кабилар. Даврий равишда делирийда «ёруғ оралиқ» туроди, яъни бунда делирий интенсивлиги камаяди ёки йўқолади. Онгнинг хиралашиши кучайганда иллюзиялар, власваса ва бошқалар сустлашиб, ҳаракат қўзғалишлари стереотип равишда кучайиб боради. Делириоз бузилишлар интенсивлиги кечга бориб ёки кечаси кучаяди. Онг хирилашган вақтдаги ҳаракатларни бемор бўлак ҳолда ёки умуман эслай олмайди.

*Онейроид (онейроид синдром)* – уйқусимон, туш каби, фантастик власвасали онгнинг хиралашувиdir. Бемор атрофидаги одамларнинг унга гапирган гапларига парво қилмай, ўз диққат-эътиборини нарсаларнинг чегараланган доирасига жалб қиласи ва бутунлай ҳосил бўлган тасаввур ҳукми остида бўлади.

Бошқа ҳолларда bemор эси киравли-чиқарли ҳолатда гапдонлик устунлиги, қўрқув, ғазаб, кўрув галлюцинациялари, власваса ҳоллари билан ҳам кечиши мумкин. Бемор бу вақтда атрофдагилар учун хавфли бўлади, чунки у шафқатсиз ҳаракатлар қилиши мумкин. Бу ҳолатнинг ўзига ҳослиги – bemор ўзига келгач, тўлиқ амнезия бўлади.

Дисфориялар ёки кайфиятнинг бузилиши – энг кўп учрайдиган руҳий эквивалентлардан биридир. Беморлар ўзларига ёмон муносабатда эканликларидан, уларнинг шикоятларига эътибор беришмаётганидан нолийдилар, нимжон ва ҳимоясиз bemорларга ғазаб билан ташланадилар, бундай тажовуз билан ташланиш, кўпинча, жуда ҳам шафқатсизлиги билан фарқ қиласи.

### **Ўз ҳаётига қасд қилган bemорларга ёрдам кўрсатиш**

Ўз-ўзини қоралаш ва ўлдиришга мойиллик кўпгина руҳий касалликлар (шизофрения, маниекал-депрессив психоз, алкоголизм, гиёхвандлик ва бошқалар)да учрайди. Бемор аянчли ҳолатдан қутулиш мақсадида власваса, галлюцинатор қайғуриш ёки кайфиятнинг пастлиги туфайли турли хил усуллардан фойдаланишга интилади.

Кўпинча, беморлар ўзини хотиржам кўрсатиб, атрофдагиларни чалғитадилар ва шу билан ўзини ўлдириш хоҳишига интиладилар. Шунинг учун ҳам bemorлар кайфияти яхшиланмагунча уларни жиддий назорат қилиш зарур.

Руҳий деградация ҳолатида ўзига суиқасд тасодифан юзага келадики, bemorни ҳар доим ҳам қутқариб бўлмайди.

Беморнинг қайси ўлим турини танлаганини олдиндан билиш қийиндир.

Кўпинча, bemorлар ўзини бўғмоқчи бўлиб матолардан, аёллар эса ўз сочидан арқон ясашади, оғзига латта тиқиши ёки ёстиқ билан юзини ёпиши, учли ойна билан танасини жароҳатлаши, тугмаларни ёки ойна синикларини синдириб ютиши, турли дорилар ичиши мумкин ёхуд транспорт ғилдираги остига ўзини ташламоқчи бўлишади.

Эси паст bemorларни назорат қилиш депрессиядаги bemorларни назорат қилишдан осонроқ, чунки улар ўзини ўлдириш усулларини пишиқ ва пухта ўйлаб қўйишади. Депрессиядаги bemorлар, асосан, ўзига суиқасдни бирор одам билан жанжаллашиб, баъзида эса бехосдан, бирон сабабсиз амалга оширишади.

Агар bemor баҳтсизликка дучор бўлган бўлса, у ҳолда кечиктирмасдан унинг ҳаётини асраб қолиш зарур. Ёрдам бериш жароҳат характерига боғлиқ. Ўткир кесувчи предметлардан ўзларига тан жароҳати етказган бўлса, қонни тўхтатиш ва стерил боғлам қўйиш амалга оширилади.

Агар bemor ўзини дорга осган ёки сувда чўқтирган бўлса, организмни тирилтирувчи (жонлантирувчи) (сунъий нафас, юракни билвосита уқалаш) чора-тадбирлари амалга оширилади. Юқоридан пастга қулаган бўлса, у ҳолда иммобилизация чоралари ўтказилади. Дориларни ҳаддан ташқари кўп истеъмол қилиб заҳарланса, ошқозон ва ичакларни ювиш тавсия қилинади.

Юқорида қайд қилинган барча ҳолатларда ёрдам кўрсатилгандан кейин bemorни, албатта, малакали ёрдам олиши учун шифохонага олиб бориш зарур.

## **Ҳаракат қўзғалишларидаги bemorларга кўриладиган чора-тадбирлар**

Тўсатдан бошланадиган ҳаракат қўзғалишларига турли хилдаги вассаса ғоялар – таъқиб, галлюцинатор - иллюзив қайғуришлар, катотоник ҳолатлар, аффектив бузилишлар сабаб бўлади.

Беморда ҳаракат қўзғалишлари юзага келганда, уларни куч билан ушлаб туриш лозим. Бунинг учун бир одам bemорни чалғитиб турди, орқадан бошқа бир одам келиб bemорни ушлаб олади. Биринчи одам bemор болдиридан ушлаганда, бошқаси белидан ушлаб, bemорни кўтариб оладилар. Факат bemорни бир одам кўтариши мумкин эмас, сабаби унинг қовурғалари синиб кетиши мумкин.

Бемор қўзғалган ҳолда хонадаги бирор буюм билан қуролланган бўлса ва шу буюм билан атрофдаги нарсаларни бузиб ташласа, вақтни кетказмасдан bemорни қуролсизлантириш керак, чунки у одамлар учун хавф түғдиради. Бунинг учун 3–4 чаққон одам bemорни атрофидан ўраб олиб, йирикроқ матолар кўтарган ҳолда bemорни деворга сикиб ушлаб олиш керак.

Беморни ушлаб турганда унинг очик баданига тегишдан сақланиш керак, қўлини чойшаб воситасида, куртка, пальтосидан ушлаган ҳолда, босмасдан ушлаш керак. Кўкрак қафаси ва қорнини босмасдан, елкаси, тос суюкларидан, сони ва болдиридан тутиб туриш лозим.

Ҳамма қўзғалишларда ҳам иссиқ, илиқ даволовчи ванналар яхши ёрдам беради. Агар bemорда юрак хасталиклари бўлмаса, у ҳолда уни  $29\text{--}30^{\circ}\text{C}$  ли сув қуйилган ваннада 30–60 минут давомида, то тинчлангунча ушлаб туриш ва бошига совук компресс қўйиш мақсадга мувофиқ.

Қўзғалган ҳолдаги bemорлар нокерак нарсалар, ахлатларни, сигарет қолдиқларини териб кийимини ифлослантиради. Ҳамма ҳолларда ҳам bemор рухий касалликлар шифохонасига ётқизилади, кейинчалик эса текширилиб, маҳсус даволаш ишлари ўтказилади.

### **Очликка интилган bemорларга ёрдам қилиш**

Рұхий касаллиklärнинг жиддий оқибатларидан бири овқатла-нишдан бош тортишdir. Бу нарса ҳамма bemорларда ҳар хил сабаблар туфайли юзага келади.

Баъзан эшлиши галлюцинацияларидаги буйруқ bemорга овқатланишга рұхсат бермаслиги оқибатида, кўрув галлюцина-цияларida эса bemор овқат ўрнига турли жисмларни кўргани учун овқатни емайди.

Таъқиб вассасаларида bemор атрофдагиларни душман ҳисоблаб, уларни овқатга заҳар қўшганда айблайди. Ипохондрик вассасаларда

бемор ошқозонини чириган ёки ўсма (рак) касали билан оғриган ҳисоблайди, агар овқатни қабул қилса, овқат гүё қорнининг пастки қисмига тўла бошлишидан хавфсираб овқат емайди. Депрессия ҳолидаги bemor ўзини ўлдириш мақсадида овқатдан бош тортади. Умуман, овқатдан бош тортиш ўсмиirlарда, нерв анорексияси бор bemorларда кўп учраб, улар ортиқча вазн баҳонасида шундай йўл тутадилар.

Бемор овқатдан бош тортганда, аввало, уни босиқлик ва чидам билан овқатланишга ундаш керак. Баъзида алоҳида қийинчиликсиз, қатъий овқатланишга ундалганда bemor овқатлана бошласа, баъзида овқатни олдига қўйиб қўйилса бас, ўзи барибир ейди. Идиштовоқни олдидан ола туриб, унинг бўшлигига эътибор бермаслик керак. Кўпинча, bemorлар овқатдан кундузи бош тортиб, кечаси ейдилар.

Агар ҳар қандай ундашлар bemornинг овқатланишига ёрдам бера олмаса, у ҳолда уни тезда руҳий касалликлар шифохонасиға жўнатиш керак.

### **Руҳий асаб бузилишлари бор bemorлар билан муомала қилиш хусусиятлари**

Руҳий касаллар билан муомала муносабатлари худди соғлом кишилар орасидаги каби амалга оширилиши керак. Уларга мурожаат этилганда тўғрилиқ, мулойимлик, шикоятларига чидам ва диққат билан эътибор қилинса, шунинг ўзи bemorgа кўрсатилган ёрдам ҳисобланади.

Агарда bemor ўзини соғлом деб кўрсатса, эҳтиёткорлик билан кузатиб, унинг соғ одамдан фарқларини ажратиш лозим.

Бемор билан сўзлашганда чидамлилик кўрсатиб, унинг камчилигини юз ифодасида акс эттирмай эшитиш, гапираётган гапини галлюцинация ёки васваса деб ўзига айтмаслик керак, акс ҳолда, bemor хавфсираб, ҳамсуҳбатини ҳам душман ҳисоблайди.

Агар bemor қўзғалган ҳолда агрессивлик қилса, у билан тортишиб ўтирмаслик лозим. Хотиржамлик ва bemorgа ишонч намуналарини кўрсатиш унга ижобий таъсир қилиб, ғазабидан тушишига олиб келади. Шунингдек, эҳтиёткорлик, қатъийлик ва сахийлик қилиш bemorda қўзғаладиган энг аянчли ҳолатни ҳам юмшатади. Bemor иштирокида бошқа кишиларга у ҳақда ёмон сўзларни айтмаслик керак. Ортиқча қўполлик қилиш эса bemorda

кучли қўзғалиш ҳолатига сабаб бўлиб, атрофдагиларга нисбатан унинг ғазаби ошишига олиб келади.

## **Руҳий бузилиши бор bemорларни транспортировка қилиш хусусиятлари**

Бундай bemорлар ўзларини касал ҳисобламайди, касалхонага ўз хоҳишилари билан келмайдилар. Уларни меҳмонга, театрга олиб бoramан деб алдаб ҳам бўлмайди, буни кечирмайдилар. Шунинг учун уларга тўғридан-тўғри касаллигини айтиб, шифохонада даволаниши кераклигини тушунтириш керак.

Агар bemорда ruҳий касаллик хуруж қилса, у ҳолда бир неча киши уни ушлаб шифохонага олиб бориши лозим. Бунда bemорни икки томонидан маҳкам ушлаб, шу алфозда автомобилда шифохонага олиб борилади.

Агар bemор рози бўлиб, бир оз кутишни сўраса, буни бажариш лозим. Шифохонага кетдик, деганда рад қилиш керак эмас, акс ҳолда, тескариси бўлиши мумкин. Транспортировка вақтида хавфли предметлар (қурол, ханжар, пичоқ, қайчи, чилвир, арқон, гугурт ва б.)ни улардан олиб қўйиш керак.

## **Гиёҳвандлик ва токсикомания**

*Гиёҳвандлик* – баъзи гиёҳвандлик воситаларига ва кимёвий препаратларга патологик ўрганиб қолишидан иборат бўлиб, одатда, уларни ортиқча қабул қилиб туриш натижасида пайдо бўлади. Гиёҳвандликнинг моҳияти организм реактивлигининг гиёҳвандлик моддаларга нисбатан ўзгаришидир. Гиёҳвандликнинг ривожланишида ижтимоий (нотўғри тарбия, атроф-муҳит таъсири, оиласдаги келишмовчиликлар), шахснинг конституционал омиллари, ruҳий ҳолатлар (қизиқувчанлик, тажриба ва кайф-сафога интилиш, қийинчиликлардан қочиши) ва гиёҳванд дори воситалари талаб қилинувчи соматик касалликлар муҳим аҳамият касб этади.

Тиббий доривор моддаларга оғриқ қолдирувчи, ухлатадиган ва марказий нерв тизимиға стимулловчи таъсири қиладиган доридармонлар киради.

«Гиёҳванд модда» атамаси ўз ичига тиббий, иқтисодий ва юридик тушунчаларни олади.

Тиббий белги – бу моддаларнинг марказий нерв тизимиға ўзига хос тинчлантирувчи, қўзғатувчи, галлюциноген таъсир қўрсатишидир.

Иқтисодий белги – бу моддаларнинг тиббий бўлмаган жиҳатдан кенг қўлланилиб, жамиятда иқтисодий аҳамиятга эга бўлишидир.

Юридик белги – юқорида қўрсатилган иккала белгидан келиб чиқкан ҳолда, тегишли бўлган муассаса томонидан бундай моддаларнинг гиёҳванд модда эканлигини тан олиб ва гиёҳвандлик моддалар рўйхатига киритишдан иборатdir.

Юқорида қўрсатилган белгилари бўлмаган ва рўйхатга олинмаган моддаларни шахс ўз саломатлигига хавф туғдирадиган даражада истеъмол қиласа ҳам гиёҳвандлик моддалар деб аталмайди. Бу моддалар гиёҳвандлик моддалар рўйхатига киритилган ҳолдагина уларни ноқонуний истеъмол қилган шахс тегишли модда билан жиноий жавобгарликка тортилиши мумкин.

Гиёҳвандлик келиб чиқишида уч босқич фарқланади.

Биринчи босқич – адаптация (мослашув) босқичи. Бунда организмнинг ҳимоя реакциялари йўқолиб боради ва руҳий боғланиш вужудга келади.

Иккинчи босқич – сурункали кечувчи босқич. Бунда тўла жисмоний боғланиш таркиб топади ва наркотик моддалар таъсири остида психозлар пайдо бўлади.

Учинчи босқич – кечки босқич. Беморнинг бутун организми функциялари пасаяди ва жисмоний, неврологик бузилишларга олиб келади, ҳатто ақли пастлик ҳам келиб чиқади.

Гиёҳвандлик турлари:

*морфинизм* – морфин моддасига руҳий, жисмоний боғланиб қолиш. Морфин – опий препаратларидан бири бўлиб, жуда кучли оғриқсизлантирувчи таъсир қўрсатади. Препарат таъсирида оғриқ босилиб, тинчланиш ва кайфичноғлик ҳисси билан ўзига хос мудроқлик ҳолати кузатилади;

*кокаинизм* – Лотин Америкаси мамлакатларида ҳозирги кунда ҳам кока баргини чайнаш каби қадимги одат бор. Шу туфайли у ерларда гиёҳвандликнинг кокаинизм тури кўп учрайди. Кокаиннинг гиёҳвандлик таъсири жуда тез намоён бўлади. Уни истеъмол қилгандан сўнг 5–10 минутдан кейин одам қувноқ, ҳаракатчан бўлиб қолади, турли қилиқлар қилади, кўп гапиради, ўзини қувватга ва куч-ғайратга тўлгандек, тетик бўлгандек сезади;

*нашавандлик* – наша (гашиш, чарс, банг, хусус, харас, дачча, марихуана ва бошқалар) – ҳинд канопининг ўзига хос ҳид ва аччиқ таъмга эга бўлган моддасидир. Шарқ мамлакатларида аксарият чекиши йўли билан истеъмол қилинади. Наша кишини жуда ташна қиласи ва иштаҳасини очади, оғриқ сезиш камаяди ёки бутунлай йўқолади ва кайфичнолик кузатилади. Бошқа гиёҳвандлик моддалардан фарқли ўлароқ, нашага ўрганиб қолиш, одатда, унинг миқдори оширилишига олиб келмайди.

## **Токсикомания**

Тиббий доривор моддаларга, кимёвий саноат моддаларига патологик мойилликка олиб бориши ва уларга ўрганиб қолиш токсикомания деб аталади.

Барбитуратлар билан заҳарланиш – веронал, люминал, мединал, барбамил, асосан, шахсларнинг ўз ҳаётига суиқасд қилишида учрайди.

Руҳий ҳолатни қўзғатувчи моддалар билан заҳарланиш – фенамин, фенатин, эфедрон. Бунда кучга тўлиш, жўшқинланиш, ҳаракатнинг кучайиши, эйфория учрайди. Хумор узоқ уйқусизлик ва депрессия билан ифодаланади.

Циклодол билан заҳарланиш – паркинсонизмга қарши ишлатиладиган дори. Бу препаратни оз-оздан эмас, балки 2–4 марта қўпроқ миқдорда қабул қилинганда эйфория, мастлик ёки галлюцинациялар кузатилади. 1–1,5 ой ичидаги касаллик сурункали шаклга ўтади. Толерантлик 30–40 таблеткагача етади. Хумор ҳолатида қўл ва тананинг титраши, мушакларнинг оғриши, уларнинг тортилиши, юрак уришининг бузилиши, хавфсираш, қўрқиш тариқасида намоён бўлади. Пировард-натижада онг пасайишига олиб келади.

Корхоналарда ва турмушда ишлатиладиган кимёвий моддаларни ҳидлаш туфайли келиб чиқадиган заҳарланишлар – буларга бензин, бўёқ, лак эритувчилар, доғ кетказувчи моддалар, кимёвий елимларни ҳидлаш кабилар киради. Уларни, асосан, оғиздан, бурун орқали ҳидлаш йўли билан қабул қилинади. Кимёвий моддаларга руҳий мойиллик жуда тез пайдо бўлиб, бир ой мобайнида сурункали шаклга айланади.

*Полинаркоманиялар* – бунда беморлар бир вақтда ҳар хил турдаги гиёҳвандлик моддаларни ёки ҳар хил гиёҳвандлик

моддаларни маълум кетма-кетликда истеъмол қиладилар. Агар бемор бир хил гиёҳванд моддани узоқ вақт истеъмол қилиб, бошқа турдаги гиёҳванд моддага ўрганиб қолса, бу ҳолат полинаркомания деб аталмайди, балки бир турдаги гиёҳвандликнинг бошқа турига ўтиш деб аталади.

Агар бемор бир вақтнинг ўзида икки ёки ундан ҳам кўп доривор моддаларни ёки бошқа гиёҳвандлик моддалар рўйхатига киритилмаган моддаларни, маълум бир кетма-кетликда, маълум бир тизимда истеъмол қиладиган бўлса, бундай ҳолатни политоксикомания деб аталади.

Гиёҳвандлик ва токсикомания билан хасталанган беморларга нисбатан суд-психиатрик экспертиза ва наркологик экспертиза беморнинг ҳолатига, касаллик даражасига индивидуал ёндашиб хулоса чиқаради. Уларда ҳеч қандай руҳий бузилишлар бўлмаса, у ҳолда ўзлари содир қилган қонунбузарликка жавоб берадилар, ҳатто бундай ҳолат оғирлаштирувчи ҳолат деб топилади. Руҳий бузилишлар ёки психоз ҳолатида содир қилинган хуқуқбузарлик бўйича жавобгарликка тортилмайдилар ва суд томонидан мажбурий тиббий даволаш чоралари тайинланади.

**Биринчи ёрдам кўрсатиши.** Барча беморларда турли даражада руҳий ўзгаришлар кузатилади, шунинг учун уларга биринчи ёрдам кўрсатиш турлича бўлади. Агар беморларда эпилептик тиришишлар бўлса, у ҳолда тиришишга қарши чора-тадбирлар амалга оширилади. Ўткир психомотор қўзғалишлар кузатилса, беморларни маҳкам икки томонидан ушлаб шифохонага олиб борилади. Жонига қасд қилиш ҳолатлари учраса, юқорида қайд қилинган чора-тадбир кўрилади.

Агар беморда соматик касаллик бўлиб, бу ҳолат унинг ҳаёти учун хавф туғдирса, беморга реанимацион чоралар ўтказилади (сунъий нафас, юракни билвосита уқалаш).

## **ХАВФ ТУҒДИРУВЧИ ҲОЛАТЛАР (ЧЎКИШ, БЎФИЛИШ ВА ЗАҲАРЛАНИШ)ДА ЁРДАМ КЎРСАТИШ**

Чўкиши – ўткир патологик ҳолат бўлиб, инсоннинг тасодифан ёки кўзланган ҳолда суюқликка (асосан сувга) ботиши натижасида ривожланади ва бу атроф-муҳит билан газ алмашинувини ҳамда нафас органларига ҳаво тушишини қийинлаштиради ёки бутунлай

тўхтатади. Нафас олиш органларининг анатомик бутунлиги сақланган ҳолларда, нафас олиш сақланганда, нафас олиш йўлларига сув ёки бошқа суюқлик аспирацияси (тиқилиши); ларингоспазм натижасида ўпка газ алмашинувининг тўхташи; психик ёки рефлектор таъсиротлар (совуқдан шоқ, сувга урилиш) натижасида юракнинг тўхташи сабаб бўлиши мумкин. Чўкишнинг терминал ҳолатга ўтиши сувда совқотишининг охирги босқичида ривожланади, бунда газ алмашинувининг ва юрак фаолиятининг ҳамда мускул ҳаракатларининг бузилиши организмни ступор ҳолатга олиб келади ва эс-ҳушини йўқотади.

Асфиксик ва ҳақиқий чўкиш тафовут қилинади. Асфиксик чўкишда тўсатдан кучли совқотиш натижасида юрак фаолияти ва нафас олишнинг рефлектор тўхташи кузатилади. Бунга боғлиқ чўкиш жуда тез содир бўлади. Ўпкалар сув билан тўлмаган, тери қопламлари эса оқиш рангда бўлади. Жабрланувчини сувдан олиб чиққандан кейин юқори нафас йўлларидан кўпиксимон моддалар ажралади.

Ҳақиқий чўкишда эса жабрланувчи аста-секин чўқади, сув секинлик билан ўпкага тушади, бемор кўкаради, кўпинча, оғиз ва бурнидан пушти рангдаги кўпиксимон моддаларнинг ажралиши кузатилади. Юракнинг ёпиқ массажини ўтказганда ва кўкрак қафасига босилганда кўпик миқдори нисбатан кўпаяди. Денгиз сувида чўкишдан чучук сув ҳавзасига чўкиш бир-биридан катта фарқ қиласиди. Чучук сув ҳавзасида натрий ионлари қон плазмасидагига қараганда камроқ, нафас йўлларига тушган сув тезда қонга сўрилади, бу қоннинг суюлишига олиб келади, қон эритроцитлари ўзгаради. Денгиз суви натрий ионларига бой ва унинг осмотик босими қоннидан баландроқ. Денгиз суви ўпка альвеоласига тушганда қоннинг суюқ қисми альвеолага йўналади, бу ўткир ўпка шишини чакиради.

Воқеа содир бўлган жойда ва қутқариш станциясига транспортировка қилиш вақтида тез ёрдам беришнинг жонлантириш усулларини яхши билувчи шахслар билан ўтказиш қутқариш имкониятини янада оширади. Чўкишнинг бошланғич даврида ёрдам бериш тинчлантиришга, қон ва қон айланишини яхшилашга (шокка қарши, иситиш, артиш, аналептиклар) қаратилган бўлади. Агония ва клиник ўлим даврларида мустақил нафас олиш ва юрак қисқаришларини тиклаш учун комплекс жонлантириш чоратадбирлари ўтказилади.

Врачгача бўлган тез ёрдам чора-тадбирлари:

- 1) оғиз бўшлиғи ва ҳалқумни бармоққа ўралган бинтли бўлакча ёки тортиб олувчи насос ёрдамида ҳар хил ёт нарсалардан ва сувдан тозалаш;
- 2) тезда сунъий нафас (оғиздан-оғизга ёки оғиздан-бурунга) ва ёпиқ юрак массажини ўтказишни бошлаш;
- 3) оксигенотерапия;
- 4) жабрланувчини иссиқ чойшаб билан ёпиш;
- 5) ҳаёт функциялари тиклангандан сўнг реанимацион чора-тадбирларни тўхтатмаган ҳолда даволаш муасасаларига шошилинч юборишни амалга ошириш.

Чўкканларни замбилларда горизонтал ҳолатда, бош томонини пастга қаратилган ҳолатда ташилади. Ўпка шишганда эса тананинг юқори қисмига кўтарилган ҳолат берилади.

### **«Иккиламчи чўкиш» ҳақида тушунча**

Қутқариш вақтида даволаш муассаси чора-тадбирларига мухтоҷ бўлмаган чўкканларни ҳам шифохонага юбориш керак. Чўкиш вақтидаги ёки ундан кейинги ҳатто қисқа муддатли ҳущдан кетиш ҳам чўкишнинг оғир асоратлари сифатида жиддий огоҳлантириш деб қаралиши керак. Транспортировка вақтида нафас олишнинг ўткир бузилиши яна қайталаниши ёки биринчи марта бошланиши мумкин.

«Иккиламчи чўкиш» синдроми кўкракда оғриқлар пайдо бўлиши ёки уларнинг кучайиши, ҳаво етишмаслигини сезиши, тери ва шиллиқ қаватларнинг кўкариши, тахикардиянинг кучайиши каби белгилар билан бошланади. Кон аралаш балғам кўчиши кузатилади. «Иккиламчи чўкиш» синдроми баъзан абортив ҳолда, баъзан кучайиб борувчи ўпка қалинлашуви, баъзан эса кучавочи альвеоляр шиш ривожланиши билан кечади. «Иккиламчи чўкиш»нинг бошланғич белгиларида bemorda ўпканинг сунъий вентиляцияси ўтказилади, натрий оксибутират ва альбумин, салуретиклар эритмаларининг концентрланган аралашмаларидан юборилади.

Бўғилиши – ўпкага ҳаво ўтиши учун тўсиқлар бўлганда келиб чиқади. У юқори нафас йўлларига ёт жисмларнинг тушиши, шикастланиши ёки овоз бойламларининг тиришувчи спазмлари билан асосланиши мумкин. У кўкрак қафасини ташқаридан уй бўлаклари билан, ер кўчмалари билан босилиши натижасида ҳам

келиб чиқиши мумкин. Нафас сиқишида биринчи ёрдам берилганда, аввало, тоза ҳавонинг ўтиши учун қулай шароит яратишга ҳаракат қилиш, кейин жабрланувчини жонлантириш чора-тадбирларини бошлаш керак.

Ўз-ўзини ўлдириш мақсадида ҳам бўғилиш ҳодисалари кузатилади. Бу каби ўз жонига қасд қилишда сиртмоқдан фойдаланишади. Аҳволнинг оғирлик даражаси бўғилиш давомийлигига ва сиртмоқни қўйиш усулига боғлиқ бўлади. Осилиш ёки сиртмоқ билан бўғишининг доимий белгиларидан бири оқиш ёки қўнғир рангдаги странгуляцион эгат ҳосил бўлишидир. Юзнинг кўкариши, бурун-ҳалқум гиперемияси, шиш ва овоз боғламлари орасига қон қуишлиши. Тўлиқ осища хушдан кетиш билан бирга кома ривожланади, кўз қорачиғларининг ёруқликка жавоб реакциясининг йўқолиши, мускулларнинг бўшашиши, нафаснинг тўхташи. Баъзи ҳолларда ихтиёrsиз дефекация ва сийдик ажратиш ҳам кузатилади. Ўлим 4–5 минутдан сўнг бошланади. Биринчи ёрдам осилган шахсни тезда кўтариш ва фиксация қилиш, арқонни тугунидан юқорироқдан қирқиш ва тугунни бўшатишдан иборат. Сўнgra кичик реанимацион ёрдам кўрсатилади:

- трахеяга интубицион трубка қўйиб ҳаво берилади;
- юракнинг билвосита массажи ўтказилади;
- оксегенотерапия;
- юрак ва нафас аналептиклар (строфантин, кардиамин);
- асосий ҳаёт функциялари тиклангандан сўнг энг яқин шифохонага транспортировка замбилда амалга оширилади.

*Захарланиши* – ўткир касаллик каби бошланиб, организмга кимёвий модданинг токсик таъсири натижасида юзага келади.

Захарланишнинг қуидаги турлари бир-биридан фарқ қиласи:

- а) майший (алкоголли, тасодифий, қасдан);
- б) ишлаб чиқаришдаги;
- в) болалардаги;
- г) тиббий;
- д) биологик;
- е) овқатдан.

Организмга заҳарнинг тушиш йўллари тўрт хил бўлади:

- 1) ингаляцион (тутун ҳолида);
- 2) тери орқали;
- 3) ичак орқали;

4) парентерал (кўпинча, тиббий).

Озиқ-овқат моддалари билан заҳарланганда ошқозонни зонд орқали 18–20<sup>0</sup>C ҳароратдаги 12–15 литр сув билан (ҳар бир порцияси 300–500 мл бўлиши керак) ювиш лозим.

Илон чаққанда, тери остига ёки мускул орасига токсик модда тушганда 6–8 соатга ўша жойга совуқ қўйилади, 0,3 мг 0,1% ли адреналин эритмаси, илон чаққан жойнинг юқорисига эса новокаин блокадаси қилинади.

Ингаляцион заҳарланишда заҳарланган кишини тоза ҳавога олиб чиқиб, нафас олиш йўлини кислород билан ингаляция қилиш лозим.

Терига токсик модда тушганда терини оқар сувда ювиб ташлаш керак.

Токсик модда тўғри ичакка, қинга, сийдик пуфагига юборилганда уларни клизма, спринцировка ва катетеризация қилиш лозим.

Токсик моддани қон айланиш системасидан чиқариш учун сийдик ҳайдовчи воситалар қўллаб, диурезни форсирлашдан фойдаланилади.

*Ўткир заҳарланишдаги асосий патологик синдромлар.* Неврологик ўзгаришлар турли-туманлиги билан фарқ қиласи, бу марказий ва периферик асаб тизими структурасига бевосита токсик таъсир натижасида ҳамда заҳарланганнинг бошқа аъзолари (жигар ва буйрак) функцияларининг бузилиши ҳисобига бўладиган интоксикациялар натижасида келиб чиқади. Энг оғир психоневрологик ўзгаришларга интоксикацион психоз, токсик кома, тиришиш синдроми киради.

Юрак-томир фаолиятининг бузилиши бу токсик шоқ, у артериал босимининг бирданига пасайиши, тери оқариши, тахикардия, ҳансираш, қон таркибининг ўзгариши билан кечади.

Юракка бирламчи таъсир қилувчи заҳарли моддалар билан заҳарланганда, юрак ритми, унинг ўтказувчанлиги бузилиши кузатилади ва коллапс ривожланади.

Нафас олишнинг бузилиши қўйидаги кўринишда бўлиши мумкин:

1) аспирацион-обтурацион шакли. Бу тилнинг орқага кетиши ва қусиқ массалари туфайли тиқилиб қолиши билан кечади;

2) нафас ўзгаришларининг марказий шакли ихтиёрий нафас олиш ҳаракатларининг йўқлиги ёки етишмаслиги билан кечади;

3) ўпка шокининг ривожланиши билан боғлиқ – ўпка шиши, пневмония, бронхоспазм билан кечадиган ўткир трахеобронхит.

Ошқозон-ичак тизимининг шикастланиши ўткир гастро-энтерит, кусиш, ич кетиши, қориннинг ҳар хил жойида ва турли интенсивликдаги оғриқлар кўринишида кечади.

Жигарнинг шикастланиши жигарнинг катталалиши ва оғриқ бўлиши, кўз склераси ва терининг сарғайиши билан кечади. Одатда, қисқа вақт ичида асабий ўзгаришлар ҳам қўшилади – безовталиқ, қон кетиши, тери ва шиллик қаватларга қон қуилиши.

Буйраклар шикастланганда, кўпинча, тезда ўткир буйрак етишмовчилиги ривожланади.

Ошқозон-ичак трактида токсик моддалар йиғилиши мумкин, шунинг учун ошқозон ва ичак ювилиши керак.

Ухлатувчи моддалар билан заҳарланганда кўрсатиладиган биринчи ёрдам: жабрланувчи кома ёки чуқур уйқуга кетган ҳолатда бўлади. Нафас вақт-вақти билан, ранги оқариб кетган ёки цианоз (кўкариш), ҳарорати кўтарилиган, кейинчалик тошма тошиши мумкин. Активланган кўмири ёки қандайдир бошқа сорбентлардан фойдаланиш, ошқозонни ювиш ва кучли ични сурувчи воситаларни юбориш шарт.

Алкоголь билан заҳарланганда шуни унутмаслик керакки, алкоголь катта микдорда қабул қилинганда яққол психотроп таъсирга эга. Бошланғич даврида ўзини идора қилишликнинг йўқлиги, оғриқ сезишнинг пасайиши ва ҳушидан кетиш кузатилади. Биринчи ёрдам шундан иборатки, тезлик билан ошқозонни ювиш, нафас йўлларининг ўтказувчанлигини таъминлаш, юрак дориларини бериш ва иложи бўлса, кислородотерапияни бошлаш керак.

*Газдан заҳарланиши.* Ис гази автомашиналардан чиқадиган газлар таркибида ва уйлар печка билан иситилганда ҳосил бўлади. Ўткир заҳарланганда психоневрологик бузилишлар устун туради, бош оғриши, бош айланиши, чанқаш, қайт қилиш, ҳушдан кетиш, нафас олишнинг бузилиши. Биринчи ёрдам, аввалам бор, жабрланувчини ўчоқдан зудлик билан олиб чиқишдан бошланади. Бронхлар ўтказувганлигини таъминлаш, ҳаво – кислород аралашмасини узоқ вақт киритиш ва юрак-томир препаратларини юбориш зарур.

Ҳозирги вақтда саноат, қишлоқ хўжалиги, уй шароитида фосфорорганик бирикмалар билан заҳарланиш кўп тарқалган. Бу модда асаб тизимиға таъсир қиласди, яъни ҳолсизлик, бош оғриши,

бош айланиши, тоқатсизлик, нафас олишнинг бузилиши (бу ҳолат нафас мускуларининг бўшашиши билан боғлиқ), қоринда оғриқ ва ич кетиши кузатилади.

*Даволаши:*

- иложи борича, тезроқ организмдан заҳарни чиқариб ташлаш (ошқозонни ювиш, ични сурувчи воситалар);
- маҳсус антидот моддалар юбориш.

Куйдирувчи моддалар билан заҳарланишга уксус (сирка) эссенцияси тааллуқлидир. Клиник кечиши маҳаллий куйдирувчи таъсирдан ва умумий-резорбтив таъсирдан келиб чиқади. Беморлар томонидан томоғидаги кучли оғриққа, қайт қилишга ва нафас олишнинг кечикишига шикоят қилинади. Суюқликни йўқотиш шок ҳолатига олиб келади. Эритроцитларнинг парчаланиш белгиси – қизил ёки жигарранг сийдик пайдо бўлади. Даволаш ошқозонни ювиш, промедол қилиш, юрак препаратларини қилишга асосланган. Ошқозон ювган сувда қоннинг бўлиши, ювишни давом эттиришга қаршилик қилмайдиган кўрсатма ҳисобланади (ишқорий эритмаларни ишлатиш ман этилади).

## Ўткир аллергик реакциялар

Барча дори-дармонлар (антибиотиклар, зардоб ва вакциналар) ҳамда маълум мева маҳсулотлари аллергик хусусиятга эга бўладилар: тухум, шоколад, асал, қулупнай, цитрус мевалар. Аллергик реакциянинг оғирлиги сенсибилизация даражаси билан белгиланади.

*Анафилактик шок* – бу аллергик реакциялар тўплами ҳисобланиб, жуда оғир даражада кечади. Анафилактик шокнинг доимий белгиларидан бўлиб, ўткир томир етишмовчилиги, қон босимининг кескин тушиши билан, юзнинг оқариши ёки гиперемияси, цианоз, кучли терлаш, пульс ипсимонлиги ҳисобланади. Юрак ритми частотаси ва тўғрилиги бузилади. Ўпка шиши ривожланиши мумкин ва қўнғироқсимон нафас пайдо бўлиши, кўп микдорда кўпикли балғам ажралиши, ўпканинг барча юзаси бўйича хириллашлар, бронхоспазм пайдо бўлиши кузатилади. Психомотор қўзғалишлар пайдо бўлиши мумкин, у адинамияга, ҳушни йўқотишга, ихтиёrsиз сийдик ажралишига ва дефекацияга сабабчи бўлади. Баъзан алоҳида мускул гуруҳларининг фибрилляр учиши ҳамда тоник ёки клоник тиришишлар юз бериши мумкин.

Анафилактик шокда биринчи ёрдам қуидаги кетма-кетликда күрсатиласы:

- аллергик реакция чақирған препаратнинг инъекция қилинган ёки ҳашарот чаққан жойининг проксимал (юқориги) қисмiga сиқиб боғлагич қўйилади, бу веноз шишни блокада қилади ва организмга аллерген киришига йўл қўймайди;
- тери остига 0,5 адреналин қилинади;
- маска ёрдамида кислород бериш керак;
- томоқнинг ўта шишида ва нафас йўлларининг ўтказувчанилиги бузилганда Дюфо игнаси ёрдамида коникотомия қилиниб, катетер киритилади;
- агар адреналин киритилиши натижасиз бўлса, гемодинамикани стабилизация қилиш ва циркуляция бўлаётган қон хажмини тиклаш учун полиглюкин томчилатиб юборилади;
- бронхоспазмни йўқотиш учун 5–10 мл 2,4% эуфилин юборилади;
- шу билан биргаликда антигистамин (димедрол, супрастин, пипольфен) препаратлар юборилади;
- вена ичига кортикостероидлар (преднизолон, гидрокор-тизон) юборилади.

## **ХУШДАН КЕТИШ, КОЛЛАПС ВА ШОКДА БИРИНЧИ ЁРДАМ КЎРСАТИШ**

*Хушдан кетиши* – бу тўсатдан қисқа вақтга ҳушдан кетиши бўлиб, миянинг бирданига қонсизланишидан содир бўлади. Обморок асаб тизими чидамсиз, заиф кишиларда, астеник конституцияга эга бўлганларда, чарчаща, оғир жисмоний, психоэмоционал зўриқишидан сўнг, кучли оғриқлар натижасида, айrim ҳолда эса қўрқиши натижасида ҳам келиб чиқади.

Ҳушдан кетишининг кечиши мияда тўсатдан қон айланиши етишмовчилиги ва унинг ишемияси (қонсизланиши)га боғлиқ. Бу қорин бўшлиғи қон томирларининг кенгайиши ва қоннинг организмда қайта тақсимланиши туфайли юз беради. Бу жараён бошланишида bemor эснаши, юз терисининг оқариши, пешонасидан совук тер ажralиши, нафас олишнинг тезлашиши кузатилади. Шундан сўнг bemor ҳушини йўқотиб ерга йиқилади. Баъзан обморок юқоридаги белгиларсиз ҳам рўй бериши мумкин.

**Биринчи ёрдам:** ҳушдан кетиш нисбатан кам вақт давом этишига қарамасдан, ҳушдан кетгани кишига, албатта, тезлик билан биринчи ёрдам кўрсатиш зарур. Бирданига унинг оёқларини тепага кўтариш керак, шунда мияда қон алмашинуви тикланади, тоза ҳавога олиб чиқиш, бошини тепароқ қилиб орқаси билан ётқизиб қўйиш лозим. Кўкрак қисмидаги тугмаларни бўшатиш керак, чунки бўйин ва кўкрак қисилиб қолмаслиги керак. Кўпинча, тўғри ёрдам кўрсатиш натижасида ҳушдан кетиш ҳолати тезда ўтиб кетади.

Шунингдек, оддий усуллар билан хам ташқи қўзғалиш таъсирини ўтказиш мумкин:

– юзига шапатлаб уриш;

– ўткир ҳидли моддаларни (аммиак), масалан, навшадил спиртини паҳтага томизиб ҳидлатиш керак. Агар беҳуш киши хириллаб нафас ола бошласа ёки нафас олиши умуман тўхтаса, унда тили оғиз орқасига кетиб қолмаганлигини текшириш лозим.

Нафас олиш ва томир уриши тўхтаса, бу ҳолат органик касалликлари бўлганда (юрак пороги, юрак ритми бузилганда, церебрал-қон томир етишмовчилигига, миокард инфарктида, ўпка артерияси тромбоэмболиясида) тезда жонлантириш тадбирларини ҳамда шифохонага жойлаштириш чораларини ўтказиш лозим.

*Коллапс* – бу юрак-томир етишмовчилигининг нисбатан оғир кўриниши ҳисобланади. Коллапс ҳолатида тана ҳарорати пасаяди, тер ажралади, тери қопламлари оқаради, пульс жуда кучсизланиб ипсимон бўлади (терининг мармар рангида бўлиши, сийдик ажралишининг камайиши ёки тўхташи, мия гипоксияси пайдо бўлиши).

Тез ёрдам кўрсатиш тадбирлари:

1) коллапс ҳолатидаги бемор бошини пастга қаратиб қўйиш керак;

2) вена томирига аста-секин қуидаги вазопрессор воситалар юборилади:

– мезатон 1% – 0,2–0,3 мл 0,9% ли натрий хлорид эритмасида;

– норадреналин 0,1% – 1,0;

– полиглюкин, реополиглюкин 400,0 мл томчилатиб;

– преднизолон 60–90 мг;

– пульс камайганда атропин 1% – 1 мл;

3) зудлик билан асосий касаллиги бўйича госпитализация қилиш.

*Эс-ҳүшининг йўқолиши* – шундай ҳолат бўлиб, бундай шахс харакатсиз ётади, саволларга жавоб бермайди, ташқи таъсирларни қабул қилмайди. Бундай ҳолатда нерв фаолиятининг бузилиши, организмнинг ташқи таъсирга реакцияси пасайиши ва йўқолиши ҳамда ўз шахсини англаш қобилиятининг ўзгариши ҳақида ўйлаш керак.

Бундай ҳолат кўплаб сабаблар натижасида келиб чиқади, лекин барча ҳолларда сезги маркази – бош мия жароҳатланади. Миянинг жароҳатланиши бевосита таъсир натижасида – бош жароҳатланишларида қон қўйилиши, электрдан шикастланиш, заҳарланишлар (шу жумладан, алкоголизмда) натижасида юзага келиши, шок, юрак касалликлари, жигар ёки бўйрак яллиғланишида ва совуқ урганда юз бериши мумкин.

*Кома* – бу эс-хушни йўқотишнинг чуқур бузилиши бўлиб, унда оғриққа нисбатан реакция йўқолган бўлади.

Команинг куйидаги турлари фарқланади:

1) *церебрал кома* – бунда қуйидаги симптом кузатилади: оёқ-қўлларда ҳаракат ва сезги йўқлиги. Оғизнинг жароҳатланмаган томонга қийшайиши (касал «трубка чекаяпти»), кўзнинг жароҳатланган томонга қийшайиши (касал бош миядаги жароҳатланган ўчоққа қарайпти), шикастланган оёқ ёки қўллар қўтариб-туширилганда кроватга оғирлик билан тушади.

Аполексик зарбалар, кўпинча, 45–60 ёшдагиларда кутилмагандага содир бўлади. Бундай беморларнинг юzlари қизил рангда бўлиб, бунгача улар, кўпинча, артериал қон босимининг ошишидан қийналиб юрадилар.

Биринчи ёрдам:

- а) тўлиқ тинчликни таъминлаш;
- б) бошга совуқ қўйиш (музли грелка);
- в) тез ёрдам машинасини чақириш;
- г) ихтисослашган касалхонага госпитализация қилиш.

2) *диабетик (гипергликемик) кома* қандли диабет касаллиги бор bemorda кузатилади. Қандли диабет – бу организмда инсулиннинг мутлақ (абсолют) ёки нисбий етишмовчилиги билан характерланувчи ҳамда шунга боғлиқ равишда қонда қанд миқдори ошиши ва сийдик билан ажралиши хос бўлган касалликдир. Қандли диабет касаллигининг асосий белгилари қуйидагилар: чанқаш, оғиз куриши, озиш, тери қопламларининг қичиши, фурункулёз. Қонда қанд

микдорининг қанчалик ошиши ва қонда кетон танаачаларининг (ацетон) йиғилиши бўлган bemорлар, agar адекват терапия олмасалар, гипергликемик кома рўй беради. Бу кома аста-секин келиб чиқади: ланжлик, иштаҳанниг йўқолиши, қориннинг юқори қисмидаги оғриқ, қайт қилиш кузатилади. Тери қуруқ бўлиб, чиқаётган нафас ҳавосидан ацетон ҳиди келади.

Диабетик комада тез ёрдам:

- 1) тезкор госпитализация;
- 2) асоратларини даволаш;
- 3) 4% сода эритмаси, «С» ва «В» гурӯҳ витаминаларни бериш лозим.

Қандли диабетда, айниқса, инсулин билан даволанадиган bemорларда инсулин дозаси ортиб кетганда тескари ҳолат юз бериб, қонда қанд микдори камайиб кетади. Бундай ҳолатларда гипогликемик кома ривожланади.

3) *гипогликемик кома* кўпчилик ҳолларда рўй бериши мумкин. У қувватсизлик, кутилмаганд ҳолсизлик, очлик, кўп тер ажралиши ва юрак увишиши билан характерланади. Гипергликемик комадан фарқли равишда бундай bemорлар чанқашга шикоят қилмайдилар, кўз олмасининг гипотонияси кузатилмайди ва чиқаётган нафас ҳавосидан ацетон ҳиди келмайди.

Коматоз ҳолатнинг бундай тури ҳам тез ва фаол даволаш ёрдамини талаб қиласди:

- а) ширин чой ичиш ёки қанд бўлагини оғизга солиб эритиш;
- б) вена томирига 5%ли глюкоза эритмасини юбориш;
- в) касалхонага госпитализация қилиш.

4) *жигар комаси* жигар функцияси бузилиши билан кечувчи касалликларда, жигар етишмовчилиги ҳолатларида рўй беради. Бунга қонда ўт кислоталари ва модда алмашинуви заҳарли моддаларнинг қонда тўпланиши сабаб бўлади. Бундай bemорларда кўз склераси сарғаяди, кўзга ташланадиган шиллик қаватларда ва терида тирналишга ўхшашиб излар бўлади, уларда кучсиз ҳамда тез-тез бурундан ва ичакдан қон кетишлар содир бўлиб туради. Кома bemорнинг асосий касаллиги натижаси бўлиб, у аста-секин ривожланади. Бундай bemорларни зудлик билан госпитализация қилиш керак.

5) *уремик кома* буйрак касалликларида азот чиқиндиларининг қонда йиғилиши туфайли рўй беради, касаллик аста-секин ривожла-

нади. Унинг белгилари: азоб берувчи оғриқлар, шиш, қўзғалиш, қон босимининг ортиши, худди сийдик кислотаси кристалларини суртиб олгандек бўлиб терининг қуриши, чиқаётган нафасдан сийдик хидининг келиши.

Тез ёрдам:

- а) агарда қон босими юқори бўлса, қон оқизиши;
- б) сийдик ҳайдовчи препаратлар;
- в) тезда госпитализация қилиши.

6) алкоголь комаси кўп ва катта миқдорда алкоголь истеъмол қилиш натижасида заҳарланишдан келиб чиқади. Унга хос белгилар: ҳаракат қўзғалишлари, терининг кулранг-кўкиш тусда бўлиши, юзнинг сўлиқиши, кескин тер ажралиши, оғиздан кучли алкоголь хидининг тарқалиши. Алкоголь комаси ҳолатидаги bemорларни токсикологик марказларга госпитализация қилиш лозим.

### Э с д а т у т и н г !

Эс-хушини йўқотган bemорларга ҳеч қачон совуқ ичимлик ичиришга ва овқат едиришга ҳаракат қилмаслик керак. Улар ютина олмайдилар, шу туфайли суюқлик ёки овқат нафас йўлларини беркитиб қўйиши мумкин. Агар юрак фаолияти ва нафас олиши тўхтаган бўлса, бу фаолиятларни тиклаш билан бир вактда шошилинч даволаш муассасасига олиб бориш лозим.

*Транспортировкаси:* ҳаракатсиз ҳолатда ён томонига ётқизиб, албатта, кузатувчи шахс билан бирга олиб борилиши керак. Бундан мустасно ҳолда гипогликемик ҳолатда ширин чой, конфет, қанд, шоколад бериш зарур.

*Шок* – инглиз тилидан «зарба» деб таржима қилинади. Бундан 200 йил муқаддам кучли жароҳатловчи таъсиридан келиб чиқувчи ҳолатга шундай ном берилган. Шок сўзи ўзида кўплаб симптомларни мужассамлаштиради, бу белгилар bemор ёки шикастланган шахс ҳолатининг оғирлигини кўрсатади.

Шокнинг бир неча турлари фарқланади. Амалиётда кўпроқ учрайдиганлари:

- травматик;
- кардиоген;
- анафилактический;
- куйиш шоки;
- инфекцион – аллергик;
- геморрагик;

– электр шоки.

*Травматик шок* турли аъзолар ва тана қисмларининг шикастланиши туфайли содир бўлади. Травматик шок ривожланишига олиб келувчи асосий омиллар:

а) оғриқ;

б) қон йўқотиш;

в) шикастланган тўқиманинг парчаланиш маҳсулотлари билан организмнинг заҳарланиши.

*Клиникаси:* травматик шокнинг кечишида 2 фаза фарқланади:

1) эректил (қўзғалиш);

2) торпид (тормозланиш).

Эректил фаза травмадан сўнг бирданига бошланиб, эс-хушининг сақланиши, ҳаракат ва нутқ қўзғалишлари, ўзига ва атрофдагилар ҳолатига танқидий қарашларнинг йўқлиги билан ҳарактерлана-ди. Териси оқарган, кўз қорачиқлари ёруғлик таъсирида яхши кенгайган, қон босими нормада бўлиб, томир уриши бироз тезлашган. Бу фаза ўртacha 10–20 минут давом этади. Шундан сўнг торпид фаза бошланади, бунда қон босими бирдан кескин пасаяди, совуқ тер босади, тана ҳарорати пасаяди, яққол тормозланиш ривожланади ва ўлим юз бериши мумкин.

*Биринчи ёрдам:*

– нафас йўлларининг ўтказувчанлигини тиклаш;

– қон кетишини тўхтатиш;

– чиқишлиарда иммобилизация қилиш;

– оғриқсизлантиришни ўтказиш;

– жароҳатланган кишини энг яқин тиббиёт муассасасига тезда ва эҳтиёт қилган ҳолда олиб бориш керак.

*Куйши шоки* жароҳатланган киши танасининг 15–20% қисми куйганда кузатилади.

*Клиникаси* икки босқичда кечади:

1) қўзғалиш босқичида қучли оғриқ, ҳаракат безовталиги, тер босиши, қалтираш;

2) 6–12 соатдан кейин куйган киши оғриқни сезмайди, совуқ тер босиши кузатилади, «қаҳва қуйқаси» кўринишида қусиши мумкин, қон босими кескин пасаяди, томир уриши тезлашади, умумий тормозланиш кузатилади.

*Тез ёрдам:*

- а) куйиш манбасини ўчириш;
- б) куйишнинг аниқ вақтини аниқлаш;
- в) «кафт» қоидаси бўйича тананинг қанча қисми жароҳатланганини аниқлаш;
- г) оғриқсизлантиришни ўтказиш;
- д) вена ичига суюқликлар юбориш;
- е) жарроҳлик куйиш бўлимига тезкор ва эҳтиёткорлик билан госпитализация қилиш. Ташишда жароҳатланмаган томон билан ётқизиш керак.

*Геморрагик шок* асосида ўткир қон йўқотиш ётади (масалан, бачадондан ташқаридаги ҳомиладорликда). Қон йўқотишга пульс тезлашиши, артериал қон босимининг пасайиши, тери ва шиллиқ қаватларнинг ранги оқариши, онг тормозланиши, эс-ҳушнинг бузилиши қўшилади. Артериал қон босимининг 75 мм симоб устинидан пасайиб кетиши чегара ҳолат ҳисобланади. Айланиб юрган қон ҳажмининг тезда камайиши 30% га етса, юрак тўхташидан ўлим юз беради.

*Электр шоки* ток урганидан сўнг 2–3 соат мобайнида ҳаёт учун муҳим саналган узунчоқ миядаги нафас марказининг фалажи эвазига содир бўлади. Шунинг учун ҳам, электр шикастлари қай даражада бўлишидан қатъи назар, бундай bemорлар шифохонага ётқизилишлари шартdir.

## **ЭКСТРЕМАЛ ҲОЛАТЛАР (КЛИНИК ЎЛИМ)ДА ЁРДАМ КЎРСАТИШ**

*Танглик (терминал) ҳолат* – бу инсон ҳаётидаги, соғлиғига хавф солувчи, бутун бир аъзолар мажмуасидаги, нафас олиш, қон айланиш доираларидағи кескин ўзгариш ва моддалар алмашинувининг бузилишидир. Қон айланиш доирасининг, нафас олиш ва юрак уришининг тўхташи клиник ўлим номи билан тавсифланади.

Танглик ҳолатининг турлари:

- 1) агония олди;
- 2) агония;
- 3) клиник ўлим.



**26-расм.**

*Агония олди ҳолати умумий карахтлик, ҳушни йўқотиш, қон босимининг тушиб кетиши, томир уришининг уйқу ва сон артерияларидан ташқари бошқа томирларда аниқланмаслиги, нафас бузилишлари юзаки нафас билан чекланиб, тери ва шиллиқ пардаларининг кўкариб оқариши кабилар билан ифодаланади.*

*Агония ҳолатидаги беморлар хушида бўлмай, периферик томирларда томир уриши аниқланмайди, уйқу ва сон артерияларда пульс жуда қийинчилик билан аниқланади, кўз қорачиғи ёруғликка жавоб бермайди. Аускультация вақтида юрак тонлари кескин бўғиқ эшитилади.*

*Клиник ўлим бош мия, қон айланиш доираси ва нафас аъзолари фаолиятининг буткул тўхташи билан ифодаланади. Юрак уриши ва нафас олишнинг тўхташи билан умумий моддалар алмашинуви сусайиб, улар буткул ўз фаолиятини тамомламайди. Шу сабабли, клиник ўлим тикланувчи ҳолат ҳисобланиб, бош миянинг тикланишишига ҳали фурсат борлигидан далолат беради (26 - расм).*

*Биологик ўлим* – юқоридаги нажот берувчи ҳолатнинг буткул тўхтаганлигидан далолат беради. Биологик ўлимни тавсифловчи асосий белгиларидан бўлган мурда доғлари ва мускулларнинг тахтасимон зичлашишини кузатиш мумкин.

Ўлимнинг охирги босқичида учламчи белгилар пайдо бўлади. Булар юрак уришининг тўхташи, нафас ва ҳушнинг буткул йўқолишидир. Бу ҳолатларнинг қай даражада ривожланишига қарамасдан, тикловчи-реанимациян муолажалар давомийлигини тўхтатиш қонунга мутлақ зид ҳолатдир.

Юракнинг тўхташ ҳолатларини иккита сабабга боғлаш мумкин:

- кардиоген (юракка боғлик) сабаблар;
- юракка боғлик бўлмаган сабаблар.

Кардиоген (юракка боғлик бўлган) – миокард инфаркти, юрак ритмининг бузилиши, юракнинг ташқаридан қисилиши, юрак томирларининг эмболияси. Иккинчи гуруҳ сабабларига юракдан ташқари бўлган аъзолардаги ўзгаришлар, яъни нафас олишнинг бузилиши, умумий моддалар алмашинуви ва нейро-эндокрин тизимидағи бузилишлари киради.

Кутилмагандан содир бўладиган ўлим ҳолатларида ҳаётга қайта тикланувчи ҳолатларнинг давомийлигини 3–5 дақиқага teng деб билишади. Бундан кейингина ҳаёт тикланмас ҳисобланади.

Нафас олишнинг буткул тўхтаганлиги ташхиси визуал (кўз билан) кузатишлар натижасида қўйилади. Нафас йўлларининг буткул ёпилганлиги (обтурация) асосида қисман обтурация натижасида мияда содир бўладиган кислород етишмовчилиги билан ифодаланади.


Нафас етишмовчилигини тиклаш чора-тадбирлари қуйидагилардан иборат: аввал беморга маҳсус ҳолат берилиб, бош қисмини энсасига қўйиб, оғиз ва бурун ёки оғиз ва оғиз усулида сунъий нафас бериш орқали бажарилади, агарда бу тадбирлар ёрдам бермаса, у ҳолда ўпканинг сунъий вентиляцияси чоралари қўлланилади.

Бу ҳолларда bemorni чалқанча ётқизиш тавсия этилади ва шу билан тил асосини нафас олиш йўлларидан четлатишга эришилади, чунки бундай ҳолларда нафас йўлларининг шиллиқ моддалар билан булғаниши кузатилади. Нафас йўлларини тозалаш пастки жағни юқорига тортиш эвазига эришилади. Нафас йўлларининг бу тариқа тозаланиши ва очилиши заруратнинг кескинлигидан келиб чиқади. Бунга эса нафас йўлини стерил матолар орқали тозалаш эвазига эришилади. Бу муолажалар ҳаво-вакуумли насослар орқали ҳам бажарилиши мумкин.

Охирги вақтларда қайд этилган оғиз-бурун ва оғиз-оғиз нафас олдириш муолажаларини юқорида қайд этилган ҳолатларда қанчалик зарур, фойдали эканлигини таъкидлаш лозимдир. Бу муолажаларнинг асосида эса вақти билан бир меъёрда юборилаётган ташки ҳаво муолажалари кўзда тутилади. Бундай ҳолларда ёрдам берувчи шахс жуда ҳам кам талафот олган bemорни мустаҳкам қамраб олиб ҳаво юборади. Бу вақтда ҳавонинг бурун орқали ташқарига чиқиб кетмаслиги учун bemор бурнини қисиб, оғзидан ҳаво юборилади. Юборилаётган нафас ўртасидаги вақт 5 секунд ни ташкил этади, яъни 1 минут да 12 мартани ташкил этади.

Юқорида қайд этилган қоидага риоя қилиниши шарт, чунки қилинаётган муолажалар табиий нафас кўникмасини ҳосил қилишдан иборатdir. Нафас олдириш вақтидаги юзага келадиган ошқозон усти соҳасидаги шишнинг пайдо бўлиши юборилаётган ҳавонинг ошқозонга кетаётганлигидан далолат беради.

Юрак уришининг тўхтаганлигини ифодаловчи асосий белги томир уришининг марказий уйқу артериясида ҳам аниқланмаслиgidadir. Асосан, томир уришини аниқлаш тадбирлари 3 марта ўтказилган сунъий нафасдан кейингина бажарилади, яъни аниқланмаган томир уриши тўғридан-тўғри юракнинг ёпиқ массажига кўрсатма бўлади. Кўкрак қафаси ва умуртқа поғонаси оралиғидаги юрак-мускул тўқима-ларининг зичлашиши асосида юрак-нинг чап қоринчасидан катта ва ўнг қоринчасидан кичик қон айланиш доирасига юрак бўшликларида қолиб кетган қонларни қувиб беришга сабаб бўлади. Юқорида қайд этилган ташки юрак массажи ўз-ўзидан ёрдам бера олмайди, агарда қилинаётган муолажалар сунъий нафас муолажалари билан биргаликда олиб борилмаса, бефойда ҳисобланади (27 - расм).



27 - расм.

Юрак массажини бажаришдан олдин, bemорни исталган томонидан кўкрак тўш суягининг 5-қовурға бирекадиган жойидан кафтларини бир-бирига қўйиб, босим орқали массаж бажа-рилади. Босим вақтидаги кўкрак қафаси эгилиши 4–5 см ни ташкил қилиши керак, аммо босим таъсири 0,5 сек, босимлар оралигидаги вақт эса 0,5–1 сек ни ташкил қиласди (28 - расм).



**28 - расм.**

Қилинаётган муолажаларнинг тўғри бажарилаётганлиги уйқу артериясида тўлқинсимон пульс нинг пайдо бўлиши билан ифодаланади.

Тирилтиришни бир киши бажараётган вақтда 2 та нафасдан сўнг 15 маротабагача босим муолажаларини қилиши керак. Агар тирилтириш муолажаларини икки киши бажараётган бўлса, ўпка вентиляцияси ва массаж муолажаларининг бир-бирига нисбати 1:5, трахея интубациясидан кейин эса 2:15 кўринишида бажарилиши керак.

Уйқу артериясида аниқ томир уриши тиклангандан сўнг юрак массажи тўхтатилиб, нафас олиш тўлиқ тиклангунча сунъий нафас олдириш давом эттирилиши шарт.

Тирилтириш муолажаларини нотўғри бажариш натижасида келиб чиқадиган асоратлар: трахея интубация муолажалари узоқ чўзилиши натижасида юрак тўхташи ва нафаснинг буткул тўхташига олиб келади. Бундай асоратларнинг энг хавфлиси, кўп ҳолларда ўпкани аппарат орқали нафас олдиришда содир бўлади, яъни кучли босим остида юборилган ҳаво ўпка тўқималарини йиртиб юборади. Бундай ҳолларда, зудлик билан торокоцентез ва плевра бўшлигини дренажлаш муолажалари bemор ҳаётини сақлаб қолишга ёрдам беради.

Юксак савия билан қилинмаган юракнинг билвосита массажи натижасида қовурғалар синиб кетиши ҳолатлари содир бўлади. Бундай хатолар вақтида агарда босим нуктаси чапга силжиса, ўпканинг тешимиши, агарда пастга силжиса, жигар капсуласининг йиртилиши ва жигар эзилиши, юқорига кўтарилиганда эса тўш суюгининг асоси синиб кетиши мумкин.

Тирилтириш муолажаларини муддатидан олдин тўхтатишга олиб келадиган омиллар: фавқулодда ўлим содир бўлса, узоқ вақт мобойнида юрак ва ўпка фаолиятларини тикланмаслиги, қилинаётган муолажаларни самарасизлиги, аъзолар иш фаолиятининг буткул тикланмаслиги ва бошқалар.

Реанимацион муолажаларнинг фойдали якунланганлиги, кўз қорачиқлари рефлексларининг тўлиқ тикланганлиги, нафас олиш ва юрак уришининг тикланиб, тери рангининг қизарганлиги ва ҳушининг пайдо бўлишидек белгилар асосида тасдиқланади. Аксинча, юқорида қайд этилган белгиларнинг тикланмаслиги қилинган муолажаларнинг самарасизлигидан далолат беради. Юқоридаги қўрсаткичлар пайдо бўлмаган бундай ҳолатлар реанимацион муолажалар тўхтатилишига қўрсатма бўла олади.

## **ТЎСАТДАН БОШЛАНГАН ТУГИШ ЖАРАЁНИДА ЁРДАМ ҚЎРСАТИШ**

### **Аёллар жинсий аъзоларининг тузилиши ҳақида қисқача тушунча**

Ташқи ва ички жинсий аъзолар фарқланади. Ташқи жинсий аъзоларга оралиқ соҳа, жунлар билан қопланган катта ва кичик жинсий лаблар, уларнинг орасида қин олди ёриғи, унинг юқорисида диллиғ (дилоқ, клитор), унинг остида ташқи сийдик канали, ундан пастроқда қин тешиги жойлашган бўлади. Ички жинсий аъзоларга қин, бачадон найлари ва тухумдан киради. Қин узунлиги 7–9 см келадиган ичи бўш найсимон мускулли орган бўлиб, юқори қисми бачадон бўғзига, пастки қисми эса жинсий ёриқقا очилади. Бачадон тоқ мускулли орган бўлиб, сийдик пуфаги ва тўғри ичак оралиғида жойлашаган. Бачадоннинг туби, танаси, бўғзи ва бўйин қисмлари фарқланади. Бачадон ноксимон шаклга эга бўлиб, девори 3 қаватдан иборат: шиллик, мускулли ва сероз. Ҳомиладорликда бачадоннинг ўлчами ва шакли ўзгаради. Бачадон шиллик қавати ҳайз кўриш

циклига боғлиқ равишда мунтазам ўзгариб туради. Бачадон найлари унинг танаси бурчагидан бошланиб, эркин томони билан қорин бўшлиғига очилади. Тухумдонлар жуфт жинсий безлар бўлиб, бачадоннинг икки томонида жойлашган. Уларда жинсий ҳужайралар – тухум ҳужайралар ишлаб чиқарилади, бундан ташқари, жинсий аъзоларни идора этувчи гормонлар ҳосил бўлади.

## **Аёлларнинг жинсий аъзолари функцияси**

Ташқи жинсий аъзолар нормада кичик ва катта лабларнинг ички томонлари бир-бирига тегиб турганлиги туфайли қин тешигини ташқи муҳитдан ҳимоя қиласидар. Ташқи жинсий аъзолар нерв охирлари билан таъминланган бўлиб жинсий сезгини таъминлайди, бундан ташқари қўп миқдорда безлар жойлашаган бўлиб, жинсий алоқани енгиллаштириш учун шилимшиқсимон ажралма (секрет)лар ишлаб чиқаради. Жинсий аълоқа натижасида қинга тушган уруғ суюқлигидаги сперматозоидлар бачадон орқали найга ўтиб, сўнgra тухум ҳужайранинг уруғланиши юз беради. Бунда тухум ҳужайра қайта бачадонга тушиб ривожланади. Қин бачадон бўғизи билан биргаликда ҳомила йўлинни ҳосил қиласиди. Яна бошқа асосий вазифаси тўсиқ (барьер) – ўз-ўзини тозалаш қобилиятидир.

Балоғат ёшига етган қизларда (ўртacha 12 ёш) бачадоннинг шиллиқ пардаларида бир хилда қайталанувчи циклик ўзгаришлар юз беради, бу эса ҳомиладорликнинг бошланиши учун етарли шароит ҳисобланади. Бачадоннинг асосий вазифаларига ҳомила тухумининг ёпишиши учун жой ҳосил қилиш, ҳомила ва унинг ташқи пардасини таъминлаш киради. Ҳомила вояга етгач, уни бачадон мускуллари қисқариши туфайли туғиш канали орқали ташқарига итарилади ва туғиш жараёни юз беради. Бачадон найларида тухум ҳужайраларининг уруғланиши юз беради ва уларнинг бир маромда қисқариши туфайли уруғланган тухум ҳужайра бачадон томон ҳаракатланади. Тухумдонларда тухум ҳужайралар ривожланади, бундан ташқари аёллар организмига хос бўлган гормонлар ишлаб чиқарилади. Бу гормонлар бачадонга, бачадон найларига, қинга ва бутун аёл организмига таъсир этиб, аёллар танасининг тузилишини, уларда модда алмашинувини, кўкрак безларининг ривожланишини, соchlарнинг ўсишини ва ҳ.к. ларни белгилаб беради. Балоғат ёшига етган қизларда ҳомиладорликка тайёргарлик жараёнлари, яъни ўртacha 28 кунда, 3–5 кун

давом этадиган бачадондан оз-оздан қон келиши – ҳайз кўриш (менструация) кузатилади. Бу жараён гипоталамо-гипофизар системасида, тухумдонларда, бачадон ва бутун аёл организмида физиологик ўзгаришлар юз беришига сабаб бўлади.

## **Ҳомиладор аёлларнинг организмида юз берадиган физиологик ўзгаришлар**

Ҳомиладор аёлларнинг организмида ҳомиланинг тўғри ривожланиши, бўшанишга тайёрланиш ва янги чақалоқни кўкрак сути билан боқиш учун турли хил физиологик ўзгаришлар юз беради. Ҳомиладорликнинг охирги кунларидаёқ аёл вазни 10–12 кг га ортади. Юрак бир мунча зўриқиб ишлайди, нафас тезлашган бўлади, ҳомиладорликнинг биринчи уч ойи давомида иштаҳанинг пасайиши, кўнгил айниш, таъмни бузилган ҳолда сезиш ва қусиши кузатилади. Буйракларнинг фаолияти кучаяди, нерв фаолиятида таъсирчанлик, йиғлоқилик, инжиқлиқ, уйқусираш ва кўпинча, бош айланиши кузатилади. Терида жигарранг доғлар ҳосил бўлади. Ҳомиладорликнинг иккинчи ярмида кўкрак безларида, корин деворида ва сон соҳаларида зангори-жигарранг чизиқлар ҳосил бўлади, улар туғишдан сўнг оқаради. Ташқи жинсий аъзоларнинг катталашиб, бўшашиб юмшали юз беради. Бачадоннинг вазни 50–100 гр дан 1000–2000 гр гача оғирлашади. Барча ички секреция безларининг фаолияти кучаяди. Бу даврда аёл организмида янги без – йўлдош (плацента) шаклланади ва турли хил гормонлар ишлаб чиқариб ўз фаолиятини бошлайди.

## **Ҳомиладорликни эртанги ва кечки муддатларда аниқлаш**

Ҳомиладорликка ташхис қўйиш тахминий, ишонарли ва ишончли белгиларга асосланган ҳолда амалга оширилади.

*Тахминий белгиларига:*

- 1) иштаҳанинг бўлмаслиги;
- 2) ҳид ва таъм билишнинг ўзгариши;
- 3) асаб тизимининг ўзгариши (таъсирчанлик, уйқусизлик, инжиқлиқ, кайфиятнинг турғун бўлмаслиги ва ҳ. к.);
- 4) юз терисида доғлар, кўкрак сўргичлари ва корин деворида оқ чизиқлар ҳосил бўлиши киради.

*Ишонарли белгиларига:*

- 1) ҳайз кўришнинг тўхташи;

- 2) кўкрак безларини эзганда оғиз сути ажралиши;
  - 3) бачадон бўғзи ва қиннинг шиллик қаватлари кўкариши;
  - 4) бачадон ўлчами, шакли ва қаттиқлигининг ўзгариши киради.
- Юқоридаги белгилар қўйидаги усуллар билан аниқланади:
- а) савол-жавоб, суриштириш;
  - б) кўкрак безини пайпаслаб кўриш;
  - в) ташқи жинсий аъзоларни кўздан кечириш;
  - г) кўзгу ёрдамида текшириш;
  - д) қинни икки қўл билан текшириш.

Ҳомиладорликнинг иккинчи ярмида ишончли белгилар пайдо бўлади, яъни бачадонда ҳомила борлиги аниқланади. Пайпаслаш йўли билан ҳомиладорликнинг иккинчи ярмида унинг бош, бел ва майда қисмларини аниқлаш мумкин, бундан ташқари юрагининг уриши минутига 120–140 та бўлишини санаб билиш мумкин. Бу даврда ҳомиланинг қимирлаш ҳаракатларини ҳомиладор аёлнинг ўзи аниқ сезади. Бошқа аниқ белгиларини ультратовуш ёрдамида аниқлаш мумкин.

### **Туғиши жараёни ҳақида умумий тушунча**

Туғиши – физиологик жараён бўлиб, бунда туғиши йўллари орқали бачадондан ҳомилани, йўлдошни, унинг ташқи пардасини ҳамда ҳомила олди сувини ташқарига итариб чиқаради. Туғиши жараёнининг сабаби кўп омиллидир. Физиологик туғиши 280 кун ёки 40 ҳафтадан сўнг юз беради. У ҳомиладор аёлнинг нерв сиситемаси, эндокрин, жинсий аъзолари ва бошқа системаларидағи физиологик ўзгаришлар ҳисобига рўй беради. Бачадон деворининг мунтазам равишда қисқариши, унда калий, кальций, магний, натрий ва бошқа ионларнинг миқдори ўзгариши ҳисобига содир бўлади. Бачадоннинг қўзғалувчанлиги ва қисқарувчанлик фаолиятининг кучайиши ҳомиладорликнинг охирги кунларида унинг мускулларида оқсиллар, гликоген, кальций, глутатион ва бошқа моддаларнинг қўплаб тўпланиши ҳисобига рўй беради. Бачадоннинг қўзғалувчанлиги ва қитиқланиш кучининг даражаси маълум чегара даражасига етганда туғиши жараёни бошланади.

### **Туғиши жараёнининг яқинлашиши ва бошланиши**

Туғиши яқинлашганини қўйидаги белгилардан билиш мумкин:

- 1) туғишига 2–3 ҳафта қолганда бачадон туби пастга тушади, одатда, ҳомиладор аёл нафас олишнинг енгиллашганини сезади;

2) ҳомиланинг қуи томони пастга тушади;

3) туғищдан олдин, кўпинча, ташқи жинсий аъзо орқали қуюқ шилимшиқсимон ажралмалар чиқади;

4) ҳомиладорликнинг охирига келиб бачадон қисқаришини сезиш бошланади, бунда думғаза ва қориннинг пастки қисмида оғриқ бошланади;

5) ҳомиладорнинг вазни тортиб кўрилганда у озроқ камайган бўлади.

Туғиши бошланганлиги тўғрисида қуидаги белгилар дарак беради:

а) дард тутиши – бачадон мускуларининг муңтазам қисқариши. Бу жараён бошида 10–15 секундда юз берса, кейинчалик тез ва кучлироқ бўлиши билан характерланади;

б) бачадон бўғзининг силлиқланиши ва очилиши кузатилади;

в) қон билан аралашган шилимшиқ ажралади;

г) ҳомила пуфаги ҳосил бўлади.

#### *Туғишида итарувчи кучларга:*

1) дард тутиши (тўлғоқ) – бачадон мускуларининг муңтазам даврий қисқариши.

2) кучаниш – дард тутиши билан боғлиқ ҳолда қорин девори мускуларининг қисқариши киради.

Дард тутишини ҳомиладор аёл бошқара олмайди, у автоматик равища юз бериб, бачадон бўғзининг очилишига, ҳомила ва йўлдошнинг туғилишига олиб келади. Кучаниш жараёнини ҳомиладор аёл бошқара олади, шунинг учун ундан дард тутишини кучайтириш ва тезроқ бошланишини таъминлашда фойдаланади.

#### *Туғиши З босқичдан иборат:*

##### *1. Очилиши босқичининг механизми.*

Очилиш босқичи дард тутишининг муңтазам равища бўлиши билан бошланиб, бачадон ташқи бўғзининг тўлиқ очилиши билан тугайди. Бачадон бўйинининг очилиш жараёни бачадон тубининг ва танасининг мускуллари қисқариши туфайли бачадон бўғзининг айланма мускуларининг чўзилиши ҳисобига ҳамда ҳомила пардасининг бачадон бўғизини кенгайтирувчи, яъни гидравлик тиқин сифатидаги таъсири туфайли юз беради. Натижада бачадон бўғзи силлиқланади, туғилаётган чақалоқнинг боши ва танаси ўтиши мумкин бўлган чўзилган найга айланади. Очилиш босқичи аста-секин ривожланади. Бошланишида бачадон бўғзи бир бармоқ-

ни ўтказади, кейинчалик иккита бармоқни ва ҳ.к. Бунда томоқ четлари борган сари юпқалашади. Бачадон бўғзининг кенглиги 10–12 см га етганда тўлиқ очилган ҳисобланади. Бу вақтда ҳомила пуфаги ёрилиб, ундан олдинги сув оқиб чиқиб кетади. Ҳомила пуфагининг одатдагидан олдинроқ ёрилиб кетиши туғиш жараёнининг асоратли кечишига олиб келиши мумкин.

## *2. Ҳомиланинг ташқарига итариб чиқарилиши босқичи механизми.*

Бу босқичда ҳомиланинг туғиш йўллари орқали ташқарига итариб чиқарилиши юз беради. Ҳомила олди суви ташқарига оқиб чиқиб кетгандан сўнг дард қисқа муддатга тўхтайди, бачадон деворлари қалинлашади ва ҳомила баданига ҳамма томондан маҳкам ёпишади. Бу даврда дард тутиши тезлашади ва улар орасидаги муддат қисқаради. Тез орада дард тутишига кучаниш қўшилади, бу ҳомилани ташқарига итариб чиқарилиш босқичи бошланганидан далолат беради. Бачадон ичидаги босим қорин девори босими билан қўшилиб, ҳомила йўллари орқали ҳомилани илгариланма ҳаракатлантириб, унинг туғилишига олиб келади. Ҳомиланинг илгариланма ҳаракати туғиш каналининг ўқи бўйлаб амалга ошади, бунда ҳомиланинг олдинда жойлашган қисми фақат илгариланма эмас, балки ўз ўқи атрофида айланма ҳаракат ҳам қиласи.

## *3. Йўлдошининг туғилиши босқичи.*

Бу босқичда бачадон деворига ёпишган йўлдош ундан ажралиб ҳомила йўллари орқали туғилиши юз беради. Йўлдош туғилиши босқичидаги дард тутиши бу жараёнининг асосий шароити ҳисобланади. Бундан ташқари, қорин деворининг таранглашиши, яъни кучаниш ҳам катта аҳамиятга эга. Чакалоқ туғилгандан сўнг бачадон қисқаради. Орадан бир неча дақиқа ўтгач, бачадоннинг ҳамма қисми, йўлдош бириккан қисми ҳам бир маромда қисқариши кузатилади. Лекин йўлдош қисқариш қобилиятига эга эмас, шунинг учун у бачадон деворидан кўчади. Йўлдош кўчган жойда қон томирлар узилиши юз бериб, қон кетиши кузатилади, бу ҳам йўлдошнинг тезроқ кўчишига шароит ҳисобланади. Бу босқичда бачадон-йўлдош томирларидан қон кетиши характерли бўлиб, нормада 100–300 мл қон йўқотилади.

## **Туғишининг биомеханизми**

Туғиши жараёнининг иккинчи босқичида ҳомила бачадон ичидан туғиши йўллари орқали ташқарига итарилиб чиқарилади. Кичик тос шакли турли хил текисликларда бир хил эмас: тосга киришда у кўндаланг чўзиқ шаклга, ундан кейин суюк канали айланма текислиги келади, чиқиш жойида эса овал шаклга эга. Туғиши каналининг юмшоқ тўқималарига: бачадоннинг пастки қисми, қин, тос ва унинг тубидаги мускуллар киради. Тос тубининг мускуллари охирги босқичга қадар туғиши жараёнида ҳомила бошининг ҳаракатига тўсқинлик қиласи, шу туфайли ҳомиланинг горизонтал ўқи атрофида айланишини таъминлайди.

Тос тубининг мускуллари узун чиқиш найини ҳосил қиласи. У суюк каналининг давоми ҳисобланиб, орқа томонга бир оз ёйсимон эгилган бўлади, шунинг учун горизонтал ўқ парабола қўринишига эга. У суюк каналида тўғри пастга йўналган бўлиб, тос тубига етгандан сўнг олдинги томонга йўналади. Ҳомиланинг боши ҳам турли ўлчамларга эга: узунасига, эгри, кўндаланг ва вертикал. Ҳомила боши илгариланма ҳаракати ўқи атрофида айланиши ҳисобига кичик тос ва туғилиш йўлининг юмшоқ тўқималари орқали туғилиши туғишининг биомеханизми дейилади.

### **Очилиш, ташқарига итариб чиқариш ва йўлдош туғилиш bosқичларида туғишининг бориши**

Биринчи босқичда ҳомила боши илгариланма ҳаракат қиласи. Бу босқич анча вақтга чўзилади, бошланишида дард тутиши камроқ, 15–20 минутда кучсиз ва қисқа давом этади. Секин-аста тезлашади, кучаяди ва давомийлиги узаяди. Босқич охирига келиб дард тутиши ҳар 2–3 минут ичидаги кузатилиб, давомийлиги 60–80 секундга етади. Дард турли даражада оғриқ бўлиши билан характерланади. Бачадон бўғзининг текисланиб, очилиши қин текшириш усуллари билан аниқланади.

Бачадон бўғзи тўлиқ очилгандан сўнг ҳомиланинг бачадон ичидан ташқарига итариб чиқарилиши бошланади. Итариб чиқарувчи дард тутишига тезда кучаниш – қорин девори мускуларининг таранглостиши қўшилади. Ҳомиладор аёл нафасини ушлаб, қўл ва оёқлари билан маҳкам тирагиб, қорин девори мускуллари тарангланиб, кучанади. Бу босқичда ҳомиладор аёл бор кучини

ишга солади. Бунда юzlари қизаради, лаблари кўкаради, териси тер билан қопланиб, бўйин веналари бўртади.

Дард ва кучаниш ҳисобига ҳомиланинг боши кичик тос тубига тушади. Ҳомила боши оралиқ соҳага етганда у бўртади, илгариланма ҳаракат натижасида ҳомила боши жинсий ёриқ орқали чиқа бошлайди, бу ҳолат ҳомила бошини ёриб чиқиши дейилади. Ҳомила бошининг дастлабки ҳаракати туфайли кучаниш жараёни тўхтаган бўлишига қарамай, ҳомила боши жинсий ёриқдан қўриниб туришига ҳомила боши ёриб чиқди, дейилади.

Биринчи навбатда энса қисми, кейин эса бошнинг тепа қисми, сўнгра пешона ва юз қисмлари ёриб чиқади. Бош қисми туғилгандан сўнг, юз қисми билан бош ва тана онанинг сон томонига буралади. Елкалар, тана ва оёклар туғилади.

Учинчи босқич жуда қисқа давом этади. Бачадон туби киндик соҳасида бўлади. Дард тутган вақтда бачадон зичлашади, тор ва энсиз бўлиб қолади, туби эса пастга тушиб ўрта ўқ чизифидан четлашади. Юқоридаги жараёнлар йўлдошнинг бачадон деворидан ажралганлиги ҳақида далолат беради. Йўлдош қин соҳасига яқинлашганда кучанишга хоҳиш туғилади, дард тутиши ҳисобига йўлдош туғилади.

## Туғиши қабул қилиш

Ҳомилани ташқарига итариш босқичида аёл туғиши кроватида, ўзига қулай ҳолатда чалқанчасига ётади. Қолган ҳолларда эса боши ва елкаси остига қўшимча ёстиклар қўйилади. Чақалоқ боши ёриб чиқиши босқичида доялик қўлланмаларини қўллашга тўғри келади. Бу қўлланмалар туғиши каналининг деворларини, оралиқ соҳа аъзоларини ва чақалоқни шикастланишдан сақлайди.

*Туғиши қабул қилиши қўйидаги кетма-кетликдан иборат.*

1. Чиқиб келаётган чақалоқ бошини бошқариш, бунда ўнг қўлнинг 3 та бармоғини юмшоқ томони билан чақалоқ бошига текказиб турилади, бу эса дард тутган пайтда бош ҳаракатини секинлаштириш ва унинг тез тўғриланишининг олдини олади. Дардлар орасидаги муҳлатда ўнг қўл бармоқлари қин ҳалқасининг ички ён девори тўқималарини чўзишидан сақлайди, бу ҳолатга «тўқималар келишуви» номи берилган. Бунинг учун дардлар орасидаги муддатда диллиғ ва кичик лаблар секин-аста туғилаётган бошнинг энса қисмидан сидирилади, янги дард бошланганда

«тўқималар келишуви» бартараф бўлиб, яна тез ёриб чиқиш ва бошнинг барвакт тўғриланиши кечиктирилиши таъминланади, бу жуда мухим ҳисобланади.

2. Бошни чиқариб олиш. Энса қисми туғилгандан сўнг унинг чуқурчаси қов битишмасига тиралади, шундан сўнг кучаниш тақиқланади. Қин ҳалқасининг ён томонларини аста-секин сидириш йўли билан бошнинг тана қисми чиқарилади. Кейин эса чап қўл билан бошни ушлаб оралиқ соҳа тўқималарини ундан сидириб тўғриланаади. Секинлик билан бошни тўғрилаш натижасида бошланишида пешона, сўнгра юз қисми ва ияги қўринади. Агар оралиқ соҳанинг йиртилиш хавфи туғилса, у ҳолда қайчи ёрдамида кесиш керак.

3. Елка соҳасининг туғилиши. Туғилган чақалоқ бошининг юз қисми онасининг чап ёки ўнг сонига буралади. Агар бу жараён кечикса, у ҳолда икки қўлнинг кафт юзаларини чақалоқ қулоқлари устига қўйиб, олдин пастга тортиб олдинги елкалар қов битишмаси остига чиқариб келтирилгандан сўнг бошни юқорига тортиб пастки елкалар чиқариб олинади.


4. Тананинг туғилиши. Елкалар туғилгандан сўнг икки томондан икки қўллаб чақалоқнинг кўкрак қафасидан ушлаб юқорига тортилади, бунда ҳеч қандай қийинчиликсиз тананинг пастки қисми туғилади.

### **Чақалоқларни биринчи тиббий парвариашлаш**

Туғилган чақалоқ стерилланган пахта ёки дока билан артилади, стерилланган резина мослама ёки электрсўргич ёрдамида оғиз ва бурунлари шилимшиқдан тозаланади. Соғлом ва ўз вақтида туғилган чақалоқлар нафас олади, баланд овоз билан қичқиради ва қўл оёклари билан фаол ҳаракатлар қиласди. Вояга етмай, эрта туғилган чақалоқларда бу белгилар анча суст ривожланган бўлади. Чашалоқларни бирламчи тиббий парвариашдан олдин шифокорлар қўлларини тозалаб ювиб, спирт билан артиб, стерилланган резина қўлқоплар кийишлари шарт.

Чашалоқ қовоқлари алоҳида стерилланган пахта шарчалар билан ташки қирғоғидан ички қирғоғига қараб артилади. Кўзнинг ўзига эса олдин пастки, кейин юқориги қовоқлар очилиб бир томчидан 30 % альбуцид эритмаси томизилади.

Киндик тизимчасига икки босқичда ишлов берилади. Унда томир уриши түхтагандан сўнг киндик ҳалқасидан 10 см юқоридан биринчи ва 2 см қолдириб иккинчи Кохер қисқичи билан қисилади. Қисқичлар орасидаги қисмини 5 % йод эритмаси билан ишлов бергач, қайчи билан кесилади. Иккинчи босқичда қолган киндик тизимчасини стерилланган дока билан артиб, кўрсаткич ва катта бармоқ билан маҳкам сиқиб ушлаб, махсус стерилланган тамғаси бор қисқич ёрдамида киндик ҳалқасидан 0,5–0,7 см юқоридан тамғаланади. Тамға ўрнига ипакдан фойдаланилса ҳам бўлаверади. Ортиқча қисми кесиб ташланади ва йоднинг 5% ли эритмаси суртилиб, стерилланган докали боғлам қўйилади (29 - расм).



**29 - расм.**

Чақалоқ терисини стерилланган вазелинли ёғ шимдирилган пахта шарчалар билан суртиб тозаланади. Сўнgra вазни тортилади, бўйи ўлчанади, бош ўлчамлари аниқланади. Чақалоқни кийинтириб, йўргаклаб чойшабга ўралади.

### **Йўлдошнинг бачадон деворидан кўчганлигидан далолат берадиган белгилар**

Учинчи босқичда йўлдош кўчиши ва жинсий йўллар орқали ташқарига итарилиб чиқиши кузатилади. Бу босқич анча вақтгача чўзилади, яъни асоратсиз кечганда 1–2 соатга боради. 300 мл қон йўқотганда ва ҳомиладорнинг аҳволи оғирлашса, асоратли кечиш ҳисобланади. Шунинг учун йўлдош ажраганлигидан далолат Берадиган белгиларни аниқ билиш катта аҳамиятга эга. Улар қўйидагилардан иборат:

1) бачадон тубининг баландлиги ва шаклининг ўзгариши (Шредер белгиси). Йўлдош ажрагандан сўнг бачадон девори қалинлашади, тораяди, туби киндикдан юқорига кўтарилади ва ўрта ўқдан ўнгга оғади;

2) киндик тизимчаси ташқи кесилган қисмининг узайиши (Альфельд белгиси). Киндик тизимчасига боғланган ипак 10–12 см га пастга тушади;

3) қов битишмаси юқорисида қорин деворининг ташқарига бўртиб қолиши, бачадоннинг пастки қисмига ажralган йўлдош тушганда ҳосил бўлади;

4) ажralган йўлдош қинга тушганда дард тутиши ҳосил бўлади;

5) кучаниш вақтида киндик тизимининг узайиши кузатилади;

6) қов битишмасидан юқорига қўл панжасини кўндаланг қилиб босиб кўрилганда, агар йўлдош ажralмаган бўлса, у ҳолда киндик тизимчаси қисқаради, акс ҳолда узунлиги ўзгармайди (Кустнер-Чукалов белгиси).

*Учинчи босқичда юз берииши мумкин бўлган асоратларга:*

– ажralган йўлдош чиқишининг кечикиши;

– бачадон деворидан йўлдош ажralиш жараёнининг бузилиши киради. Кўпинча, бачадоннинг қисқарувчанлик қобилияти сусайганда, пардаларда патологик ўзгаришлар пайдо бўлганда ва камдан-кам ҳолларда йўлдош бачадон деворига чуқур ўсиб кирганида кузатилади. Бунда қон кетиш каби асоратлар хавфи кучаяди.

*Унинг сабабларига:*

– туғиши йўли юмшоқ тўқималарининг йиртилиши;

– йўлдош бўлакларининг бачадон деворида қолиб кетиши;

– бачадоннинг гипо ва атонияси киради.

Туғиши йўли юмшоқ тўқималарининг йиртилиши туфайли қон кетганда, жароҳатлар тикилади. Йўлдош бўлаклари қолиб кетганда қон кетса, у ҳолда қўл ёрдамида бачадон деворидан ўша бўлак олиб ташланади. Гипо ва атонияда ташқаридан ва ташқи-ички уқалаш усулларидан фойдаланилади, бундан ташқари, бачадонни қисқартирувчи воситалар юборилади, қорин аортасини қўл билан босиш қўлланилади. Йўлдошнинг бачадон деворидан ажralishi бузилганда уни қўл билан ажратиб олиш усули қўлланилади.

Туғилган чақалоқ ҳолатини баҳолашда Апгар шкаласидан фойдаланилади.

## АПГАР ШКАЛАСИ

БЕЛГИЛАР	Б А Л Л А Р		
	0	1	2
<b>Юрак уриши</b>	кузатилмайди	1 минутда 100 тадан кам	минутига 100–140
<b>Нафас олиши</b>	кузатилмайди	жуда суст, бир марта	яхши қичқиради
<b>Терининг бўялиши</b>	оқиши ёки кўкимтири	пушти, оёқ ва қўллари кўкимтири	пушти
<b>Мускуллар фаоллиги</b>	ҳаракат кузатилмайди	ҳаракатлар суст	фаол ҳаракатчан тонусли
<b>Рефлектор қўзғалувчалиги</b>	оёқ панжаси ости қитиқланганда реакция кузатилмайди	реакциялар суст, ҳаракатлар пайдо бўлади	ҳаракатчан кучли қичқириқ

Соғлом чақалоқларда баллар миқдори 7–10 га, кучсиз чақалоқларда 5–6 га, оғир ҳолатларда эса 1–4 га teng бўлади. Чакалоқларни жонлантиришда, биринчи навбатда, нафас йўлларини шилимшиқлардан тозалаш керак. Киндик тизимчаси орқали калий хлориднинг 10% эритмасини 3 мл миқдорда юбориш керак. Самара кутилганидек бўлмаса, у ҳолда сунъий нафас аппаратига ўтказиш керак ва юракни билвосита йўл билан аста-секин уқалаш керак.

*Чақалоқ ва унинг онасини транспортиравка қилиши*

Туғиш жараёнининг барча асоратли кечиш ҳолларида ҳомиладор аёл туғуруқхонага ётқизилиши шарт. Қолган ҳолларда шифохонадан ташқарида ёрдам кўрсатиб, парвариш қилиш мумкин.

*Ҳомилани тос томони билан келиши ва қўл билан ёрдам кўрсатиши усули*

Тос томони билан келишида ҳомила тос томони билан туғиш каналига йўналиши тушунилади. У икки хил бўлади: думба ва оёқ томони билан келишга бўлинади. Бундай ҳолатларда туғиш 4 босқичда боради:

- 1) ҳомиланинг киндиккача туғилиши;
- 2) киндикдан куракларнинг пастки бурчагигача туғилиши;
- 3) қўлларнинг туғилиши;
- 4) бошнинг туғилиши.

Тос томони билан келишида Цовяновнинг қўл билан ёрдам бериш усули қўлланилади. Бу усул қўл ва оёқларнинг тўғри жойлашишига асосланган.

### *Ҳомиланинг нотўғри ҳолати ва жойлашиши*

Бунга ҳомилани кўндаланг ва қийшиқ жойлашиши киради. Ҳомила бачадоннинг ўрта ўқига нисбатан перпендикуляр жойлашган бўлса кўндаланг, агар ҳомила бу ўқ билан ўткир бурчак хосил қиласа, у ҳолда қийшиқ жойлашган дейилади. Бу ҳолатларда она ва бола ҳаётига хавф солувчи асоратлар келиб чиқиши мумкин: сувнинг оқиб кетиши, ҳомила майда қисмларининг ажралиб чиқиши, бачадон ёрилиши ва ўлимга олиб келиши мумкин. Шунинг учун бу каби асоратлар юз бермаслиги мақсадида жарроҳлик усули (Кесар кесиш)дан фойдаланилади.

### *Тор тос ҳақида тушунча, тугиши ва уни олиб бории хусусиятлари*

Тор тос деганда соғлом ҳомила бошининг туғиши жараёнида тос суюги орқали ўтишида тос суюк склетининг торайиши туфайли механик қаршиликка дуч келиши тушунилади. Бу каби қаршиликлар турлича ривожланган бўлади. Тос унчалик тораймаган ҳолларда туғиши жараёни асоратсиз тугаши мумкин. Кескин торайган тос туғиши жараёнининг амалга ошишига бутунлай тўскенилик қиласи.

Ўлчами бўйича тос торайишининг 4 та даражаси: I, II, III, IV фарқланади.

Шакли бўйича:

- 1) умумий бир текис торайган;
- 2) оддий ясси торайган;
- 3) ясси рапитик торайган;
- 4) умумий торайган.

III ва IV даражали торайища соғлом тирик ҳомилани туғиши имкони умуман йўқ. Сувнинг оқиб кетиши, ҳомила майда қисмларини тушиб қолиши ва туғиши кучининг аномалияси каби асоратлар кузатилади. Кўпинча, ҳомила ҳаётига асфиксия, бачадон-йўлдош системасида қон айланишининг бузилиши каби асоратлар билан хавф солади. Ҳозирги вақтда жарроҳлик усуллари қўлланилади.

### **Кесар кесиш**

Операцияга мутлақ ва нисбий кўрсатмалар мавжуд.

*Мутлақ кўрсатмаларга қўйидагилар киради:*

- 1) мутлақ тор тос;
- 2) ўсма ҳисобига кескин торайган тос;
- 3) синиш ва силжиш ҳисобига тос деформацияланиши;
- 4) қиннинг кескин стенози (торайиши);
- 5) йўлдошнинг тўлиқ нотўғри жойлашиши;
- 6) йўлдошнинг барвақт жойидан кўчиши.

*Нисбий кўрсатмаларга қуийидагилар киради:*

- 1) йўлдош операциялар;
- 2) йўлдошнинг қисман нотўғри жойлашиши;
- 3) юрак-томир касалликлари;
- 4) оғир шаклдаги хафақонлик касаллиги;
- 5) ҳомиланинг қўндаланг жойлашиши;
- 6) ҳомила боши ва танасининг нотўғри жойлашиши.

*Тугишида бачадоннинг қисқарувчанлик фаолияти патологияси*

Нормада туғиши жараёнида бачадон қисқариши тўлқин кўринишида унинг бурчагидан танасига ва пастки қисмига тарқалади. Бачадон функционал ҳолатининг энг муҳим кўрсаткичларига унинг тонуси ва қўзғатувчанлиги киради. Шунга боғлиқ равишда унинг силлиқ мускуллари хоссалари туғиши фаолиятининг аномалиясида кузатилади, гипо, нормо ва гипертонусларга бўлинади.

*Тугиши фаолиятининг уч хил аномалияси кузатилади:*

- 1) туғиши фаолиятининг сусайиши;
- 2) дискординацияланган туғиши фаолияти;
- 3) жуда кучли туғиши фаолияти.

## **ФАВҚУЛОДДА ҲОЛАТЛАР (ЕР ҚИМИРЛАШИ, СУВ ТОШҚИНИ, ЎПИРИЛИШ ВА БОСИБ ҶОЛИШ)ДА БИРИНЧИ ТИББИЙ ЁРДАМ КЎРСАТИШ ХУСУСИЯТЛАРИ**

Кўп инсонларнинг ўлимида асосий сабаблардан бири табиий офатлар ҳисобланади. Ҳозирги кунларда у ёки бу табиий офатларнинг қачон бўлишини башорат қилиш мумкин эмас, аммо хавфи юқори бўлган минтақаларни билиш мумкин. Зилзила ва ёғингарчилик хавфи юқори бўлган минтақалар мавжуддир. Ер қимирлаши натижасида катта иссиқлик узатувчи тармоқлар, коллекторлар, электростанциялар ва бошқаларнинг ишдан чиқиши ҳамда хавфли ёнғинларнинг содир бўлиши оғир куйиш ва заҳарланишларга ҳам олиб келади.

Ер қимираши қишлоқ ахолисига нисбатан шаҳар ахолисига ва турар жойларга катта талафот етказиши мумкин. Табий оғат бўлган минтақаларда индустрисал обьектлар қанча кўп бўлса, хавф шунча юқори ва вужудга келган ҳолат мураккаб бўлади.

Зилзила вақтида юзага келадиган жароҳат шикастлантирувчи агентнинг таъсир қилиш тезлигига, кучига, давомийлигига ва таъсир қилиш жойига ва жароҳатланганинг ёшига боғлиқ бўлади. Шикастланишнинг жароҳатланиш механизмига қараб қуидаги турлари кузатилади: зарбали, компрессион ва аралаш.

Зарбали шикастланиш таъсирида унинг таъсир кучига боғлиқ бўлган ҳар хил оғирликдаги – мия чайқалишидан тортиб, бош миянинг оғир жароҳатланишигача бўлиши мумкин. Жароҳат олгандан сўнг эс-хуш ва хотирани йўқотиш ҳолатлари кузатилган. Зарба теккан жойда юмшоқ тўқималарнинг шикастланиши, ҳар хил синишлар ҳам аниқланиши мумкин.

Компрессион (босиб қолиш) механизми таъсирида (бино ва қурилиш бўлаклари ва бошқа жиҳозлар билан кўп кузатилган) жароҳатловчи куч катта бўлмайди. Бунда кам ҳолларда суюкларнинг синиши ва деформацияга учраши аниқланиши мумкин.

Аралаш механизмли шикастланишда эса таянч-ҳаракат органлари, бош суюги, мия тўқимасининг жароҳатланиши билан бирга тана соҳаларининг юқ таъсирида эзилиши ҳам кузатилади.

*Бош суюги ва миянинг шикастланиши.* Бош суюгининг жароҳати коммоцион-контузион синдром қўринишида организмнинг ўзига хос хусусияти билан характерланади. Бош суюгининг жароҳати юмшоқ тўқималарда гематомаларнинг пайдо бўлиши, улар бутунлигининг бузилиши (ёрилишлар), бош суюгининг синиши ҳамда мия шикастланишлари билан кечади.

Бош суюгининг шикастланиши очиқ ва ёпиқ характерда бўлиши мумкин.

Бош соҳасининг ёпиқ шикастланишида юмшоқ тўқималарнинг анатомик бутунлиги бузилмайди. Тери ости томирларининг шикастланиши туфайли гематома ҳосил бўлади ва бош соҳасида турли ўлчамли шиш (ғурра) пайдо бўлади.

Шикастланган соҳа оғриқ, қизариш, кейинчалик эса қўкариш кузатилиши мумкин. Очиқ шикастланиш ҳолатларида эса тўқималар анатомик бутунлиги бузилиши туфайли жароҳатлар пайдо бўлади ва жароҳатларга хос бўлган белгилар кузатилади.

Бош суяги шикастланишида 8–15% ҳолатларда бош мия функциясининг бузилишлари қайд этилади. Ёпиқ шикастланишлар очик шикастланишларга қараганда 3 марта кўпроқ учрайди.

Жароҳатланганни текшираётганда бош суяги жароҳатининг бор ёки йўқлиги, яранинг чуқурлиги, миянинг шикастланишини аниқлаш катта аҳамиятга эга. Тери бутунлиги, яралар, гематомалар ёки бош суяги эзилишини аниқлашга эътибор бериш керак. Бош суяги апоневрози яралари, одатда, тери ва тери ости қавати яраларига қараганда кўпроқ очик бўлади. Жароҳат чуқурлигини аниқлашда ундан чиқаётган ажралмалар характеристига ҳам эътибор берилади. Жароҳатдан оқаётган қон ҳажми бош суякларининг шикастланган ёки шикастланмаганлигидан далолат бериши мумкин. Чунки бош суяклари шикастланганда мия томирлари ва қаватларидан қон кўп кетади.

Жароҳат ажралмасида орқа мия суюклигининг ёки мия тўқимаси бўлакларини, бўлиши жароҳат мия тўқималарига ўтганлигидан далолат беради.

Кўз қовоғининг «кўзойнак» қўринишидаги қонталашуви бош суяги асоси олдинги соҳасининг синиши белгисидир, қулоқлардан қон кетиши эса бош суяги асоси ўрта қисмининг синганлигини кўрсатади.

Бош мия жароҳатида мия шикастланишининг асосий уч тури фарқланади: мия чайқалиши, лат ейиши ва эзилиши

*Миянинг чайқалиши.* Миянинг чайқалиши механик кучнинг тез ва кучли таъсиридан келиб чиқади. Клиник кечувига қараб мия чайқалишининг енгил, ўртача ва оғир даражалари тафовут қилинади.

Енгил даражали мия чайқалишида қисқа муддатли ҳушни йўқотиш, баъзан бош айланиши, қулоқлар шанғиллаши, кўз олди қоронғилашиши, бош оғриши, тери оқариши, кўнгил айниши ёки қусиши рўй беради. Шикастланганда ретрографад амнезия (жароҳат олишдан олдинги воқеликни эсдан чиқариш) ҳолати кузатилади. Юқорида қайд қилинган белгилар мия чайқалишининг бу оғирлик даражасида 5–7 кундан сўнг аста-секин йўқолади.

Ўрта даражали мия чайқалишида бир неча соат давомида ҳушни йўқотиш, аднамия, руҳий қўзғалиш, қусиши, рефлексларнинг пасайиши, нистагм, кўз қорачиғининг торайиши, пульснинг суstлашуви, нафас олишнинг тезлашиши кузатилади.

Оғир даражали мия чайқалишида ҳушни узок муддатга (бир неча соатдан кунгача) йўқотиш билан характерланади. Бунда нафас олишнинг юзакиланиши, пульснинг сустлиги ва кучсизлиги, тери қопламларининг оқариши, рефлексларнинг йўқолиши, кўз қорачигининг ёруғликка бўлган реакциясининг йўқолиши, сийдик ва нажаснинг ихтиёrsиз ажралиши юз беради.

Бунинг ҳаммаси кома ва ўлим билан тугаши мумкин.

Мияси чайқалган bemорлар фақат ётишлари шарт. Енгил чайқалишда уч ҳафтагача, оғирроқ чайқалишларда бир ойдан икки ойгача.

*Миянинг лат ейши.* Мия лат ейиши деб, мия моддасининг шикастланиши тушунилади. Оғир жароҳатларда бу шикастланиш физик куч таъсирининг қарама-қарши томонида жойлашган бўлади.

Мия лат еганида мия функциясининг бузилиши ҳам характерли-дир, ҳамда бу ҳолат жароҳатдан сўнг бирдан ривожланади. Оёқ ёки кўлнинг (моноплегия) ёки гавда ярми мушакларининг (гемиплегия) фалажланиши кузатилади, овоз йўқолади (афазия), юз нервларининг шикастланиши туфайли юз қийшайиши (ассиметрия) ва кўришнинг ёмонлашуви юз беради. Тана ҳарорати  $40^{\circ}\text{C}$  гача кескин кўтарилиши мумкин. Сийдикнинг суткалик миқдори ошади, ундаги қанд миқдори кўпаяди.

4–5 ҳафта давомида комплекс даволаш тадбирлари қўлланилади. Бунда асосий эътибор нафас олиш ва қон томир тизимларининг фаолиятини яхшилаш, кейинчалик эса неврологик ўзгаришларни йўқотишга қаратилади.

*Миянинг эзилиши.* Мия эзилиши бош суюги ичидағи томирлардан қон кетиши ёки суюклар синиши натижасида рўй беради.

Қон тўпланиши (гематома) мия қаттиқ пўстлоғи устида (эпидураль гематома) ҳамда мия тўқимаси ичидаги (мия ичи гематомаси) хосил бўлади.

Мия эзилишининг илк белгилари: эс-ҳушнинг йўқолмасдан тормозланиши, бош оғриши ҳисобланади. Кўз қорачигининг қон қуйилган томонда кенгайиши кузатилади. Кейинчалик эса bemорнинг ташқи муҳитга реакцияси йўқолади, ҳушидан кетади, пульс секинлашади, минутига 40–50 гача камаяди. Нафас олиш ёмонлашади, шовқинли ва нотекис бўлиб қолади.

Бош мияга қон кетиши натижасида эзилиш белгилари бирданига рўй бермасдан бир неча вақтдан сўнг намоён бўлади, шунинг учун

ҳам шикастланганлар врачарнинг қатъий назоратида бўлмоғи лозим.

Бош суяги ва мия жароҳатларида врачгача бўлган ёрдам шикастланганларга осойишталикни таъминлаш, бош соҳасини иммобилизация қилиш, нафас олишни яхшилаш, яъни хаёт учун хавфли бўлган ҳолатларнинг олдини олишдан иборат бўлади. Бош миянинг ёпиқ жароҳатларини даволаш bemorga мутлақ осойишталик яратишдан бошланиши керак. Уларни транспортировка қилиш боши бир оз кўтарилиган, ётган ҳолда бажарилиши лозим. Бемор ҳушсиз бўлганлиги туфайли, қусукнинг нафас йўлига тиқилиши, тилнинг тушиб қолишига қарши чоралар кўрилади. Бошни ён томонга эгиб, оғиз бўшлиғига ҳаво ўтказувчи найча қўйиш лозим. Баъзан транспортировка қилишда кислород билан нафас олдириш ва юрак-томир воситаларидан бериш лозим бўлади.

Оғир bemorni транспортировка қилишда маҳсус тахта, замбил ёки ғилдиракли замбил ишлатилади. Бемор солинган замбил икки ёки тўрт киши ёрдамида чайқатмасдан кўтарилади. Шикастланганларни юқори қаватларга кўтаришда бошини олдинги томонга ва оёқ томонини горизонтал ҳолатгача кўтарган ҳолда чиқариш лозим. Беморни замбильдан тўшакка ўтказиша замбилни каравот сатҳида ушлаш ва З киши замбил билан каравот орасида bemorga қараган ҳолда туриши лозим. Бунда бир киши bemor боши ва кўкрагини, иккинчи киши бели ва сонини, учинчиси эса болдирини ушлаши керак.

Фавқулодда ҳолатларда бош суяги ва мия шикастланишлари билан бир қаторда бел сүякларининг, жумладан, умуртқа поғонаси, юз сүяклари (юқори ва пастки жағ сүяклари, бурун сүякларининг) синишилари ҳам кузатилиши мумкин. Бу шикастланишлар бош ва юз соҳасининг ҳамда тана бошқа соҳалари юмшоқ тўқималарининг ҳам жароҳатланиши ва турли катталиқдаги яраларнинг пайдо бўлиши билан рўй беради.

*Узоқ эзилиш синдроми.* Узоқ эзилиш синдроми (Краш синдроми) кўплаб юмшоқ тўқималарнинг узоқ вақт юк таъсирида эзилиши натижасида келиб чиқади. Унинг умумий ва маҳаллий белгилари бор. Умумий белгилар шок, ўткир буйрак етишмовчилиги ва миоглобинуриядан (сийдик орқали миоглобулин моддасининг чиқиши) иборат бўлиб, асосий белгилар ҳисобланади ва касаллик оқибатини аниқлайди.

Узоқ эзилиш синдроми жанговар ҳолатларда, зилзила ва бинолар қулаши пайтида, шахта ва конлар босиб қолиши ва бошқа ҳолатларда учрайди. Масалан, Ашхободдаги ер қимирилаши пайтида шикастланганларнинг 3,5% да бу синдром кузатилган. Хиросимадаги атом бомбаси портлаши оқибатида эса 20% кишиларда бу ҳолат аниқланган.

Узоқ эзилиш синдроми уч даврда кечади: эрта, ўрта ва кеч даврлар.

*Эрта даврда* (2–3 кун давом этади) босиб турган оғирликдан халос этилганларда умумий ва маҳаллий белгилар эрта (бир неча ўн минут ёки бир неча соат ўтгач) кўзга ташланади. Маҳаллий белгилар эзилган жойнинг тез шишиши, терининг кўкариши ва совиши билан намоён бўлади. Кейинчалик эса терида пуфакчалар ҳосил бўлиб, пуфак ичида қонталашган суюқлик кўринади. Ана шу даврда ривожлана бошлайдиган гемодинамик ўзгаришлар (қон босимининг пасайиши, юрак уришининг тезлашуви ва б.) бошланғич давр учун хос бўлган умумий белгилардир. Узоқ вақт давомида эзилиб ётган одам (1–2 сутка), кўпинча, қутқариб олинганидан сўнг бир неча соат ичида ҳаётдан кўз юмади.

Баъзан битта оёқ ёки қўл босилиб қолиши мумкин. Қутқариб олингандан сўнг қўл ёки оёқ оқарган, соғига нисбатан совукроқ, бармоқ учлари кўкарган бўлади. Суяклар, кўпинча, заарланмайди. Сезиш ҳисси йўқолади. Томир уриши аниқланмайди. Бир неча кун ичида эзилган қўл ва оёқлар шишиб, икки-уч баробар катталашиб кетади.

*Иккинчи ўрта давр* (3 кундан 10–12 кунгacha). Бунда кўз оқининг сарғайиши, томир уришининг тезлашуви, қон босимининг тобора пасайиши, плазма йўқотилиши, қоннинг қуюлиши ва ўткир буйрак етишмовчилиги белгилари кузатилади. Ўткир буйрак етишмовчилиги дастлабки соат ва кунлардан кузатилиб, бу вақт миоглобулинурания туфайли сийдик қўнғир рангга киради. Кейинчалик буйракнинг сийдик чиқариш фаолияти бузилиб, қонда азот миқдори ошиб кетади.

Бу даврда ҳам бемор дармони қурийди, қусади, оғир ҳолларда 3–7 кунга келиб ҳушдан кетади. Оғир заҳарланиш оқибатида келиб чиқадиган юрак етишмовчилигидан ўлим содир бўлади.

*Учинчи кечки давр.* Касаллик унчалик оғир кечмаганида иккинчи ҳафта охиридан то 3 ойгача давом этади. Бунда буйрак

фаолияти аста-секинлик билан тикланиб, сийдикда цилиндр, оқсил, эритроцитлар йўқолиб боради.

Юмшоқ тўқималарнинг эзилиш ҳажми ва давомийлигига қараб бу синдромнинг енгил, ўртacha оғирликдаги, оғир ва ўта оғир даражалари ёки кечиш турлари фарқланади.

*Енгил даражаси* ёки турида юмшоқ тўқималар кам муддат (4 соатгача) оғирлик остида эзилади: бунда буйрак фаолияти сал бузилиб, бир неча кун ичида bemor соғайиб кетади.

*Ўртacha оғирлик даражаси* ёки турида юмшоқ тўқималар оғирлик остида 6 соатгача қолиб кетганда кузатилиб, бир неча кун мобайнида сийдик миоглобин ҳисобига ранги ўзгаради. Бемор камҳаракат бўлиб қолади, кўнгли айнийди, заҳарланиш белгилари пайдо бўлади, қон зардобида мочевина ва креатинин миқдори ошади.

*Оғир даражаси* ёки турида (юк остида 6–8 соат қолиб кетганда) шок билан ўткир буйрак етишмовчилиги белгилари: кўнгил айниши, қусиши, ҳушдан кетиш кузатилади. сийдикда оқсиллар, хилма-хил цилиндрлар миқдори ошиб кетади. Конда азот миқдори кўтарилиди. Буйрак мутлақо сийдик ажратмай қўяди.

*Ўта оғир даражаси* ёки тури 6–8 соатдан зиёдроқ юк остида қолиб кетганда кузатилиб, кучли шок, қонда азот миқдорининг кўтарилиши, буйрак сийдик ажратмай қўйиши билан характерланиди. Жабрланганлар бир-икки кун ичида ўладилар.

Жабрланганларга биринчи тиббий ёрдам воқеа содир бўлган жойда кўрсатилади. Эзилган соҳа босиб турувчи юқдан халос этмасдан туриб ёки халос этилгандан сўнг тезда шикастланган соҳадан юқорироққа жгут қўйилади. Эзилган соҳа боғлов материаллари билан қаттиқ боғланади ва бу соҳанинг иммобилизацияси амалга оширилади. Шикастланган соҳа иложи борича совитилади. Жабрланганлар транспортировкаси шошилинч равишда амалга оширилади.

Зилзиладан сўнг талафот кўрганларнинг 1/3 қисмида эзилиш синдромининг оғир турларини учратиш мумкин. Бунда шикастланганларнинг 1/3 қисмида бу синдромнинг намоён бўлиши минимал бўлади.

Арманистондаги зилзила пайтида кузатилган узоқ эзилиш ҳолатлари одатдаги ана шундай ҳоллардан фарқ қилмади. Биринчи кунлардаёқ жабр кўрганларда эзилган тўқималар ва аутолиз маҳсу-

лотлари қонга сўрилиши натижасида организмнинг жароҳатдан кейинги заҳарланиш белгилари юзага келди.

*Портлаш тўлқини таъсирида ички аъзоларда келиб чиқадиган ўзгаришлар.* Портлаш таъсирида киши организмида ўзига хос бузилишлар кузатилади. Бу бузилишлар «контузия» ёки «карахтлик» ибораси билан юритилади.

Портлаш натижасида ҳаво сиқилиб, атмосфера босими ошиб кетиши ва портлаш юз берган соҳа ташқарисида эса босимнинг, аксинча, камайиб кетиши содир бўлади. Ҳаво босимининг бундай ўзгариши инсон организмига жароҳатловчи таъсир кўрсатади. Биринчи навбатда, портлаш қулоққа таъсир этиб, қулоқ пардасини ёриши, ўрта ва ички қулоқни шикастлантириши мумкин. Портлаш вактида чиқувчи кучли товуш импульслари кўп ҳолларда миянинг акустик соҳаларига таъсир этиб, кар бўлиб қолишга, ҳаводаги босимнинг кескин ўзгариши – ички аъзоларни зааралантиришга, портлаш тўлқини эса одамни улоқтириб юбориб, турли механик жароҳатлар олишга сабаб бўлади.

Портлаш тўлқини таъсирида нерв тизимиға оид шикастланишлар энг кўп учрайди. Кўплаб жабрланганлар ҳушдан кетадилар: баъзилари дарров ўзига келса, бошқалари анчагача беҳуш бўлиб ётадилар. Контузияга учраганларнинг кўпчилиги ҳушига келганидан сўнг ҳам эшитиш, гапириш, ҳидлаш, таъм билиш ва кўриш аъзолари фаолияти тикланмаслиги мумкин. Бу ҳолат узоқ давом этади ва яхшилаб даволанишдан сўнг кўпчилик ҳолларда bemor соғайиб кетади. Агар жароҳат оғир бўлса, контузияга учраган одам ҳушига келганидан кейин ҳам гаплашмайди, вақтни фарқламайди, атрофдагиларга бефарқ бўлади. Кучли шикастланганларда умуртқа ва мия асосий артериясида қон айланишининг бузилиши билан боғлиқ ҳолат кузатилиб, ютишнинг қийинлашуви, нутқнинг бузилиши, юрак фаолиятининг издан чиқиши белгилари ва аритмияда ўз ифодасини топади.

Портлаш тўлқини таъсирида бош заарланиб, қўл ва оёклар шол бўлиб қолиши мумкин. Шу билан бир қаторда у ёки бу даражада вазомотор бузилишлар: кафт ва оёқ таги кўкариши, юзнинг оқариши ва қизариши, қўл-оёкларнинг совиши, терлашнинг кучайиши кузатилади.

Портлаш тўлқини таъсирида ўпкада ҳам қатор ўзгаришлар келиб чиқиши аниқланган. Бунда bemorнинг ҳансираши, йўталиши, ўпкага

қон қуишлиши натижасида қон аралаш тупуриш кузатилади. Юрактомир тизимида пульснинг секинлашуви ва ўта ўзгарувчанлиги кузатилади.

Овқат ҳазм қилиш аъзолари фаолиятининг бузилиши жароҳатланишдан кейинги дастлабки соатларда кўнгил айниши, баъзан кусиши, ич кетиши ва ел ушлай олмаслик каби белгиларда сезилади. Портлаш тўлқинининг меъда-ичак аъзоларига яна бир таъсири, меъда яраси билан оғриганларда меъда ва ўн икки бармоқли ичакнинг янги яралари пайдо бўлади.

Контузия бўлганларда, баъзан узоқ вақт (хафта, ойлаб) карахтлик, паришонхотирлик, тушкунлик давом этади. Ҳаракат астасекин тикланса-да, нутқ ва эшишишнинг издан чиқиши анчагача сакланади.

Уйқу бузилиши ҳолати бунда ўзига хос тарзда намоён бўлади. Бедорлик ва уйқу орасидаги чегара йўқолиб, ҳар иккаласидан бемор қониқмайди.

Портлаш тўлқини таъсирида қон босими ошганлар кейинчалик (7–8 ой) шу дардга (гипертония) мубтало бўладилар. Бош оғриғи, бош айланиши, қулоқ шангиллаши, уйқусизлик каби церебрал ҳолатлар кўпчиликда узоқ вақт сақланиб қолади.

Контузияга учраганлар касалхоналарда узоқ вақт даволанадилар.

**Чўкишида қўрсатиладиган биринчи тиббий ёрдам.** Сув тошқинлари, сел олиб кетиши ҳоллари ҳам фавқулодда ҳолатлар қаторига киради. Бунда чўкиш ҳоллари кўп учрайди. Шунинг учун чўкаётганларни қутқариш ва уларга биринчи тиббий ёрдам кўрсатиш муҳим аҳамият касб этади.

Инсон сув остига тушиб қолганда кучли ҳаракатланиш ҳолатига келади. У сув юзасига чиқишига ва туришга интилади, тез-тез мослашмаган ҳаракатлар қиласиди. Чўкиш вақтида чўкувчи нафас ушлаб, сув юзасига чиқади ва ҳаво олиб, яна сувга ботади.

Маромсиз нафас олиш ва нафасни тутиб туриш қонда карбонат ангидриди тўпланиб қолишига сабаб бўлади. Бу ўз навбатида беихтиёр нафас олишга олиб келади. Бу вақтда сув кўп миқдорда трахея, бронх ва альвеолаларга тушади. Сув остида мунтазам нафас олиш бир неча секундгача давом этади. Сўнгра бир минутгача иккиламчи нафас тўхташи, кейин эса агонал нафас бўлади.

Юрак фаолиятининг тўхташи чўкишда қоринчалар фибриляцияси натижасида келиб чиқади. Чучук сувга чўкиш вақтида ўпка

орқали қонга кўп микдорда суюқлик тушиб, қоннинг суюқланишига, эритроцитлар гемолизига ва ионлар тенглиги бузилишига олиб келади. Бу омиллар гипоксия шароитида қоринчалар фибриляциясини келтириб чиқаради. Юрак фаолияти нафас олишдан аввалроқ тўхтаб қолади.

Денгиз сувида чўкиш вақтида сув ўзининг гипертониклиги натижасида ўпкадан қонга ўтмайди, лекин таркибидаги туз моддалари қонга ўтади, қондан ўпкага эса плазма оқсилилари ўтиши кузатилади. Юрак фаолияти нафас олишдан анча кейин тўхтайди. Сув остида 3 минутдан 30 минутга қадар бўлган одамни қайтадан тирилтириш мумкин. Бу вақт ўлимнинг турига, сув ҳароратига, чўкиш вақтидаги марказий нерв тизимининг ҳолатига боғлиқ бўлади.

Чўкканларга биринчи тиббий ёрдам беришга кириша туриб, чўкувчининг ҳушидан кетган-кетмаганлиги, юрак фаолияти ва нафас олишини аниқлаш керак. Ёрдам кўрсатиш ҳодиса юз берган жойдан бошланиб, йўлда давом эттирилади. Касални фақат терминал ҳолатдан чиқарилгандан кейингина транспортировка қилиш мумкин.

Агар чўкувчи ҳушидан кетмаган бўлса, тинчлантириб, хўл кийимлар ечилади ва иситилиб, чой, кофе, спирт ёки валериана тиндирмаси берилади. Бундай шахсни касалхонага ётқизиш мақсадга мувофиқдир.

Чўкувчи сувдан ҳушсиз, лекин юрак фаолияти ва нафаси сақланган ҳолда олиб чиқилса, унга навшадил спирти ҳидлатилиб, бадани иситилади. Агар зарурат бўлса юрак ва нафас фаолиятини яхшиловчи дори-дармонлар қилинади ва энг яқин даволаш муассасига жўнатилади.

Ўлим ҳолатидаги чўкканларнинг, аввало, нафас йўллари ёт жисмлар, сув ва шилимшиқ моддалардан тозаланиб, сунъий нафас олдирилади ва юрак массажи ўtkазилади. Агар ёт жисмлар чўкувчининг оғиз бўшлиғида бўлса, улар қўл билан олиб ташланади. Кўрсаткич бармоқ томоқقا киритилиб, нафас йўли очиқ ёки ёпиқлиги текшириб кўрилади. Жағлар бир-бирига қаттиқ қисилиб қолган бўлса, нафас олдириш оғиздан-бурунга қилинади. Ҳаво бурун орқали ўтмаса, оғиз тезда очилиши керак. Оғиз очувчи асбоб бўлмаса, оғизни ҳар қандай юпқа металлда очиш ва уни очиқ ҳолда бирон-бир буюм билан ушлаб туриш мумкин. Нафас йўллари,

ошқозондан суюқлик ва кўпикларни чиқариб юбориш учун чўкувчи қорнига ётқизилиб, сонидан кўтарилади ва қорни билан кутқарувчининг тиззасига ётқизилади. Чап қўл билан чўкувчининг орқасига босилади. Нафас йўллари ва ошқозоннинг бу йўл билан бутунлай тозаланиши қийиндир. Ларингоскоп ёрдамида трахеяни интубация қилиш – нафас йўлини тозалашнинг ишончли усулларидан биридир.

Трахеяга киргизилган интубацион найда орқали юқори нафас йўлларидан сув ва кўпикларни тортиб олиш мумкин.

Қон айланишини тиклаш юракни ёпиқ массаж қилиш билан бошланади. Бу муолажа чўкувчи сувдан чиқариб олиниши ва сунъий нафас олдириш билан бир вақтда амалга оширилади.

Шундай қилиб, чўкиш вақтида биринчи тиббий ёрдам кўрсатиш самарадорлиги ўз вақтида тез ва тўғри ўтказилган, шунингдек, марказий нерв тизими функцияси, нафас ҳамда юрак фаолиятини тиклашга қаратилган муолажалар мажмуасига боғлиқдир.

Кўп катастрофалар вақтида (зилзила, сув босиши) шикастланганларда типик, ўзига хос шикастланишларнинг бирга келиши, бир қанча синдромларнинг ривожланишига олиб келади ва инсонларнинг кўп ўлимига сабаб бўлади. Жаҳоннинг турли мамлакатларида бўлиб ўтган юзлаб зилзилаларнинг тиббий оқибатлари таҳлили ўлганларнинг оғир жароҳат олганларга нисбати 1:3 эканлигини кўрсатади. Агар ўз вақтида биринчи тиббий ёрдам кўрсатилмаса, бу нисбат ўлганлар ҳисобига яна ҳам ошиши мумкин.

Фавқулодда ҳолатларда тиббий ёрдам кўрсатиш якка шикастланганларга ёрдам кўрсатишдан анча фарқ қиласди. Уларнинг пировард мақсади умумий бўлгани билан, тиббий ёрдам кўрсатиш характеристи турличадир. Бунда тиббий ёрдам биринчи навбатда, тирик қолиш эҳтимоллиги юқори бўлган шикастланган шахсларга кўрсатилиши ҳамда иложи борича шикастланганларнинг кўп микдорини қамраб олиши керак.

Шифохонанагача бўлган (табиий офат жойида ва транспортировка вақтида) ва шифохона (шикастланганлар олиб борилган шифо маскани) босқичларида нафақат жароҳатни даволаш, балки организм асосий фаолиятини омиллаб берувчи органлар функциясини тиклаб, жабрланганларнинг ҳаётдан кўз юмаслигини таъминлаш мухим аҳамиятга эгадир.

Шикастланганларни босиб қолган жойлардан ёки ёнгин ўчоғидан олиб чиқиш ёрдам кўрсатишининг биринчи воситаси ҳисобланади. Бундай ёрдам кўрсатишда шошилиш керак эмас, чунки шикастланганга қўшимча жароҳат етказилиши мумкин. Одамларни босиб қолган бинолардан чиқариб олишда, бу ҳаракатлар бино бўлаклари остида қолган шахсларда эзилишнинг кучайишига ёки ўтиш йўлларини тўсиб қўймаслигига ишонч ҳосил қилиш керак.

Босиб қолиш ҳолатларида, кўпинча, тана соҳаларининг турли жисмлар (сим, труба, арматура ва бошқа жисмлар) билан жароҳатланиши кузатилади. Бундай ҳолатларда ёт жисмларни танадан чиқариб олиш керак эмас, чунки кучли қон кетиши мумкин. Шунинг учун шикастланганларни ёт жисмлар билан транспортировка қилиш ёки бу жисмларни арралаб ёки автоген билан кесиб ташлаш керак.

Босиб қолган жойлардан чиқариб олишдан олдин наркотик дармонлардан фойдаланиб оғриқ қолдириш, шикастланган оёқ-қўлларни иммобилизация қилиш керак бўлади. Худди шундай ёрдам куйиш ҳолатларида ҳам қўлланилади. Айрим ҳолларда босиб қолган жойлардан оёқ-қўлларни ажратиб олиш имконияти бўлмаса, кесиш (ампутация) масалаларини ҳал қилишга тўғри келади. Юк остида қолган оёқ-қўлларни чиқариб олишдан аввал эзилган соҳадан юқори-роққа жгут қўйиш керак. Кўпгина шикастланганларга, яъни босқин остида оёқ-қўллари босилиб турган, аммо қорин бўшлиғи шикастланиш белгилари сезилмаган шахсларга оғиз орқали суюқлик ёки глюкоза, лимон кислотасининг калийли эритмаларини юбориш мумкин.

Кўп ҳолларда биринчи тиббиёт ёрдам фавқулодда ҳолатларда кутулиб қолганлар томонидан ўз-ўзига ва ўзаро ёрдам қўринишида амалга оширилади, чунки ҳар доим ҳам тиббиёт ходимлари етарли бўлмайди. Бунга эса фақат аҳоли ва янгидан ташкил қилинаётган қутқарув гуруҳларини жойларда, аввалдан инсон ҳаётини саклаб қолиш бўйича биринчи тиббий ёрдам кўрсатиш чора-тадбирларига доимий ўқитиш билангина эришиш мумкин. Бу дастур 6 та асосий элементдан иборат:

1) юқори нафас йўлларининг ўтказувчанлигини тиклаш, жароҳатланганнинг бошини орқа томонга максимал эгиш, пастки жағни олдинга тортиб бармоқ билан оғиз бўшлиғи ва томоғини ёт жисмлардан тозалаш;

- 2) экспиратор сунъий (оғиздан-оғизга ёки оғиздан-бурунга) нафас беришни амалга ошириш;
- 3) ташқи қон кетишини босувчи боғлам ёки жгут ёрдамида тұхтатиш;
- 4) кома ҳолатига тушган беморларга зарур бўлган ҳолатни бериш;
- 5) шок ҳолати кузатилган беморларга зарур бўлган ҳолатни бериш;
- 6) босиб қолган жойлардан беморларни қўшимча шикаст етказмасдан чиқариб олиш.

Кейинги босқич шикастланганни хавфсиз жойга олиб чиқиши, саралашни ўтказиши, эвакуацияга тайёрлаш ва даволаш масканига транспортировка қилишдан иборат. Арманистанда бўлиб ўтган ер қимирлаши оқибатлари бўйича халқаро тадқиқот натижалари шуни кўрсатадики, агар оғир жароҳатланганларнинг транспортировкаси тайёргарликсиз, яъни иммобилизациясиз ва оғриқсизлантирмасдан амалга оширилса ҳамда транспортировка учун мосланмаган (шахсий автомобилларда) воситаларда олиб борилса, шикастланганларнинг аксарияти йўлнинг ўзида жуда оғир ва терминал ҳолатга тушадилар ёки дунёдан кўз юмадилар. Шунинг учун ҳам шикастланганларнинг вақтинча тўпланиш жойида жароҳат оғирлик даражасини асбоб-анжом ташхиси талаб қилмайдиган элементар белгилар (бемор ҳушидами ёки йўқми, нафас олиш характеристи, асосий ва периферик томирлардаги пульс) орқали баҳолаш, жароҳатнинг танада жойлашуви ҳамда характеристини аниқлаш ва энг яқин шифо масканига эвакуация қилиш учун тайёргарлик қўриш катта аҳамиятга эга.

Шикастланганлар ҳолати ва жароҳат оғирлик даражасига қараб тўрт гурухга ажратилади.

Биринчи гурухга кечикириб бўлмайдиган жарроҳлик муолажасига муҳтож бўлган, оғир ҳолатдаги беморлар киради. Бу гурух умумий шикастланганларнинг 20% ни ташкил қиласди.

Иккинчи гурухга ҳолати ўртача оғирлиқдаги беморлар кириб, ёрдамни 6–8 соатга кечикириш мумкин. Бу гурух умумий шикастланганларнинг 20% ни ташкил қиласди.

Учинчи гурухдагилар ҳолати енгил беморлар бўлиб, амбулатория ёрдами билан чегараланиш мумкин. Улар умумий шикастланганларнинг 40% ни ташкил қиласди.

Тўртинчи гурух – ҳолати жуда оғир, азият чекишини енгиллаштиришга муҳтож беморлар. Улар умумий шикастланганларнинг 20% ни ташкил қиласди.

Шикастланганлар кўп микдорда тўпланган жойлардан биринчи навбатда ҳаёти хавф остида қолган (масалан, давомли ички қон кетиш), лекин тирик қолиш имконияти бор бўлганларни транспортировка қилиш талаб қилинади. Терминал ҳолатдаги беморларни шу жойда симптоматик йўл билан даволаб, транспортировка қилинмайди.

Шикастланганларни транспортировка қилиш фақат санитар транспортида амалга оширилиши керак. Ёрдамчи транспорт воситаси сифатида юк автомобилларидан, автобуслардан фойдаланиш мумкин, бунда bemорларни матрасли шитларга ётқизиб олиб бориш мақсадга мувофиқдир. Олиб бориладиган шифохона 20 км ва ундан узоқ бўлса, вертолётдан фойдаланиш маъқулдир.

Табиий оғатлар сонини камайтиришда биноларнинг чидамли қурилиши, тўсиқлар ўрнатилиши ва бошқа маҳсус ҳимоя чоралари бўлиши катта аҳамиятга эга. Хона ичида зилзиладан кўриладиган талафотларга қарши ҳимоя чоралари сифатида қуидагилар бажарилиши лозим: иситиш ва бошқа мосламаларнинг бино деворига қаттиқ маҳкамланган бўлиши, том ва том ёпғичларининг енгил бўлиши, қаттиқ жихозларнинг пол ва деворларга маҳкамланганлиги, шкаф ва музлатгичларнинг зарбалардан ҳимояланган бўлиши, телевизорлар ёнгин ва портлаш хавфи бўлганлиги учун деворга маҳкамланган бўлиши керак. Аҳолини зилзила хавфидан ва ундан кўриладиган талафотни камайтириш мақсадида мунтазам ўқитиб бориш керак.

## **ЙЎЛ-ТРАНСПОРТ ҲОДИСАЛАРИДА БИРИНЧИ ТИББИЙ ЁРДАМ КЎРСАТИШ ХУСУСИЯТЛАРИ**

Иқтисодий ривожланган мамлакатларда йўл-транспорт ҳодисалари туфайли келиб чиқадиган жароҳатланиш асосий жароҳатланиш турига киради. Дунё йўлларида ҳар йили 8 миллионга яқин киши йўл-транспорт ҳодисалари натижасида турли хилдаги жароҳатлар олиб, улардан қарийб 300 мингтаси ҳалок бўлади.

Айниқса, сўнгги йилларда транспорт турларининг кескин кўпайиши ва иқтисодиётимизга кенг кириб бориши транспорт

травматизмининг кескин ўсишига олиб келди. Транспорт травматизми бўйича ўлим даражасини чекланган урушлар (Афғонистон, Чеченистон) натижасида қурбон бўлганлар сонига солиштиришса бўлади.

Одатда, кўпгина ҳолларда йўл-транспорт ҳодисалари ҳаракат иштироқчиларининг хавфсизлик қоидаларига риоя қиласлиги, уни қўпол равишда бузишлари ва менсимасликлари туфайли келиб чиқади. Йўл-транспорт ҳодисаларининг фақатгина 1/3 қисмигина йўл ҳолати ва транспорт воситаларининг техник носозлиги натижасида содир бўлади. Йўл-транспорт ҳодисаларининг қарийб ярмиси ва ундан кўпроғи мастилик ҳолатида, охирги йилларда эса гиёҳвандлик моддалари қабул қилиши туфайли содир этилмоқда. Шу туфайли йўл-транспорт ҳодисаларининг олдини олишда ичкилик ва гиёҳвандликка қарши чора-тадбирлар ҳам муҳим ўрин тутади.

Йўл-транспорт воситалари туфайли содир бўладиган жароҳатлар механик жароҳатлар турига киради. Улар бошқа турдаги механик жароҳатлардан мураккаблиги, кўп тоифали ва баъзи ҳолларда, айниқса, темирийўл ва авиацион ҳалокатларда кўп сонли бўлиши билан характерланади.

Йўл-транспорт воситалари туфайли содир бўладиган жароҳатлар характеристери транспорт турига тўғридан-тўғри боғлиқдир. Жароҳат етказган транспорт турига қараб жароҳатлар қуйидаги турларга бўлинади:

- 1) автомобиль;
- 2) мотоцикл;
- 3) трактор;
- 4) темир йўл транспорти;
- 5) авиация.

*Автомобиль жароҳатлари.* Автомобиль жароҳатлари деганда механик тана жароҳатлари кўзда тутилиб, улар ҳаракатдаги автомобилнинг ташқи ва ички қисмларининг зарби ҳамда ҳаракатдаги автомобилдан йиқилиш туфайли юз беради.

Автомобиль жароҳатлари қуйидаги турларга бўлинади:

- а) ҳаракатдаги автомобилнинг одам билан тўқнашиши туфайли;
- б) автомобиль ғилдираклари билан босиб ўтиш туфайли;
- в) ҳаракатдаги автомобилдан йиқилиш туфайли;
- г) автомобиль ички қисмларига урилиш туфайли;

д) автомобиль ва бошқа жисмлар орасида эзилиш туфайли;  
е) комбинациялашган турлари.

*Ҳаракатдаги автомобиль билан одам тўқнашиши* туфайли содир бўладиган жароҳатлар энг кўп учрайди. Унинг ҳисобига умумий автомобиль жароҳатларининг 60% тўғри келади.

Жароҳат олишнинг ҳар бир босқичи жароҳатланган шахс танасида ўзига хос бўлган шикастланишларни юзага келтиради. Бунда синишлар ва чиқишлиар, ички аъзоларнинг йиртилиши ва узилиши, бош мия ва умуртқа поғонасининг шикастланиши, тери ва тери ости тўқималарининг йиртилиши ва шилиниши кузатилиши мумкин. Ўз вақтида кўп сонли бундай жароҳатлар қон кетиши, шок ҳолатларига ва ўлимга сабаб бўлиши мумкин.

Йўловчиларнинг ҳаракатдаги автомобиль билан тўқнашувининг уч варианти тафовут қилинади: автомобильнинг олд, ён ва орқа қисмлари билан тўқнашуви. Аксарият кўп ҳолларда бундай жароҳатлар автомобиль олд қисми зарби ҳисобига рўй беради.

*Автомобиль гилдираги билан босиб ўтиши натижасида олинадиган жароҳатлар* мустақил автомобиль жароҳати сифатида кам учрайди. Аксарият кўп ҳолларда бундай жароҳатлар бошқа турдаги автомобиль жароҳатлари билан комбинациялашган ҳолда учрайди. Бу турдаги жароҳатларда шикастланиш даражаси автомобиль маркаси, унинг оғирлиги ва шиналар турига боғлиқ бўлиб оғир кечади.

*Ҳаракатдаги автомобилдан йиқилиши* туфайли содир бўладиган жароҳатлар кўпроқ қишлоқ жойларида учрайди. Йўловчининг кузовдаги ҳолати ва транспорт ҳаракат йўналишига қараб йиқилиш турли йўналишда бўлиши мумкин, яъни ён томонга, машина йўналиши бўйича, орқа томонга борт орқали ва бошқалар. Бунда олинадиган жароҳатлар баландликдан йиқилганда олинадиган жароҳатларга ўхшайди. Кўпинча, таянч-ҳаракат органлари, бошчаноқ суюклари ва бош мия шикастланишлари қузатилади. Айниқса, бош соҳаси ва тос суюкларининг шикастланишлари бошқа соҳаларга нисбатан хавфли бўлади.

*Автомобиль ички қисмларига урилиши* туфайли содир бўладиган жароҳатлар, одатда, катта тезликда кетаётган икки машинанинг тўқнашиши туфайли юз беради ёки унинг турғун предметга урилиши ҳамда ағдарилиб кетиши туфайли содир бўлади. Кабина ичидаги жароҳатлар машина ҳаракатининг кескин оширилиши ёки

тўсатдан тормоз берилиши туфайли ҳам рўй беради. Тўқнашув натижасида машина кучли деформацияга учраса, машина ичидаги шахс ва шахслар танаси зарб таъсири билан бирга қўшимча равища эзилиши мумкин. Асосий жароҳатлар тананинг олд қисмида, камроқ – ён соҳасида кузатилади. Машина ичидаги жароҳатлар кўп ҳолларда бош ва оёқ-қўлларнинг, шикастланиши тарзида намоён бўлади. Кўп ҳолларда, автомобиль ҳаракат тезлигининг кескин ўзгариши йўловчи ва ҳайдовчида умуртқа поғонасининг бўйин қисмида характерли синишларни, юз беришига олиб келади.

*Автомобиль жароҳатларининг автомобиль ва жисмлар орасида эзилиши ҳамда комбинациялашган турлари юқорида қайд этилган турларнинг маълум даражада биргаликда учраши туфайли содир бўлади. Бунда жароҳатлар нисбатан кўплиги ва оғирлик дараҷасининг юқорилиги билан характерланади.*

*Мотоцикл жароҳатлари.* Бундай жароҳатлар характери ва содир бўлиш механизми ҳали етарли даражада ўрганилган эмас, чунки транспорт жароҳатларининг бу тури яқинда автомобиль жароҳатларининг ичидан ажралиб чиқди. Мотоцикл жароҳатларининг кузатилишида ўзига хос даврийлик характерлидир. Йўлтранспорт жароҳатларининг бу турида йўловчи билан биргаликда мотоцикл ҳайдовчиси ва пассажирнинг ҳам шикастланиши эҳтимоллиги жуда юқоридир. Бу эса ҳаракат воситасининг ўзига хос конструкцияси билан боғлиқдир. Мотоцикл жароҳатларида аксарият ҳолларда бош соҳаси, жумладан, миянинг шикастланиши ҳамда қўлоёқ суякларининг очиқ ва ёпиқ синишлари характерлидир.

*Трактор жароҳатлари.* Халқ ҳўжалигига ғилдиракли ва тасма-занжир ҳаракатли тракторлар кенг қўлланилади. Уларнинг қўлланиши баъзи ҳолларда кишиларнинг қурбон бўлиши билан кечадиган бахтсиз ҳодисалар келиб чиқишига ҳам сабаб бўлади.

Трактор жароҳатлари ҳар хил, тасма-занжир ҳаракатли трактор жароҳатлари ва ғилдиракли трактор жароҳатларига бўлинади. Ғилдиракли трактор жароҳатлари кўпгина ҳолларда автомобиль жароҳатларини эслатади, аммо бу турдаги жароҳатлар шикастланиш оғирлиги, мураккаблиги ва тана соҳаларининг бўлакланиш эҳтимоллиги туфайли ўлим даражасининг юқорилиги билан фарқ қиласади.

Тасма-занжир ҳаракатли трактор травмалари, аксинча, ўзига хос бўлиб, кўп ҳолларда жароҳат характерига қараб трактор травмаси

эканлигини, трактор турини, ҳатто унинг типи ва маркасини аниқлаш имконини беради. Бундай трактор тури билан етказилган жароҳатлар кам ҳолларда тананинг бўлакланиши билан характерланиди, фақат кам ҳоллардагина, яъни трактор танани кўндаланг босиб ўтганда, оёқ-қўлларни, ҳатто бошнинг узилиши кузатилиши мумкин.

*Темир йўл жароҳатлари.* Темир йўл жароҳатлари қурбонлар миқдори бўйича автомобиль жароҳатларидан сўнг иккинчи ўринда туради. Темир йўл жароҳатлари, кўпинча, кечаси ёки эрталаб содир бўлади. Бунга асосий сабаб машинистларнинг чарчаши, улар иш фаолиятининг бир хиллиги, баъзи аҳоли яшамайдиган йўллардан катта тезлик билан ҳаракатланишидир.

Темир йўл ҳодисалари жиҳатлари ва шароитларига қараб, асосан, қуидаги турларга бўлинади:

- 1) ҳаракатдаги темир йўл транспорти уриб кетиши туфайли;
- 2) темир йўл транспортининг ғилдираклари билан босиб кетиши туфайли;
- 3) ҳаракатдаги темир йўл транспортидан йиқилиб тушиш туфайли;
- 4) темир йўл транспорти вагонлари орасида эзилиш туфайли;
- 5) темир йўл транспорти вагонлари ичida олинадиган жароҳатлар.

Ҳаракатдаги темир йўл транспортининг уриб кетиши туфайли олинадиган жароҳатлар энг кўп учрайди. Ҳозирги вақтда юқори тезлик ва замонавий шаклга эга бўлган янги маркали локомативларнинг амалиётга кенг кириб бориши темир йўл жароҳатларининг бу тури миқдорининг ошишига олиб келади. Бундай жароҳатларда зарб тепловоз, электровоз ва бошқаларнинг олдинги юзаси билан инсон танасининг барча соҳаларига етказилади.

Шунинг учун катта, тарқалган ва оғир жароҳатланишлар кузатилади. Умуман, темир йўл транспорти туфайли келиб чиқадиган жароҳатланишлар ўзига хос бўлиб, бунда тананинг кўп қисми бир вақтнинг ўзида оғир шикастланади, ички органлар, баъзан мия фаолиятининг ўткир бузилиш ҳоллари учрайди. Шу сабабли ҳам бу каби жароҳатлар пировард-натижада шикастланганнинг ногирон бўлиб қолишига ёки ўлимига олиб келади. Лекин ҳамма вақт ҳам бемор, яъни жароҳатланувчи шундай аянчли ҳолда қолмаслиги мумкин. Кўп ҳолларда, атрофдагилар томонидан қўрсатиладиган

тиббий ёрдам ўз вақтида, тўғри ва бенуқсон бажарилса, шикастланган bemor ҳаётини сақлаб, турли асоратларнинг олдини олиш мумкин бўлади.

*Авиация жароҳатлари.* Жароҳат олиш механизмига қараб авиацион жароҳатларнинг уч тури тафовут қилинади:

1) самолёт ичида, учиш вақтида олинадиган жароҳатлар;

2) самолёт ичида, унинг қулаши ва ерга урилиши туфайли олинадиган жароҳатлар;

3) ерда самолёт бўлаклари туфайли олинадиган жароҳатлар.

Самолёт жароҳатларида асосий жароҳат чақиравчи омилларга динамик ва зарбавий зўрайишлар, қарама-қарши ҳаво оқими, портлаш декомпрессияси, тўмтоқ предметлар, портлаш тўлқини, ёнғин, заҳарли ёниш маҳсулотлари, самолёт ташқи қисмлари киради. Ана шу факторлар таъсирида самолёт фалокатига учраган шахсларда ўта мураккаб бўлган жароҳатланишлар кузатилади.

Авиация ва темир йўл ҳалокатлари, одатда, кўп сонли жароҳатланишларга ва кўп инсонларнинг ўлимига олиб келадиган фалокатлар қаторига киради. Шу туфайли шикастланганларга ёрдам кўрсатишида уларни саралаш, гурухларга бўлиш ва маълум кетма-кетликда биринчи тиббий ёрдам кўрсатиш муҳим аҳамият касб этади.

*Кўкрак қафасининг шикастланиши.* Кўкрак қафасининг шикастланишига лат ейиш, қисилиш, чайқалиш, қовурғалар ва тўш суюгининг синишлари киради.

Кўкрак қафасининг лат ейиши кўча транспорт фалокатлари оқибатида тўғридан-тўғри урилиш, ҳар хил нурашлар, баландликдан ийқилиш натижасида содир бўлади.

Кўкрак қафаси лат еганда тери ости қавати ва қовурғалар орасидаги мускулларга қон қуйилиши натижасида оғриқ пайдо бўлиб, босиб кўрилганда ва нафас олганда ва чиқарганда у кучаяди. Оғриқ тахминан бир ҳафта ичида секин-аста камайиб боради ва изсиз йўқолади. Қовурғалар синганда узокроқ даволаш зарур бўлади.

Биринчи ёрдам кўрсатилганда қонталаш ва оғриқни камайтириш мақсадида совуқ (музли пуфак) ва лат еган жойга хлорэтил қўйилади.


Кўкрак қафасининг қисилиши жароҳатланишнинг оғир турларидан ҳисобланниб, бир-бирига қарши (шошилинч равишида)

икки куч таъсирида (икки оғир нарсанинг қисиши) келиб чиқади. Кўкрак қафасининг қисилишида ҳавонинг етишмаслиги, пульснинг тезлашиши, юз ва бўйин териларида нуктасимон қон қўйилиши билан бўладиган кўкариш рўй беради. Оғир ҳолларда қон туфлаш кузатилади.

Биринчи ёрдам кўрсатилаётганда жароҳатланганларни таъсир этувчи кучдан ажратиб, шошилинч равишда оғриқ қолдирувчи (морфин, промедол) дорилар мускуллар орасига юборилади. Лекин нафас етишмовчилигига морфин юбориш мақсадга мувофиқ эмас, чунки у нафас маркази фаолиятини сусайтиради. Беморларга осойишталик яратилиб, тезлиқда улар даволаш муассасасига жўнатилади. Нафас олиш қийинлашганда сунъий ўпка вентиляцияси ёки сунъий нафас олдиришнинг оғиздан-оғизга, оғиздан-бурунга усулларидан фойдаланиш лозим.

Кўкрак қафаси чайқалиши организмга портлаш тўлқини таъсир қилинганида келиб чиқади. Бунда маҳаллий ўзгаришлар бўлмасдан, биринчи планга шокка ўхшаш умумий белгилар чиқади. Артериал қон босимининг пасайиши, томир уришининг тезлашуви, юзаки нафас олиш, ҳаво етишмаслиги, терининг оқариши, қусиш, юз тери соҳасининг кўкариши ва қон туфлаш рўй беради. Беморга биринчи ёрдам сифатида оғриқ қолдирувчи дори-дармонлар берилади ва чалқанча ётган ҳолда шифохонага жўнатилади.

Кўкрак қафасининг ёпиқ шикастланишлари, кўпинча, қовурғалар синиши натижасида келиб чиқади. Қовурғалар синиши оддий ёки мураккаб бўлиб, улар синиши натижасида атрофидаги юмшоқ тўқималар, қон томирлари ва ўпка заарланиши туфайли тери ости энфиземаси, гемоторакс, пневмоторакс келиб чиқиши мумкин (30 - расм).



30 - расм.

Қовурғалар синишининг асосий белгиларидан бири нафас олишда, йўталганда, гавдани қимиратганда пайдо бўладиган маҳаллий оғриқ ҳисобланади. Кўкрак қафаси босиб кўрилганда оғриқ яққол сезилади ёки крепитация аниқланади. Мураккаб синишиларда эса ўпкадан чиқадиган ҳавонинг тери ости қаватига ўтиши натижасида тери ости энфиземаси пайдо бўлади, босиб кўрилганда қорнинг ғичирлашидек овоз беради.

Биринчи тиббий ёрдам bemорга қулайлик яратиш, шикастланган соҳага энли бинт, сочик, чойшаб ёки шунга ўхшаш нарсалар билан қаттиқ босиб турувчи айланма боғлам қўйишдан иборатdir.

Асоратсиз бўлган синишиларда меҳнат қобилияти ўртacha 3–5 ҳафта, ўпка тўқимасининг шикастланиши билан бўлган мураккаб синишиларда эса 2–2,5 ойдан сўнг тикланади.

Шундай қилиб, кўкрак қафаси шикастланган шахсларга биринчи тиббий ёрдам жароҳат соҳасига стерил герметик боғлам қўйиши, оғриқ шокининг олдини олиш чора-тадбирларини қўллаш, шикастланганларга қулай ҳолатни таъминалаш ва даволаш муассасасига эҳтиёткорлик билан етказишдан иборат бўлади.

### **Йўл-транспорт ҳодисаларида биринчи тиббий ёрдам кўрсатиш хусусиятлари**

Воқеа содир бўлган ерда дастлабки тиббий ёрдамнинг муваффақиятли чиқиш шартларидан бири, ҳодиса рўй берган вақтнинг дастлабки дақиқаларидан бошлаб шикастланган шахс атрофидагилар ўзини йўқотмай дадил харакат қилишлари лозимдир. Ҳар қандай фавқулодда жароҳатланишларда ҳам тезлик билан телефон орқали тез ёрдам машинасини чақириш, ЙХХ ходимларидан шикастланганни яқин атрофдаги шифохонага ётқизишни илтимос қилиш ва бошқа шу каби чора-тадбирларни амалга керак бўлади.

Кўп ҳолларда пиёдалар йўл чорраҳаларидан ўтаётганда ёки икки автомашина тўқнашуви натижасида жароҳат олишлари мумкин (тўғри ёки ён томондан кучли зарба, йўлга йиқилиб тушиш ва х.к.). Шу билан бирга автомобиль ичида, масалан, инерцион куч билан ҳайдовчи бошининг бирдан орқага кетиши, автомобиль салони ички қисмларига уриб олиш ҳоллари кўп учрайди.

Жароҳатланувчининг юз қисми, бурни шикастланиши туфайли қон кетиши, кучли оғриқ ва шок ҳолати, бош чаноқ суюкларининг

шикастланиши, шу жумладан, бош асос сүякларининг синиши, қулоқдан, бурундан қон кетиши, кўз атрофи юмшоқ тўқималарига қон қўйилиб «кўзойнак» белгисининг пайдо бўлиши, бош мия чайқалиши ва лат ейиши ҳисобига кўнгил айниш, қусиш, ҳушдан кетиш ва бошқа белгилар кузатилади. Айниқса, умуртқа поғонасининг бўйин қисми шикастланиши оғир оқибатларга олиб келади. Бунда bemор қўл ва оёқларида сезги ва ҳаракат бузилади.

Ҳайдовчининг рул чамбарагига қаттиқ урилиши натижасида тўш суюги ва қовурғалари шикастланади. Шу билан бирга нафас олиш фаолияти ёмонлашуви, юрак соҳаси жароҳатланганда эса травматик инфаркт (айниқса, қари хайдовчиларда) келиб чиқиши мумкин. Травматик инфарктда bemор юрак соҳасидаги оғриққа, унга дорилар таъсир қилмаётганига шикоят қилиши мумкин. Шу билан бирга bemор ўзида саросималик ва қўрқинч, бўғилиш ва ҳолсизлик, тери қатламларининг оч кулранг тусга киргани ва ҳушини йўқотаётганини сезади.

Одатда, йўл-транспорт ҳодисалари натижасида жароҳатланишларда воқеа содир бўлган ерда ўз-ўзига ва ўзаро ёрдам чоралари қўлланилади. Дастребки врачлик ёрдамини эса «Тез тиббий ёрдам» бригадаси амалга оширади. Катта шаҳарларда маҳсус «Тез тиббий хизмат» бригадаси ташкил этилган. Лекин, жароҳатланган кишиларни даволаш муассасаларига, кўпинча, бегона шахслар автотранспортида ёки ЙХХ ходимлари томонидан етказилади. Демак, шикастланганлар ҳаёти биринчи навбатда ана шу кишиларнинг тиббий тайёргарлигига боғлиқ бўлади.

Йўл-транспорт ҳодисалари туфайли жароҳатланиш шаҳар ичи ва ташқарисида бир хил сабаблар билан юзага келмайди. Шаҳар ичида кўпроқ пиёда кетаётган йўловчиларни ҳаракатдаги транспорт воситаси уриб юборишидан, шаҳар ташқарисида эса транспорт воситаларининг ўзаро тўқнашувидан жароҳатлар юзага келади. Жароҳатлар, асосан, юк автомобиллари томонидан содир этилади. Масалан, шикастланганларнинг ҳар бештадан бири шу сабабли дунёдан кўз юмадилар

Тўқнашув вақтида ҳайдовчи ва унинг олдидағи йўловчи ўтирган ерларидан олдинга ва юқорига уриладилар. Баъзи ҳолларда эса улар ўтириғичларни, маҳкамланган жойидан узилиши туфайли машинадан учиб кетадилар. Ҳайдовчи ва йўловчи машинанинг олдинги том қисми ва устунига бошлари билан урилиши мумкин. Бунда

ҳайдовчи ёнидаги йўловчиларга қараганда кўпроқ жароҳатланади, чунки у кўкраги ёки қорни билан рул чамбарагига урилади. Орқада ўтирган йўловчилар ҳам олдинга ва юқорига урилиб, бош ва бўйин соҳаларида жароҳат оладилар. Улар олдинги ўтиргич устидан ўтиб олдинги ойнага урилишлари ёки синган ойна орқали ташқарига чиқиб кетишлари мумкин. Жароҳатларнинг оғирлиги олдинда ва орқада ўтирган йўловчиларда бир хил эмас. Масалан, ҳайдовчи ўз ёнидаги йўловчига нисбатан 7 марта, орқада ўтирганга нисбатан эса 5,5 марта кўпроқ ўлимга дучор бўлади.

Тўқнашув вақтида автомобилда бўлган кишиларнинг деярли барчаси жароҳатланади. Шу жароҳат туфайли ўлганларнинг 95% да қўшма ва мураккаб шикастбланишлар учрайди. Энг кўп қўшма жароҳатлар қуидагилардир: бош-қўл-оёқ, бош-кўкрак, бош-корин, бош-кўкрак-оёқ-қўл, бош-кўкрак-корин-оёқ-қўл. Шуни айтиш керакки, кўпроқ учрайдиган шикастланиш тури бу мия чаноқ суюкларининг синишидир. Иккинчи ўринда кўкрак қафаси шикастланишлари (қовурға ва тўш суюклари жароҳати), учинчи ўринда эса оёқ суюкларининг синиши туради. Ички органларнинг шикастланиши бўйича кўпроқ бош мия ва ички аъзоларнинг жароҳатланиши учрайди. Ўлим келиб чиқишида бош мия жароҳатлари, шок ва қон кетиш асосий роль ўйнайди.

Қўшма жароҳатлар туфайли келиб чиқадиган ўлимга эса кўпроқ ички органлар билан таянч-ҳаракат аппаратининг биргаликда шикастланиши сабаб бўлади. Йўл-транспорт ҳодисаларида шикастланганларнинг ҳаёти кўпроқ касалхонагача бўлган босқичда ҳал қилиниши лозим, чунки тиббий ёрдам ходимлари аксарият ҳолларда кечикадилар. Шунинг учун шикастланганларга биринчи тиббий ёрдам кўрсатиш фожиа юз берган ерда «асфальтда» тезлик билан ва сифатли амалга оширилиши керак.

Йўл-транспорт фалокати иштирокчиларига биринчи тиббий ёрдам кўрсатилишида шикастланган транспорт воситаси ичida ёки ундан чиқариб олиш ҳам алоҳида аҳамият касб этади. Баъзида, автомобиль эшиклари очилмайдиган бўлиб қолиши, кузовининг қаттиқ деформацияга учраши сабабли шикастлан-ганларни автомобильдан чиқариб бўлмай қолади. Жароҳатланганларни автомобиль ичидан куч ишлатиб тортиш уларга ортиқча шикаст етказишга олиб келади.

Шундай қилиб, жароҳатланганларни автомобильдан ажратиб олаётганда куч ишлатиб тортмасдан, суриб, күтариб, халақит бераётган автомобиль қисмларини синдириб бўлса ҳам аста-секин икки ёки уч киши ёрдамида чиқариш керак. Шикастланганнинг аҳволини оғирлаштирмаслик учун уни автомобиль ичида қандай ҳолатда учратилган бўлса, шу ҳолатда чиқариб олиш лозим. Агар шикастланганни бир киши чиқариб олаётган бўлса, ўз-ўзидан маълумки ҳолатини ўзгартиришга тўғри келади, лекин шунда ҳам бош ва бўйин соҳаларини қимирлатмасдан олиш керак.

Транспорт ҳайдовчиси турли тўқнашувларда кучли зарб натижасида кўкрак қисми билан рул чамбарагига урилиб кетади. Шунда икки томонлама бир ёки кўплаб қовурғалар синиши мумкин. Шуни назарда тутиб, bemорни ажратиб олаётган вақтда кўкрак қафасини эзиб юбормаслик керак, чунки синган қовурғалар силжиши натижасида оғриқ, қон кетиш, ички аъзолар иккиламчи жароҳатланиши кузатилиши мумкин. Агар шикастланган кишида қовурға синганлигига шубҳа туғилса, уни қўлтиқ қисмидан ушлаш керак, шунда қовурғалар ҳимояланган ҳисобланиб, жароҳати оғирлашмайди.

Шаҳар ичида юз берган йўл-транспорт ҳодисаларида, агар тез тиббий ёрдам машинаси бир неча минут ичида кела олмаса, машина ичидаги шахс эс-хушида бўлиб ҳеч қаери эзилмаган ҳамда реанимацион чораларга муҳтоҷ бўлмаса, уни чиқариб олиш керак. Агар машинадан ёнаётган электр симлари ёки бензин ҳиди келаётган бўлса, тезлик билан жароҳатлаганни чиқариб олиш ва ҳайдовчи, йўловчиларни узоқроқ масофага олиб бориш лозим. Шундай сўнг ҳаёт учун хавфли жароҳатлар бор ёки йўқлиги аниқланади. Бундан ташқари шикастланганларга кўрсатиладиган ёрдам кетма-кетлиги, ҳажми ва саралаш (агар бир неча киши бўлса) тадбири ўтказилади.

*Тиббий саралашни қандай қилиб мукаммал ўтказиши мумкин?* Агар шикастланган беҳуш ҳолда бўлса, саралаш «ўликми-тирикми» деган қоида билан бошланади. Агар бевосита фожиа юз берган жойда ўлим кузатилса, у ҳолда кўпроқ бош мия ва кўкрак қафаси жароҳати тўғрисида ўйлаш керак. Бунда, албатта, бош миянинг оғир шикастланиши, яъни бош суюгининг очиқ синишлари, мияга қон кетиши, мия моддасининг чиқиб кетиши кўзда тутилади.

Кўкрак қафасининг оғир шикастланишларида унинг деформациясини баъзида кўз билан кўриш ёки қўл билан ушлаб қовурғалар қимиirlаётгани, қўпол крепитация борлигидан билиш мумкин.

Бош-чаноқ суякларининг оғир жароҳатларида қулоқ ва бурун тешигидан қон кетиши, кўкрак қафаси оғир шикастланганида қон бурундан ва оғиздан оқиши мумкин. Бунда тери қопламалари оқарган ёки кўкарган бўлиб, қорачиклар кенгайиб, ёруғликда ўзгармайди. Томирлар уриши қўлда ҳам, бўйинда ҳам аниқланмайди. Юрак фаолияти тўхтайди. Ўпка фаолиятининг тўлиқ тўхтаганигини, bemorning oғziga яқинлаштирилган ойна бўлакчасининг терламаслиги орқали аниқланади.

*Йўл-транспорт фожиаларида жароҳатланувчи тирик бўлса қандай кетма-кетликда ёрдам кўрсатилади?* Тез ёрдам машинаси келгунга қадар ёки бошқа транспорт воситаси билан олиб кетилгунча шикастланган аҳволи, жароҳатининг оғир ёки енгиллигини баҳолаш керак бўлади. Жароҳатланганда деформация белгилари, қўл-оёқларида ғайриоддий ҳаракатлар бор ёки йўқлиги, яралардан қон кетиши жадаллиги, юрак фаолиятини текшириш лозим. Агар фалокатдан кейин жароҳатланувчидаги организм фаолияти ва ўзини ҳис этиши қониқарли бўлса ҳам, уни яқин орадаги даволаш муассасасига юбориш лозим бўлади. Беморда нафас олиш жараёни бузилган бўлса, оғиз бўшлиғи текшириб кўрилади, қайт қилиш маҳсулотларини салфетка ёки рўмолча орқали чиқариб ташланади. Агар артериал қон кетиши ҳоллари кузатилса, ўша томирнинг юқорироғидан босиб туриш йўли билан қонни тўхтатиб, кейин жгут каби қон тўхтатувчи анжомлардан фойдаланиш мумкин.

Шикастланганда суяк синишлари тўлиқ инкор этилмагунча bemorni юргизиш керак эмас. Кўшимча жароҳатлардан холи бўлиш учун bemor кийимларига тегилмайди, фақат нафас қисилиш каби ҳолатларда кийим ёқаси ва белини бўшатиш, зарур ҳолларда кийимни йиртиш ёки қисман ечиш мумкин. Шикастланган ётқизилгач, яна бир карра нафас йўлларининг ўтказувчанилиги текширилиб, тили орқага тушиб қолса, уни салфетка билан ушлаб тортилади. Агар умуртқанинг бўйин қисми шикастланмаган бўлса, уни ёнга буриш мумкин бўлади.

Нафас олишнинг қайта тўхтаб қолишининг олдини олиб, bemor ёнбошлатиб ётқизилади. Нафас олиш тикланмаса, сунъий нафас

берилади. Бунинг учун бемор боши орқага тортилиб, нафас йўлларидан ҳаво ўтиши таъминланади.

Кўкрак қафасининг очик жароҳати бўлиб ва у орқали ҳаво кираётган бўлса, дарҳол жароҳатни стерил салфетка ёки тозароқ мато ёки ҳеч нарса бўлмаса, кафт билан ёпиш лозим.

Фожия юз берган жойда жароҳатланувчида хаёт учун хавфли ташқи қон кетиш бўлганда уни тўхтатиш керак. Бунинг учун кўпинча дастлаб стерил боғлам қўйилади. Агар бу усул ёрдам бермаса жгут ёки томирни босувчи бошқа усуллар қўлланилади. Жгут сифатида белбоғ, тасма, рўмолча каби анжомлар ишлатилиши мумкин.

---

---

## МУНДАРИЖА

СЎЗ БОШИ.....3

Биринчи тиббий ёрдам қўрсатишнинг асосий принциплари. Ички ишлар органлари фаолиятида тиббий деонтологияни қўллаш.....	5
Мускуллар тизими.....	25
Овқат ҳазм қилиш тизими.....	28
Нафас олиш тизими.....	31
Қон томирлар тизими.....	33
Лимфа тизими.....	36
Сийдик ажратиш тизими.....	37
Кўпайиш аъзолари.....	38
Асад тизими.....	39
Сезги аъзолари.....	41
Антисептика ва асептика.....	43
Қон кетиши.....	54
Қон кетишини тўхтатиш чоралари.....	57
Жароҳатлар.....	71
Термик шикастланишлар. Куйишлар.....	83
Совуқ олиши ва музлаш.....	88
Электр токидан шикастланиш.....	91
Таянч-ҳаракат аъзоларининг шикастланишлари.....	95
Умуртқаларнинг шикастланиши.....	104
Десмургия (иммобилизациянинг асослари ва принциплари).....	116
Боғламларнинг турлари.....	117
Жароҳатланганлар иммобилизацияси ва уларни шифохонагача ташиш (транспортировка қилиш)ни ташкил этиш.....	132
Транспорт иммобилизацияси.....	132
Ўткир жарроҳлик инфекциялари.....	139
Тери ва тери ости ёғ тўқималарининг йирингли касалликлари.....	141
Корин бўшлиғи ва айирув аъзоларининг ўткир касалликлари ҳамда жароҳатлари.....	146
Корин девори ва қорин аъзоларининг шикастланиши.....	148
Корин бўшлиғи аъзоларининг касалликлари.....	149
Айирув аъзоларининг касалликлари ва жароҳатлари.....	154
Ўткир юрак-томир касалликлари ва бронхиал астмада биринчи тиббий ёрдам.....	156

Юқумли касалликларнинг асосий белгилари.....	175
Тери-таносил касалликлари.....	191
Ўта хавфли инфекциялар. Ўта хавфли инфекция ўчоқларида профилактика усуллари.....	209
Эпилептик ва истерик тутқаноқларда ҳамда руҳий касалликларнинг ўткир даврида биринчи ёрдам кўрсатиш.....	218
Хавф туғдирувчи ҳолатлар (чўкиш, бўғилиш ва захарланиш)да ёрдам кўрсатиш.....	232
Ҳушдан кетиш, коллапс ва шокда биринчи ёрдам кўрсатиш.....	239
Экстремал ҳолатлар (клиник ўлим)да ёрдам кўрсатиш.....	246
Тўсатдан бошланган тувиш жараёнида ёрдам кўрсатиш.....	250
Фавқулодда ҳолатлар (ер қимираши, сув тошқини, ўпирилиш ва босиб қолиш)да биринчи тиббий ёрдам кўрсатиш хусусиятлари.....	263
Йўл-транспорт ҳодисаларида биринчи тиббий ёрдам кўрсатиш хусусиятлари.....	276

**Марат Нишанович РИЗАЕВ,**

*Ўзбекистон Республикасида хизмат кўрсатган фан арбоби,  
тиббиёт фанлари доктори, профессор*

**Искандар Рахимович МАВЛЯНОВ,**  
*тиббиёт фанлари доктори, профессор*

**Обид Рамазанович МИРТУРСУНОВ**  
*тиббиёт фанлари номзоди, доцент*

## **БИРИНЧИ ТИББИЙ ЁРДАМ**

**Дарслик**

(Иккинчи нашри)

Муҳаррир С.С. Қосимов  
Техник муҳаррир Д.Х. Хамидулаев

---

Босишига руҳсат этилди 2014 й. Ҳажми 19,0 босма табоқ.  
Тираж нусха. Буюртма №

---

Ўзбекистон Республикаси ИИВ Академияси  
100197, Тошкент ш., Интизор кўч., 68